

I
IN RESCRIPTUM
BENEDICTI XIV.
PONT. MAX.

AD POSTULATA SEPTEM ARCHIEPISCOPI
COMPOSTELLE

JEJUNII LEGEM SPECTANTIA
COMMENTARIUS THEOLOGICUS

AUCTORE

F. DANIELE CONCINA

ORD. PRÆD. SAC. THEOL. LECT.

EDITIO SECUNDA.

Adita est Epistola ejusdem Auctoris ad POLYCARMUM de MONACHATU
B. NICOLAI JUSTINIANI.



VENETIIS, MDCCLV.

APUD SIMONEM OCCHI.

In Via Mercatoria sub Signo Italix. B. 15

SUPERIORUM PERMISSU, AC PRIVILEGIO.

Ex
Bibliod
origina

VENERABILI FRATRI
 ARCHIEPISCOPO COMPOSTELLÆ
 BENEDICTUS PP. XIV.



En. Frater salutem &c. Si Fraternitas tua secum reputabit quot gravissimis & maximis curis promodum obruamur, quantumque, hoc præsertim difficillimo tempore, prorsus Nos teneat imposita tenuitati Nostræ sollicitudo omnium Ecclesiarum, non sane mirabitur, tamdiu sibi procrastinatum fuisse responsum ad eas Litteras, quibus Apostolica auctoritate dissolvendas rogasti obortas

in Hispania disputationes aliquas e duabus nostris Epistolis ad omnes Episcopos superioris Anni 1741. 30. Maji, & 22. Augusti, quibus intra legitimos fines coercuimus invalescentem Ecclesiastici jejunii relaxationem. Potius tibi in mentem veniet cogitare de singulari nostro in religiosissimam Hispanam Ecclesiam amore, unde Nos, immensa licet rerum mole fatigatos, ad expediendum sibi in omni sua perplexitate salutis iter opem nostram præsto habet. Quamquam igitur, dum prænuntiatas Constitutiones edidimus, non aliud propositum Nobis fuerit, ac refrænare paucorum nimis ingenio fidentium Theologorum licentiam, qui opinionum novitate gaudent: nec otium, nec animus Nobis fuerit definire quicquid subtili indagazione deduci possit ex proposita a Nobis jejunandi regula; tamen eximia paterna charitate completimur adeo observantissimos Romanæ Sedis Hispanos, tantique facimus obsecrationes tuas, ut occurrere anxietati vestræ libenter adiecimus animum, & Nos ipsi quæstiones abs te propositas dirimendas constituerimus. Sic autem se habent.

I. Utrum quæ in antedictis Nostriſ Litteris in forma Brevis de unica comestione, & de epulis non permiscendis præſcribuntur, sub gravi etiam præcepto prohibeantur?

Respondemus: Concedentes facultatem vescendi carnibus tempore vespito, sub gravi teneri easdem facultates non aliter dare, quam geminis hisce adiectis conditionibus, videlicet unicæ in diem comestionis, & non permiscendarum epularum. Eos vero, qui hujusmodi facultatibus utuntur, sub gravi ad binas ipsas condiciones implendas obligari.

II. An ii, quibus concessum est vesci carnibus, possint in vespertina refectiuncula ea quantitate carnis vesci, quæ jejulantibus permittitur?

Respondemus: Non licere; sed opus habere, eo cibo, eaque uti portione, quibus utuntur homines jejunantes rectæ meticuloſæ conscientiæ.

III. An qui jejunii tempore vesci carnibus permittuntur, & unica commestatione uti debent, horam jejulantibus præscriptam servare opus habeant? Edicimus, observandam iis esse.

IV. Quenam sint epulæ licitæ, quæ vetantur cum interdictis conjungi?

Respondemus: Epulas licitas pro iis, quibus permittum est carnes comedere, esse carnes ipsas: epulas interdictas esse pisces, adeoque utrumque simul adhiberi non posse. Piscibus tamen edendis non interdicuntur ii, quibus datur tantum facultas adhibendi ova, & lacticia.

V. An præceptum de utroque epularum genere non miscendo, dies quoque Dominicos Quadragesimales complectatur? Affirmatur complecti.

VI. Utrum hæc lex ad eos quoque pertineat, qui ex Bulla Cruciatæ edere possunt ova, & lacticina?

Rescribimus: Nihil in prænunciatis Nostriſ Apostolicis Litteris statutum esse, quod respiciat gratiosum Cruciatæ Diploma. Quare qui eo gaudent, illius tenorem stricte, & considerate perpendant, ex ejusque sententia se gerant. Caveant autem, ne inani quapiam excusatione se se solutos esse arbitrentur præscriptis ibi legibus.

VII. Utrum memorata duo præcepta urgeant extra Quadragesimam?

Respondetur: urgere extra Quadragesimam utrumque præceptum: illud scilicet unicæ comestionis cum reliquis legibus in secundo, & tertio ad hæc postulata responſo expressis: & alterum non permiscendi epulas licitas cum interdictis, ut in quarto postulato definitum est.

Habeas, Venerabilis Frater, penitus explicatum quicquid apud Vos ex nostris sæpius nuncupatis Apostolicis Litteris dubitationem attulisse scribis. Qua quidem in re laudavimus consilium tuum interrogandæ supremæ Romanæ Sedis, ut libero, & non vacillanti gressu ad Oves sana doctrina imbuendas incedere Pastores queant: in istoque tuo suscepto consilio agnovimus Hispanam religionem, nihil sibi tutum, nisi e Divi Petri Cathedra acceptum, reputantem; qua splendidissima gloria tantum nomen, & incorruptæ Fidei fructum Hispania sibi peperit. Cavendum autem vobis est (idque plurimum ad te pertinet, qui illustris Archiepiscopi, & Inquisitoris geris præcipuum munus) ne in expendendis Apostolicæ Sedis Constitutionibus pro nimia exhauriendi argumenti sollicitudine nullus fiat differendi, ambigendique modus. Sedula deinde opera conferenda, ut istiusmodi dubia, quæ facile, pro ingeniorum varietate, disputando emergunt, penitus inter vos dirimantur, ne diuturna unquam disceptatione fluctuent animi, præsertim cum Constitutiones ipsæ Apostolicæ scopum, quo tendunt, aperte demonstrant, & illuc prompte dirigi potest quicquid dubitando inturbare videatur. Id si animadvertissent qui de præsentī negotio plura dubitarunt, nondum sibi exsolvisent. Patebat enim, nihil aliud Nobis in animo fuisse, quam cohibere vivida nonnullorum Theologorum ingenia, qui nimium sacri jejunii fines prætergressi, & non parum obliti, illud ad retinendum in officio corpus divinitus institutum, hosti huic spiritus insensissimo blandiebantur. Statim siquidem comperissent quid in propositis quæstionibus constituendum esset, nec sibi molestiam exhibuissent, nec Nobis, quos gravissimæ undique circumstant curæ, non parum temporis occupassent, quod tamen pro singulari nostro in vestram gentem, studio, atque amore libenter impendimus ad rectum vobis iter monstrandum, in posterum simul præcavescentes, quomodo in hujusmodi quæstionibus firmare gressus vestros in promptu sit. Reliquum est, Ven. Frater, ut tibi, quod facimus ex animo, præcipuæ benevolentię nostræ pignus Apostolicam benedictionem peramanter impertiamur.

Datum &c. 8. Julii 1744.

I N D E X CAPITULORUM.

CAPUT I.

Necessitas, ratioque scribendi. Pag. 1.

darum carniū sacre inedia tempore
adjiendam esse limitationem unice
comestioni. Pag. 17

CAPUT II.

§. IV.

POSTULATUM I.

„ Utrum quæ in antedictis nostris
„ Litteris in forma Brevis de unica
„ comestione, & de epulis non per-
„ missendis præscribitur, sub gravi
„ etiam prohibeantur. §

Peccant mortaliter, qui dispensati in
esu carniū simul cum carnis pi-
scis comedunt. Peccarent quoque, qui
utraq; has epulas licitas & illicitas
permitterent. Idque Patrum testimo-
nium, & rationum momentis evinci-
tur. 21

§. I.

Momenta propositi Quæsti excitant-
di, solutione, que petenda. ibid.

Decretorum Synodaliū Hispaniarum
suffragio nostra sententia firmatur. La-
xa, & festiva quorundam Casuistarum
doctrina. 30

§. II.

RESCRIPT. PONTIF.

§. VI.

„ Respondemus. Concedentes fa-
„ cultatem vescendi carnis tem-
„ pore vetito, sub gravi teneri eaf-
„ dem facultates non aliter dare,
„ quam geminis hisce adjectis con-
„ ditionibus: videlicet unice in diem
„ comestioni, & non permiscen-
„ darum epularum. Eos vero, qui
„ hujusmodi facultatibus utuntur,
„ sub gravi ad binas ipsas condi-
„ tiones implendas obligati. „

CONSECTARIUM I.

In Pontificio Rescripto jure ac merito
sub gravi præcipitur secunda non per-
miscendarum epularum conditio. Scrup-
pulose objectiuncule exsufflantur. Nul-
la jam est adversæ opinionis Probabi-
litas. 34

CAPUT III.

In recensito Pontificio Responso nihil
novi oneris imponitur, sed vetus de-
claratur: idque præscribitur, quod ju-
ste dispensationis Regule exigunt. 9

Dispensationes hodiernæ carniū e-
dentiarum sacro Quadragesimali tem-
pore concessæ, maxima in parte nul-
læ sunt ob defectum legitimæ causæ. 38

§. I.

„ Diluitur postremum argumentum §. I.
propositum, atque evidentiū ostendi-
tur, sub gravi culpa concessioni eden-

Rationum momenta adversus hodiernas
carniū edendarum in Quadragesima
concessionēs. Medicorum, & Paro-
rum facilitas criminosa. 39

§. II.

§. II.

Christianorum præjudicia. Edulia esurialia non sunt noxia, sed consentanea sanitati. Pag. 46

§. III.

Medicorum scholæ, Parochorum dispensationes communiter a culpa non eximunt dispensatos. 51

CAPUT IV.

POSTULATUM II.

„An ii, quibus concessum est
vesci carnibus, possint in vesper-
tina refectiuncula ea quantitate
earnis vesci, quæ jejunantibus
permittitur.

§. I.

Rationes excitanda quasiuncula. 57

§. II.

RESCRIPT. PONTIF.

„Respondemus: non licere, sed
opus habere, eo cibo, eaque
uti portione, quibus utuntur ho-
mines jejunantes rectæ meticulo-
sæ conscientiæ.

*Origo, & progressus vespertinae col-
lationis.* 61

§. III.

*Casusistarum placita super cibi quan-
titate sumenda in collatione vesperti-
na.* 64

§. IV.

*Brevis animadversio in recensitas opi-
niones.* 69

§. V.

RESPONSUM PONTIFICIUM.

*Excludens carniarum esum a col-
latione vespertina invidis argumentis
evinctur consentaneum tum antiquæ,
tum hodiernæ discipline. Nec ipsi la-
tiores Casuistæ repugnant, inimacom-*

*muni assensione hoc idem docent, &
potissimum Theologi Hispani.* Pag. 71

§. VI.

RESCRIPT. PONTIF.

„Sed opus habere, eo cibo, ea-
que uti portione, quibus utuntur
homines jejunantes rectæ meti-
culosæ conscientiæ.

*Qualitas & quantitas cibi sumendæ
in collatione vespertina.* 80

CAPUT V.

POSTULATUM III.

„An qui jejunii tempore vesci
carnibus permittitur, & unica
comestione uti debent, horam
jejunantibus præscriptam servare
opus habeant?

§. I.

*Rationes, quæ præfatæ questioni
viam aperire fortasse potuerunt.* 82

§. II.

RESCRIPT. PONTIF.

„Edicimus observandam iis ef-
se „Hora solvendæ jejunii Eccle-
siastici est præter propter meridia-
na.

CAPUT VI.

POSTULATUM IV.

„Quænam sint epulæ licitæ, quæ
vetantur cum interdictis con-
jun-

§. I.

Proponendæ quasiuncula momenta.
a 4 §. II.

§. II.

RESCRIP. PONTIF.

„ Respondemus : Epulas licitas
 „ pro iis, quibus permiffum est car-
 „ nes comedere, effe carnes ipfas :
 „ Epulas interdictas effe pifces,
 „ adeoque utrumque fimul adhibe-
 „ ri non poffe. Pifcibus tamen e-
 „ dendis non interdicuntur ii, qui-
 „ bus datur tantum facultas adhi-
 „ bendi ova, & lacticia. „

*Quibus permiffa funt jejunorum tem-
 pore lacticia, non prohibentur pifces.
 Rationes dubitandi refolvuntur. 93*

§. III.

RESCRIPT. PONTIF.

„ Respondemus : Epulas licitas
 „ pro iis, quibus permiffum eft car-
 „ nes comedere, effe carnes ipfas. „
 „ Epulae licite Difpenfatis permiffae,
 „ funt carnes falubres. Peccant qui quo-
 „ cumque carnum etiam infalubrium
 „ genere vefcuntur. 101

CAPUT VII.

POSTULATUM V.

„ An præceptum de utroque epu-
 „ larum genere non mifcendo dies
 „ quoque Dominicos Quadragefi-
 „ males complectatur?

Affirmatur completti.

§. I.

Dubitandi conjecturae indicantur. 106

§. II.

*Præceptum de non permifcendis epu-
 lis jure complectitur dies Dominicos
 æque ac ferias Quadragefimæ. 108*

CAPUT VIII.

POSTULATUM VI.

„ Utrum hæc lex ad eos quo-
 „ que pertineat, qui ex Bulla Cru-
 „ ciatæ edere poffunt ova & lacti-
 „ cinia. „

„ Refcribimus: Nihil in prænun-
 „ ciatis noftris Apoftolicis Litteris
 „ statutum effe quod refpiciat gra-
 „ tiofum Cruciatæ Diploma. Qua-
 „ re qui eo gaudent illius tenorem
 „ STRICTE, & confiderate per-
 „ pendant, ex ejufque fententia fe
 „ gerant. Caveant autem, ne ina-
 „ ni quapiam excufatione fe fe fo-
 „ lutos effe arbitrentur præfcriptis
 „ ibi legibus. „

§. UNICUS.

*Paucis Quæftrum & Refcriptum
 perfringuntur. 110*

CAPUT IX.

POSTULATUM VII.

„ Utrum memorata duo præce-
 „ pta urgeant extra Quadragefi-
 „ mam? „

§. I.

Dubitandi rationes. 114

§. II.

RESCRIP. PONTIF.

„ Refpondetur: urgere extra Qua-
 „ dragefimam utrumque præceptum,
 „ illud fcilicet unicæ comestionis,
 „ cum reliquis legibus in fecundo,
 „ & tertio adhuc poftulata refpon-
 „ fo expreffis: & alterum non per-
 „ mifcendi epulas licitas cum in-
 „ terdictis, ut in quarto poftulato
 „ definitum eft.

*In cæteris jejniis ab Ecclefia ex-
 tra Quadragefimam præfcriptis obfer-
 vanda funt duo præcepta: unicæ co-
 mestionis, & de non permifcendis utriuf-
 que generis epulis: quantitas & qua-
 litas refpiciunt collationis quadrage-
 fimatis, horaque meridiana. 116*

CA.

CAPUT X.

REScriPT. PONTIF.

„Habeas, Venerabilis Frater,
 „penitus explicatum quidquid apud
 „vos ex nostris sæpius nuncupatis
 „Apostolicis Litteris dubitationem
 „attulisse scribis. Qua quidem in
 „re laudavimus consilium tuum in-
 „terrogandæ supremæ Romanæ Se-
 „dis, ut libero, & non vacillanti
 „gressu ad oves sana doctrina im-
 „buendas incedere Pastores queant,
 „in istoque tuo fuscato consilio
 „agnovimus Hispanam Religionem,
 „nihil sibi tutum nisi e Divi Pe-
 „tri Cathedra acceptum reputan-
 „tem, qua splendidissima gloria
 „tantum nomen & incorruptæ fi-
 „dei Hispania sibi peperit.
 „Obsequium Archiepiscopi in Apostoli-
 „cam Sedem merito commendatur. Res-
 „ponsa Pontificia perspicua summæque
 „Autoritatis. Docilitas tamen, Evan-
 „gelica simplicitas necessaria. Adversæ
 „Recentium Casuistarum opinionis nul-
 „la amplius fruuntur probabilitate.
 „Quæ opponi solent, non esse videlicet
 „eorum opiniones proscripitas, in ante-
 „cessum resiliuntur.

CAPUT XI.

REScriPT. PONTIF.

„Cavendum tamen est, ne in
 „expendendis Apostolicæ Sedis Con-
 „sultationibus pro nimia exhaui-
 „endi argumenti solitudine nullus
 „fiat differendi, ambigendique
 „modus. Sedula deinde opera con-
 „ferenda, ut istiusmodi dubia,
 „quæ facile pro ingeniorum varie-
 „tate disputando emergunt, peni-
 „tus inter vos dirimantur, ne diu-
 „turna unquam disceptatione flum-
 „tuent animi, præsertim, cum
 „constitutiones ipsæ Apostolicæ Ico-

„nium, quot tendunt, aperte demo-
 „strent, & illuc prompte dirigi
 „potest quicquid dubitando inter-
 „turbare videatur. Id si animad-
 „vertissent, qui de præsentis nego-
 „tio plura dubitarunt, nodum li-
 „bi exolvissent. Patebat enim ni-
 „hil aliud Nobis in animo fuisse,
 „quam cohibere vivida nonnullorum
 „Theologorum ingenia, qui nimium
 „facti jejunii fines prætergressi, &
 „non parum oblitri, illud ad retinen-
 „dum in officio corpus Divinitus
 „institutum, hosti huius spiritus in-
 „sensibilissimo blandiebantur. Statim
 „liquidem comperissent quid in
 „propositis quæstionibus constituen-
 „dum esset, nec sibi molestiam ex-
 „hibuissent, nec Nobis, quos gra-
 „vissimæ undique circumstantiæ cu-
 „ræ, non parum temporis occu-
 „passent &c.

§. I.

Documenta saluberrima in ultimo
 Rescripti Pontificii membro contenta
 explicantur. Consecraria ex nimia de
 jejuniis disputandi sollicitudine. 123

§. II.

Paralellus, in quo nonnullorum Re-
 centium Theologorum opiniones de je-
 juniis cum Patrum Doctrina conferun-
 tur. 129

§. III.

Recentiores non pauci absolunt fe-
 re omnes mulieres a jejuniis lege. 130

§. IV.

Nonnulli Theologi Recentiores a je-
 juniis absolunt circiter 50. hominum
 status, id est fere omnes. 133

§. V.

Adhortatio ad jejunium. Funesta
 Christianorum illuso, quod non distin-
 guunt litteram legis jejunii ab ejusdem
 spiritu. Ab illa, non hoc, Ecclesiæ
 dispensare valet. 138

APPRO-

A P P R O B A T I O —

Illustrissimi, & Reverendissimi DD.

SILVESTRI EPISCOPI PORPHIRIENSIS

Et Sacrarii Apostolici Præfecti.

VIR Doctissimus. P. Daniel Concina Ordinis Prædicatorum, quem alias Probabilistarum, quos dicunt, flagellum appellare consuevi, in Opere, quod novissime inscripsit &c. *In rescriptum Benedicti XIV. P. M. ad postulata septem Archiepiscopi Compostellæ Jejunii legem spectantia Commentarius* &c. tanta eruditionis copia, tanta ingenii vi propositum exequitur, & effrænes quorundam Recentiorum opiniones circa Dispensatorum Jejunium refellit, ut plane gaudendum sit, & D. O. M. gratiæ agendæ sint quam plurimæ, talem ævo nostro datum fuisse Pontificem Zelo, Integritate, Judicio, Doctrinaque Summum, qui puriorem eo in capite disciplinam, edita Lege, instauraret, & depravatis prædictorum Dispensatorum moribus tamdiu optatum modum imponeret.

Dabam pro Censuræ nuncupati Operis ex ædibus in Palatio Quirinali die 3. Decembris, 1744.

*F. Silvester Episcopus Porphiriensis. & Sacrarii
Apostolici Præfectus.*

NOT

NOI RIFORMATORI

Dello Studio di Padoa.

A Vendo veduto per la Fede di Revisione, ed Approvazione del P. *Fra Paolo Tommaso Manuelli Inquisitore di Venezia*, nel Libro Intitolato: *In Rescriptum Benedicti XIV. P. M. ad postulata &c. Theologicus Commentarius*, non v'essere cos'alcuna contro la Santa Fede Cattolica; e parimente per attestato del Segretario Nostro, niente contra Principi, e buoni costumi, concediamo licenza a *Simone Occhi Stampatore in Venezia*, che possa essere stampato, osservando gli ordini in materia di stampe, e presentando le solite copie alle pubbliche Librerie di Venezia, e di Padoa.

Data li 6. Marzo 1745.

(Gio: Pietro Pasqualigo Riformator.

(Gio: Emo Procurator Reformator.

(

Registrato in Libro a Carte 1. N. 1.

Adi 23. detto

Registrato nel Magistr. Eccellentiss. degl'
Esecutori contro la Bestemia.

Alvise Legrenzi Segretario.

Michel Angelo Marino Segretario.

COM-

*Venerabilibus Fratribus Patriarchis, Primatibus, Metropolitanis, Archiepiscopis, & Episcopis universis gratiam
& communionem Sedis Apostolicæ habentibus.*

B E N E D I C T U S

P A P A X I V .

VENERABILES FRATRES SALUTEM ET
APOSTOLICAM BENEDICTIONEM

Non ambigimus, Venerabiles Fratres, quin universis Catholicæ Religionis cultoribus notum sit, a tota per Christianum Orbem Ecclesia inter præcipua Orthodoxæ Disciplinae capita perpetuo adnumeratum retineri Quadragesimale jejunium, quod olim in Lege & Prophetis primitus adumbratum, ipsius Domini nostri Jesu Christi exemplo veluti consecratum, ab Apostolis traditum, a sacris Canonibus utique præscriptum, & ab universali Ecclesia, ab ipso sui primordio retentum & observatum est. Hoc nimirum, ut veteres tradidere Patres, nobis quotidie peccantibus communis penitentiae constituto remedio, per consortium Crucis Christi nos etiam aliquid in eo, quod ipse propter nos prælitit, agimus; simulque ad recolenda sacratiora Redemptionis nostræ mysteria, quæ per Dominicæ Passionis, ac Resurrectionis memoriam, Quadragesimali potissimum tempore solemnius celebrantur, purificatis jejunio corporibus & animis dignius paramur. Hoc veluti nostræ militiæ tessera ab inimicis Crucis Christi secernimur, flagella Divinæ ultionis avertimus, & cælesti præsidio in dies adversus Principes tenebrarum munimur. Hoc despectui habito non contemnendum Divinæ gloriæ detrimentum, non leve Catholicæ Religioni dedecus, nec dubium animabus Christi fidelium periculum oboritur: nec aliunde populis calamitates, rebusque publicis & privatis cladem exitiumque importatum esse constat. Ab hac vero insita in hærentique in omnium Catholicorum hominum animis de sacratissima quadragesima, aliisque diebus jejunio consecratis persuasione & reverentia, quam aliena, quam discors, quam absconsa sit hodierna jejuniantium consuetudo, quantum ab ipsa jejuniorum institutione, & servata semper, ubique, & ab omnibus Disciplina quam longissime distet; Vos, Venerabiles Fratres, qui populorum curæ vestræ commissorum mores, & usus probe nostis, pro singulari sapientia vestra præ cæteris clarius intelligitis. Nos sane, quibus in hac sublimi Apostolicæ procurationis Specula constitutis undique gentium nuntii afferuntur, lacrymis satis deplorare non possumus, augustissimam Quadragesimalis jejunii observantiam ob nimiam nullis legitimis urgentibus causis, ubique indiscriminatum dispensandi facilitatem plane sublata esse; ita ut Orthodoxæ quidem Religionis cultores merito querantur; hæresum vero se-

sectatores illudant & exultent. Pernicioſæ huic corruptelæ plurimorum inſuper licentiam adjuñctam eſſe graviter dolemus; quæ uſque adeo invaluit, ut nulla Apoſtolici Inſtituti ſacraſſimique præcepti habita ratione, jejuniorum tempore palam & impune ab iſdem agitentur convivia, & epulæ interdixtæ promiſcue inferantur. Ea propter quemadmodum quibus curis, ſollicitudinibus, & angoribus urgramur, cum Fraternitatibus Veſtris communicamus; ita facere non poſſumus, quia pro injuncto Nobis ſupremo Sacroſancti Apoſtolatus officio, & ardentiffimum Fraternitarum Veſtrarum zelum ad opportuam hiſce malis adhibendum remedium excitemus, & ad congruentes hujusmodi abuſibus penitus extirpandis leges præſcribendas meditetur. Interea, Venerabiles Fratres gaudium & corona noſtra, nobiſcum conſiderantes, nihil Deo acceptius, nihil paſtorali miniſterio noſtro dignius, nihil gregibus curæ noſtræ commiſſis utilius, quam ut verbo & exemplo præceutes, Chriſti fideles ad tam ſalutarem Chriſtianæ pœnitentiæ, & pietatis exercitationem alacrius ſuſcipiendam, conſantiſſime retinendam, & ea, qua inſtituta ſunt, Diſciplina peragendam vehementius inflammemus, omni opera, atque induſtria ſtudeamus, ut fideles in conſpectu Dei per aſturiorem jejuniorum obſervantiam tales permaneant, quales in ipſo Paſchali feſto dignum eſt inveniri. Debitum igitur Paternæ uniſcujuſque Veſtrum ſedulitatis & caritatis officium jure poſtulat, ut omnibus notum faciatis & annuntietis, nemini quidem ſine ſciliſſima cauſa, & de utriuſque Medici conſilio; multitudini vero, veluti populo, aut civitati, aut genti indiſcriminatim integræ, non niſi graviffima, & urgente neceſſitate, & in caſibus per Sacra Canonum ſtatuta præſcriptis cum debita Apoſtolice hujus Sanctæ Sedis reverentia a Quadrageſimali jejunio diſpenſationem toties, quoties opus fuerit, concedendam, nec audacter fidenterque uſurpandam, nec ſuperbe & arroganter ab Eccleſia, ſicut alicubi in more poſitum eſſe accepimus, eſſe poſtulandam. Graviffimam vero urgentemque neceſſitatem, eſſi non eſt, cur Vobis explicemus; nolumus tamen Vos ignorare, cum hujusmodi neceſſitatem, & ſervandam eſſe poſſimum unicam comestitionem, ſicut alias hic Romæ, ac Nos ipſi hoc anno urgentibus cauſis diſpenſantes, expreſſe præſcripſimus, & licitas atque interdixtas Epulas promiſcue minime apponendas eſſe. Porro quemadmodum de ejuſmodi Indulgentiæ tam caute impetienda, ſi ſecus fieret, Nos perſuaſum habemus, diſtriſtam ſupremo Divino Judici redditum iri rationem, ita conſcientiam uniſcujuſque Veſtrum onerandam eſſe ducimus. Inſimul Fraternitates Veſtras rogamus, & in Domino exhortantes, obſecramus, ut populus, qui communem omnium Chriſti fidelium pœnitentiam, ac diſciplinam ſervare nequeant, commovere ſatagatis, ne per alia pietatis opera, ut ſua cuique devotio ſuggeret, peccata ſua expiare, & Deo ſatiſfacere negligant; quinimo ſanandis vulneribus, quibus humana infirmitas ſauciatur, diligenter adhibere ſtudeant curationem, & culpas de mundano pulvere contrahas, dum caſta jejunia decoquere non poſſunt, pia opera, orationum ſuffragia, & eleemoſynæ munera redimant. Interim ſolatium & levamen non leve mœrori noſtro a paſtorali vigilantia, & caritate veſtra præſtolantes, ac certo Nobis pollicentes; Apoſtolicam benedi-

ctio-

tionem cum uberi cœlestium charismatum copia conjunctam in eodem populos vestros redundaturam, Vobis, Venerabiles Fratres, peramanter impertimur. Volumus autem, ut præsentium transumptis sive exemplis etiam impressis manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus ubique fides adhibeatur, quæ præsentibus adhiberetur, & adhiberi posset, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die trigesima Mensis Maji millesimo septingentesimo quadragésimo primo Pontificatus nostri Anno primo.

D. Cardinalis Passioneus

Vene-

*Venerabilibus Fratribus Patriarchis, Primatibus, Metropolitanis, Archiepiscopis, & Episcopis universis gratiam
& communionem Sedis Apostolicæ habentibus.*

B E N E D I C T U S

P A P A X I V.

VENERABILES FRATRES SALUTEM ET
APOSTOLICAM BENEDICTIONEM

IN suprema Universalis Ecclesiæ procuratione, meritis licet imparibus, per ineffabilem divinæ bonitatis abundantiam ut Orthodoxæ Fidei assertores, sic etiam Ecclesiasticæ Disciplina custodes ac vindices constituti, Quadragesimale præsertim Jejunium, quod inter præcipua orthodoxa Disciplina capita semper, & ubique ab ipso Ecclesiæ exordio numeratum esse nemo ex Catholicis inficiatur, ab odierna Jejunantium corruptela vindicare, & in pristinam, quantum, benedicente Domino, fieri posset, observantiam revocare cupientes, per alias nostras in simili forma Brevis litteras ad Fraternitates vestras die xxx. proxime elapsi mensis Maji currentis anni datas eximium Fraternitatum vestrarum zelum excitandum curavimus, ut adlaborare studeretis, ne hac in parte & optatum Apostolicæ nostræ sollicitudinis angoribus levamen, & salutare abolende sacratissimi Jejunii corruptele remedium deesset. Quoniam autem paternæ Pontificiæ caritatis, quæ novit imbecillitates infirmorum sublinere, atque etiam cum infirmantibus infirmari, non immemores, quemadmodum a Jejunio aliquando legitima causa, aut gravissima urgente necessitate exigente dispensandum esse ex apostolica benignitate censuimus; ita inter cætera præscripsimus Unicam Comestionem servandam, & licitas atque interdiktas Epulas minime esse apponendas. Hinc factum esse accepimus, quod non desuerunt qui per humanas & hominibus a Christiana penitentia abhorrentibus dumtaxat dignas illationes sibi aliisque persueant, Unicam potissimum Comestionem servari, atque Epulas licitas & interdiktas minime apponi debere; cum multitudinis quidem indiscriminatim ob urgentem gravissimamque necessitatem, non vero singulis ob legitimam causam & de utriusque Medici consilio dispensatur. Quam sane persuasionem a sententia nostra alienam ut ex omnium animis penitus evellamus, Nos quibuscumque quacumque occasione sive multitudini indiscriminatim ob urgentem gravissimamque necessitatem, sive singulis ob legitimam causam & de utriusque Medici consilio, dummodo nulla certa & periculosa affectæ valetudinis ratio intercedat, & aliter fieri necessario exigat, in Quadragesimæ, aliisque anni Temporibus, & diebus, quibus carniū, ovorum, & laticiniorum usus est prohibitus, dispensari contigerit, ab omnibus omnino, nemine excepto, Unicam Comestionem servandam, & licitas atque

interdictas Epulas minime esse apponendas tenore præsentium *declaramus & edicimus*; quemadmodum per singulas nostras in pari forma Brevis litteras singulis utriusque sexus Christianissimis ob corporis infirmitates, quibus obnoxii reperiuntur, in sacratissima Quadragesima allisque Jejunio consecratis diebus vescendi prohibitis licentiam dantes, unicuique *expresse præscribimus atque præcipimus*. Ea propter Fraternitates vestras rogamus, atque in Domino obsecramus, ut populos vestræ curæ commissos ad tam opportunum sanandis vulneribus, quibus per humanam infirmitatem quisque sauciatur, sanctissimi Jejuniæ remedium alacriter adhibendum cohortantes, sedulo ac paterne moneatis, rem agi non quidem exiguum, sed longe gravissimam de observando sustinendoque Jejunio purificandis animis corporibusque saluari. In spem igitur illos erigite cælestium præmiorum, quibus assequendis non sunt condignæ passionibus hujus temporis; imo leve ac momentaneum non tribulationis, sed modicæ abstinentiæ nostræ incommodum magnum gloriæ pondus operatur in Cælis. Ab omnibus se abstinere, qui in agone contendunt, ut corruptibilem coronam accipiant; pudeat tam imbelles ac delicatos christianæ militiæ milites refugientes a consortio Crucis Christi, qui coronam legitime certantibus propositam sperare præcipit incorruptam; ad cujus auspiciū & pignus Fraternitatibus vestris Apostolicam benedictionem isdem etiam populis vestris nostro nomine impertiendam peramanter elargimur. Volumus autem, ut præsentium transumptis sive exemplis etiam impressis manu alicujus Notarii publici subscriptis, & Sigillo personæ in dignitate Ecclesiastica constitutæ munitis eadem prorsus ubique fides adhibeatur, quæ præsentibus adhiberetur, & adhiberi posset, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die vigesima secunda mensis Augusti millesimo septingentesimo quadragésimo primo Pontificatus Nostri Anno Secundo.

D. Cardinalis Passioneus.

COM-

COMMENTARIUS
THEOLOGICO-MORALIS
IN RESCRIPTUM PONTIFICIUM
BENEDICTI XIV.

FEL. REGNANTIS

A D


Postulata septem Archiepiscopi Compostellæ

SUPER

Nonnullis difficultatibus legem jejunii spectantibus.

CAPUT PRIMUM.

Necessitas, ratioque scribendi.

I.  TIAM ne de jejunio Disputatio, post duo Pontificia Diplomata edita anno 1741. *Non Ambigimus, & In Suprema;* post commentatios in eadem evulgatos: post demum omnium Catholicæ Ecclesiæ Episcoporum Edicta ad ejusdem jejunii observationem, & cultum instaurandum, promovendumque lata? An tempestate nostra cum Magno Basilio canere non licet? *Nec ulla est insula, nec ulla terra continens, non civitas, non gens ulla, non extremus Mundi angulus, ubi non sit auditum jejunii Edictum. Quin, & exercitus, & viatores, & nautæ, & negotiatores omnes pariter audiunt Edictum, & summo gaudio excipiunt. Orat. 2.* Quid itaque iterum de jejunio disputando, plus molestiæ auribus exhibes nostris, quam patiatur jejunando palatum? *Æquissimæ quærimoniæ, meritiæque censuræ, si voluntatis, non necessitatis sermo esset. Jurassem ipse, nunquam me in posterum de jejunio verba facturum post duo edita hocce de argumento scripta. At sic erat in fatis, ut denuo vel*

A

invitus

invitus hanc susceperem provinciam. Parendum enim fuit quibus & religio, & vota, & grati animi leges jubent. Quare spero fore, ut & benevolos objurgatores placare, & invidos vituperatores refellere valeam, ut alteros reprehendisse pœniteat, alteri se didicisse gaudeant.

II. Et primum, ut ab indicatis censuris hancce oppellam vindicem meam, scribendi necessitas, occasioque patefacienda. Evulgatis præfatis Apostolicis Litteris, contraria super earundem intelligentia prodire interpretamenta, in insigni Hispaniarum Compostellana Diœcesi, orta dissidia, institutæ disputationes. Has tanti fecit prudentissimus, atque illustrissimus Archipræsul Compostellæ, ut expediens minime judicaverit, eas ipse componere solus; sed, ut in gravioris momenti controversiis consuetudo semper obtinuit, ad Apostolicam Sedem supremum veritatis Tribunal causam detulit, & Postulata septem Sanctissimo Pontifici BENEDICTO XIV. dirimenda subiecit. Deliberationem obsequii, & maturitatis plenissimam ratam, probatamque habuit Pontifex Summus, qui in suo Rescripto & præstantissimi Archiepiscopi, & universæ inclytæ Hispanæ gentis pietatem, zelum, & Religionem, secundum Deum, erga Divi Petri Cathedralam commendavit. his verbis: *Qua quidem in re laudavimus consilium tuum interrogandæ Supremæ Romanæ Sedis, ut libero, & non vacillanti gressu ad oves sana doctrina imbuendas incedere Pastores queant, in istoque tuo suscepto Consilio agnovimus Hispanam Religionem nihil sibi tutum, nisi e Divi Petri Cathedra acceptum reputantem; quæ splendidissima gloria tantum nomen, & incorruptæ fidei fructum Hispania sibi peperit.* Si magnum est a magno viro laudari, gloriæ, & ornamento vestere sibi jure valet Archipræsul Compostellanus, & generosa Hispana Natio splendidissimum elogium a Sapientissimo Pontifice impertitum.

III. Ad Postulata quod attinet, quamquam Pontifex Maximus immensa negotiorum mole pene obrutus, atque inter sævissimas universæ Europæ ad sui internecionem conspirantis procellas Petri navim dirigere occupatus, non propterea illa dissimulavit, sed singulis singula Responsta luculentissima præbuit. Heinc habes non levem, sed gravem, & illustratione dignam esse causam, quam orandam suscipio. At, inquires, si perspicua sunt, atque comperta Pontificia responsa, inter-

interprete non egent ; & auctoritate summa cum polleant , rationibus firmari haud postulant . Impleri exacta observantia debent , minime in examen vocari . Bene habet . Verum S. Petrus ipse *epif. 1. cap. 3. v. 15.* jubet : *Parati semper ad satisfactionem omni poscenti vos rationem de ea , quæ in vobis est , spe :* Quem textum hoc pacto exponit S. Thomas in commentariis in hanc Epistolam . *Omni poscenti vos , sive fidei , sive infidei , poscenti scilicet ad dicendum , non calumniandum rationem reddere debemus , ut quærentibus rectas causas spei , & fidei intinemus .*

IV. Duo Interpretum genera distinguas , oportet . Unum eorum , qui legis fundamenta exponunt , ut ejusdem observantiam promoveant , atque inculcent . Alterum illorum , qui verba legis aucupantur , ut legem circumveniant , & seipsos , cæterosque a legis onere eximant . Casus , distinctiunculas , quæstiones excitant , disputant , rixantur . Et omnia eo pertinent , ut lex tandem in nihilum occidat . Exempla pervia occurrunt in hac ipsa causa . Primum Diploma *Non Ambigimus* suapte natura perspicuum , exploratumque est , ut ipsi palam fecimus in opere inscripto *la Disciplina Antica , & Moderna &c.* Nihilo secius alterum edere opus fuit inscriptum *In Suprema* ad captiosa labefactanda commenta . Post hæc omnia , en septem excitatæ super utrisque Apostolicis Litteris quæstiones , quæ & Illustrissimo Archiepiscopo molestiam exhibuere , & Pontifici summo gravissimis dissentio curis non parum temporis surripuerunt .

V. Nec mireris super apertissimis Litteris Apostolicis lites , & controversas excitatas esse . Quoniam nulla lex fuit unquam , eritque in posterum , adeo perspicua , & manifesta , quam in contentionis certamen adducere acuta hominum ingenia nequeant . Legislator quippe communem subditorum felicitatem spectat , eaque præcipit , aut vetat , quæ communiter contingunt . Casus omnes peculiare nemo , quantumvis sapientissimus prævidere , & dirimere in antecessum valet . Quid , quod si occurrere omnibus disputationibus vellent , non Constitutiones , aut Bullas , vel Litteras , sed ingentia volumina edere Pontifices , & Legislatores deberent . Et tum confusionem majorem , atque incredibilem inveharent . Nam si brevis , & clara constitutio vividis ingeniis viriliter indagandi , & contendendi occasio est ; quem vastum , interminatumque

pisputandi campum non aperirent prolixæ, & pluribus distinctionibus, & casibus involutæ leges? Quare sapientissime S. Thomas docet, haud expedire, ut Legislator, etiamsi posset, omnes casus exprimeret. Dicendum, quod nullius hominis sapientia tanta est, ut possit omnes singulares casus excogitare: Et ideo non potest sufficienter per verba sua exprimere ea, quæ conveniunt ad finem intentum: Et si posset legislator omnes casus considerare, non oporteret, ut omnes exprimeret, propter confusionem vitandam: sed legem ferre deberet secundum ea, quæ in pluribus accidunt. 1. 2. q. 96. a. 6. Regulam prudentis, & sinceræ interpretationis ibidem Angelicus ex S. Hilario subministrat. Spiritum legis, & scopum, quo potissimum lex spectat, diligentissime considerandum admonet, & nos infra ostendemus. Si quis verborum apices perscrutari velit, neglecto legis spiritu & fine, nullus erit contentionis modus. *Intelligentia dictorum ex causa est assumenda dicendi; quia non sermoni res, sed rei debet esse sermo subiectus. Ergo magis est attendendum ad causam, quæ movit legislatorem, quam ad ipsa verba legis.* Sed de his plura sub finem commentarioli nostri, ubi palam fiet, simplicitatem, atque docilitatem necessariam esse ad veram legis intelligentiam assequendam. Vix de lege controversantur, qui sincero implendæ legis desiderio flagrant. Sed ii acriter de lege disputant, & innumeras super legitimo legis sensu sophisticas argumentationes, & difficultates movent, quibus legis solvere pensum displicet. Hi cum cavillari verba legis nequeunt, legislatoris intentionem & finem in discrimen adducunt, & ad sua interpretamenta detorquere omnia student. Si quid ergo fastidii, si quid molestitæ tibi allatura sit hæc repetita de jejunio disputatio, id non in præclarissimum Archiepiscopum Compostellanum, qui, ut contentionibus finem imponeret, supremum adiit Tribunal: non in me, omnia alia præter sermonem de jejunio cogitantem, regeas velim; sed in illos dumtaxat, qui has quæstiones suscitaverunt, atque ad easdem refellendas coegerunt.

VI. Paucis consilium meum habeto. Tametsi Pontificia Responsa clara, pervia, atque evidentia sint, tamen si ex præteritis ominari futura licet, non deerunt qui aut nimii rigoris eadem causentur, aut veluti arbitraria traducant. Quapropter operæ pretium me facturum existimavi; si inconcussa, quibus vertuntur, fundamenta manifestavero.

Illuc

Illuc omnis mea tendet oratio, ut evincam talia Pontificem Summum propositis sibi quæsitis præbuisse responsa, qualia & legis natura, & justæ dispensationis regulæ necessario postulabant. Nil novi oneris Pontifex in suis responsis præscribit, sed id declarat, quod sacræ inediæ, temperantiæ, & sobrietatis leges præcipiunt. Hæc de genere universo: mox sigillatim omnia expendam.

C A P U T II.

„ Utrum quæ in antedictis nostris Litteris *in forma Brevis*
 „ de unica comestione, & de epulis non permiscendis
 „ præscribuntur, *sub gravi* etiam prohibeantur.

I. **O**Rdo in hoc nostro commentario servandus ejusmodi erit. Antequam Pontificium Rescriptum exponam, rationes, quæ quæstiunculis excitandis occasionem, quatenus conjicere mihi licuit, dedere, in medium afferam. Post, Responsa Pontificia adjiciam, & quam firmis, atque inconcussis sint nixa momentis, palam fiet. Hac via non auctoritate modo, verum etiam rationum vi, lectorum mentes in obsequium subigam veritatis. Rem ipsam ingredior.

§. I.

Momenta propositi Quæsitæ excitandi, solutionisque petendæ.

II. **D**UO in *Quæstio* proposito resolvenda. Alterum, sitne unica comestura cum esu carniū conjungenda sub gravi præcepto in litteris Apostolicis præscripta? Alterum, prohibeatur ne sub gravi itidem præcepto cum illicitis epulas permiscere licitas? Momenta de his duobus controversandi sunt, nisi conjectura aberrem, quæ sequuntur.

III. Et ad primum quod attinet, nonnullis minorum gentium Auditoribus, recentibusque Scriptoribus visum est, carniū esum cum jejunii lege sociari minime posse. Jejunium enim, inquit illi, conflatum quoddam metaphysicum est, seu *ens individuum*. Ergo potiori sublatâ parte, tota corruat jejunii natura oportet. Potior autem pars,

seu forma substantialis jejunii, abstinentia a carnibus est. Ergo usu carniū concessio, tota aufertur jejunii essentia. Nequeunt itaque Superiores unum sine altero concedere; quoniam haud est in eorundem potestate rerum permutare naturas. Hac munitus ratione P. Andreas Mendo contendit, Gregorium XIII. in privilegio carniū edendarum Hispanis concessio, non jussisse unicam servandam comesturam, quod, aut jejunii naturam permutasset, aut novam jejunii formam invexisset. Hæc sunt recentis Theologi verba. *Pontifex in presenti non instituit de novo aliquam jejunii essentiam: alioquin vel mutasset ejusmodi essentiam, cujus constitutivum est abstinentia a carnibus, ut diximus cap. 1. vel auxisset formam jejunii, duplicem constituendo: aliam quæ adhuc erat, aliam quam denuo instituit, primam immutatam relinquens: utrumque autem est absurdum, & non auditum. Disput. 17. cap. 2. n. 11.* Hæc est prima, & unica ratio ab intimis rei principiis arcessita.

IV. Accedit, quod si Superior ab esurialibus escis dispensans, præciperet unicam Refectionem, nihil jejunii imposeret. Hoc quippe jejunii nomen toti, non parti convenit. Ergo prostrato toto composito, unica pars totius nomen subire minime valet. Numquid dempta anima rationali, hominem appellabis cadaver?

V. Postremam disputandi rationem ab ipsis Litteris Apostolicis repetere student. Tametsi, inquit, concedatur, posse Pontificem esum carniū impertiri, præscripta jejunii forma, id tamen minime præcepit BENEDICTUS XIV. in suis Apostolicis Litteris. Idque hoc pacto evincunt. In primo Diplomate Pontificio inscripto: *Non Ambigimus*, verba non habentur, quæ præceptum prodant. Minime quippe hæc leguntur: *Jubemus, præcipimus, imperamus. Teneantur omnes. Obligentur omnes. Prohibemus. Nemini liceat, & id genus similia.* Accedit, quod etiamsi in secundo Diplomate Apostolico verbum *præcipimus* occurrat, non propterea infertur edici præceptum: aut si præceptum præscribatur, non continuo colligitur, illud sub gravi culpa onus imponere, ut docent Juniores non pauci. Unius, præ cæteris, rescribere verba sufficiat, nempe P. Thomæ Tamburini inquisitis Meth. Commun. cap. 4. num. 49. & 50. „ Doctores querunt universaliter, an verba imperativi „ Modi, & in actu exercito præceptum indicantia, absolute prolata „ præ-

„ præceptum contineant, qualia sunt: *Facite . Solvite . Abstineant omnes .*
 „ *Nemo audeat* , & his æquipollentia . Et primo sunt alii , qui putant
 „ *Probabiliter* hæc nequaquam continere præceptum , sed *confilium* . . .
 „ Alii secundo *probabiliter* censent quidem præceptum contineri , sed
 „ *solum sub veniali* , non autem *sub mortali* . Alii denique tertio *Probabi-*
 „ *liter* dicunt prædicta imperativa verba , tunc solum præcepta indica-
 „ re *sub mortali* quando sunt in materia gravi Si sequamur *pri-*
 „ *mam* opinionem , non inveniemus , nisi *confilium* Si sequamur
 „ *Secundam* , non erit obligatio , nisi sub veniali . Si sequamur *tertiam*
 „ non erit mortale , quia , ut probabimus , materia in casu nostro non
 „ est gravis .

„ Secundo . In casu dubio , an verba aliqua legis præceptum obligans
 „ importent , an *confilium* ; tanquam Regulam certam ponunt Docto-
 „ res reputanda esse *confilia* , & non præcepta : & ratio est , quia cum
 „ lex sit gravis , & onerosa , semper in benigniorem partem est inter-
 „ pretanda . Adde , quod in dubio melior est conditio possidentis . Er-
 „ go in dubio , lex ne sit obligans , aut non obligans , melior erit con-
 „ ditio humanæ libertatis . „

VI. Paucioribus verbis rem totam dirimunt alii inquirentes : præcep-
 tum de quo in utramque partem disputant Theologi , non est præcep-
 tum . Disputatur autem , utrum præfata Pontificia Diplomata sub gra-
 vi noxa unicam comesturam imponant : & quidem adeo acris arsit con-
 tentio , ut Archiepiscopus Compostellanus coactus fuerit ad Supremum
 Tribunal litem deferre , iudiciumque implorare . Nullum ergo præcep-
 tum est , lex nulla . Lex enim dubbia non est lex . Dubia vero est ,
 dum in controversiam a Theologis vocatur .

VII. Non minori contentione æstu disputant Casuistæ super secunda
quæsti parte , de permiscendis cum vêtitis licitis epulis . Negantem
 sententiam tenuisse Navarrum adfirmant P. Vincentius Filliucius , Trul-
 lenchus , Fagundez , Villalobos , Diana . Sed male omnes , inquit P.
 Leander a Sanctissimo Sacramento tract. 5. disp. 2. q. 29. Nec falso id
 asserit Leander , nam reapse Navarrus hanc quæstionem non versat
 tom. 1. Confil. 5. n. 2.

VIII. Adfirmantem sententiam de jejunantium escis cum carnibus ,

jejunii tempore conjungendis propugnant Filliucius *tract.* 27. p. 2. cap. 3. num. 55. Fagundez *lib.* 1. de 4. *præcept.* *Eccles.* cap. 2. Reginaldus *lib.* 4. cap. 14. Azorius *lib.* 7. cap. 10. q. 5. Diana *tom.* 4. *tract.* 6. Ref. 77. Trullenchus *lib.* 3. in *Decal.* cap. 2. dub. 2. Villalobos *tract.* 23. diff. 8. & alii, quos allegat *Leander*. Sed minus exacte, nam aliqui, ut Azorius, lacticiniorum tantum cibum cum piscibus permisceri licite posse asserunt.

IX. Sed rationem audiamus, qua Recentes isti Theologi sacre abstinentiæ tempore utraque epulas licitas, veritasque manducari indiscriminatim posse contendunt. Ne iisdem imponere videar, verba transcribo ejusdem *Leandri loco cit.* inquiringis. „ Sed tanquam *mibi certum* respon- „ deo, posse: quia qui dispensat, ut quis possit in diebus prohibitis „ comedere carnes, nullo modo prohibet, ne simul cum illis comedat „ pisces: ergo cum alias horum comestio sit licita, in ipsismet diebus, „ in quibus prohibentur carnes, licite poterit carnes, & pisces simul „ comedere, si alias ex comestione piscium non proveniat comedenti „ aliquod damnum. „

X. Limitatio isthæc minime arridet P. Thomæ Tamburino. Piscium epulæ noceant comedenti. Quid heinc? In temperantiam is, secus in jejunii legem peccabit. Sic ille scribit *lib.* 4. in *Decalog.* cap. 9. num. 6. „ Quarto dispensatus ad carnes, potest simul comedere pisces, quia „ nulla lex adest, quæ hæc simul comedere prohibeat. *Quod* si saluti „ noceant, fiet quidem contra temperantiam, non vero contra legem „ Ecclesiasticam jejunii. „

XI. Hæc sunt rationum momenta, quæ suadere videntur, nec unicam comesturam sub mortifera noxa præcipi iis, qui carnibus ex dispensatione vescuntur; nec graviter epularum permixtionem interdicti.

§. II.

R E S C R I P T. P O N T I F.

- „ Respondemus : concedentes facultatem vescendi carnibus
 „ tempore vetito, sub gravi teneri easdem facultates non
 „ aliter dare, quam geminis hisce adjectis conditionibus:
 „ videlicet unicæ in diem comestionis, & non permiscen-
 „ darum epularum. Eos vero, qui hujusmodi facultati-
 „ bus utuntur, sub gravi ad binas iplas condiciones im-
 „ plendas obligari,,.

*In recensio Pontificio responso nihil novi oneris imponitur, sed vetus
 declaratur: idque præscribitur, quod justæ dispensationis
 Regulæ necessario exigunt.*

XII. **P**ontificium Responsum adeo planum est, atque exploratum, ut nulla valeat vel sophistica argutatione eludi. Bene habet, in-
 quient, fortasse non pauci. At pro supremæ voluntatis arbitrio pote-
 statem impertiendi edendarum carnum licentiam coarctat, angustisque
 terminis circumscribit. *Novum jus* condit, novumque onus hominum
 humeris imponit. Parendum est Legislatori quia jubet, non quod ip-
 sius dispensationis natura id postulet, exigitque.

XIII. Commenta isthæc extremam legislatori invidiam constant, te-
 tricæ severitatis notam illi inurunt, subditorum affectum in eundem
 extenuant, legemque ipsam despicabilem efficiunt. Pugnant enim mu-
 tuo lex, & libertas. Quamobrem nihil intentatum homines negligunt,
 ut vel legis jugum excutiant, vel in Legislatoris nimiam severitatem
 illud regerant. Clementia, mansuetudo, benignitas sunt, inquit,
 characteres optimi Legislatoris, nullaque re Deo, cujus vices gerit,
 propius accedit, quam lenitate, misericordia, atque benignitate in ap-
 tandis suis hominum imbecillitati mandatis. Anticipationes istæ in causâ
 nostra ex illa opinione, quam §. I. descripsi, ortum ducunt. Adeo siqui-
 dem illa inveteraverat, ante duo Regnantis Pontificis BENEDICTI XIV.

Diplo-

Diplomata, inscripta *Non Ambigimus*, & *In Suprema*, ut pro legem haberent benignioris ethices assertores, & vindices, quemadmodum eorum libri testes sunt. Porro, ne se certasse sincere fateantur, novum jus conditum adfirmant. Quod quam sit falsum continuo evincam.

XIV. Eo itaque cum primis tendit oratio nostra, ut palam faciam, Regnantem Pontificem BENEDICTUM XIV. in hoc suo *Rescripto* vetus explicasse, minime novum condidisse jus. Declaravit id, quod & legis vis, & justæ dispensationis natura postulant. Ante hoc Rescriptum tenebantur concedentes facultatem vescendi carnibus præfatas duas conditiones apponere. Si ignorantia & bona fides a crimine excusare tum poterint negligentes, cæteri viderint. Nulla revera nunc opitulatur ignorantia. Hæc ego evincenda suscipio, & nisi me omnia fallunt, evidenter. Quod ut facilius præstem, altius arcessenda sunt & legum, & dispensationum principia.

XV. Legis finis commune subditorum bonum est. Huc lex omnis pertinet, ut communem felicitatem promoveat. Interdum tamen accidit, ut bono communi expediat legem ipsam non observari. Hæc est doctrina S. Thomæ 1. 2. q. 96. a. 4. *Omnis Lex ordinatur ad communem hominum salutem. Contingit autem multoties, quod aliquid observari communi saluti est utile, & in pluribus: quod tamen in aliquibus casibus est maxime nocivum, . . . Unde si emergat casus, in quo observatio talis legis sit damnoxa communi saluti, non est observanda.* Quemadmodum lex, ita & legis relaxatio seu dispensatio bonum commune spectat. Quoniam vita, & sanitas subditorum boni communis naturam ingrediuntur. Sublatis quippe subditis concidit omnis lex. Quoties legis observatio manifeste opposita bono communi est, seu quando subditis graviter noxia est, reipsa cessat, quia necessitas legem non habet. Contra, dum oppositio legis ad bonum commune, & exemptio subditi a lege dubia sunt, tum Superioris est sententiam ferre, dubitationes dirimere, & dispensationis privilegium impertiri. Judicium istud adeo est arduum, ut Evangelista Lucas exclamet c. 12. *Quis putas est fidelis dispensator, quem constituit Dominus super familiam suam?* Heine Doctor Angelicus colligit, graviter Superiorem delinquere, qui in dispensatione concedenda,

da, aut bonum commune, quod est iuxta dispensationis regula & mensura, non respicit, aut hanc doctrinam, sine qua munus dispensationis exercere iuste nequit, ignorat. Quisque enim, quæ sui status sunt, & officii scire debet. (*Si autem subdit S. Thomas 1. 2. q. 97. a. 4.*) *absque hac ratione pro sola voluntate licentiam tribuat, non erit fidelis in dispensatione, aut erit imprudens: infidelis quidem si non habet intentionem ad bonum commune: imprudens autem si rationem dispensandi ignoret.* Tanti hanc doctrinam Angelicus facit, quo iterum ibidem ad primum Superiores admoneat, ut semper in dispensatione quaque præ oculis habeant boni communis incrementum. *Quando cum aliquo dispensatur, ut legem communem non seruet, non debet fieri in præjudicium boni communis, sed ea intentione, ut bonum commune proficiat.*

XVI. Concinunt Angelico Patres omnes, qui argumentum istud versarunt. S. Bernardus præ cæteris illud exponit, manifestamque in relaxanda lege boni communis compensationem requirit. Sic enim scribit *lib. de Præcept. dispensat. cap. 2. Sed non omnibus in huiusmodi credita est dispensatio, nisi in his dumtaxat, qui cum Apostolis dicere possunt:* Sic nos existimet homo, ut Ministros Christi, & Dispensatores Mysteriorum Dei. *Novis autem fidelis servus, & prudens, quem constituit Dominus super familiam suam, ibi tantum usurpare dispensationem, unde bonam habere possit compensationem.* Hoc quippe quaritur inter Dispensatores, ut fidelis quis inveniat. Neque doctrinam hanc, ut concludit sub ejusdem capituli finem, solus ipse invexit, sed a prioribus Patribus haustam in nos derivavit. Numquid autem hoc ego, vel solus sentio, vel primus dico? *At non hoc ipsum & Papa Gelasius sensit? Ait: siquidem ubi necessitas non est, inconvertibilia manebant Patrum Sanctorum decreta.* Leo quippe Papa: Ubi, inquit, *necessitas non est, nullo modo Sanctorum Patrum statuta violentur.* En insert: Ubi ergo necessitas fuerit ad utilitatem Ecclesie, qui potestatem habet ea dispenses. *Ex necessitate enim fit mutatio legis.*

XVII. Innumeros alios Sanctorum Patrum textus huc adferre possem: sed ut prolixitatem declinem unicum sacrosanctæ Tridentinæ Synodi testimonium, quod omnibus prævalet, transcribo ex *sess. 25. de Refor. cap. 18.* Sicut publice expedit legis vinculum quandoque relaxari, ut plenius evenientibus casibus, & necessitatibus pro communi utilitate satisfiat:

Si fre-

Si frequentius legem solvere, exemploque potius, quam certo personarum, rerumque delectu, petentibus indulgere, nil aliud est, quam unicuique ad leges transgrediendas aditum aperire. Quapropter sciant universi, sacratissimos Canones exacte ab omnibus & quoad fieri poterit indistincte observari. Quod siurgens, iustaque ratio, & major quandoque utilitas postulaverit, cum aliquibus dispensandum esse, id, causa cognita, ac SUMMA MATURITATE, atque gratis a quibuscumque, ad quos dispensatio pertinebit, erit præstandum; aliterque dispensatio subreptitia censeatur.

XVIII. Prosper Fagnanus Doctissimus Canonista, & Disciplinæ cum Ecclesiasticæ, tum Monasticæ præservidus vindex testatur *Cap. Nimis de fil. Presbyt.* Omnium Conciliorum, Canonistarumque auctoritate ad justam licitamque dispensationem, causam prærequiri magnam, urgentem, maximam. *Causa in dispensatione debet esse magna, seu quod idem est, major, maxima, iusta, evidens,urgens, & his consimilis . . . Alioquin si hujusmodi causa desit, non est dispensatio, sed dissipatio.* Disputant Theologi, & Canonistæ, queat ne Pontifex ipse, seu Supremus Legislator, a legibus Ecclesiasticis cum aliquibus dispensare omni sublata rationabili causa. Et tamen super dispensationis valore dissideant, convenit tamen penes illos, eundem absque causa dispensantem peccare, illicitamque dispensationem ejusmodi fore. Dispensationes vero ab inferioribus Papa, absque iusta causa concessas, & illicitas, & nullas esse ajunt omnes. Quæ omnia confirmantur auctoritate Sapientissimi Pontificis feliciter Regnantis, qui in suo primo Diplomate *Non Ambigimus* hanc præferibit clausulam. *Nemini quidem sine legitima causa, & de utriusque Medici consilio &c.*

XIX. Heinc colligas velim tria. Alterum, quo majoris momenti lex est, eo graviorem pro illius relaxatione causam necessariam esse. Alterum, jejunii legem gravissimam esse, utpote jure naturali, Divino, & Ecclesiastico, vario respectu habito, præscriptam, ut docet S. Thomas 2. 2. q. 147. a. 3. Unusquisque autem ex naturali ratione tenentur tantum jejunii uti, quantum sibi necessarium est ad prædicta. Et ideo jejunium in communi cadit sub præcepto legis naturæ. Sed determinatio temporis, & modi jejunandi, secundum convenientiam, & utilitatem populi Christiani, cadit sub præcepto juris positivi, quod est a Prælati Ecclesiæ institui.

institutum: & hoc est jejunium Ecclesiae: aliud verò est naturæ. Hæc generalis jejunii, ab ipsa lege naturæ præscripti, notio, cilicia, flagellationes, & quodcumque opus exterius corpus affligens, carnisque petulantiam cohibens, complectitur. Si plura cupis, consule opus nostrum inscriptum. *La Disciplina Antica, e Moderna dell' Romana Chiesa intorno al Sagro Diggiuno Quaresimale cap. 3.* ubi fuscè punctum istud dispexi. Tertium atque potissimum ejusmodi est. Non plus oneris a lege præscripti remittendum est, quam necessitas illius, cum quo dispensandum est, exigit, nimirum aut in totum, aut in partem. Si necessitas talis fuerit, ut subditus omnino a tota lege eximatur, absoluta dispensatio impertienda est. Si lex dividua fuerit, & subditus non egeat tota exemptione, pars oneris remittenda erit, ut mox evidenter ostendam.

XX. Prejasta hæc inconcussa doctrina, quæ Sillogismi nostri primam veluti propositionem format, ad secundam nunc evincendam accedo: nullam scilicet occurrere necessitatem, nullam urgere rationabilem causam, cur concedentes esum carni, sacræ inedie tempore, impertiri quoque duplicis comesturæ privilegium debeant. Quam propositionem, ut evincam, pauca perstringere cogor ex iis, quæ fusiore calamo explicui in libro inscripto. *La Quaresima Appellante.* Illud verò in antecessum admoneo, quod ibidem dictum est, sermonem nunc esse de carni esu, permissio Christianis illis, quibus piscium escæ incommodant, aut qui eorumdem & lacticiniorum caritate laborant: secus de infirmis, & debilibus, qui æque repetita refectio, ac selectioribus epulis recreari indigent. Absolutam, & illimitatam dispensationem istis esse impertiendam fatentur omnes. His delibatis, propositionem meam evinco.

XXI. Verbum *jejuno* non edere significat. Prima ergo jejunii notio abstinentia a cibo est. Quoniam vero vitam agere absque esu homo nequit, ideo tum in veteri, tum in novo fœdere, unicum in die esum jejunantibus lex præcipit. Hæc unica comestura, dup præstat, nimirum vitam alit, & carnis rebellionem coercet, ut docet Angelicus 2. 2. q. 147. a. 6. *Jejunium ab Ecclesia instituitur ad concupiscentiam refræmandam, ita tamen quod natura salvetur. Ad hoc autem sufficere, videtur unica comestio, per quam homo potest & naturæ satisfacere, & tamen concupis-*

cupiscentie aliquid detrahant, diminuendo comestionum vires. Et ideo Ecclesie moderatione statutum est, ut semel in die a jejunantibus comedatur. Huic unicæ comestioni adjectus est ciborum delectus, seu abstinentia a carnibus. Harum ergo duarum partium, quibus constat jejunium, potior est unica comestio, posterior vero carnum privatio. Quamobrem Cajetanus inquit 2. 2. q. 147. 4. 7. Quoniam jejunium Novi Testamenti ex abstinentia carnum, & unica comestione constat tanquam ex partibus substantialibus, ita quod unica comestio est ESSENTIALIOR jejunio, utpote a principio jejunii instituta in Veteri Testamento. Sententiam hanc evidenter, ut ego quidem arbitror, demonstravi, citato opere La Quaresima Appellante. Si plura cupis, illud consule. Ergo, hac admitta sententia, omnium Theologorum consensu, grave peccatum peccat, qui esum carnum permittens, eo ipso iteratam comesturam impertit. Quis Theologorum unquam asseruit, concessionem minoris majorem quoque partem secum trahere? Ciborum delectus minor est jejunii pars, ut probatum est. Ergo istius concessio nullo modo infert potioris partis permissionem, nisi peculiaris ratio infirmitatis urgeat, quemadmodum non urgere in nostro casu convenit penes omnes.

XXII. Non aridet laudata sententia? Esto. Ordinem inverte. Fac carnum esum principem in jejunio partem esse: posteriorem unicam comestionem. Quid inde? Non ne penes Catholicos omnes certum est, jejunium Romanæ Ecclesiæ duo complecti præcepta, quorum alterum iteratam comesturam, alterum carnes vetat? Præcepta hæc ut pote humana, liberaque auctoritate investita, separabilia sunt, nemine refragante. Quo inconcusso principio posito, sic arguo. Dispensatio quæque, ut licita sit, & valida, ex justa, & rationabili causa concedi, communeque spectare bonum debet. Incommodum quod cibi quadragésimales stomacho inferunt, sufficiens dispensandi a carnibus causa est. Ut vero alterum unius comesturæ mandatum relaxetur, quænam causa? Christianus carnum esu ob stomachi defectu indigens, sanus est, atque robustus. Quid ergo causæ occurrit, cur licite cum eodem super unica refectioe dispensari queat? Alter Christianus ejusdem famitatis, qui esuriales comedit escas, semel in die reficitur. Ille vero selectioribus epulis recreatus, esus iterabit? Præcepta, ut dixi, separabilia

bilis sunt, unumque sine altero consistere valet. Ergo graviter delinquit Superior, sui que ministerii prævaricator efficitur, cum alterum præceptum unius refectiois relaxat, cujus relaxandi causa occurrat nulla.

XXIII. Major, inquis, pars minorem absorbet. Abstinencia a carnibus major est jejunii pars ergo: hac sublata, necessario aufertur altera unius comestiois. Doctrina hæc proscripta ab Innocentio XI. est in hac propositione 54. *Qui non potest recitare Matutinum, & Laudes, potest autem reliquas horas, ad nihil tenetur, quia major pars trahit ad se minorem.* Quoties ratio damnatæ thesisi militat pro altera consimili thesi, hæc in illa damnata intelligitur. Eadem est utriusque propositionis Divini Officii, & Ecclesiastici, jejunii ratio. Ergo utraque damnata. Eandem esse rationis, ut ajunt, identitatem patet. Quin validior respectu jejunii ratio urget. Unicum quippe præceptum est canonicas horas præscribens. At quia hæc distinctæ sunt, & in qualibet illarum finis elucet præcepti; idcirco proscripta doctrina est illorum Theologorum, qui contendebant horarum Canonicarum pensum individuum esse, majoremque partem absorbere minorem. At duo, ut minus sunt, omnium consensu, jejuni præcepta, quorum alterum unicum esum præcipit, alterum carnes vetat. In utralibet parte præcepti finis, qui consistatio carnis est, consistit. Quis enim Catholicorum ibit inficias, abstinenciam a duplici comestura partem esse exterioris poenitentiae? Quin si hæc duo comparentur, magis prohibitio iteratæ refectiois, quam interdictio carnum gulam torquet, & concupiscentiæ rebellionem comprimit. Plus itaque Ecclesiasticum jejunium, quam Divinum Officium dividuum est. Ergo vi justii ratiocinii in proscripta horarum Canonicarum doctrina, proscripta est hæc altera, quæ docet, dispensationem a carnibus secum trahere dispensationem ab unica comestione. Evidens igitur est gravi scelere inquinari eum, qui a præcepto unicæ comestiois Christianos absolvit, non alia ductus ratione, nisi, quod facultatem carnum edendarum impertiit.

XXIV. Heinc profligata omnino remanet prima ratio supra §. 1. relata, quæ excitandæ quæstioni, sedemque Apostolicam pro ejusdem solutione adeundi causam dedit. Quid enim sensui communi repugnanti-
tius,

tius, quam Individuam afferere jejunii naturam, illamque metaphysico-composito assimilare? Istius partes non aliena voluntate, sed natura sua junctæ sunt. Jejunium totum morale est pluribus conflatum partibus, pluribusque præscriptum mandatis reapse disjunctis. Nonne juvenes a carnibus abstinere, & ad vigesimum primum annum usque duplicato pastu reficiuntur? Nonne Quadragesimales dies Dominici a jejunio, secus ab abstinentia soluti sunt? Dierum Sacrorum observatio duo complectitur. Ab opere servili abstinentia, & Sacrosancto Missæ Sacrificio adesse. Non ne frequentissime, unum sine altero consistit? Nonne Theologi omnes adfirmant, graviter Superiorem peccare, qui Christianum absolveret ab onere audiendi Sacrum, quia illi facultatem indulget, ut opera agere servilia queat? Qui xre gravatus alieno centum solvere nequit, valet autem quinquaginta: numquid non tenetur solvere partem, quia non valet totum? Nonne infidelitatis, & injustitiæ argueretur villicus, qui debitores dispensaret a solutione dimidii debiti, propterea quod impotentes sunt ad integram solutionem? Infidi ergo Sacrorum Canonum custodes, Divinique Ministerii prævaricatores habendi sunt Superiores illi, qui exigere a subditis negligunt unius præcepti debitum pensum, quod duo præcepta observare isti nequeant.

XXV. Tandem Responsum Pontificium BENEDICTI XIV. Antecessorum Pontificum, & Synodorum Decretis inhaeret. Gregorius XIII. in Bulla Cruciatæ hæc præscribit. *Ita quod, qui carnes comederint, servata in cæteris jejunii Ecclesiastici forma, dicto jejunio satisfecisse censeantur*. De hoc Diplomate sermo redibit, dum sextum quæsitum exponam. Alexander VII. in privilegio Romanis concessio an. 1657. edendarum carnum, hac clausula limitat dispensationem. *Etiamsi carnis usum concedat, neminem tamen a jejunii lege solvere intendit*. Sapiens æque ac pius Pontifex Clément XI. in suo Edicto an. 1703. hæc adjecit. *Tenantur observare jejunii legem, cui devincti illi sunt, quibus ob justam causam permittitur, ut tempore quadragesimali carne salubri vescantur*. Decreta Synodalia prætereo, ne in re perspicua æquo prolixior sim. Illud dumtaxat addiderim, quod benignioris ethices cultoribus maximi erit ponderis, nimirum P. Claudium La Croix testari communiter Episcopos concedentes carnum cibum adicere limitationem unicæ comestio-

messio-

meffionis . Hoc ipsum (inquit lib. 3. q. 140. n. 1269.) communiter declarant Episcopi dispensantes pro carnibus, se non aliter velle dispensare, quam relinquendo obligationem jejunii, quoad refectiorem unicam. Qui plura avert, adeat laudatos libros nostros *La Quaresima Appellante*, & *La Disciplina Antica, e Moderna* &c. Eorum, quæ itidem dicta sunt, isthuc transcribere nonnulla coactus fui necessitate ejusdem versandi argumenti cogente. Quod ideo repeto, ne me actum libere agere accuset morosū aliqui critici.

XXVI. Perpendas nunc obiter velim, quam prævalida sit secunda ratio §. I. indicata, videlicet, jejunium cum esu carniū conjunctum appellandum jejunium non esse. Nam jejunium vocant Pontifices Summi, & graviores Theologi. Quod si tu præceptum unicæ comestionis jejunium vocare recusas, nulla ego tibi intentabo litem. Illud dumtaxat jure postulo, ut exacte unicam comesturam serves, teque ab iterata abstineas. Hanc vero abstinenciam, quocumque malis nomine appella. Nec enim nomina, sed res nos sollicitos habent.

§. III.

Diluitur postremum argumentum §. I. propositum, atque evidentius ostenditur, sub gravi culpa concessionem edendarum carniū sacre inedia tempore adjiciendam esse limitationem unicæ comestionis.

XXVII. PRIUSquam argumento recta occorro illud clarius explico. Scimus, inquit, in utroque Diplomate BENEDICTI XIV. & præcipue in secundo unicam juberi comestionem. Hoc Linpis & consoribus compertum. Illud quod facessit negotium, & quod supremum adire Tribunal coegit, est, utrum hæc unica comestio sub gravi culpa præcipiatur? Aiebant alii, negabant cæteri, atque adeo dubia, & controversa res evasit. Porro in casu dubio (inquit P. Thomas Tamburinus loc. cit.) an verba aliqua legis præceptum obligans importent, an consilium, tamquam REGULAM CERTAM ponunt Doctores, reputanda esse consilia, & non præcepta. Lege integrum textum §. I. descriptum. Eandem Doctrinam prius docuerat P. Thomas Sanchez de Matrim Disp.

41. n. 36. *Quoties dubium est, an impositum sit præceptum naturale, Divinum, vel humanum de aliqua re, non obligari dubitantem, quia donec constet de præcepto, possidet voluntatis libertas.* Et P. Antonius Terillus cum cæteris Probabilistis legem controversam, non esse legem pugnacissime defendit, de *Regul. Mor.* 1. p. q. 2. n. 45., & p. 2. q. 43. Tandem licet constet de præcepto, dubitari de obligatione potest sit ne gravis, an levis.

XXVIII. Ut ab hoc ultimo, quod est potissimum controversæ caput, orsa capiam. Duo sunt principia unde Theologi, & Canonistæ gravem legis obligationem colligunt. Alterum legislatoris voluntas: alterum materiæ præscriptæ magnitudo. Hæc duo principia mutuo sese juvant, unumque aliud infert. Materiæ gravitas ambiguum sæpe legislatoris voluntatem, claram efficit. Et voluntas legislatoris severioribus expressa formulis, materiæ gravitatem patefacit. Disputant Theologi, valeat ne legislator in materia gravi levem imponere obligationem, aut in materia undequaque levi graviter astringere? Ajunt isti, negant illi. Verum penes omnes convenit, in materia suapte natura gravi legislatorem gravem præscribere obligationem, nisi conceptis verbis oppositum exprimat. Quoniam legislatoris voluntas respondeat rei magnitudini fas est.

XXIX. Unica resectio est omnium assensione Theologorum pars substantialis sive magis sive minus præcipua Ecclesiastici jejunii. Nemo est Catholicorum, qui vel in dubium revocet, eos lethaliter peccare, qui jejunii tempore hanc iterant comestionem. De materiæ itaque gravitate nulla remanet ambigendi ratio. Materiæ magnitudini congruere legislatoris verba constat ex utroque Diplomate. In primo *Non Ambigimus* hæc habentur. *Nolumus autem vos ignorare, cum hujusmodi necessitate & servandam esse POTISSIMUM unicam comestionem, sicut alias hic Romæ: ac nos ipsi hoc anno urgentibus causis præscripsimus.* . . . Porro quemadmodum de ejusmodi indulgentia tam caute impertienda, si secus fieret, nos persuasum habemus: dispendiam Supremo Judici redditum iri rationem, ita conscientiam uniuscujusque vestrum onerandam esse ducimus. Quibus verbis significantius gravis exprimi obligatio poterat?

XXX. Verum nil tam perspicuum, apertumque est, quod novus opinan-

pinandi modus adducere in controverfiam non aufit. Tot fubtilia commenta adverfus laudatum primum Diploma evulgata fuere , ut ad ea labefactanda fecundum edere opus fuerit infcriptum *In Suprema*, in quo hæc habentur. *Hinc factum effe accepimus , quod non defuerunt , qui perhumanas , & hominibus a Chriftiana pœnitentia abhorrentibus dumtaxat dignas illationes fibi , aliisque perfuadeant &c.* Quibus interpretamentis indicatis , ut eadem ex hominum animis evellat , gravioribus utitur formulis . Sic enim pergit Pontifex Summus . *Quam fane perfuafionem a fententia noſtra alienam , ut ex omnium animis penitus evellamus , nos quibufcumque , quacumque occaſione , ſive multitudini indifcriminatim , ob urgentem , graviffimamque neceſſitatem , ſive ſingulis ob legitimam cauſam , & de utriuſque Medici conſilio , dummodo nulla certa , & periculofa affectû valetudinis ratio intercedat , & aliter fieri neceſſario exigat , in Quadrageſimæ , aliisque anni temporibus , & diebus , quibus carnum , ovorum , & lacticiniorum eſus eſt prohibitus , diſpenſari contingat , ab omnibus omnino , nemine excepto , Unicam comiſſionem ſervandam , & licitas , atque interditiſſas epulas minime eſſe aponendas , tenore præſentium declaramus , & edicimus .*

XXXI. Habemus ergo conditionem unicæ comesturæ non conſilii eſſe , ſed præcepti graviter obligantis . Neque gravis hæc obligatio nova eſt , ſed ex ipſa jejunii Eccleſiaſtici juſtæ diſpenſationis natura ortum ducit . Summus Pontifex in hoc ſuo *Reſcripto* declarat ſub gravi culpa adjiciendam eſſe unicæ reſectionis limitationem , quia ipſa materiæ gravitas , & licitæ diſpenſationis regulæ id exigunt . Quod evidentius confirmo . Ab integro , & amplius ſæculo fervebat Theologos inter diſputatio , utrum nec ne præceptum urgeret conjungendi cum carnum eſu conſeſſo ob evitandum eſurialium eſcarum grave incommodum , unicam reſectionem . Illi adfirmabant : iſti negabant . Diſputationis materia non erat conſilium , ſed præceptum graviter coarctans . Ergo Judex litem dirimens , & pro parte adfirmante ſententiam rogans , non jus novum imponit , ſed *vetus* declarat , docetque quid agere diſpenſatores debeant , ne legum diſſipatores efficiantur .

XXXII. Quæ hætenus dixi penitus proſtigant ea , quæ ex PP. Tamburino , Sanchez , & aliis objecta ſunt . Et cumprimis capitale illud

principium, quod præceptum, de quo Probabiliter in utramque partem Theologi controversantur, desinat esse præceptum, falsum prorsus esse evincit Præstantissimus Compostellanus, Archiepiscopus evincunt cæteri Episcopi universæ Catholicæ Ecclesiæ, qui super controversiis gravioris momenti ad Sedem Apostolicam omnium Ecclesiarum Magistrum sententiam imploraturi accedunt. Si hi autumarent, præceptum in disputationem a Theologis vocatum, non esse præceptum, profecto nullam super eodem implorarent decisionem. Verum illi in Scripturis Sanctis instructi a præfata doctrina abhorrent. Perspectum quippe habent Domini mandatum *Deuteron. cap. 17.* latum, quo omnes subditi consilere in rebus dubiis Superiorem jubentur. Ex hæc doctrina communis est penes omnes graviore Theologos, ut testatur doctissimus Inceitæ Soc. JESU Theologus Franciscus Suarez *lib. 6: de leg. cap. 8. n. 10.* *Dicendum est de casu dubio, in quo judicari non potest probabiliter, an casus comprehendatur sub legis obligatione, nec ne. In quo sententia communis est, recurrendum esse ad Superiorem, si fieri possit; vel si non possit, servandam esse legem. Ita D. Thomas, Corradus, Cajetanus &c. Quæ sententia per se evidens est in casu patiente moram, ut consulatur Princeps. Nam si in casu tantum formidoloso, & probabili hoc fieri debet, multo magis est in casu dubio. Autoritas solius Suarez viri gravissimi, atque pii, ut ex ejus operibus constat, prævalet centum Terillis, aliisque oppositæ sententiæ Patronis.*

XXXIII. Nulla ergo ad perfugium latebra superest. Regulæ justæ dispensationis non plus relaxandum legis rigorem sinunt, quam necessitas postulat. Christianus firmæ valetudinis indigens ob piscium sive nau-seam, sive penuriam, carniū esu, non eget iterato pastu. Qui ergo utrumque concedit, non fidelis dispensator, sed iniquus prævaricator; non custos, sed perditor legum est. Materia suapte natura gravis est: verba legis comperta atque luculenta. Omnia itaque concurrunt ad mortiferi criminis gravitatem manifestandam. Ergo Responsum Pontificium id tantum faciendum decernit, quod & legis, & justæ dispensationis natura necessario requirit. Siquidem tam lex, quam dispensatio bonum commune Reipublicæ Christianæ spectant. Numquid Sacræ abstinentiæ tempore bis in diem mensas opipare instruere, iterare par-
tus,

stus, carnesque fero, & mane comedere, Ecclesiæ Catholicæ commune bonum promovet, splendorem disciplinæ auget, pietatem ciet, fratresque ad ferendum pœnitentiæ jugum provocat? Verum de hoc mox plura.

§. IV.

Peccant mortaliter, qui dispensati in esu carnum simul cum carnibus pisces comedunt. Peccarent quoque, qui utrasque has epulas licitas & illicitas permitterent. Idque Patrum testimoniis, & rationum momentis evincitur.

XXXIV. **S**ecundam Postulati propositi partem examinandam suscipio. Quæstiunculam excitarunt Casuistæ Recentiores. Altum de eadem apud Patres, priscosque Theologos silentium. Non eo istorum tempore collapsa jejunii disciplina erat, ut ejusmodi opus esset disputationibus. Quoniam vero hodierna Christianorum jejunandi consuetudo adeo distat ab antiqua, ut vix veræ majorum nostrorum abstinentiæ imago appareat; heinc lata aperta via est, qua sanctiores jejunii Regulæ in sophistica discrimina revocantur, & illegitimis dispensationibus in nihilum fere rediguntur, ut amaris lacrymis deplorat ipse Regnans Sanctissimus Pontifex BENEDICTUS XIV. in suo primo de hoc argumento Diplomate. *Quam aliena, quam discors, quam absona sit hodierna jejunantium consuetudo, quantum ab ipsa jejuniorum institutione, & servata semper ubique, & ab omnibus Disciplina quam longissime distet; vos Venerabiles Fratres . . . pro singulari sapientia vestra præ cæteris clavius intelligitis.*

XXXV. Clamant Recentiorum Theologorum plures, Patrum testimoniis haud posse præsentium temporum casus dirimi. Quod partim verum, partim falsum est, ut *cap. 1.* jam admonui. Verum est, quatenus nec antiquiorum Christianorum mores tam soluti erant, quo ea agerent, quæ nunc communi fere usu obtinent: nec Patres aut quæstiunculas movebant, ut Christianis ipsis aberrandi a vera disciplina authores forent: aut inflectere, & accomodare Christianorum moribus

evangelicam legem subtiliter contenderent. Partim falsum est, quoniam sin minus expresse, & ut ajunt in terminis, resolvunt præsentēs quæstiunculas, ea tamen principia ponunt, quæ quid consentaneum, vel oppositum legi atque Disciplinæ sit, palam faciunt. Quod ut evincam, Doctrinam Patrum huc adferam, ex qua evidenter, nisi nimius me amor fallit, inferre volo, mortiferam esse corruptelam illam permiscendi esuriales escas cum carnibus.

XXXVI. Tempore SS. Augustini, Hieronymi, Ambrosii, Leonis, aliorumque Patrum a pristino deferbuerat ardore exterioris pœnitentiæ consuetudo. Deliciis, & voluptatibus vel in ipsa Quadragesima fidelium plures indulgebant. At quas delicias, quas epulas damnabant Patres? Audi primum omnium magnum Parentem Augustinum *serm. 207. alias 71. de Diversis in Quadragesima 3.* hæc scribentem, *Cavendum est, ne mutes, non minuas voluptates. Videas enim quosdam pro usitato vino inusitato liquores exquirere, & aliorum expressione pomorum, quod ex nova sibi demegant, multo suavius compensare: cibos extra carnes multiplici varietate, ac jucunditate conquirere: & suavitates, quas alios tempore consessari pudet, huic tempori quasi opportune colligere; ut videlicet observatio Quadragesimæ, non sit veterum concupiscentiarum represso, sed novarum deliciarum occasio. Hæc, Fratres, ne vobis persuasa subrepani, quanta potestis vigilantia, providete. Parsimonia jejuniis coniungatur. Sicut ventris castiganda saturitas, ita gula irritamenta cavenda sunt.*

XXXVII. Similia scribit *serm. 210. de Divers. alias 74. cap. 8.* ubi quasi futurarum laxitatum augur, sic orditur, *Propter hominum errores, qui per vaniloquas seductiones, & pravas consuetudines nobis molestam pro vobis curam inferre non cessant, tacere non possum.* Sunt quidam observatores Quadragesimæ deliciofi potius, quam Religiosi, exquirentes novas suavitates magis, quam veteres concupiscentias castigantes, qui copiosis, pretiosisque apparatus fructuum diversorum, quorumlibet obsoniorum varietates, & sapes superare contendunt, *Vasa in quibus coctæ sunt carnes tanquam immunda formidant, & in sua carne ventris, & gutturis luxuriam non formidant. Jejunant, non ut solitum temperando minuant edacitatem, sed ut immoderatam, diffundendo augeant aviditatem. Nam ubi tempus reficiendi advenit, opimis*

„ opimis menfis tanquam pecora præsepibus irruunt : numerosioribus
 „ ferculis corda obruunt, ventresque distendunt, artificiosis, & peregri-
 „ nis condimentorum diversitatibus gulam, ne vel copia compescatur,
 „ irritant. Denique tantum capiunt manducando, quantum digerere
 „ non sufficiant jejunando. Sunt etiam, qui vinum ita non bibunt, ut
 „ aliorum expressione pomorum, *alios sibi liquores*, non salutis causa,
 „ sed jucunditatis exquirant: tanquam non sit quadragesima piæ humi-
 „ litatis observatio, sed novæ voluptatis occasio. Quanto enim hone-
 „ stius si stomachi infirmitas aquam potare non tolerans, vino usita-
 „ to, & modico sustentetur, quam quærantur vina, quæ vindemiam
 „ nesciunt, quæ torcularum rursus non nove, on ut potius mundior eli-
 „ gatur, sed ut frugalior improbetur? *Quid autem absurdius, quam tem-*
 „ *pore, quo caro arctius castiganda est, tantas carni suavitates procurare,*
 „ *ut ipsa faucium concupiscentia nolit quadragesimam præterire?* *Quid in-*
 „ *convenientius, quam in diebus humilitatis, quando pauperum victus*
 „ *omnibus imitandus est, ita vivere, ut si toto tempore sic vivatur,*
 „ *vix possit divitum patrimonia sustinere?* Cavete ista dilectissimi, cogita-
 „ te, quod scriptum est: *Post concupiscentias tuas non eas.* Quod saluber-
 „ rimum præceptum, si omni tempore observandum est, *quanto amplius*
 „ *bis diebus, quando ita turpe est, si cupiditas nostra ad inusitatas laxetur*
 „ *illecebras, ut merito culpetur, qui non restrinxerit usitatas*„.

XXXVIII. Item serm. 108. alias 72. de Diversis. Ideoque cavendum est, ne pretiosas escas, vel pro aliis alias, vel etiam pretiosiores sine carnibus animalium requiratis. Cum enim corpus castigatur, & servituti subjicitur, restringende sunt deliciae, non mutandæ. Quid enim interest, in quali cibo concupiscentia immoderata culpetur? Non uique de solis carnibus, sed etiam de quibusdam pomis, & de agriculturæ alimentis Israelitarum concupiscentia divina voce damnata est. Et Esau non propter offam suillam, sed propter lenticulam defricatam suam primogenita perdidit.

XXXIX. Antequam aliorum Patrum testimonia refero, ex hac S. Augustini doctrina hanc elicio adversus Recentiorum laxam sententiam argumentationem. Augustinus improbat vel ipsas esuriales epulas aut nimio studio conquistas, aut exquisitiori condimentorum artificio præparatas. Illorum detestatur superstitionem, qui a carnibus abstinentes

vel ipsas, in quibus coquebantur, ollas formidabant. Interea vero esuriales escas, & majoris pretii, & difficilioris præparationis conquirebant. Quid, quod non selectiores pisces modo, sed etiam delicatiores terræ fructus improbat? Respondeant nunc velim Recentiores Leander, Diana, Tamburinus, alique multi. Si Augustinus vel licitas escas delicatiores damnat, probaret ne hodiernas catholicorum mensas carnum pisciumque dapibus extructas? Si liquores ex domesticis terræ fructibus expressos detestatur, permetteret ne peregrinum, seu indieum potum? Verum camarinam hanc ne moveamus, ut id quod est in manibus fortius urgeam. Paucis ergo Augustini doctrinam perstringo. Jejunium nostrum eo pertinet, ut carnem comprimat, concupiscentiam cohibeat, pœnasque Divinæ justitiæ ob commissa crimina persolvat. Qui delicatioribus vescuntur epulis, tametsi esurialibus mutant, non minuunt voluptates: gulam non coercent, sed irritant: non spiritui concupiscentiam, sed concupiscentiæ spiritum subigunt. Quid refert siue carnibus, siue terræ frugibus palatum demulceas, atque irrites? Iterum ergo ad respondendum Recentiores urgeo. Si esuriales Augustinus delicias damnat, approbabit ne esuriales simul & carnales? Numquid quæ minora perhorrescit, graviora laudabit scelera? In promiscuum carnum, pisciumque esum non est S. Augustinus investus, quod tam effrenis voluptatis libido suo tempore abstinentiæ Christianæ disciplinam non invaserat. Verum quantum hæc escarum diversarum conjunctio christianorum jejunio repugnet, suis adversus exquisitores esuriales epulas præfervidis investivis palam facit. Evidens ergo est, atque ineluctabilis argumentatio nostra, videlicet Recentiorum opinionem de epulis licitis cum illicitis permiscendis, Augustini doctrinæ hostiliter adversari.

XL. Augustino concinunt cæteri Patres. Una est omnium hoc de argumento doctrina. Hieronymus epist. ad Nepotian. *Sint tibi pura, casta, simplicia, moderata & non superstitiosa jejunia. Quid prodest oleo nos vesci, & molestias quasdam, difficultatesque ciborum querere, caricas, piper, nuces, palmarum fructus, similes, mel, piscacia? Tota hortorum cultura vexatur, ut cibario non vescamur pane: & dum delicias sectamur a Regno Cælorum retrahimur. Audio præterea quosdam contra rerum, hominumque naturam, aquam non bibere, non vesci pane, sed sorbitiunculas delicatas, & contrita*

contrita olera, baccarumque succum, non calice sorbere, sed concha. Prob pudor! Non erubescimus istiusmodi ineptis, nec tædet superstitionis. Insuper etiam famam abstinentiæ in deliciis querimus. Fortissimum jejunium est aqua, & panis. Fufius hoc argumentum versat lib. 2. adversus Jovinianum Lutheranorum, & Calvinistarum præcursores. Lege M. Basilium de ejun. hom. 1. & 2. Ambrosium de jejunio, & Elia, Joannem Chrysostomum hom. 8. in Gen. Leonem Magnum ser. 41.

XLII. Audio Recentiores Casuistas inclamantes, Patres concionatoria eloquentia in noxas, vel leviores e suggestu declamasse, secus e cathedra præcisas definitasque rogasse sententias. Abstinentiæ perfectionem jejuniî severitatem suaserunt illi, promoveruntque: haudquaquam vero definierunt quænam epularum permixtio mortifera sit, quænam innocens. Hæc sunt consueta effugia, quibus eludere Patrum testimonia non pauci adnituntur. Sed frustra. Non aliam Patres e suggestu, aliam e cathedris tradidere Theologiam, qua & fidei articulos, & morum præcepta fideles condocerent. Porro nemo non videt, quam sit inepta, ut levissime dicam, hæc illorum responsio, quam in publicum evulgare non verentur. Nobis tamen sat est Recentiores fateri, Patres Sanctos oratorio sermone permixtas distarum epularum illecebras reprobare. Idque nec in dubium revocare queunt, cum apertissimi sint illorum textus.

XLIII. Verum, ut ad incitas adversarios redigam rationum aculeis urgere eosdem juvat. Quod ut fortius præstem, sophisticis cavillationibus occurrere in antecessum operæ pretium existimio. De absoluta itaque utriusque generis epularum permixtione nobis sermo est. A materiæ parvitate a casu aliquo fortuito præscindimus. Disputationis sensus est, utrum absolute seriis esurialibus mensas extruere piscium, carniumque dapibus lethalis culpa sit. Et de hoc controversantur Recentiores nostri. His positis, mahus confero. Dispensatiō voluntatis Dispensatoris confinia non transilit. Porro utriusque generis epularum usum concedere Dispensator non intendit: mortiferus ergo est earumdem usus. Fallax est, inquit, argumentatio. Dispensator carniū esum concedit: nec pisces verat: Porro pisces sunt natura sua licitæ jejunantium escæ. Ita ne vero? Valent ergo dispensati in esu carniū piscibus vesci, quin incommodum patiantur. Immo hoc tantum in sensu P. Leander

der a Santissimo Sacramento cum suis Probabilistis hanc opinionem defendit. *Licite poterit*, inquit, *carnes, & pisces simul comedere, si alias ex comestione piscium non proveniat comedenti aliquod damnum. Traët. 5. Disput. 2. q. 29.* Si res ita se habeat. Ergo, fraude summa extorta dispensatio est. Ideo enim dispensantur, quia nocumentum ex esu piscium stomacho illatum pro dispensationis causa adducitur. Nullum nunc adesse stomachi damnum asserunt. Ergo dispensatio ex falsa causa concessa nulla est. Si nulla est dispensatio, carnum comestio mortifera est. Ergo qui concedunt, & qui utuntur facultate utraque epulas permiscendi graviter delinquent.

XLIII. Falleris, reponit P. Leander *loc. cit.* cum cæteris suis Recentioribus, quorum hæc sunt verba ex ipso Leandro transcripta. *Si vero ei non nocent pisces, non peccat, nec ullam legem violat, quia utitur suo privilegio, & privilegium Principis valet quando solum suæ legi derogat, non juri divino, aut naturali.* Verba transcripti, ne imposturæ suspitioni locus sit ullus. Incredibile enim est talia obtrudi a Theologis posse. Dispensatio hæc, non gratiosum Principis privilegium, sed juris communis, & quidem gravissimi, relaxatio est. Theologi omnes fatentur, Episcopos, Parochos, Prælatos, & Superiores quosque Papa inferiores, peccare mortaliter, si absque legitima causa a lege gravissima jejunii dispensant. Quis Casuistarum vel in dubium hanc revocare doctrinam ausus fuerit? Quid ergo Principis Privilegium obtrudunt? Quid nullam violari legem clamitant? Nulla est omnino dispensatio, dum esuriales cibi nullum damnum inferunt. Ergo peccant carnes cum piscibus comedentes. Nulla hic ad effugium rima. Nam vel nulla est carnum concessio, aut si valida est carnum permissio, mortifera est piscium comestio.

XLIV. Sed oppositum P. Tamburini responsum in examen veniat. *Quod si saluti noceant pisces, fiet quidem contra temperantiam, non vero contra legem Ecclesiasticam jejunii.* Hoc responsum prius dederant Azorius Pasqualigus, & Filliucius. Quid heinc? Licita ne erit epularum permixtio, propterea quod peccatum est tantum contra temperantiam, secus contra jejunii legem? Si dixerimus ejusmodi distinctiunculis morum regulas eludi, & perverti, forte non abluemus a vero. Sermo in
præ-

præsentia est, peccent ne ii, qui sacro abſtinentiæ tempore epulis utriusque generis menſa extruunt. Quod porro peccatum iſtud ſit contra temperantiam aliquo in caſu, vel contra jejunii legem, quid amabo reſert, ſi ſcopus ſpectetur diſputationis? Accedit exploratum eſſe etiam hoc in caſu legem jejunii violari. Nam diſpenſator ſi unum concedit, alterum negat, cum nequeat utrumque extremum ſimul impertiri. Si concedit carnes, piſces ſubtrahit: ſi piſces permittit, carnes negat, ſic exigente juſtæ diſpenſationis natura. Quid, quod ita conceptis verbis decernit Summus Pontifex in Reſponſo ad IV. quaſitum. *Reſpondemus, epulas licitas pro iis, quibus permiſſum eſt carnes comedere, eſſe carnes ipſas: epulas interdictas eſſe piſces, adeoque utrumque ſimul adhiberi non poſſe.* Quamquam, ad hoc quod attinet, longiorem contentionis ſinem ducere noli; illud nobis ſat eſt, Adverſarios fateri criminofam graviter eſſe præſatam permixtionem. Nam, ſi piſces leviter nocent, diſpenſatio nulla eſt, utpote levi cauſa obtenta. Si grave incommodum piſces inferant, conſeſſio carnum valida eſt, ſed interdicti piſces remanent, quantum ad permixtionem præſatam.

XLV. Ultimum audiamus reſponſum. Eſurialium ciborum continuus uſus, inquiunt, & ſolus, ſtomachum interturbat, ſanitatemque lædit, ſecus dum piſces una cum carnibus comeduntur. Hæc ſunt verba P. Leandri voce aliorum Probabiliſtarum loquentis *loc. cit.* Ad hæc addunt alii, quod piſces vere nocerent ſi continuo comederentur, aut ſi ſoli, quæ eſt juſta cauſa ad diſpenſandum. Sed dum comeduntur ſimul cum carne, non nocent, quia caro ſupplet defectum nutrimenti, quod a piſcibus haberi non poteſt. Sic Filliucius, & Paſqualigus.

XLVI. In votis erat hoc reſponſum ad Ipocratis, Galeni, Plutarchi omniumque Medicorum Tribunal revocare. Omnes quippe, teſte Paulo Zacchia celebri Medico Romano, docent cibum eo eſſe ſalubriorem, quo ſimplicior. Idque manifeſta experientia palam eſt. Verum S. Doct̃or Hieronymus reſponſum iſtud ad arrham ipſius Epicuri advocat, ut illud reſellat. Inquit ergo *lib. 2.* adverſus Jovinianum: *Quidque mirandum ſit, Epicurus voluptatis aſſertor omnes libros ſuos replevit oleis, & pomis: & vilibus cibis eſſe vivendum, quia carnes, & exquisitæ epulæ ingenti cura, ac miſeria præparentur, majoremque pœnam habeant in inqui-*

inquiendo, quam voluptatem in abutendo: Corpora autem nostra cibo tantum, & potu indigere. Ubi aqua & panis sit, & cetera his similia: ibi naturæ satisfactum. Quidquid supra fuerit, non ad vitæ necessitatem spectare, sed ad vitium voluptatis. . . . Dicaærcus in libris antiquitatum, & descriptione Græciæ refert, sub Saturno, idest aureo sæculo, nullum comedisse carnes, sed universos vixisse frugibus, & pomis, quæ sponte terra gignebat. Persarum Regis Cyri vitam Xenophon octo voluminibus explicat, polenta, & cardamo, & sale, ac pane cibario eos visitare. Lacædæmoniorum mensæ frugalitatisque & superscriptus Xenophon, & Theophrastus, & omnes penes scriptores Græciæ testes sunt. . . . Hæc de argumentis Philosophorum, exemplisque disserui: nunc ad exordium generis humani, idest ad nostrā transiens docebo, primum Adam in Paradiso accepisse præceptum. . . . ut jejunaret. . . . Et tamen ejectus non protinus accepit licentiam carniū vescendarum; sed tantum poma arborum, & fruges segetum, & herbarum olera ei traduntur in cibum.

XLVII. Plura ibidem S. Hieronymus habet, quæ brevitatis gratia prætereo. Nullus enim dubito, quin laudatum Recentiorum responsum omnibus, quibus Ecclesiasticæ disciplinæ decus cordi est, sit displiciturum. Ideone benigna Mater Ecclesia carnes in Quadragesima quibusdam concedit, ut una cum piscibus eadem ad majorem corporum voluptatem manducentur? Pisces permittuntur ad exacuendum palatum, ut juncti carnibus gulam suavius demulceant, ut Christiani lautius & opipare epulum celebrent? Huc spectat Sanctæ Matris intentio? Iste dispensationis & indulgentiæ finis? Hæluonum, & Parasitorum loco habentur, qui vel extra Quadragesimam piscium carniūque epulis convivia parant. Et has blanditias, voluptates, comestationesque sacræ inedix diebus Recentiores nostri Christianis sua mirifica & retro sæculis inaudita benignitate concedunt? Est ne in universum Patrum choro quidpiam, quod tantæ faveat benignitati?

XLVIII. Verum, ut tantæ corruptelæ contagium penitus profligetur, lubet nonnulla alia ex Patribus afferre documenta. Sicut nec canis vicino lepori; nec ignis proximæ stipulæ, ita nec gula præsentibus escis parcat. Inexplebilis enim est gulæ aviditas, & dum carnibus vescitur piscium epulas, si adfuerint, hinc atque inde ligurire solet, occasione irritan-

irritante. Quam occasionem, atque scandalum, ut tollerent Patres, constituerunt, ut qui carnes comedunt, separatim a communi domestica mensa refectionem capiant. S. Cæsarius Arelatensis sermone olim sub nomine Augustini 62. *de temp.* nunc in appendicem reiecto 143. hæc scribit. *Qui jejunare non prævalet, secretius sibi soli, aut si est alius infirmus cum ipso sibi in domo sua præparet quod accipiat: & illos, qui sani sunt, & jejunare prævalent, ad prandium non invites; quia si hoc feceritis, non solum Deus, sed etiam homines intelligere possunt, illum, non pro infirmitate non posse, sed pro gula jejunare non velle. Cum solis infirmis tum in esu carniū dispensabatur. Concilium Tolosanum anno 1590. celebratum p. 2. cap. 13. Qui carnem prohibitis diebus ex licentia comedent, soli, ne ulli scandalo sint, locoque separato comedent. Et tandem S. Carolus Borromæus in Concilio Mediolanensi 2. p. 1. Decret. 20. hanc Regulam tradit. Quibus ob infirmam valetudinem, aut aliam justam causam, permissum erit Quadragesimæ diebus carne, aut aliis, eo tempore, vetitis cibis vesci: eos Parochi pie illud admoneant, ne publice, neve etiam cum domesticis, sed separatim in remotiori ædium loco ejus generis cibum capiant, ut ob corporis imbecillitatem, aut morbum potius, quo laborant, quam ob ingluviem, facere cognoscantur. Non ideo hæc testimonia retuli, quasi essent ejus, quod evincendum proposui, decretoria argumenta: sed, ut omnibus compertum fieret, antiquos Christianos carnes jejuniorum tempore comedere solitos fuisse, quemadmodum eisdem vesci ægroti solent: videlicet, non quo epularum diversitate ingluviem foverent, sed ut infirmo corpori succurrerent.*

XLIX. Tandem ad communem fidelium sensum, ad sacras Christianæ prudentiæ, pietatis, & æquitatis leges, litem hanc, si opus foret, appellarem. Quid? An non perhorrescit communis Christianorum sensus tantam in Quadragesima epularum diversitatem, tantumque in conviviis luxum? Hæc ne æquitatis lex, ut ejusdem sanitatis Christiani, illi ob extortum privilegium opipare conviventur: isti esuriant, quia piscibus vescuntur? Ubi prudentiæ consilium, ubi catholicæ Disciplina decus, & amor? An non heinc Hæretici nostri contermini ansam Romanam calumniandi Ecclesiam arripiunt? Quin. An non tantus abusus iusti scandali causam præbet & Catholicis, & paganis? Quod his
volup-

voluptatum illecebris operam dent solutionis vitæ homines, non valde communi causæ nocet, sed solos helluones propriæ professionis violatores patefacit. At quod tantam corruptelam a Theologis Catholicis approbari hæretici audiant; hoc est, quod ipsorum effusis sibilis Romanam Ecclesiam deridendam exponit. Ne multa. Dispensationes quæque, & misericordes Ecclesiæ indulgentiæ in fidelium ædificationem, non scandalum impertiuntur. Eo pertinent, ut succurrant indigentibus, non ut foveant voluptuosos. *Nvovs fidelis dispensator*, inquit Bernardus, *ibi tantum usurpare dispensationem, ubi bonam possit habere compensationem. Infidelis est*, subdit S. Thomas, *dispensator, si non habet intentionem ad bonum commune: imprudens autem, si rationem dispensandi ignorat*. Tandem Augustinus. *Quid inconvenientius, quam in diebus humilitatis, quando pauperum victus omnibus imitandus est, ita vivere, ut si toto tempore sic vivatur, vix possit divitum patrimonia sustinere*. Honestas ipsa sacræ abstinentiæ tot epularum conjunctionem non recipit, aspernatur, repellit.

§. V.

Decretorum Synodaliū: Hispaniarum suffragio nostra, sententia firmatur. Laxa, & festiva quorundam Casuistarum Doctrina.

SYNodus Hisplaneſis *tit. de ser. & observat. jejuni. cap. 9.* sub excommunicationis pœna permisceri epulas esuriales cum cœnibus vetat, ut fatetur etiam P. Thomas Sanchez *lib. 5. consil. cap. 1. dub. 14. n. 6.* Hæc eadem permixtio sub anathemate vetatur in Diœcesibus Toletana, Abulensi, & aliis, ut fatetur Joannes Sanchez *in selec. Disp. 51. n. 20. & 21.* Leander a Santissimo Sacramento *tract. 5. Disp. 2. q. 30.* P. Antoninus Diana *Coord. Tom. 4. Resol. 77.* Quantum ex his Synodalibus Decretis nostræ sententiæ ponderis, & ornamenti accedat, nemo non videt. Quin & ipse Archiepiscopus Compostellanus gaudio sibi vertet, quod Diœcesanos suos, qui quæstiones super hac re excitaverunt, valeat inelytæ suæ nationis exemplis & veluti domesticis documentis

mentis in ordinem redigere, & in ampla ſua Diœceſi pœnitentiæ quadrageſimalis cultum ſerventius promovere.

LI. Sed utinam in omnibus Caſuiſtis Hiſpanis idem ſanioris ethices zelus, ac in ejuſdem nationis Synodis arderet. Abundat dubio procul ſicut in omni ſcientiarum genere (ſit diverticuli loco dictum) ita etiam in ſacra morum ſacultate ſapientiſſimis viris acutiſſima Hiſpana gens. Teſtes hujus rei ſunt Michael Elizalde, Tyrſus Gonzalez, Ignatius de Camargo, Thomas Munieſſa omnes ſapientiſſimi Jeſuitæ. Polancus Minimus profeſſione, ſed ſapientia, & pietate maximus. Joannes a S. Thoma Dominicanus vir ſane præclariffimus, & inter Scholaſticos nemini ſecundus, qui Chriſtianam Doctrinam, præter ingentia volumina, edidit profunda, cœleſtique ſapientia reſertam. Joannes Baptiſta de La Naza Dominicanus, qui diſciplinam jejunii Patrum doctrina exornavit. Bartholomeus de Martyribus Archiepiſcopus Bracharenſis Eccleſiaſticae Diſciplinæ inſtaurator. Ludovicus Ganatenſis Evangelicam morum doctrinam ad portentum expoſuit. Eminentiffimus Cardinalis de Aguirre Benedictinus, doctiſſimus unaque piiffimus, qui lamentari ſolitus erat ſe traditus agnoviſſe, Chriſtianam Theologiam e Patrum, Conciliorumque fontibus hauriendam eſſe, aridis nulliusque rei ſpeculationibus, quæ ſemi-Theologorum deliciæ ſunt, de medio ſublatis. Prætereo innumeros aliorum Ordinum præſtantiſſimos viros de morum ſcientia optime meritos. Verum eadem ſinceritate ſatemur, præſatam Gentem ſuavioris ethices Caſuiſtis redundare. Intellectus acumen, quo ſevera Hiſpani mirum in modum excellunt, occaſionem puto fuiſſe aliquibus plus juſto ſpeculandi in morum Regulis. Petrum. Godoy Ord. Præd. Episcopum doctiſſimum, atque Scholaſticorum acutiſſimum, dixiſſe ferunt, noluiſſe quidquam in morum ſcientia ſcribere, quod ſcholaſticiſ certaminibus innutritus verebatur, ne omnia in diſputationem revocaret. Cujus regulæ veritas penes relatores ſit. Interim ego ab opportuna digreſſione in ſemitam rediens, quod propoſui probare aggredior.

LII. Hiſpani itaque Caſuiſtæ ſuper laudatis Synodorum Decretis controveſantur, ſit ne peccatum mortale piſcatum una cum carnibus manducare. Et primo ajunt, nil haberi criminis, ſi ad vellicandum palatum,

latum, ad exacuendum appetitum quidpiam piscium manducetur, quia hoc, inquiunt, naturæ jure permiffum est. Secundo ajunt, peccare qui in præfatis Diœcesibus, in quibus lata excommunicatio est in edentes *piscatum*, & *carnes*, manducant pisces minus salubres, minusque selectos & delicatos, seu sanitati incongruos. Quid si piscium esus leve afferret saluti incommodum? Levem tum culpâ patrari subdunt. Quod acriter disputant est, peccent ne illi, qui ad satietatem edunt una cum carnibus pisces *selectos*, atque *suaves*? Hoc in casu nullum admitti grave crimen propugnant. Hui tantum imposturæ? Recte & bene. Incredible quippe est tam peregrinum commentum. Idcirco transcribo Testimonium P. Leandri a Sanctissimo Sacramento, sententiam Joannis Sanchez referentis *tract. 5. Disp. 2. q. 30.* his verbis. *Addit tamen Sancius non peccare mortaliter, nec incurrere dictam excommunicationem illum, qui dictis diebus ad excitandum appetitum, ad cibum parum piscati sumeret, quia id concessum jure naturæ, contra quod prevalere nequit positivum. Papæ! Vellicare appetitum, exacuere palatum piscium esu, ut edacius sit ad convivandum, jus naturæ est, cui prævalere jus positivum nequit. Mirum, quod nec Ethnicorum nemo, nec vel ipsi Epicurei hoc jus exposuerint? Sed persequamur Leandri, textum. Nec illum qui pisce suavi vulgo Trucha (italice Trota) vesceretur, etiam sine necessitate erigendi appetitum ad cibum, & in magna quantitate, QUIA ex esu illius nec salus, nec temperantia læditur. Hæc Sancius.*

LIII. Audistin Licitum? est edere una cum carnibus pisces, dummodo sint suaves, *Trucha*, *Truta*, quia tum nec salus læditur, nec temperantia. P. Antonius Diana hanc eandem sententiam Sanchez exponit *Tom. 4. tract. 6. Res. 77. n. 4.* his verbis. *Obiter inquiri, An dispensatus ad edendas carnes possit simul pisces comedere, si ab Episcopo fuerit hoc prohibitum sub pœna excommunicationis? Et affirmative respondet Sancius in select. disp. 51. Si causa excitandi appetitum comedas pisces non peccabis: Quia præceptum positivum abrogare non debet quod jure naturali debetur. Neque item, si comedas pisces SUAVES, ETIAM ABSQUE CAUSA, vel in ea quantitate, quæ tuæ saluti non noceat. Quare, inquit prædictus Author, hoc præceptum violare tantum censeberis, quando pisces simul cum carnibus edes, quorum esus grave tuæ saluti nocumētum inferat.*

LIV. Pe-

LIV. Peregrægie . Si cuiusque culpæ expertus est esus *Truta* quia suavis, actus virtutis, & quidem pœnitentiæ erit esus *Acipenseris* quia suavissimus . Dii melioria ! Dum hæc legebam in mentem venit festiva altera doctrina, quæ vulgo circumfertur de potu indico. Ajunt enim, hunc suavissimum potum jejunium Ecclesiasticum haud frangere, si exquisitæ sit bonitatis : tum autem illud graviter violare, si inferioris sit qualitatis, quod corporis sanitati noceat . Tantum præjudicatæ opinionæ possunt, ut per derisionem fere de jejunio disputeur . Et sunt qui invidentiæ, charitatisque læsioni vertunt, dum opiniones ejusmodi sibilandas propinari inaudiant . Nec est quod sancte jures, non ob alium id præstari finem, quam quod via hæc aptior sit & ad confutationem, & ad fideles erroribus subrahendos . Obstinantur illi in Casuistarum defensione, & quamvis benignissimi, nec tantillum commoventur, dum vident sanctiores Christianæ Disciplinæ Regulas, & Conciliorum Decreta deridiculi commentis contemni, atque adeo populi Christiani salutem periclitari ?

LV. Si vel ipsa luculenta, & explorata Synodorum, & Episcoporum Decreta, quæ conceptis verbis excommunicationis mucrone jugulum petunt : & commessatores piscium & carniæ jejunii tempore a Christi fidelium cœtu segregant : si hæc inquam Decreta, paucis distinctiunculis, vanisque commentis nauci faciunt, collige quæso, quis sit illorum Mercurius . Quæ lex, quod præceptum vel apertissimum ab istorum interpretamentis immune erit ? Decreta Synodalia sub excommunicatione epularum permixtionem vetant . Et acuti juniores respondent, hæc sacra Decreta tum habere locum, cum pisces viliores sint, minusque faucibus jucundi ; secus si fuerint suaves, ut *Trucha* ? Eo ergo Apostolica Episcoporum & Synodorum sollicitudo pertinet, ut corporibus saginandis, faucibusque demulcendis congruas escas præscribant sub anathemate ? Prohibent Episcopi & Synodi esuriales escas viliores, minusque voluptarias, quæve corpora affligant, appetitiones cohibeant, vireque, sanitatemque extenuent : minime vero suaves, delicatasque *Trutas*, *Cyprinos*, *Rhombos*, *Acipenseris* ? Excommunicationis fulmine ne opus erat, ut ad tam egregia facinora erigerentur fideles ? Nec solus Sanchez laudatam opinionem defendit . Iple P. Leander, quamvis

C

sub

sub initium responsionis a Sanchez recedere videatur, continuo tamen subdit. „ Dummodo id faciat sine necessitate : & ita in magna quantitate, ut salus, & temperantia graviter laedatur : alias minime. Ratio est. Quia ad incurrendam excommunicationem majorem, necessum est, ut quis prius incurrat peccatum mortale : ergo, ut quis incurrat excommunicationem latam contra comedentes carnes, & piscamur tum simul in præassignatis diebus, necessum erit, ut ita abundanter comedat, ut graviter periclitetur salus comedentis, & temperantia : & ideo graviter ex hoc capite peccet. Ergo si secus faciat, nec peccabit mortaliter, nec incurret consequenter latam excommunicationem. Dispendium operæ facerem si tempus tenerem in commentis tam peregrinis, & a Christianæ poenitentiae regulis tam absonis. Quis enim Catholicorum instructione eger, aut stimulis, ut talia detestetur paradoxa?

§. VI.

CONSECTARIUM PRIMUM.

In Pontificio Rescripto jure ac merito sub gravi præcipitur secunda non permiscendarum epularum conditio. Scrupulose obiectiuncule suffragantur.
 Nullam jam est adversæ opinionis Probabilitas.

LVI. **E**X iis, quæ dicta sunt hætenus, illud evidenter colligitur, ideo Summum Pontificem feliciter Regnantem BENEDICTUM XIV. servandas præscripsisse præfatas duas condiciones, & unicæ comesturæ, & non permiscendarum epularum, quod & lex jejunii, & justæ Dispensationis regulæ easdem exigunt. Primam conditionem sub mortali & præscribendam, & servandam esse supra ostensum est. Paucis nunc palam faciam, sub gravi quoque culpa hanc posteriorem exequendam esse. Duo, ut diximus, sunt principia, unde gravis obligatio legis eruitur. Materię magnitudo, & voluntas Præcipientis : quæ duo sese mutuo roborantur, & alterum alterum infert. Absolute tamen mensura majoris, aut minoris obligationis & materię gravitas est, cui voluntas Legislatoris respondeat fas est. Epularum permixtio jejunii tem-

nii tempore suapte natura gravitatem prodit. Nam omnium sententia carnis esus mortalis est, nisi dispensatio accedat. Si escae esuriales sanitatem non lædunt, nec grave incommodum stomacho inferunt, Dispensatio nulla est, quoniam ob falsam causam extorta. Nec leve incommodum, seu levis causa sat est, ut lex gravissima jejunii relaxetur. Justa enim Dispensatio boni communis compensationem ferre secum debet, ut Bernardus, & Thomas docent. Contra si graviter corporis sanitatem perficium cibus lædit, grave peccatum patrare eum, qui præfato cibo vescitur, convenit penes omnes. Ergo evidens est, hanc quoque posteriorem conditionem sub gravi culpa a Medicis, Rarochis, cæterisque Superioribus præscribendam, servandamque sub eadem culpa a Christianis esse. Heinc est, quod *hanc permutationem* laudatæ Synodi, & Episcopi Hispaniarum excommunicationis pœnam tulerunt in eos, qui jejunii tempore ejusmodi diversas epulas permiscerent. Accedit scandalum tum Catholicorum, tum hæreticorum, quod similia convivia pariunt.

LVII. Peccabit ne peccatum grave, inquires, qui dispensatus in esu carnis aliquid esurialium escarum comedet? Tantum ne facilitatis in multiplicandis mortiferis culpis? Quid si ciborum appetitio deperdita sit? Peccabit ne mortaliter qui ad excitandam edendi cupiditatem aliquid quadragesimalis edulii sumpserit? Si adfirmes, scrupulorum aculeis vel ipsos moratos Christianos torques. Si neges, non ergo mortifera est eduliorum permixtio.

LVIII. Lemures ejusmodi sunt, & auxæ jam sub ipsius disputationis initium exsufflatæ. Morum Regulæ, quæ proxim dirigunt, plura complectuntur. In istarum executione, & observantia, æquitas, bona fides, & prudentia requiruntur. Mensas absolute, & indiscriminate extruere licitis, interdictisque epulis, sacræ abstinentiæ diebus, crimen est. Hic enim splendidus mensarum apparatus, & tantus epularum luxus, ipso sacro tempore, quo humilitatis, pœnitentiæ, & afflictionis argumenta præbere Christiani debent, epicuræ voluptatis, impotentis gulæ, effrenis concupiscentiæ signa sunt, atque impudentem sacrarum legum contemptionem manifesto præferunt. Cæterum, cuinam vel in mentem venit, eum, qui ob stomachi invaletudinem, carnibus approbante utroque Medico vescitur, graviter delinquere, si, ut prostratam

cibi cupiditatem recreet, quidquam esurialis escæ manducaverit? Poterit iste unam & alteram haleculam, conditas oleas, & quid edulii quadragesimalis simile absque ullo scrupulo fumere. Hoc quippe in casu edulium esuriale medicina est reparandæ ciborum cupiditati peridonea, si verum sit escarum cupiditatem prostratam esse. Si contra cibi appetitio vigeat, aut escas jejunii leviter attingis: aut copiose capellis æque, ac carnes. Si primum, levem tantum noxam contrahis ob materiæ parvitatem. Si secundum, tum inquiri: aut ea cibaria permixta vehementer valetudini incommodant, aut parum. Si primum, mortaliter peccas ut minus adversus temperantiæ præceptum, legemque valetudinis tuendæ. Si parum obfunt; mortifere peccas adversus jejunii Ecclesiastici legem, a qua minime dispensatus es ob defectum gravis causæ, sine qua dispensatio nulla est. Quis enim Prælatorum carniū edendarum facultatem impertires illis, quos sciret absque gravi incommodo nutriri jejunii cibus posse? Porro ea non intelliguntur in dispensatione concessa, quæ expresse postulata denegarentur. Denique: Si Christiani, qui ob afflictam stomachi valetudinem vescuntur carnibus, juxta Sanctorum Patrum Regulas separatim a communi mensa soli veluti infirmi comederent; nulla esset degustandi modo has, modo illas escas occasio. Si se peccatores agnoscerent, & Divinæ Justitiæ debitores, qui nisi in hoc mundo eam, quam valent, debitorum partem solvant: nisi pœnitentia carnem configant, concupiscentiam reprimant, jugibusque precibus gratiam vitandorum criminum implorent, æternas pœnas dubio procul dabunt. Audiant tandem isti, qui maris, terræque animalibus gulam saturare suam curant, ipsius Senecæ increpationem. *Ad vos deinde transeo, quorum profunda, & insatiabilis gula hinc maria scrutatur, hinc terras. Alia bamis; alia laqueis, alia retium variis generibus, cum magno labore persequitur. Nullis animalibus, nisi ex fastidio pax. Infelices etiam, quod intelligitis vos majorem habere famem, quam ventrem.* Epif. 66.

LIX. Planum nunc est, nullius omnino esse Probabilitatis adversam Recentiorum Casuistarum opinionem. Quoniam nullo ea nititur rationis momento gravi, firmoque. Ratiunculæ, quæ olim fucum imperitis facere poterant, penitus convulsæ sunt. Nulla quoque autoritate sub-

citur

citor opinio illa , cum duobus Summi Pontificis feliciter Regnantis Diplomatus , & tandem hujus Rescripti apertissimo responso penitus in nihilum redacta sit . Laurentius Cozza Cardinalis in suo de jejuniis Tomo p. 3. dub. 7. postquam Recentiorum opinioni subscripsit , addit . *Ceterum in PRAXI tutius agit ille , qui dispensatus in usu carnum se a piscibus abstinere* . Ex citatis verbis collige , Recentiorum Plures morum quæstiones versari acuminis ostentandi gratia , praxi neglecta . Prius enim abstracte disputant , quasi Morales Quæstiunculæ natura sua non spectarent praxim : & postquam semina laxitatis projecerunt , tum advertunt praxim oppositam tutiorem esse . At peractum jam malum est . Non nego tamen præfatam distinctionem interdum locum habere : in præsentia autem minime , quia nunquam comestio abstracte peragitur . Scio reposituros fore , ut alicujus probabilitatis larvam etiamnum propugnent , non esse illorum opinionem solemnî ritu damnatam . Verum de hoc infra . Interim Summo Pontifici respondenti pareant .

Respondemus : Concedentes facultatem vescendi carnibus tempore vetito , sub gravi teneri easdem facultates non aliter dare quam geminis hisce adiectis conditionibus , videlicet unicæ in diem comestionis , & non permiscendarum epularum : eos vero , qui hujusmodi facultatibus utuntur , sub gravi binas condiciones implendas obligari .

LX. Ultimo loco addiderim , eos , qui carnibus vescuntur ob solum esurialis edulii fastidium , non modo ad binas præfatas condiciones implendas sub culpa gravi obligari , quando concedentes easdem præscribunt ; verum etiam graviter peccare si eas implere negligent , in hypothese , qua Medici , Parochi , Episcopi apponere condiciones istas omitterent . Peccarent utique & quidem gravius dicti Superiores , qui proprii officii immemores limitare edendarum carnum concessionem binis conditionibus negligerent . At non propterea a peccato immunes essent Christiani , qui dispensatione utentes ab iterata comestura , & permixtis epulis non abstinere . Quisque enim , quæ sui status sunt , & professionis scire , & exequi astringitur . Quid ? Ignoracionem ne obtrudent ? An musitabunt ? Nostrium non est Superiorem potestatis confinia figere . Si indefinitam nobis dispensationem concedunt illi , nostra ne erit illam coarctare ? Et quid ni ? Si villicus partem dumtaxat debiti

a te Domino solvendi exigeret, liber ne iccirco tu fores a toto integroque reddendo? Quis te melius agnoscit quid evangelici jugi humeri ferre tui queant? Quisque sibi in hac materia doctior Medicus, quisque melior Theologus, si sinceritas, si bona fides, si æqui bonique lex, si denique æternæ salutis propriæ amor & desiderium animum occupaverint. Si hæc desint, frustra sunt omnia.

LXI. Quid tandem de illis Patribus familias dixerim, qui carnibus vescentes ipsi, cæteros domesticos comedere easdem carnes cogunt, iniquæ œconomiz, & sordidæ, dixerim potius, avaritiæ prætextu? Res familiaris, inquiunt, nostra duplicem mensam non fert. Audisti hactenus, Christiane lector, gulæ lenociniis epularum permixtionem fucari. In præsens avaritiæ fraudibus epulas simplices apponendas esse inaudis. Illi, ut corpus faginent suavius carnes, & pisces una comedunt. Hi ne crumena damnum subeat, omnes domesticos simplices carniū escas manducare velunt. Qui sunt hi œconomi? Ignoras? Qui bacchanaliorum tempore in ludis, luxu, pompis, conviviiis profanisque paganorum diverticulis patrimonium effundunt, prodigunt. In Quadragesima vero criminofam affectant parsimoniam, quæ Divinæ abstinentiæ legem contemnit, conculcatque. Cohibeant gulam, ambitionem, libidinem: sobrietatem in victu, & vestitu servant; & illico res familiaris ditior evadet, patrimonium læsum instaurabitur. Carnes necessitate vera cogente comedant illi, sed ut infirmi, separatim, & soli, ne aliis scandalo sint, ut S. Carolus Borromæus, aliique Patres docent.

C A P U T III.

Dispensationes hodierna carniū adendarum sacro Quadragesimæ tempore concessæ manina in parte nullæ sunt ob defectum legitimæ causæ.

I. **H**OC est postmum causæ caput. Opponent, de hoc in Pontificio Rescripto nec verbum occurrere. Quod verum habet, sed illud altius inculcatur in utrisque Litteris Apostolicis ad omnes Romanæ Ecclesiæ Episcopos datis. Quin Sanctissimus Pontifex in primo Diplomate

plomate Non Ambigimus acerbissimo dolore se tactum fatetur , quod fere obsoleverit quadragesimalis jejunii observantia ob nimiam dispensandi facilitatem. Nos sane , inquit , quibus in hac sublimi Apostolica procurationis specula constitutis undique gentium nuntii afferuntur , lacrymis satis deplorare non possumus , Augustissimam quadragesimalis jejunii observantiam , ob nimiam , nullis legitimis urgentibus causis , ubique indiscriminatim dispensandi facilitatem , plane sublatam esse : ita ut Orthodoxæ quidem Religionis cultores merito querantur .

II. Nos fuso calamo argumentum hocce dispeximus in opere vulgari sermone scripto *La Disciplina Antica , e Moderna della Romana Chiesa in torno al Quaresimale Digiuo* . Ibi perpetuo commentario utrasque Apostolicas Litteras Non Ambigimus , & in Suprema interpretati sumus . Porro occasione exponendi præsentis Pontificii Rescripti communi utilitati opportunum atque expedientissimum fore duxi summæ necessitatis punctum versare . Quæ in laudato opere latius hoc de argumento dixi , paucis hic perstringam . Dicant morosi Critici , me actum agere : nihil moror . Communis utilitas , non istorum censuræ , me sollicitum habet . Quid quod in illorum manus liber iste incider , ad quas fortasse non perveniet alter . Scio abusum , seu corruptelam Dispensationum adeo inveteravisse , ut exigua sit futuri profectus spes . Sed nostrum est legem Dei , & Ecclesiæ exponere , Dei penitentia spiritum infundere , & corda immutare . Rem ingrediamur .

§. I.

Rationum momenta adversus hodiernas carniū edendarum in Quadragesima concessionēs . Medicorum , & Parochorum facilitas criminosa .

III. **U**T quisque evidentius percipiat , nullas communiter esse edendarum carniū concessionēs in Quadragesima dari solitas , nonnulla in antecessum præmittam oportet . Et principio illud est præ oculis habendum , gravissimam esse jejunii Quadragesimalis legem . Hanc appellat S. Ignatius Martyr *Epif. ad Phil.* (aut quicumque sit

istius Epistolæ Author) Christi abstinentiæ similitudinem. *Quadragesimam nolite pro nihilo habere. Imitationem enim continet Domini conversationis. Tertullianus de Res. car. Sacrificia Deo grata dico jejunia. S. Basilii or. 2. Jejunemus, ut Passionis Christi participes simus. S. Hieronymus Basim virtutum. Sileo aliorum Patrum prolixiora encomia.*

IV. Penitius legis istius gravitatem, atque necessitatem deprehendes, si in memoriam revocaveris ejusdem originem & principia. Ipsum naturæ jus jejunium absolute spectatum præcipit, quatenus instrumentum est peridoneum concupiscentiæ subigendæ rationis fræno, ut fusc loc. cit. palam feci. Hanc legem in veteri, novoque Testamento Deus rogavit. Ecclesia tempus, in quo jejunandum sit, determinat, ut in Quadragesima, in quatuor anni temporibus. Cæterum jejunium in communi ipso naturæ jure præscriptum est, ut cum S. Thoma docent Theologi. Heinc est, quod majores nostri, nisi infirmos; & quidem graviter, ab esurialibus escis eximebant in Quadragesima. Quid, quod Ecclesia Græca nec ipsis graviter ægrotantibus carniæ esum permittebat? Balsamon Patriarcha Antiochenus in Responsis ad Patriarcham Alexandrinum hæc scribit. *Carnes enim, vel caseum, aut ovum attingere non fuerit concessum, licet extremam esset animam, neque in magna Quadragesima, neque in qualicumque Mercurii, vel Veneris die. Sufficit enim ei, qui necessario per aridorum esum magnificare debet dies Mercurii vel Veneris, per oleum, vel pisces morbi acerbitem mitigare. Quem disciplinæ rigorem obtinuisse anno 1336. narrat Mathæus Balastarus Canonista Græcus. Disciplina Ecclesiæ Occidentalis mitior. Nonnisi tamen in gravi, evidentique infirmitate carniæ esum permisit Quadragesimalis jejunii tempore. Opportuna sunt Concilii Toletani VIII. verba. Can. 9. Quisquis absque inevitabili necessitate, atque fragilitatis evidenti languore, seu etiam ætatis impossibilitate, esum carniæ diebus Quadragesimæ præsumpserit attentare, non solum reus erit Resurrectionis Dominicæ, verum etiam alienus ab ejusdem sanctæ communionē.*

V. Prima ergo permittendarum carniæ jejunii tempore ratio, est corporis sanitas, a gravi nocumento, quod cibi esuriales inferre queunt, præservanda. Sed distinguenda est corporis sanitas ab ejusdem constitutione, atque concupiscentiæ refrænatione. Cibi esuriales eo pertinent,

inent, ut reapse cupiditatum vim extenuent, humores evacuent, corpus torqueant, ipsasque vires carnales moderate ad tempus debilitent, ut inde tamen firmior tum corporis, tum animæ valetudo succedat. Nonne medica purgatio corporis vires extenuat, ut repararet? Præfata incommoda, quæ sunt proximi jejuniorum fructus, opponunt voluptuarii Christiani, ut sanitatis hostes. Hæc ut evitent, dispensationem impetrant. Quod perinde est, ac si dicerent: Quia jejunium gulæ non aridet, carniū postulamus concessionem. Necessitas ergo aut expellendi morbi, aut præservandæ sanitatis a probabili futuro incomodo, unica est ab escis esurialibus dispensandi ratio.

VI. Et ne opponere valeant Theologorum non esse judicium ferre de corporum sanitate, lubet insignium Medicorum auctoritate, quæ indicavimus, confirmare. Perdoctus Paulus Zacchia lib. 3. tit. 1. q. 5., *Non quilibet morbus legitime a jejunio excusare potest. Neque etiam idem morbus, qui ab una obligatione solvit, ab omnibus solvere potest. Quin addit non omne sanitatis incommodum ab ipso jejunio derivatum sufficiens esse dispensandi momentum. Ante omnia, pergit ibidem, admonendum primo: non omne sanitatis incommodum a jejunio proveniens, illico hominem a jejunio excusat: Nam vix dici potest jejunare, qui ex jejunio nullum perceperit corporis incommodum: Idcirco enim jejunium definitur maceratio, seu afflictio corporis. Heinc Medicos admonet, nec continuo a jejunio dispensent ob quodlibet incommodum. Quædam edulia esurialia sanitati obsunt, secus alia. Non illico carnes concedant, sed jejunii cibos quærant salubres. Ex quibus discant tam Medici, quam eorum consultores, non esse potendam absolutionem a jejunii obligatione, illico, atque læsum qui se sentiat a jejunio; sed potius querendum, an aliqua ratio jejunandi sit, quæ sit magis salubris, quam præterita. Sunt enim qui ab aliquo cibo particulari in jejunii consuetudo noxam percipiunt: hi si hunc abusu omiserint, jejunium de cætero commodissime servare possunt. ibid. Tandem concludit summo studio invigilandum Medicis esse, ne a voluptariis Christianis illudantur. Recogitent serio varios esse morbos, quorum unus carnes, alius lacticia, alius plures comestiones, servato ciborum delectu, alius omnia simul postulat. Videant ergo Medici, ac rigoroſe insistentes examinent, an aliquid simile irrepere possit in his, qui jejunant.*

nare obligati, ab ea obligatione se eximere student huiusmodi illegitimis excusationibus Non enim quivis morbus a quavis jejunii conditione excusare debet indifferenter: sed aliter quidem ab usu carniū: aliter ab usu tantum ovorum, non carniū: aliter ab unitate comestionis, aliter ab hora refectiois, aliter ab omnibus simul immunem reddere hominem potest. *ibidem.*

VII. Alter non minus celebris Medicinæ professor Condronohius Hispanus in sua *de Christi. medendi. rat.* apud Hecquet p. 1. c. 32. præfata doctrinam confirmat. Medicus perperam, & inique agit, cum se valetudinario, & morboſo, vel debili, qui se oris, & lactariis cibis tueri facile potest, esum carnis etiam concedit, maxime in Quadragesima. Similia docet laudatus Hecquet, & Theologus Pasmans prævaricationis damnae tum concedentes, tum utentes manducandarum carniū facultate falsis prætextibus extorta. Prævaricantur quam plures, qui ex præpostera valetudinis cura esum piscium sibi officere illico causantur: & ideo ad abstinendum carniū se non obstringi dicunt: prævaricantur inquam, etsi Medicos consulant, a quibus schedulas, quibus impetrant facultatem edendi ova aut carnes, obtinent, vel saltem extorquent. Neque a violati jejunii peccato immunes sunt ejusmodi Medici, qui indulgentius, quam par est, agunt cum malis; v. g. Nobilibus. *De Jejun. Theſ. 5.*

VIII. Duo heinc colligas velim. Alterum, Dispensationem non egredi necessitatis confinia. Quemadmodum nulla est, si absque gravi, & manifesta causa ab universa jejunii lege dispensat: ita nulla est, si carnes impertit, quando solis lacticiis, vel si lacticiis concedit, quod solis edulis jejunii subveniri Christianorum incommodis valet. Alterum, nullas communiter esse maxima in parte hodiernas a quadragesimali abstinentia dispensationes. Vix quatuor in centum eorum, qui dispensantur ob fastidium edulli esurialis, vera necessitate premuntur, Norunt hoc Medici, sed causantur fraudes Christianorum, qui exaggerant incommoda, falsosque prætextus allegant. Norunt Confessarii, & Parochi, sed reponunt, se attestationibus Medicorum niti. Et Christiani opipare edunt utriusque Medici suffragiis munici. Omnes plus & minusve prævaricantur, & vicissim variis ducti respectibus ad peccandum se se incitant, urgentque.

IX. Experientiam conſulamus . Qui ſunt , qui facultatem carniſum edendarum in Quadrageſima obtinent ? Divites , Nobiles , formoſuli , & thoſoſuli , qui toto anno ſani ſunt , & potiſſimum bacchanaliorum tempore , qui diu , noctuque nil intèntatum negligunt , nullumque non movent lapidem , ut ſanitatẽ lædant , prodigant . Quadrageſima recurrente ad omnia ſani ſunt : ſolum ad jejunandum infirmi . Ex tanta piſcium diverſitate nihil occurrit illorum ſtomacho conſentaneum . Fac piſces omnes etiam delicatos , etiam ſaluberrimos tibi eſſe infeſtos : non ne præſto ſunt pulmenta plurima , & innumera herbarum , fruſtuumque genera ? Sint quoque iſta omnia minus congrua : an non abundant laſticia , ex quibus tot feſteſtæ , ſuaveſque epulæ compinguntur ? Eſcis ex puro , putoque lacte coagmentatis vivunt plures menſes homines delicatiſſimi , & valetudinarii , qui morbo ethico obnoxii ſunt . Et ut a mortifera ſcelerum infirmitate convaleſcant , nihil eos eſcarum illorum ſtomacho opportunum eſt , nihil ſalubre ? Quis ratione præditus tantum adfirmaverit paradoxum ? Ergo , experientia teſte , nullæ communiter ſunt facultates edendi carnes in Quadrageſima , ob ſolam eduliæ eſurialis faſtidium conſeſſæ .

X. Nec communiter Medicorum , aut Parochorum excuſationes conſiſtunt . Quoniam , aut ignorant Medici ſtatum Chriſtianorum , qui ſchedulas teſtimoniales petunt , aut ſecus . Si primum peccant , quod teſtimonio jurato adfirmant morbum , de quo minime ſibi conſtat . Si ſecundum , certius peccant . Falleris , inquiunt : noſtrum eſt valetudinariorum incommoda audire , & juxta Profeſſionis regulas judicium ferre . Si falſum narrant , ipſi viderint : Vah turpem illuſionem . Cæcæ iſſi ſunt in Meridie . An non vident , manibusque tangunt , ſanos , robuſtosque eſſe homines , qui carnes veſcendas petunt ? An ignorant , piſces plurimos ipſis carnibus ſalubriores eſſe , ut mox palam faciam ? Ineptiora ſunt Parochorum effugia . Hi quippe ſunt , & diſpenſatores , & conſultores . *De utriusque Medici conſilio* . Si fidere Medicorum atteſtationibus Parochi omnino deberent , fruſtranea eſſet diſta clauſula *de utriusque Medici conſilio* . Paſtorum potiſſimum intereſt internoscere oves ſuas , earumque ſtatum . Ignorare iſtarum indigentiam grave crimen Miniſterii proprii eſt . Si ergo ſanos noverint Parochianos , qua conſcientia

Scientia illis carniū esum permittunt? Odium, inquis, invidiam, persecutionemque subirem extremam, si habito Medicorum testimonio, dispensationem negarem. Numquid tantum calamitatis & indignationis ipse mihi parabo? Tantos adversarios in me ipse concitabo? Hæ voces, non Pastorum, sed mercenariorum. In hos invehitur Dominus per Jerem. c. 10. *Stulte egerunt Pastores . . . Propterea non intellexerunt, & omnis grex eorum dispersus est.* Item cap. 50. *Pastores eorum seduxerunt eos.* Item per Ezechielem cap. 34. *Vae Pastoribus Israel, qui pascebant semetipsos.* Et per Isaiam. cap. 56. *Canes muti non valentes latrare, videntes vana, dormientes, & amantes somnia . . . Ipsi pastores ignoraverunt intelligentiam: omnes in viam suam declinaverunt, unusquisque ad avaritiam suam.* Qui tanto pectore non sunt instructi, quo & odium, & persecutiones tolerare, & gregem ab ursis, & lupis defendere non audent, ovium regimen non suscipiant.

¶ XI. Pater Michael Elizalde Soc. J. Hispanorum Theologorum Sapientissimus in suo opere *de Reg. Mor.* 2. p. lib. 6. q. 17. §. 11. docet in hoc negotio potiores partes Parochi esse: Salus quippe animæ excellentior est corporis sanitate. „ Dux ergo scientiæ, cognitionesque in „ utroque Medico desiderantur: alia corporis, alia animæ. Hanc jure „ supponit Ecclesia in Parocho. Nam bonus Pastor, & qui Mercenarius non est, cognoscit oves suas, & ob hoc ejus licentiam requirit. „ Quare licentia ista non est clavis gravis potestatis, sed clavis scientiæ saltem principalius. Nec item pender a sola scientia, cognitioneque Medici corporis: cum in hac re solum sit Parochi, scilicet videre quid Medicus corporis existimaverit, & subscribere ejus dicto. „ Tractatur itaque de duplici salute, corporis quippe, & animæ: & ideo utriusque Medici judicium requiritur, & potior est Medicus animæ: & si huic unum, alterum illi videretur: & in valetudo corporis aliqua peteret. Petrum non jejunare, sed lætare, & epulari: „ multitudo autem peccatorum ejus magnam poenitentiam postularet: „ item si in concupiscentiis totus arderet, & in magno esset periculo; „ postponi corpus debet & Medicus ejus, & Medico animæ standum est, & jejunandum, & corpus affligendum, & castigandum, quousque in debitam servitutem redigatur: nec animas nostras, id est vitam „ nos-

„nostram, pretiosiores facere debemus, quam nos, idest quam salutem animarum nostrarum, idest nostram.“

XII. Ob oculos ergo Medici, & Parochi sibi proponant, Sanctam Matrem Ecclesiam non eo instituisse jejunia, ut homines efficeret illo ipso, quo jejunant, tempore, robustiores, formosiores, vegetioresque, sed ut affligeret animas, concupiscentiam cohiberet, carnem comprimeret. Recogitent se tot criminum reos constituere, quot homines a delectu ciborum, absque gravi, & legitima causa, absolvunt. Scandalum serio meditentur, quod illegitimis dispensationibus pariunt. Sciant non alio validiori freno indomitam concupiscentiam subigi, quam moderata cibi subtractione. Contra vero: *Incrassatus, impinguatus, dilatus, dereliquit Deum factorem suum, & recessit a Deo salutari suo: Deut. 32.* Quæso altius animo imprimant, duo esse vitiorum genera, quæ homines ad inferna detrudunt. Concupiscentia carnis, & divitiarum. De hac alibi: de illa nunc. Quænam itaque effrenis concupiscentiæ immanisque luxuriæ efficacior causa, validiusque fomentum, nisi gula, nisi saturitas? Clamat Dominus per Jerem. c. 3. *Saturavi eos, & meretrici sunt, & in domo meretricis luxuriabantur. Equi amatores & emissarii facti sunt. Unusquisque ad uxorem proximi sui binniebat. Inclamat Propheta Ezechiel. Hæc fuit iniquitas Sodomæ sororis tuæ, satietas panis, & abundantia. Plenæ sunt Scripturæ sanctæ similibus testimoniis. Patres sancti volumina hoc de argumento scripserunt. Unum S. Augustini textum apprimè opportunum dumtaxat huc transcribo ex *serm. 2. Dom. 1. in Quadrag. Moses ergo quia jejunavit, Deum vidit: Populus quia manducavit, idola fabricatus est. Sed quid de Moysè & multitudine Israelitica loquar? Princeps ille humani generis Adam quandiu jejunavit, in Paradiso fuit; ubi vero comedit, ejectus est de Paradiso. Et qui in Paradiso Dei virgo fuerat, ejectus de Paradiso cognovit uxorem. Semper enim juncta est saturitati lascivia. Vicina sibi sunt venter, & genitalia, & pro membrorum ordine ordo visitorum intelligitur. Ejecit ergo nos de Paradiso tibus, reducat esuries, reducat jejunium. Sed missis Scripturis, & Patribus; qui sunt, qui communiter quadragesimalis abstinentiæ legem violant? Nonne fornicatores, luxuriosi, voluptarii, & impudentiores peccatores? Porro isti præ omnibus poenitentiarum corporalis, & severioris abstinentiæ figno atque**

atque jejunii medicamine magnopere indigent. Ergo Medici, & Parochi non modo proprii ministerii prævaricatores sunt, dum illegitimas dispensationes impertiunt, non modo in Ecclesiæ leges peccant: sed crudelitatis & inhumanitatis fontes evadunt, dum videntes fratres suos incendio concupiscentiæ, & pice sulphureque luxuriæ ardere, exuri, non aquam porrigunt, ut ignem extinguant, sed adipem & pinguedinem aspergunt, ut crudelius, & immanius ardeant, æternumque pereant.

§. II.

Christianorum præjudicia & effugia. Edulia esurialia non sunt noxia, sed consentanea sanitati.

XIII. **P**rimum præjudicium, quod mente Christianorum occupat, est immoderata & effrenis hujus vitæ cupido, quæ carnis macerationem, & concupiscentiæ efronationem tamquam sanitatis hostes effingit. Quare Seneca ipse scribit *epist. 101. Excutienda vitæ cupido est, discendumque nihil interesse, quando patiaris, quod quandoque patiendum est. Quam bene vivas referre, non quamdiu: sæpe autem in hoc esse bene, non diu.* Vanus amittendæ sanitatis amor, omnium in hac causa malorum origo est. Heinc deliciæ, & ventris idololatria. Hujusmodi enim (inquit Paulus ad Rom. 16.) *Christo Domino nostro non serviunt, sed suo ventri.* Isti aperti hostes sunt Evangelii Christi, & Crucis, subdit idem Apostolus ad Philip. 3. *Multi enim ambulant, quos sæpe dicebam vobis (nunc autem fletu dico) inimicos Crucis Christi, quorum finis interitus, quorum Deus venter est.* Viridis coloribus hos depingit Tertullianus *lib. de jejuniis. cap. 16. & 17.* ubi Christianos istos Ethnicis pejores asserit. *Ethnicus idolo gulam machat: Tu Deo non vis. Deus enim tibi venter est: & pulmo templum, & aqualiculus altare, & Sacerdos cocus, & Sanctus Spiritus nidor, & condimenta Charismata, & metus Prophetia. . . . Apud te Agape in cacabis fervet, Fides in culinis calet, Spes in ferculis jacet.*

XIV. Nimum itaque tuendæ sanitatis studium eo homines malorum præcipites agit, ut perpetuis blanditiis, atque illecebris carnem nutriant:

triant : & unde longiorem sibi parare vitam homines credunt , breviorrem efficiunt . Istius porro generis homines Evangelicum jugum omnino excutiant , nihilque ipsis penosius est pœnitentia , abſtinentia , carnisque maceratione . Quare extra viam ſalutis perpetuo ambulant , & propriæ converſioni , & ſaluti januam ſibi claudunt . Quæ enim ad amicitiam reintegrandam cum Deo viam parant , ſunt ſletus , maceratio corporis , jejunia , & ab illecebris , blanditiisſque abſtinentia . *Convertimini ad me in toto corde veſtro in jejunio , & in ſetu , & in planctu . Joel. 2.*

XV. Alterum Præjudicium eſt , eſuriales eſcas corporis ſanitati atque adeo longiori vitæ infeſtas eſſe . Quod erroneum præjudicium promovere ſtuderunt Leonardus Fuſchius , & Janus Cornarius Catholicæ Religionis deſertores . Iſtorum ſutilia commenta penitus labefactantur non Theologi modo , ſed Medici Catholici , quos inter Paulus Zacchias lib. 5. tit. 9. 2. ubi & hæreticos & catholicos quosdam Medicos in Epicuro potius , quam in Hypocrate , & Galeno verſatos reſellit , carpitque . *Hæc* , inquit , *& alia , quæ impia , ac temeraria procacitas effutire docet contra jejunia , nonnulli Medici , alique Hæretici obijciunt , vel obijcere poſſent : Quæ tamen cum omnia , ac ſingula , vana , ſutilia , inſulſa , ac ab omni veritate ſint alieniſſima , firmanda hæc conſuſio eſt : ieiunium & animæ & corpori eſſe proſicuum & ſalutare . Sanguinem purum , deſœcatum , mediumque , craſſum inter , & ſubtilem piſcium eſum progignere Galenus teſtatur lib. de ſuc. bon. cap. 9. Piſcium univerſorum propemodum ſuccus bonus eſt . Maritimos potiſſimum piſces præfert , & ex illis eoſ , qui pinguedine carent , ſquamisſque teguntur , Culpa enim prope omni vacant , quicumque in mari verſantur , pelagii , ſaxatiles : tales igitur ſumpſiſſe perpetuo tutiſſimum fuerit . Non minus ſalubres ejus piſces aſſerit , ac aves . Aves autem , & boni ferme omnes piſce ſucci cenſentur . Heine Galenus inſert piſcium eſum non modo eſſe facilis digeſtionis , ſed corporibus ſaluberrimum . Alimentum , quod ex ſaxatilibus ſumitur , non modo ad coquendam eſt facile , ſed hominum etiam corporibus ſaluberrimum , ut quod ſanguinem medium generat ſanguinem laudatiſſimum progignit . De anim. ſacul. cap. 26. & 28. apud cit Zacch. Animadvertit laudatus Zacch. poſt ipſum Hecquet , chias , & antiquos celebrioresſque Medicos piſcibus ,*

bus, non carnibus aluisse ægrotos. Quam ob rem hodiernos Medicos vellicat Cardanus, quod infirmos suos carnibus alant. Nec aliam excusationem Zacchias allegat, nisi pusillum animum. *Cur vero nos pisces nostris ægrotis interdīcamus, dictū difficile est, nisi consteamus nos in multis esse antiquioribus timidiōres. lib. 5. tit. 1. q. 2.* Terrestria animantia contagio, morbisque gravissimis obnoxia sunt, secus pisces. Ex quo ortum est proverbium illud: *Saniores pisce*. Qua re in hodiernos Medicos his verbis Zacchias invehitur. *Quid tantopere carnes in cibis suis verbis extolunt carnivori isti recentiores Medici? loc. cit.* Legant isti Plutarchum Ethnicorum doctissimum *lib. de tuend. valet*. Legant Lancisium nostrum pariter doctissimum de mortibus subitaneis, adversus quas efficacius remedium sobrietate, & parsimonia haud potuit reperire.

XVI. Sed Medicis missis, quorum tamen in hac causa judicium magnæ est autoritatis, pauca ex sacra Theologia promam: Et primum Quadragesimalem abstinentiam Ecclesiæ suæ organo Deus præcipit. Qui hanc supra vires effutiunt esse, vel sanitati incommodam, in Deum ipsum blasphemant. Ignorat ne ille, quid ferre hominum humeris valeant? An ne tyrannidis, & crudelitatis arguendus, quod impossibilia jubeat? Catholicorum nemo tam perverse de Deo sentit. Legem jejunii pleno ventre plures exaltant, sed opere & legem, & Deum contemnunt. Illis molestum jejunium est, qui in vitiorum cœno voluntantur, qui gulæ & concupiscentiæ mancipia sunt, quique voluptatis sue inquinati gustare sacræ inediæ saporem nequeunt. Cæterum Quadragesimale jejunium, non modo jugum est hominum viribus consentaneum, sed instaurandæ prostratæ sanitatis pharmacum est. Moderata fame, sitique, lauciorisque victus subtractione palatum exasperatur, caro torquetur, appetitiones reprimuntur. Sed sobrietas hæc, & maceratio & sanitatem quam invenit firmat, & deperditam instaurat. *In multis enim eis erit infirmitas, inquit Salomon Eccl. c. 37. Addit ibidem. Propter crapulam multi perierunt: qui autem abstinens est adjiciet vitam.* Item cap. 31. *Sanitas est animæ & corporis sobrius potus*. His effectis plenus est liber Ecclesiastici. Quare Ecclesia canit in publicis precibus. *Adesto Domine supplicationibus nostris, & concede, ut hoc solemne jejunium, quod animabus, corporibusque curandis salubriter institutum est,*

devoto

devoto ſervitio celebremus . Quid ſi Patrum teſtimonia aſſerre vellem ? Pauca curſim delibabo . Pronuntiatum Ambroſii omnium animis inſculptum vellem . Neminem vere ſobrium , jejunatoremque apopleſiæ iſtu correptum aſſerit *lib. de Elia & jejun. cap. 8.* Jejunium eſt inſirmitatis levamen , alimentum ſalutis . Nemo in crudelitatem jejunando incidit . Nullus per continentiam ICTUM ſanguinis ſenſit . S. Baſilius omnium Græcorum Patrum , ut ergo quidem arbitror , eloquentiſſimus , tanta argumentorum copia hanc veritatem evincit , ut omnes gulæ advocati obmutescant neceſſum eſt . Pauca tranſcribo ex *homil. 1. de jejunio.* Ne cauſeris corporis inſirmam valetudinem . Ne dixeris jejunium , te ferre non poſſe . Neque enim mihi iſtas excuſationes proferi . Sed juxta proverbium ſcienti loqueris , nimirum Deo , quem nihil fugit . Age dic mihi : jejunare non potes : & potes expleri eduliis ? Potes conſicere corpus eſcarum pondere ? Atqui inſirmis non variam ciborum copiam , ſed inediam , & abſtinentiam a Medicis ſolere præſcribi ſcio . Qui ſit igitur , ut cum iſta poſſis , illa te non poſſe cauſeris ? Utrum ventri facilius eſt tenui viſtu tranſmittere noctem , an copia ciborum gravatum jacere ? Immo nec jacere quidem , ſed crebro buc , & buc verti diſſentiam , ac gementem . Niſi forte ſimul diſcurus es illud , quod Naucleri facilius ſervans Navim ſarcinis onuſſam , quam eam , qua ad curſum expedita eſt ac levis : nam oneris magnitudine gravatam , quamvis exiguus fluſſus adoriens demergit . Contra , que modicis ſarcinis temperata eſt , facile ſuſſere undarum impetum : eo quod nulla res impediatur eam , quominus fluſſum in altum ſurgentem ſuperet . Eundem in modum & hominum corpora aſſidua expletione degradata facile a morbis demerguntur . Cæterum , que facili , levisque utuntur alimonia , non modo malum , quod ab imminente morbo expectabatur , veluti tempeſtatis aſſaltum , effugiunt : rerum etiam præſentem iam ægritudinem veluti turbinem quemdam exorientem diſcutiunt . Lege Joannem Chryſoſtomum *Fer. 4. in cap. jejun.* Hieronymum *lib. 2. adverſus Jovinianum* , cæterosque omnes .

XVII. Tertium præjudicium eſt , ea , quæ hætenus produximus momenta , id dumtaxat evincere , opportuna jejunia fuiſſe priſcæ ætatis hominibus robuſtioribus , longiorisque vitæ . Imbecillior nunc natura eſt , vitæque brevior . Quamobrem Antiquorum abſtinentiam , ſeveraque jejunia ferre hodierni homines nequeunt . Quid ergo vetuſta priorum ſæ-

culorum monumenta produntur, ut hujus miseræ ætatis homines jejuniorum severitate opprimantur? Stultitiæ arguit Salomon opinationem hanc. *Quid putas causæ est, quod priora tempora meliora fuere, quam nunc sunt. Stulta est enim ejusmodi interrogatio? Ecclesi. 7.* Et sane antiquitatis crassam produnt ignorantiam illi, qui autumant, arctiora nunc esse humanæ vitæ confinia, quam fuerint tempore, quo Christus ipse quadragesimalis jejunii exemplum posuit. Livius mortem M. Tullii narrans, hæc scribit. *Vixit tres & sexaginta annos, ut si vis abfuisset, ne immatura quidem mors videri possit.* Imperator Augustus longiorem omnium aliorum Cæsarum vitam protraxit. Vixit quippe 76. annos. Quænam illius epulæ? Audi Svetonium in ejus vita. *Cibi minimi erat, atque vulgaris fere, secundarium panem, & pisciculos minutos, & caseum bubulum, manu pressum, & ficus virides, biseras maxime appetebat, rescebaturque, vini quoque natura parcissimus erat.* Sed Senecam audiamus, qui brevi sermone plura comprehendit, quæ pudore persundere Christianos, eosque veluti ex amentis somno excitare deberent. *Audies plerosque dicentes: a quinquagesimo in prius secedam. Sexagesimus annus ab officiis me dimittet. Et quem tandem longioris vitæ prædem accipis? Quis ista, sicuti disponis, ire patietur? Non pudet, te ad reliquias vitæ, te tibi reservare, & id solum tempus bonæ mentis destinare, quod in nullam rem conferri possit? Quam seruum est, tunc vivere incipere, cum desinendum est. Quæ tam stulta mortalitatis oblivio in quinquagesimum, & sexagesimum annum differre sana consilia, & inde velle vitam inchoare, quo pauci perduxerunt?*

XVIII. Verum quid prisca quæritamus, si quæ ob oculos sint patefaciunt, nos neque in longitudine vitæ, neque in ferenda, severiore abstinentia, inediaque, antiquis esse inferiores. Conferatur vita agricolarum, fervorum, operariorum, nautarum, militum, cum priscorum laboribus, & conatibus. Severissima erat primæ ætatis aureæ Christianorum Disciplina. Cibis parvus, & vilis, severa jejunia, juges preces, aspera cilicia. At numquid mitior est tot factorum Ordinum Disciplina? Numquid tot Congregationum Benedictinorum, Camaldulensium, Carthusianorum, Trapensium, aliorumque innumerabilium Monachorum jejunia, abstinentiæ, vigiliæ nocturnæ, diurnæque, non æquant antiquorum mores? Quid de immensa Sanctissimi Patriarchæ Francisci solobe

sobole dicam? An lautior victus, mollior lectus, splendidior vestitus Cappucinatorum, Reformatorum, Alcantarinorum, aliorumque florentis Disciplinae Institutorum, quam fuerit victus, vestitus, lectus primorum fidelium? Ubi vero provectior senectus, ubi firmior sanitas, ubi robustiores vires, quam in his sacris Cœnobiis? Ubi tot septuagenarii, octogenarii, & nonagenarii? Desinant ergo gulæ, & voluptatis vindicæ vitæ brevitate viriumque imbecillitatem obtrudere, ut se a sacro Quadragesimali jejunio eximant. Desinant in populo Dei scandala ferere, & sanctissimis Ecclesiæ præceptis invidiam consistere, ut heinc excusandæ propriæ gulæ, & voluptatis prætextus capiant.

§. III.

Medicorum scholæ, Parochorum dispensationes communiter a culpa non eximunt dispensatos.

XIX. **N**obilior Christianorum pars sub initium Quadragesimæ ab utroque Medico facultatem comedendi carnes postulat. Quæ concessione obtenta, non minus se securos in conscientia reputant, ac illi, qui diploma a Principe impetrant non solvendi tributa. Theologi Medicos, Medici Casuistas arguunt nimix facilitatis in eximendis a lege fidelibus. Sacri Canones adversus Medicos *dist. 5. can. contraria* hæc habent. *Contraria studiose sunt Divinæ cognitioni præcepta Medicinæ a jejuniis revocant, lucubrare non finunt, ab omni intentione meditationis abducunt. Itaque, qui se Medicis dederit, seipsum sibi abnegat.* Hoc idem adfirmat S. Ambrosius. *Contra Divinæ conditionis præcepta sunt ea medicina, quæ a jejuniis revocant: in Psalm.* Ex Theologis celebris Theophilus Raynaudus *tom. 10. in sua Ros. Med.* collapsæ Quadragesimalis observantiæ Medicos accusat. *Certum est, sanctum per Quadragesimam abstinendi, ac jejunandi usum, non aliunde magis eviguisse in Ecclesia, quam ex laxitate per Medicos inducta: sive quod minus digne de hac praxi catholica sentirent, sive quod ablandientes iis, qui suam ignaviam TECTO- RIO necessitatis obducabant, per humana gratiæ cum Divina se collidentes captationem; & ob corporis statum optimum, quem Medici propositum ha-*

bent, animam negligentes: parvi fecerunt legum sacrarum severitatem. Theologis concinunt Alphonsus de Fontechio, Baptista Condronchius, alii-que celebriores Medicinæ artis Professores. Duo Medicorum genera distinguit perdoctus Paulus Zacchias. Alterum illorum, qui & suæ artis, & legis Christianæ æque ignari, minus salubria jejunia reputant. Alterum eorum, qui nomen sibi, & famam, & lucra, & patrosinia captare student. Lege Zacchiam laudatum lib. 5. tit. 1. q. 2. v. 1. Celebris Medicus *Hæquet* in suo Opere de Dispensationibus in disputationem vertit, utrum faciliores *Casus* Medici fuerint in laxanda jejunii lege. Contendit ille, severius de jejuniis scripsisse Medicos, quam *Casus*, hosque laxiores dispensandi regulas præscripsisse. Dirimere in præsens hoc problema nolim, ut quod proposui continuo manifestem.

XX. Compertum itaque est, utriusque facultatis Professores non paucos reperiri, qui nulla legitima causa a jejunii lege dispensent. Quot sunt divitum, & nobilium Christianorum, qui in Quadragesima a carnibus abstineant? Nonne, ut cautissime loquar, major altioris conditionis hominum portio carnibus vescitur? Per quindecim & amplius integra Christianæ Religionis sæcula, solis ægrotis, quorum infirmitas gravis esset, & evidens, carniū esus concessus. Nullibi legitur, ob solam escarum esurialium nauseam, & fastidium, laxatam fuisse abstinentiæ legem. A duobus circiter sæculis, postquam novus opinandi modus sacram invasit Theologiam, obtinere abusus cœpit dispensandi fideles in esu carniū ob solum piscium, oleique fastidium, seu ob nocumentum, quod inde proficisci superstitiose pavent. Corruptela isthæc adeo inveteravit, ut Christiani divites, nobilesque, quasi dedecori sibi vertant a carnibus abstinentiam. Mirantur, obstupescunt, si videant prænobiles, divitesque solo sacro edulio vesci. Et tamen hi omnes sani sunt, & robusti ad forum, ad negotia, ad lites, ad ludos, ad omnia vitæ civilis munia. Porro vix istorum est, qui utriusque Medici consilio, & dispensatione carnes non comedat. Quis autem dixerit, hos omnes legitime dispensatos? Quis dixerit hos non esse legis Ecclesiasticæ vinculo devinctos? Evidens ergo est, Medicorum, & Paræchorum dispensationes plurimas nullas esse.

XXI. Quam nunc excusationem dispensati, & dispensatores obrudent?

dent? An ignorant ipſi corruptelam hanc? An manibus abuſum non tangunt? An oculis non vident, non aliud communiter pro diſpenſatione exigi, quam quod poſtuletur. Opportuna ſunt verba ſapientiſſimi P. Michaelis Elizalde Soc. J. a. p. lib. 6. q. 17. §. 11. „Quicumque enim quærat, utrum ad jejunium teneatur, & an ab eſu carnis abſtinere debeat; ferme ſemper ab obligatione liberatur, & tot ferme ſunt opiniones excuſandi, quot rationes dubitandi. Satis notæ vulgareſque ſunt opiniones, quas proinde referre, ſupervacaneum ſit; & ſiſos propter nocumentum ſalutis liberando, pauciores, miſerioresque quidam ſub obligatione relinquuntur... illud mirum eſt, quod nihil promptius habent & magis in ore, quam *peccatum mortale*, conſilium petenti in his, & ſimilibus ſæpe reſpondentes, ipſum non ſolum non teneri jejunare, ſed peccaturum mortaliter, ſi jejunet. Imo adeo a recto diſtamus, ut homines etiam profeſſione Theologi non vereantur aliquando dicere.... Medicum ſibi dixiſſe, peccaturum ſe mortaliter, ſi jejunet, aut carne non veſcatur. Et quid, rogo, non dicat ſimiliter æger, Theologum ſibi dixiſſe, moriturum ſe, niſi venam ſciadat? Haud enim opinor Hypocrates, & Galenus de peccato mortali magis tractarunt, quam Apoſtoli noſtri de ſciſſio, ne venarum. Atque hæc tria citra aliam impugnationem demonſtrant, quo in loco ſint, & qualiter tractentur res conſcientiæ, ac morum altiſſima, profundiſſimaque ſcientia“. Heinc concludit, magno in errore eos verſari, qui ſibi non peccare blandiuntur, quod utriusque Medici ſuffragio carnes manducent. *Quod vero multi cauſent, ſe habita licentia utriusque Medici, peccare non poſſe, falſiſſimum eſt, ut ſupra de Magiſtris oſenſum eſt: & uterque Medicus peccare poſſet, & etiam qui ſequitur. loc. cit.*

XXII. Celebris Theophilus Raynaudus proluxa, & acri oratione primum in Medicos, qui nimia facilitate carnum eſum concedunt in Quadageſima, quoſque *Pecunos & Cacomedicos* appellat: poſt in Confeſſarios, Parochos, & Superiores omnes, qui ejuſdem facilitatis fontes ſunt, invehitur. Tandem Chriſtianos diſpenſatos perſtringit, carpitque; quod Medicorum, & Confeſſariorum, ſeu Parochorum conſilio menſa opipare in Quadageſima inſtruant. Medicorum, & Theologo-

rum plures ad aurem, ad gratiam, ad ventrem loqui. Quapropter cum Nazianzeno *ventriloquos* appellat. Textum P. Raynaudi transcribo, eumque legendum commendo Authori libelli inscripti. *Giustificazione di più Personaggi*, de quo nonnulla infra. „ Non est plerumque securior „ *Medicorum spiritualium* allegatio, intelligendo hoc nomine conscientiarum arbitros, etiamſi Conſeſſarios. Multi enim liniunt parietem „ absque temperamento, consuuntque pulvilles sub omni cubito manus „ in exitium & suum, & eorum, quorum conscientiam onerant, ac „ *specie directionis* implanant. Itaque nisi vera legis violandæ necessitas „ sit explorata: aut ita probabilis, ut in propria causa, deposito sensu suo, standum sit iudicio prudentis, nec palantis Directoris conscientiæ, frustra ejus sensus allegatur. Neque vero est Conſeſſario, „ ex eo quod Conſeſſarius sit, plus in hac parte potestatis, quam cui vis probo, simul & docto viro ad præbendum consilium de rebus ad conscientiam spectantibus idoneo. At hos videmus, lugemusque *non raro ad gratiam loqui*, ac molles sententias captare, & conniti, ut loquantur placentia: quod in antiquæ leg's Doctoribus sæpe improbat Dominus, quæstus nominatim per Jeremiam, quod ab hujusmodi Doctoribus egressa est pollutio super terram. In *superbiam*, & *bonis appetentiam* horum malorum Doctorum *vaniloquium* refert Author operis de malis Doctoribus. Cui corrupto ac cænoſo fonti adiungitur, non raro, commoda a consulto sperati illecebra, ut Author imperfecti in Matthæum *hom. 25.* admonuit, suffragaturque Nazianzenus (*orat. 1.*) *Ventriloquos* post Origenem (*hom. 7. in Isaiam*) appellans eos, qui veritatem vel evertunt, ut affluant, unde faginentur. Utinam illos conscientiarum arbitros nullos tales Doctrinæ Christianæ propolas habeat Ecclesia. Quare in causa, de qua agimus, nemo sibi de Conſeſſarii vel Doctoris Theologi assensu abb'andiat, si certum habet, se legi communi parere, & citra notabile valetudinis damnum Christianam abstinentiam observare. *tom. 10. de Ros. Median. pag. 514. & seq.*

XXIII. Quid? Vacillabit conscientia nostra utriusque Medici sulca suffragio? An Pontifex Summus aliud nobis onus imponit, præter utriusque Medici approbationem impetrandam? Numquid nostrum erit adver-

adversus Medicos, Theologos, Parochos, & Confessarios Tribunal exigere, in eosque sententiam pronunciare? Obediendum nobis est Superioribus: minime examen instituendum in eorundem consilia, & sententias. Videant ne superbiz fumo obducantur illi, qui juniores Theologos laxitatis accusant, assentationis, auræ mundanæ captandæ, & multitudinis conciliandæ avidos calumniantur. Hanc illusionem describit S. Bernardus *Epif. 7. Sed quid ad me? Ille. videris (Dispensator) cui contradicere fas non erat: non est Discipulus super Magistrum. Docendus, non docturus. Sepui debui non præire Præceptorem Auditor. Quod sophisma sic refellit Abbas Sanctus. Si absque examine Theologorum placita suscipienda forent, quid S. Paulus clamaret? Omnia probate, quod bonum est tenete. Ab omni specie mali abstinete vos. Quid clamaret Joannes? *epif. cap. 1. Nolite omni spiritui credere.* Et S. Bernardus sic istos alloquitur. *Dic quaeso, si dato in manus gladio, suum te armari jussisset in jugulum, acquievisset? . . . Age ergo. Vide, ne forte sub pretextu obedientia in quipiam ei gravius injurieris.* loc. cit.*

XXIV. Verum paulo pressius excutiamus istorum pretextus. Et primum edisserant nobis, num quando Parochi, Theologi, Confessarii jejunia, eleemosynas, preces, sacrorum librorum lectionem: quando abesse a Theatris, a ludis, a diverticulis judent: continuo ne illorum consiliis parent, & absque examine ullo, quæ præcipiunt, adamussim exequuntur? Quot effugia non excogitant, quibus cuniculis eludere non conantur eorundem sententiam? Dum favent gulæ, ventri, & concupiscentiæ obediendum, obsequendumque. Si contra contradicant appetitionibus vanis, tum rationabile obsequium esse debet, nihilque excipiendum, nisi ad severitatem cupiditatis, & avaritiæ critice exi-gatur. Quod obtrudunt, famæ detrahi Theologorum Confessariorumque, dum dicimus non omnibus indiscriminatim fidendum, Detractionis accusant Evangelistas, Apostolos, & Prophetas omnes. Et sane in Pastores, & Theologos invehitur Jeremias c. 23. *Vae pastoribus, qui disperdunt, & dilacerant gregem.* Item v. 11. 13. & 15. *Propheta namque, & Sacerdos polluti sunt, & in domo mea inveni malum eorum . . . A prophetis Jerusalem egressa est pollutio super omnem terram.* Legatur integrum caput, immo legantur Prophetæ omnes. Quid si exemplis confirmare

vellem, innumeros Theologorum suorum consiliis periisse? Vir ille Dei descriptus 3. Reg. 13. Jejunium fregit sane Propheta consulente, & tamen a leone occisus fuit. Nonne Accabus quadringentorum Prophetarum consiliis bellum aggressus fuit, qui tamen pœnas dedit, 3. Reg. c. 22. licet veros illos haberet Prophetas? Non propitior erit illorum eventus, qui Theologos auribus blandientes libenter audiunt, oderunt vero eos, qui gulæ cupiditati, & ventri bellum indicunt.

XXV. Expergiscantur ergo Christiani, & aliquando sapiant. Deus non irridetur. Jejunia necessaria sunt, quia peccasti: necessaria sunt, ne pecces. Debita ob patrata scelera contracta, solvenda Divinæ Justitiæ sunt. Æstrenis concupiscentia, quæ libidinis flammam accendere pertentat, comprimenda est. Quam impotens in te luxuria sit, quam vehemens concupiscentia, quam necessario sit adiciendum jejunii frænum: non Medico, non Parocho, non Theologo, sed tibi soli exploratum est. Tu solus omnium tuæ egestatis calentissimus. Quid ergo bonam fidem obrudis, quid Theologorum, Medicorumque auctoritatem allegas ad excusandas excusationes in peccatis? Quid ignorantia velamen prætendis illecebris tuis? Ignorantia hæc voluntaria est, & affectata. Vellem omnium animis insitum effatum S. Bernardini Senensis. *In quolibet statu in Ecclesia Dei, & in quolibet reperies innumerablem multitudinem ignorare, quæ illis sunt necessaria ad salutem, secundum statum suum: quæ ignorantia a culpa mortali non liberat, neque excusat.* tom. 2. serm. 53. c. 1.

C A P U T IV.

P O S T U L A T U M II.

Archiepif. Compofel.

„ An ii, quibus concessum est vesci carnibus, possint in
 „ vespertina refectiuncula ea quantitate carnis vesci, quæ
 „ jejunantibus permittitur.

§. I.

Rationes excitandæ quæstiunculæ.

I. **A** Cuti Juniores conceptis terminis propositam quæstiunculam non
 versarunt. Id forte in causa fuit, quod minime reputaverint illi
 conjungi jejunium cum esu carniū posse. Abſtinentiam a carnibus
 non minus reputarunt illi ingredi essentiam jejunii, quam formam
 substantialem compositi Physici. Et quemadmodum, sublata forma hac,
 deficit compositum, ita, sublata abſtinentia a carnibus, impossibile je-
 junium judicarunt multi. Quamobrem cœnam, non cœnulam permit-
 tebant olim omnibus in esu carniū dispensatis. Nulla ergo illis oc-
 casio controversandi licita ne sit in vespertina collatione parvula car-
 nis comestio.

II. Principia tamen nonnulli, pauci tamen, ut suo loco dicetur,
 posuerunt, quæ ansam dederunt in examen vocandi præfatam quæstio-
 nem. Docent itaque Neoterici aliqui, nihil in serotino jentaculo cibo-
 rum qualitatem referre, sed quantitatem. Hæc, non illa, inquit ta-
 xanda est. Quare de eis omnibus escis, quæ licite comeduntur in
 prandio, manducari in collatione aliquid posse contendunt, dummo-
 do quantitas servetur. Et quamquam hanc opinionem improbeat vel
 ipsi laxiores Casuistæ, ut mox videbimus, tamen neque huic Patroni
 desunt. Eam defendit P. Patritius *Sporerius*, qui totus in stuporem
 actus,

actus, quod suus P. Layman oppositum doceat, exclamat. *Negant aequi multi licere... Mirabile dictu! ipse Layman*. Tam alta erat P. Sporerio de benignitate P. Laymani existimatio, ut æquabili animo ferre haud potuerit tantam illius, hac in materia, austeritatem. Sed integer P. Sporerii textus rescribendus est ex Appendic. ad III. Præcep. Decal. sec. 2. pag. mihi 284. n. 32., Spectata Moderna consuetudine, præsertim in nostra Germania, jam diu tolerata, & plane invalescente, censeo, non tantum omnia prædicta *LICITISIME* absumi in collatione, sed etiam omnino probabilem, & tutam esse sententiam oppositam, nimirum in collatione vespertina jejunii non esse attendendam qualitatem ciborum, sed quantitatem tantum: adeo ut ex omnibus cibis, qui die jejunii licite possunt sumi in prandio, etiam piscibus, leguminibus, placentis, ovis, lactiniis &c. in quantitate modica & determinata, etiam liceat sumere in cœna. Ita expresse docent Cajetanus V. jejun. c. 1. in fin. dicens. *Non refert quid quis in serotino jentaculo summat, si modum non excedat*. Et aliis citatis, Bonacina de Legibus disp. ult. pun. 3. q. 1. Et novissime noster Petrus Marchant. Trib. p. 2. tract. 12. tit. 3. q. 3. dub. 1. his omnino verbis. *Respondeo ego in collatiuncula vespertina de qualitate cibi non esse altercandum, sed de quantitate dumtaxat*. Fundor: quia collatiuncula illa tolerata, vel permissa est ad aliquam confortationem naturæ propter infirmitatem humanam: quid igitur refert, quo cibo illa confortatio fiat? Modo non excedatur, & cibus abstinentiæ jejunii sit accommodatus &c. Ideo censeo, qualitatem cibi (modo ex prohibitis in diebus jejuniorum non sit) collationem non vitare, si in quantitate non excedatur. Hæc ille.

III. P. Sporer, hoc textu sui P. Marchantii descripto, viribus receptis, & flatu, iterum mirabundus se se ad suum P. Laymanum convertit, & hoc epiphonemate suam claudit orationem. *Ego miror, Patrem Paulum Layman alias tam bonum Germanum in hac SOLA materia Patriotis suis fuisse tam aucterum*. Sic festive jocantur super iis, quibus æternæ salutis unicum negotium vertitur? In sacrarum ergo legum judiciis, in animarum tremendissimo regimine, favendum est Patriotis suis? Respectus & amor Patriæ habere hic locum debent? Nec quoddam pudebit, nos velut minus obsequentes in Casuistas ejusmodi argue-

guere, fi falvo erga eodem oblequio, piaque excufata intentione, & animi fimplicitate, tam inepta pronunciata deridenda lectoribus propinaverimus? Falfo in patrocinium laxæ hujus opinionis Cajetanus afcifitur. Non fraudi, fed antiquæ confuetudinis infcitæ talis allegatio adferibitur. Tempore Cajetani in difputationem vertebatur, poſlet ne in collatione vespertina aliquid panis, aut quidquam fructuum, vel herbarum ſumi. Reſpondetque Cajetanus, non referre quid iſtorum ſumatur, ſervata quantitatis meſura, ut infra dicitur. O hujus confuetudinis ignorationem, etiam alii pro hac opinione Cajetanum laudaverunt. Inter primos, qui hanc laxitatem propagavit, fuit Martinus Bonacina plurium damnatarum Propositionum defenſor. Pauci tamen illum ſequuti ſunt. Verum in ſemitam.

IV. Ex laudata doctrina hanc vi Probabiliftici ſystematis argumentationem fortaffe collegerunt aliqui, quæ poſtea excitavit propoſitum quæſitum. Probabilis ſententia eſt, quæ docet non eſſe de cibi in collatione vespertina ſumendi qualitate altercandum, diſputandumve. Sed quiſque omnium eſcarum, quas in prandio comestus eſt, in collatione ſumere aliquid valet, dummodo quantitatis taxatio ſervetur. Si prandii epulæ fuerunt piſces: ſi ex diſpenſatione aut confuetudine fuerint lacticia, ova, & cætera ejuſmodi; in collatione comedere poteris aliquid aut piſcium, ſive parvorum, ſive magnorum, ſive recentium, ſive ſalitorum: aut lacticiniorum, puta unum ovum, aut aliquid caſei, vel butyri. Heinc ſic argui in Paleſtra Probabiliftica poteſt. Hæc laudata ſententia Probabilis eſt. Ergo licita. Probo majorem. Hanc opinionem defendunt quinque docti juniores Paſqualigus, Marchantius, Bonacina, Sporer, Bizozzer. Sed opinio quinque Modernorum eſt Probabilis, ergo &c. Nec reſert P. Turrianum, benigniſſimum Probabiliftam hanc opinionem reprobare, ut ſcandali, & temeritatis plenam; quia reſpondet P. Paſqualigus in proſcripto opere de jejuniis Decif. 115. P. Turrianus ſua conſueſta facilitate in cenſurandis opinionibus, etiam quæ nullam cenſuram merentur, vocat oppoſitam ſententiam ſcandalofam, temerariam, & contra bonos mores. Accedit quod poſt P. Turrianum hæc ſententia nata eſt alios duos Patronos, nempe PP. Sporer, & Marchant. Sunt itaque pro hac ſententia ſex Doctores Moderni. Imo etiam P. Baſſeus
in

in flor. Theolog. v. jejun. 1. n. 9. Probabilem eam vocat: ergo aut Probabilis dicenda, aut improbandum Systema Probabilisticum. Præjacta Probabilitate ista, sic instauratur argumentatio. Juxta Probabilem sententiam omnes epulæ, quæ licitæ sunt in prandio, licitæ sunt, servata quantitate, in collatione vespertina. Sed carniū epulæ licitæ sunt, supposita legitima dispensatione, in prandio: ergo licitæ erunt in serotino jentaculo. Singulas expendamus propositiones. Major est certa. Facto enim nititur quod pervium omnibus est. Non minus certa & evidens minor est. Consequentia autem legitima. Quid? Licet in collatione vespertina aut recens sorbere, aut assatum comedere ovum, & non licebit frustum carnis sumere? Si nutritionem spectes, an minus ova, quam carnes nutriunt? Insignium Medicorum sententia, ova magis, quam carnes nutrire. Et ut ut sit de hoc majori nutrimento, convenit penes omnes, ova magnopere alere, & si recentiora sint, delicatam quoque comesturam præbent. Quamobrem ægrotis porriguntur tamquam cibus valde nutriens, & facilis digestionis. Porro semel posita carniū comestione, quis inficias ire poterit, licitum esse tot carniū, quot lacticiniorum uncias comedere in vespertina collatione? Utriusque generis epulæ sunt in prandio æque licitæ: sunt in nutritione plus minusve æquales. Ergo qua probabilitate permixtum est cujusque generis piscium, ovorum, lacticiniorum, moderatam quantitatem sumere in collatione serotina, eadem licitum erit comedere similem carniū quantitatem. Hæc, ut ego quidem arbitror, fuerunt instituendæ quæstionis propositæ argumenta. Nil quippe aliud occurrere potuit, quod excitandæ controversiæ ansam daret. Et sane admissa prioris sententiæ probabilitate, argumentatio inde elicitæ spernenda non esset; sed quam futilia sint omnia mox patebit.

§. II.

R E S C R I P T. P O N T I F.

„ Respondemus non licere, sed opus habere eo cibo, eaque
 „ uti portione, quibus utuntur homines jejunantes rectæ
 „ meticolosæ conscientie.

Origo, & progressus vespertina collationis.

V. D Emônstrare minime valeo quam sit & vetustæ, & recenti Disciplinæ Pontificiæ Rescriptum consentaneum, nisi rem ab ovo arcessam, atque tum levia, tum magna istius vespertinæ collatiunculæ incrementa patefaciam. Porro prima ejusdem vestigia in Monachorum collationibus, seu sacris lectionibus sero fieri solitis visuntur. Regula Magistri una ex antiquioribus prima est, quæ istius collationis indicia prodat cap. 17. *Nam & his ætatis diebus, cum ad nonam refectur, sero, antequam compellant, binæ sufficiant omnibus portiones: tra tamen, ut antequam bibant, orant.* Aquæ non vini potus erat, & mensura præstituta. *Bibere si voluerit aquam, non ab urceo uno haustu, sed ad salicis bibat mensuram.* Ejusmodi potus in jejuniis Monasticis tantum, secus in iis, quæ Ecclesiæ præcepto jubentur, permissus erat. Vespere enim hæc illa, hora nona solvebantur. Circiter sæculum nonum mos iste Monasticus in Ecclesiæ jejunia immigravit, ut ex variis Monachorum Regulis apparet. Templariorum Regula ab Onorio II. approbata clarius cæteris consuetudinis hujus meminit cap. 16. *Audito signo, ut ejus Regionis consuetudo est, omnes ad Completas oportet incedere vos; ac prius generalem collationem sumere.* Hanc autem collationem in dispositione, & arbitrio Magistri ponimus, ut quando voluerit ab aqua, & quando jubebit misericorditer ex vino temperato competenter recipiatur. Collationem hanc fufius describunt Ordinis Præmonstratensis statuta, & Prædic. Ord. Constitutiones, quæ vocari campanæ sonitu, juniorum tempore ad hanc

col-

collationem, Religiosos imperant, atque in medio sacrae lectionis ex Prælati licentia bibi permittitur. Solius potus fuisse collationem hanc declarat brevissima precatio, qua potum non cibum a Domino benedici supplicatur. *Largitor omnium bonorum benedicat potum servorum suorum. Const. Ord. Præd. Distin. 1. cap. 6.* Quæ benedictio etiam in præsens usurpatur. S. Bonaventura tribus tantum vicibus bibendi in hac collatione permittit. *Ad collationem tempore jejunii faciendam, duabus tantum, vel tribus, si indiget, bibere vicibus, temperantia congruit. p. 1. Spec. dis. c. 21.* Arbitraria prorsus est Cardinalis Cozza interpretatio, qua contendit non solum potum, sed cibum quoque permissum. Apparet ne in Bonaventuræ textu quidquam quod cibum indicet? Minime. Sed inquit Cozza, debet subintelligi, quia non est probabile, quod voluerit permittere, ut quis duabus, vel tribus vicibus bibat, nullo gustato cibo. *p. 1. cap. 10.* In facti quæstionibus similes distinctiones minus sunt aptæ. Interpres non advertit, dum hæc scribebat, ad illius temporis disciplinam. Ter bibere permittit Bonaventura illis, qui siti laborabant. Nullus illius sæculi scriptor cibi meminit: sui temporis more captus scripsit eruditus Author. Alexander Alensis Latinorum jejunia præfert Jejuniiis Græcorum, quod isti in serotina collatione herbarum usum permitterent. *Ita est efficacius jejunium nostrum, & laudabilius quam Græcorum. p. 3. q. 28. memb. 3. a. 3.* Cardinalis Umbertus, qui sæculo XI. vivebat, in suis adversus Græcos Disputationibus iisdem impropere, quod in quadragesimæ fructus; herbasve in collatione vespertina sumerent, a quo abusu Liberos Latinos asserit. *Quadragesimam diligenter observare contendimus, quam, ut aliquis, excepta gravi infirmitate, in aliquo infrigat, sufferre nequimus. Nec licet cuiquam apud nos, sicut apud vos, post unam vespertionem quidquam pomorum, aut herbarum diebus jejuniorum percipere. Tom. 4. Bibliot. PP. p. 2. pag. 247.* Theodorus Balsamon Patriarcha suæ Nationis morem excusat prætextum pauci cibi in prandio sumpti, additque illos tantum, præfatum cibum sumere, qui peculiari indigentia premebantur. S. Thomas expresse testatur, Latinæ Ecclesiæ Disciplinam unicam permittere comesturam. *Ecclesiæ moderatione statutum est, ut semel in die a jejunantibus comedatur. 2. 2. q. 147. a. 6.* Præter hanc unicam comestionem, electuaria sumi potuisse asserit, dummodo

do per modum medicinae digestionem juvantis, non cibi famem extinguentis, acciperentur. Unde non solvunt jejunium, sicut & aliarum Medicinarum assumptio, nisi forte aliquis in fraudem electuaria in magna quantitate assumat per modum cibi. *loc. cit.* Quoniam vero eorum erat electuaria pretium, ideo communior, & facillior pretii usus herbarum, vel fructuum terrae investus est. Celeberrimus Alphonsus Tostatus primus fuit, qui saeculo XV. sub examen induxit, licitum ne esset electuaria loco quidquam herbatum, aut fructuum, vel panis frustulam comedere? Sed quid, si quis non habens electuarium, accipiat modicum de pane, vel fructibus, aut quibuslibet aliis cibis, infrangatur jejunium? Aliqui putant, quod frangatur, quia isti sunt veri cibi.... Dicendum, quod non est ita securum sumere ista, sicut electuarium, quia isti sunt cibi veri. Potest tamen dici, quod si sumantur solum, ut stomachum disponant, ne potus sumptus noceat, jejunium non frangitur; quia licet isti sunt cibi, non sumuntur tamen, ut cibi, sed ut medicina.... Et ad hoc oportet, quod sit valde parva quantitas panis, vel similium rerum, & etiam quod non sumatur, nisi quando potus sumitur, ut non noceat, quia alias videretur sumi aliquantulum in remedium famis.... Securius tamen est, abstinere ab eis, nisi quis credat, quod potus sibi multum noceret. In cap. 6. Matt. q. 170.

VL S. Antonin. Archiepiscopus Florentinus Tostato suppar, eandem versat controversiam, & eadem praeter propter ac Tostatus docet 2. p. tit. 6. c. 3. §. 9. Unde cum communis usus Christianorum sit facere collationem, de sero aliquid parum sumere cum potu sine alia consideratione, quamvis non intendat sumere per modum Medicinae, ne scilicet vinum noceat, sed imitantur consuetudini, quae ea ratione videtur introducta, pie est interpretandum factum eorum, & excusandum, & hoc, nisi sumerent in quantitate notabili, vel de pluribus generibus fructuum, vel studiose ad nutriendum, minus congruum videtur panem sumere. Sumere autem buccellam panis frangit jejunium. Esus ergo panis tempore S. Antonini, qui vivere desit anno 1459. haud erat absolute permissus. Sylvester, qui sub initium saeculi XVI. scribebat, Doctrinam S. Antonini adoptat, additque panem sumi posse, si desint herbae, aut fructus. Quia circa hoc legem aliam praeter consuetudinem non habemus, dico, quod ubi est consuetudo, licet sumitur panis, si aliud non habetur (nimirum herbae, vel fructus) vel si ha-

habetur, illud stomacho nocet. Cajetanus Cardinalis vir sui ævi summus, & ingenii acumine nemini secundus, pariter asserit non esse sumendum panem, nisi sit consuetudo inuenta. Deferendum tamen est consuetudini loci, videlicet, ubi non consueveris sumi panis, non sumatur sine rationabili causa, puta quia fructus nocerent, aut non haberentur, aut non possent contereri dentibus. 2. 2. q. 147. a. 6. In summula verb. jejun. addit parum referre siue panem, siue fructusumat. Quid heine colligunt Probabilitæ aliqui? Cajetanum docere non esse in jejunio spectandam qualitatem, sed quantitatem; atque adeo aliquid ex quibuslibet escis in prandio lictis sumi posse. Quod sane commentum absonum est, & falsum.

§. III.

*Casuiharum placita super cibi quantitate sumenda
in collatione vespertina.*

VII. **P**rimum sub potus specie, post sub medicinæ digestionem iuvantis forma obtinuit collationis vespertinæ consuetudo: infra hæc confinia constitit ad sæculum decimum usque. Hac tempestate nova opinandi inuenta methodo, medicina in cibum migravit. P. Leonardus Lessius animadvertit, eam suo tempore absolute licuisse sumere collationem nutriendæ naturæ causa. Item sumentes collatiunculam vespertinam, etiamsi id faciant, non solum, ne potus noceat, ut olim; sed etiam alendi causa, & absque potu, quia consuetudo permittit &c. lib. 4. c. 2. dub. 2. num. 11. Similia docet P. Joannes Azorius p. 2. lib. 7. c. 8. Fateor quidem illam primo cœpisse causa somni accipiendi, & idcirco etiam indigentia, more tamen, & consuetudine introductum est, ut ea absolute, & simpliciter utamur. Brevi adeo mos iste invaluit, ut in ipsis Regularium domibus obtinuerit. Prima recentiorum temporum Regula, quæ vespertini jentaculi meminerit, est illa PP. Theatinorum a Clemente VII. confirmata p. 2. cap. 3. *Jejuniorum tempore ad cœnulam simul accedant: cibum sedentes sumant: spiritualis lectionis cibo reficiantur.*

VIII. Ad quantitatem quod attinet, Ecclesiasticæ Disciplinæ strenuus instaurator S. Carolus Borromæus primus omnium, prout mihi constat,

ſtat, quantitatis limites huic collationi præſtituit. *Semel tantum in die poſt meridiem cibum capiant. Quod ſi aliquid alicui amplius opus erit, Veſperi panis unciam cum dimidia, & vini poculum tantum capere liceat.*

IX. Iſtius quantitatis confinia mirum in modum Recentiores Probabiliſſæ amplificarunt. Vix alia reperiri materia poteſt, in qua mirabilius emicuerit nova Probabilitatis benignitas. Integros in folio tomos edidit, ut antiquam jejuniorum ſeveritatem temperaret, aptaretque hodiernæ teneritudini. Pedetentim res proceſſit, crevitque. Jacobus Graſſius S. Carolo proximus præſinitam quantitatem pro medietate auxit, dilatavitque ad tres uncias. 1. p. deciſ. lib. 2. cap. 36. n. 25. *Diſſa collatio fieri poteſt vel parum fructuum, vel ſecum; vel panis ſolius v. g. duarum unciarum, vel utriusque, juxta morem Regionis ſumendo.* P. Joan. Azorius l. 7. c. 8. q. 8. addidit unam unciam. *Reſediuncula vespertina certa & deſinita cibi quantitate . . . conſtare debet . . . quæ modica cenſeatur, qualis eſt panis quantitas, quæ trium unciarum vel quatuor eſt.* Azorio ſubſcribunt Sa, Homobonus, Viſtorolus, Naldus, Lezana, Molſefius in *Sum. tract.* 10. ampliavit uſque ad ſex uncias. *Largior, inquit, conſeſſo a ſex unciiſ infra eorundem ciborum, quibus veſci libet in quadrageſima. Viri tamen timorati non excedunt tres; vel quatuor uncias.* Huic ſubſcribunt Villalobos, & Filiucci. Hieronymus Perez in *Sum. p. 1. præcept.* 3. §. de jejun. hanc quantitatem dilatavit ad ſeptem uncias.

X. Tandem P. Fagundez lib. 1. de 4. præcept. cap. 4. n. 13. ubi hæc ſcribit. *Sæpiſſime in noſtra Societate ex doctiſſimo Suario relatum audivi, octo uncias ex pane, & fructibus capi poſſe pro collatione ſerotina, abſque fractione jejunii, & deſraudatione legis illius.* P. Leander a Ss. Sacramento tract. 5. diſp. 4. q. 13. narrat eundem Fagundez addere *has octo uncias ſive dimidiam libram ſumi poſſe abſque nulla neceſſitate, ratione conſuetudinis; nec obſtare, quod quis ea quantitate ita maneat ſaturatus ac alius, qui cænaret ſplendide.* P. Leander, relato hoc textu, concludit, *Hucusque Fagundez & bene.* Huic ſententiæ ſubſcribunt Paſqualigus. Turrianus, Macchadus, Sanchez, Eſcobarius, Pellizarius, Baunius, Gefualdus, Caſtropalaus, & alii apud Leandrum. P. D. Antoninus Diana tom. 4. tract. 6. Reſol. 116. ſcribit, hanc unciarum octo ſententiam ſummopere lætificare omnes, eamque ambabus ulnis amplecti. Cum

quantitatem unicarum octo in dicta collatione licitam esse statutum sit, in hoc puncto non multos habebimus adversarios, quia talem quantitatem ab omnibus cum acclamatione, & brachiis expansis sustinendam esse video. Opportuna est hæc P. Antonini *Dianæ* animadversio, homines nempe cum acclamatione, brachiisque passis has complexi opiniones benignas, & blandas, quæ gulæ, cupiditati atque humanis appetitionibus explendis sunt accommodatissimæ. Et tamen benignior adhuc sententia superest. Joannes Henriquez in *præf.* 99. *sect.* 16. q. 4. apud eundem *Dianam loc. cit.* admonet præfatas octo uncias intelligendas esse fructuum aridorum, secus humidorum. Nam duodecim uncia humidorum non æquivalent octo aridorum. Hæc sunt ejusdem verba Hispanica omnibus captu facilia. „ Que la catidad de las „ ocho oncas pro colacion non se de entender con las frutas muy hu- „ medas como son uvas, y cirvelas frescas y cosas semejantes porque „ doze oncas destas frutas muy humedas son ocho de las frutas secas, „ y assi la major catidad de lo humecto equivale a la menor catidad „ de cosas secas.

XL. P. Leander narrat sibi oppositum fuisse, hanc octo unciarum opinionem nimium esse laxam, & indignam, inquit ille, *Scriptori Discalceato, & austero*; sed continuo respondet. *Dico, quod ego non mibi Discalceato hæc scribo, nec pro me laboro, sed pro aliis præcipue secularibus, qui egre jejunia ferunt, qui illa ut durissimum jugum averfantur, & impares ipsi humanas vires deplorant, & sic oportet eorum fragilitatem sublevare, & verbis Christi dicentis jugum meum suave est, & onus meum leve, eas oneris levitate invitare.* En patefactam, omnium laxitatum radicem. Longe duriora sunt atque difficiliora præcepta castitatis, dilectionis inimicorum, aliaque plurima, quam præceptum jejunii. Si ob difficultatem observantiæ laxandum est istud, potiori jure laxanda alia. Sensus, in quo oraculum citarum Christi adducitur, contrarius est Patribus omnibus, & bona venia erroneus videtur. Quoniam suave est jugum illud, quod persusum sit gratiæ, & charitatis unctione, non quod humanæ naturæ suis viribus relicte leve sit, & suave. Impositum hoc jugum est, ut carnem comprimat, passiones crucifigat, & amaritudinibus cor nostrum repleat, ut æter-

num

num gaudere queat . Quare communiter Probabilistæ summopere præfato Evangelico textu abutuntur . Sed hæc per transfennam .

XII. Neque adhuc extrema benignitatis palato indulgentis confinia attigimus . Quartam cœnæ partem in vespertina refectiuncula sumi posse docent Reginaldus *tom. 1. prax. penit. lib. 4. c. 14. dub. 10. n. 185. Layman lib. 4. tract. 8. cap. 1. n. 9. Filliucius tom. 1. tract. 26. par. 2. cap. 3. n. 33. apud Pasqualignm Decif. 90. Idem Filliucius asserit, hanc opinionem in celebri Accademia Theologorum approbatam fuisse . Eam evincere hoc pacto conatur . In cæteris rebus quarta pars censetur modica , ut in omissione Misse , in omissione horæ canonicæ . Et reapse in jure pro modico accipitur pars quarta . Ex hac doctrina fortasse ortum habuit opinio illius Recentioris asserentis apud Gobatum teste P. Claudio La Croiz *lib. 3. p. 2. n. 1305. modicam esse materiam etiam in non dispensato comedere octo uncias carnis in Quadragesima . Juxta sententiam P. Filliucii ventris amplitudo mensura est collationis vespertinæ . Principium allegatum falsum est . Si quarta pars parva reputaretur materia , non ergo lethaliter peccabit qui die veneris quartam comederet partem carniū illarum , quibus vesci die jovis solet ? Quāobrem ligurare poterit integrum pullum columbare absque mortifera culpa . Parvitas enim materiæ a gravi culpa excusat . Principium ergo absolute acceptum erroneum . Quod autem nec respectu refectiunculæ serotinæ hæc quarta pars sit modica reputanda materia , constat vel ex ipso communiori Probabilistarum consensu . Quamquā P. Leander a Sontissimo Sacramento docet , non peccare mortaliter qui octo unciis duas adderet : pro quā sententiā laudat Pasqualignm *decif. 105. Petrum Ledesnam Joannem Sanchez , & P. Thomam Sanchez , qui lib. 5. c. 1. dub. 25. n. 5. ait . Nota quod nec aliquantulo major jussu collatio , non statim est peccatum mortale nisi sit notabilis excessus . Sic nonnulli docti Juniores . Isti docti Juniores præfiniunt limites ultimos vespertinæ refectiunculæ , & postea adiciunt parvulum auctarium , ut omnis præcidatur scrupulorum occasio .***

XIII. Quisque sibi persuadet non plus ultra nos attigisse Casuisticæ benignitatis . Sed fallitur . Præfinita quantitas octo , & absque gravi culpa , decem unciarum , deservit plebeis , seu robustioris valetudinis

hominibus. Disputandum nunc remanet, quæ quantitas præscribenda nobilibus viris sit? Quæstiunculam proponit Leander *loc. cit. q. 28. An viri nobiles, seu graves possint majori uti collatione, quam ceteri de plebe. Respondeo dicendum quod possint uti majori collatione.* Et pro sua sententia. plures doctos Juniores allegat, nempe Pasqualigum, Layman, Sancium, Fagundez, Dianam, Bosium, Molfesum, Tannerum, Machadam, Trullenchum Villalobos. Jure igitur nobiles viri, ne ingrati animi arguantur, plaudant doctis junioribus, qui tanta benignitate defudant illorum commodo. Rursus inquit *q. 29. An qui sunt delicatioris complexionis possint majorem collationem sumere, quam qui robustioris sunt? Respondeo posse, laudatque Lamas, & Layman. Ultra pergit quæritque q. 30. An qui studiis vacant possint ampliore refectiunculam sumere. Negat Pasqualigus. . . . Sed ego absolute longe probabilius respondendo posse ampliore refectiunculam sumere, etiamsi continuo studiis non vacent, dummodo certis horis, hoc est quinque, vel sex studeant, etiamsi id faciant recreationis causa. . . . Sic sentis Layman. Nec hic sistit gradum, sed universalius quærit *q. 31. An Advocati, Procuratores, & aliæ personæ, quæ ingenio laborant, possint largiorem collationem facere? Adfirmat Pasqualigus, casu tamen quo toto die ingenio laborent. . . . Sed ego absolute respondeo posse etiamsi tota die non laborent, sed per aliquas horas, nempe per quinque aut sex. Nec putes exhaustum esse universæ benignitatis fontem, nam *q. 32. disputat. An qui male dormiunt, quando non cœnant, possint refectiunculam solitam excedere? Respondeo posse excedere in tota illa quantitate, quæ censeatur necessaria, ut possint congrue dormire. Sic Hieronym. Lamas, & Pasqualigus, qui bene notat ad hanc indulgentiam capiendam non requiri, quod somnus omnino non capiatur. sed ALIQUA-***

LITER.

§. IV.

Brevis animadverſo in recenſitas opiniones.

XIV. **D**UO fuerunt momenta præſatas referendi opiniones. Alterum, ut viam mihi pararem expeditam ad id, quod propoſui evidenti argumentatione demonſtrandum. Alterum, ut Chriſtianis Lectoribus ſacrymarum fontes aperirem. Erunt, non ambigo, qui me hæc præſtitiffe aſſerant, ut juniorum Theologum famam & auctoritatem in diſcrimen adducerem. Sed Decus ſcit, iſtos falli. Quoniam piam, ſanctamque habuiſſe intentionem laudatos Theologos omnes ſalvandî, millies teſtati ſumus. Eorum conatus, & ſtudia ſuſpicimus. Sunt jam illi extra cenſurarum noſtrarum iſtus. Adverſus opiniones, quas populo Chriſtiano in ſummo, & unico æternæ ſalutis negotio pernicioſas, niſi nimius amor nos fallat, invehimur. Brevis noſtra animadverſio hæc eſt. In ſola reſectiunculæ vespertinæ quantitate præſinienda tot laxæ opiniones? Tot diſputationes, de quibus nec verbum per quindecim ſæcula apud majores noſtros? Tam ſubtilia, & ridicularia, venia ſit verbo, commenta, ut ſub falſæ benignitatis fūco gulæ negotium peragatur? Major nobilibus, & delicatioribus, quam robuſtioris valetudinis hominibus reſectiunculæ quantitas? Sola nobilitas novus titulus eſt exemptionis a legis ſeveritate? Quid ſi referre iſthuc vellem quæ de potus, cibique, extra prandium, & jentaculum ſerotinum, ſumptione docent? Non modo a vino, ſed ab aqua etiam abſtinuere majores noſtri, tempore reſectionis excepto. Inveſtum bibendi vini uſum extra prandium adeo dilatarunt Recentiores Theologi, ut hæc ſcribere non timuit P. Thomas Tamburinus *lib. 3. in Decal. c. 3. §. 2. 4. Sed licet bibere vinum, muſtum, cerviſiam, aquas ex herbis, vel ex eodem vino diſtillatas, etiam de mane, etiam ob SOLAM DELECTATIONEM, etiam multoties in die, etiam IN FRAUDEM jejunii*. Ita

Layman, Sanchez, Lezana, Fagundez. Nihil de Indico matutino potu dico. Disputant, liceat ne præter duas refectioes parvulam, & magnam sumere mel, pyra, uvasque recentes extinguendæ sitis causa? Ajunt Patqualigus, Filliucius, & Trullenchus. Contendebant alii licere pluries in die quidquam pauxilluli cibi separatim sumere. Quam sententiam ab Alexandro VII. proscriptam, ut licitam efficerent, alii acutiores disputare cœperunt, liceret ne saltem aliquid cibi capere quoties bibitur, ne potus noceat, Ajuntque Diana, & Leander cum viginti Junioribus. Quin addunt, absque culpa veniali posse te aliquid cibi capere, ut vel amico id roganti indulgeas, vel ut odoriferum halitum stomachus mane efflet inquit Leander *disp. 5. q. 20. 21. 22. 23. Absolute respondeo, quod possit aliquid cibi aromatici sumere, ad tollendum malum odorem quem stomachus jejunus causat.*

XV. Quid ex hac brevi animadversione emolumenti? An Casuistarum contemptio? Absit. Illos cole, piam intentionem excusa. Quid ergo? Laxitatis, & erroris detestatio. Ut heinc colligas, quo nimia de morum regulis disputandi libido tandem recidat. Reputes tecum serio velim, ubinam in his disputationibus vera Christianæ pœnitentiæ imago appareat? Conferas velim cum Patribus nostris, sanctisque Doctoribus recitata, & innumera, quæ præterii, commenta, si comprehendere aues, quam luculentum sit Oraculum Alexandri VII., novum videlicet opinandi modum & a simplicitate evangelica, & a Patrum doctrina alienum esse. Sed hæc cursim, obiterque.

§. V.

RESPONSUM PONTIFICIUM

Excludens carniū eſum a collatione vespertina *inviſtis argumentis evincitur conſentaneum tum antiquæ, tum bo-
diernæ Diſciplinæ. Nec ipſi laxiores Caſuiſtæ repugnant, immo communi aſſenſione hoc idem docent, & poſiſſimum Theologi Hiſpani.*

XVI. **R** Eſponſum Pontificium continet partes duas. Altera qualita-
tem, quantitatem altera ſpectat. De prima nunc, mox de
altera. In prima parte Pontifex Summus carniū eſum non licere
in vespertino jentaculo edicit. Superiori paragrapho laxiores Caſuiſta-
rum opiniones recensui, ut heinc validiſſimam argumentationem erue-
rem in cauſæ meæ præſidium. Et ne gratis id me aſſerere ſuſpicetur
quiſquam, continuo ſic argumentor. Recentiores Theologi eo nervos
omnes intenderunt ſuos, ut ſeveritatem quadrageſimalis jejunii delini-
rent: nulli ſpeculationi, nulli ſubtilitati pepercerunt, ut quantitatis li-
mites amplificarent, & totam jejunii ſeveritatem in ſuavitatem verte-
rent. Hæc prima propoſitio ex documentis antecedenti paragrapho re-
latiſ evidens eſt. Atqui laudatæ Caſuiſtæ unanimi conſenſu negant, li-
citur eſſe ſive piſces, ſive lactinia, quæ licite ſumuntur in prandio,
licitum eſſe quidquam ex iſdem in jentaculo ſerotino comedere. Er-
go potiori jure illicita erit carniſ comestio. Conſequentia legitima eſt.
Sola ſecunda propoſitio demonſtranda ſupereſt. Eam porro evidenti-
us demonſtrare nequeo, quam eorundem Caſuiſtarum textibus. Antequam
illos refero, ratione ab ipſius jejunii natura petita, evinco conjungi
haud poſſe cum vespertino jentaculo cujuſque carniſ eſum. Siquidem
unica comestio eſt principalior jejunii pars: & ut tricas vitemus, om-
nes ad unum Theologi fatentur duplici comestura jejunium frangi.
Porro tunc iteratur comestura, quando illæ eſæ comeduntur, quæ

prandium, aut cœnam constituunt. Ejusmodi autem sunt pisces, lactinia, carnes. Ergo escæ istæ in collatione vespertina sumi nequeunt, ne iteratis esibus natura jejunii Ecclesiastici dissolvatur. Itaque Theologi, ut quoad fieri potest veram jejunii notionem salvent, in unica comestura sitam, adiecta appendice abstinendi a carnibus, docent in collatione vespertina nihil eorum manducandum esse, quæ rationem habeat epulæ, seu feruli, quod in prandio comedi solet. Heine bellaria, quæ post prandium sumuntur, sive fructus, aut herbas in jentaculo serotino adhibenda censent. Hæc enim juxta communem sensum epulas, seu ferula non efficiunt. Idcirco dicimus comestionem non iterari, licet refectiuncula sumatur ex bellariis, fructibus, herbisve, quæ rationem, epulæ non habent. Verum hæc non tam a ratione intrinsecus arcessita, quam a consuetudine pendent. Consuetudo tamen rationabilis sit oportet. Tum porro est rationabilis, cum bonum commune spectat. Corruptela vero dicitur, si eidem adversatur. Verum de hoc infra.

XVII. Propositionem meam nunc evinco communi omnium fere Recentiorum, & quidem laxiorum auctoritate. Ut sub initium capitis admonui, hi non disputarunt de licito usu carniū in vespertina collatione, quia societatem carniū cum jejunio vix agnovere. Quoties ergo probavero illos a vespertina collatione pisces excludere atque lactinia permitta in prandio, evidentissime inferam potiori jure eosdem excludere carnes. Duos primum omnium referam, qui sunt veluti duo prima probabilisticæ benignitatis capita P. Diana Siculus, & P. Leander Hispanus in emolliendis legibus nemini secundi.

XVIII. P. Antoninus Diana tom. 4. coord. tract. 6. Resol. 116. §. 6. hæc scribit. *Affero in dicta collatione sub onere peccati mortalis quantitatem licitam non posse sumi in piscibus, ovis, & aliis lactiniis, seu cibis substantialibus in cœna manducari solitis. Et ratio est manifesta, quia, ut dictum est, collatio est licita propter consuetudinem. Sed consuetudo, quæ introduxit dictam collationem, non solum præscripsit quantitatem, sed etiam qualitatem ciborum: nunquam vero per consuetudinem in collatione introducti sunt cibi, qui communiter ordinantur ad sustentationem, & inter ferula apponuntur, ut pisces, ova, legumina &c. ergo talia manducare illicitum, & pecca-*

peccatum erit. Verum quia multi nolunt hanc veritatem intelligere, ponam per extensum verba Doctorum.

„ Villalobos in *sum. tom. 1. tract. 23. dub. 7. n. 3.* Nequit fieri collatio ex piscibus, aut ovis, vel leguminibus; quia bellaria, fructus, herbæ &c. sunt collationis materia. „ Ex hispano sermone in altinum versa.

„ Azorius *p. 1. lib. 7. cap. 8. q. 9.* In refectiuncula vespertina solum edi possunt quæ ante vel post prandium sumi solent, quales sunt fructus arborum, herbæ, & alii quidam fructus leviores sumi soliti, ea, tantum ratione, ne potius stomacho officiat, ut proinde sit corruptela, si cibi sumantur, qui potissimum ad nutriendum valent, qualia sunt legumina, & pisces „.

„ Reginaldus in *praxi tom. 1. lib. 4. disp. 14. dub. 10.* In refectiuncula serotina solum edi possunt quæ ante, vel post prandium, aut cœnam alias sumi solent, qualia sunt electuaria, fructus arborum, puta ficus, uva, nuces, pyra, poma, herbæ &c. Si enim secus fiat, idest sumantur alii cibi, & qui valent potissimum ad nutriendum, ut sunt pisces, & legumina, non erit refectiuncula, sed jejunium solvetur.

„ Filliucius *tom. 2. tract. 27. p. 2. c. 2. dub. 6. n. 30.* Cibi, qui communiter ordinantur ad sustentandam naturam, & inter fercula appellantur, videntur prohibiti esse: tales sunt pisces, ova, item juncula ex leguminibus amygdalato, & hujusmodi: Hæc enim omnia prohibentur; quia non solet numerari inter cibos ad jentacula, sed inter cibos ad alendam, & sustentandam naturam.

„ Layman in *Theolog. Mor. lib. 4. tract. 8. cap. 1. n. 9.* Qualitatem cibi in collatione sumendi ajuat DD. communiter esse fructus, aut herbas adjunctæ etiam pane, vel pisciculo parvo, secundum Azonium, qui fumo exsiccatus, vel aceto maceratus sit, qualis etiam inter leviores cibos numerari solet, ut colligitur ex *cap. presbyter. dist. 82. & c. 2. de homicidio*; nam ipse postea Azorius corruptelam esse ait, si ii cibi sumantur, quia potissimum ad nutriendum valent, qualia sunt legumina, & pisces „.

„ Stephanus Fagundes de *Præcep. Ecclæs. tract. 4. lib. 1. cap. 4. n. 18.* Consuetudine ubique receptum est, ut in refectiuncula soli fructus

„ cum.

„ cum modico panis capiantur : & hanc consuetudinem excedere non
 „ est licitum . Et si aliqui nonnihil piscis. adhibere soleant , *id quidem*
 „ *per corruptelam faciunt* , non *per consuetudinem legitimam* : communis
 „ enim consuetudo est , ut fructus modici , & modicum panis in col-
 „ latione adhibeatur , non pisciculi parvi , nec tantillum magui pis-
 „ cis ; non enim quantitas materię , sed materia prohibetur , .

„ Sancius in *Seledis Disp.* 52. n. 8. Nec ex cibis cœnam aptis etiam
 „ in minori mensura, poterit accipi refectio . Obstat enim ad id con-
 „ suetudo contraria , qua si non excusaretur collatiuncula de herbis ,
 „ & fructibus , neutiquam etiam nequiret assumi , .

„ Joseph Angles. de *jejuniis* q. 9. ar. 2. dub. 4. In collatione ferotina ,
 „ ne illa sumantur , quę per se ad nutriendum ordinantur , quales cibi
 „ sunt pisces , ova , & cœtera : nam in his quamquam similis quanti-
 „ tas non violaret jejenum , ratione tamen qualitatis violaret , .

„ Vivaldus in *Candelab.* aur. p. ult. c. 11. n. 25. In refectiuncula come-
 „ di potest frustulum panis cum pyro , pomove cum uva , vel paucis
 „ ficis , nucibus , vel his similibus , .

„ Berarducius in *Sum. cor. p. 1. c. 2. n. 69.* In collatione ferotina co-
 „ medi possunt aliqua electuaria , confectioes , vel panis dulciarius ,
 „ fructus , herbę &c. quę ad nutriendum principaliter ordinata non
 „ sunt , .

„ Petrus Ledesma in *sum. tom. 2. tract. 17. c. 2. diff. 5. concl. 4.* Quis-
 „ que in collatione sumere potest quartam partem panis , tres , aut
 „ quatuor oleas , & parum electuarii , aut quid simile : (& paulo post
 „ fol 69) Nequeunt in collatione comedi ova , nec alia id genus , quę
 „ manducantur in cœna . , .

„ Jacobus de Graphis in *Decis. p. 1. l. 2. c. 37. n. 29.* Collatio de se-
 „ ro fieri potest vel sumendo parum fructuum , vel ficuum , vel panis
 „ solius , vel utriusque juxta morem Regionis , .

„ Vega in *Sum. p. 1. cap. 14. cas. 5.* In collatione licet sumere non
 „ fructus modo , aut panem , aut herbas separatim , sed etiam conjun-
 „ ctim , (Latine versa .)

„ Antonius de Literatis in *Sum. p. 2. c. 19. n. 4.* Jejunans in fero-
 „ diei , non debet sumere aliquod comestibile , quod in prandio consue-

tum

„ tum est fumere ; sed aliquid per modum medicinæ , ne potus illi
 „ noceat „

„ Molfesius in *Sum. tom. 1. tract. 10. c. 3. n. 24.* Nihil interest, si in
 „ pane , vel fructibus fiat hujusmodi collatio , quamvis decentius fiat
 „ in fructibus „

„ Sylvius in 2. 2. q. 147. a. 6. *quaritur* 2. Consuetudini standum est,
 „ quantum ad qualitatem ejus, quod pro collatione fumitur. Modicum
 „ panis accipi potest, vel scorsim, vel una cum fructibus, herbis, aliis-
 „ que cibis levioribus, cujusmodi sunt ficus, uvæ, nuces, poma, vel
 „ alia ex saccharo condita : imo & aliquid casei, vel butyri, ubi ita
 „ consuetudo obtinuit, non est illicitum „

„ Vide etiam *Lavorim tr. de jubileo p. 1. c. 2. n. 10.* Bejam *p. 1. cap.*
 „ 3. Sylvestr. *verb. Jejun. q. 3. n. 10.* Rodriquez in *Sum. tom. 1. cap. 23.*
 „ n. 8. Medinam in *Instruct. Confess. lib. 1. c. 13. §. 10.* Lamas in *Sum. p.*
 „ 3. *cap. 3. §. 24.* Ortiz in *Sum. c. 19. n. 10.*

XIX. Consideres velim Dianæ diligentiam, atque zelum in conqui-
 rendis benigniorum Casuistarum sententiis, ut efficacius evinceret con-
 suetudinem manifestam sumendi in collatione serotina panem, bellaria,
 aut fructus tantum, rejectis piscibus, ovis, & lacticiis. Audias nunc
 velim ejusdem conclusionem, quam ibidem continuo subjicit. *Ex his*
omnibus apparet : sine ratione, & fundamento contra communem Doctorum
sententiam loquutum fuisse Bonac. de leg. disp. ult. punc. 3. q. 1. n. 3. ubi
asserit, in serotina collatione, non tam cibi qualitatem, quam quantitatem
attendendam esse: nam ut supra ex omnium Theologorum auctoritate proba-
tum est, qualitas cibi in refectiuicula frangeret jejunium: & ita sentiens plu-
res Patres nostræ Religionis, & ex Societate Jesu a me de hac re consulti.
Unde minime dubitandum est, contrarium facientes peccare mortaliter, &
frangere jejunium. Scripsi hæc ad COMPRIMENDAM AUDACIAM aliquo-
rum, qui ex auctoritate Bonacinae contrariam sententiam in praxi consulere
audebant, quæ quidem sententia NON EST PROBABILIS, SED FALSA,
quia est destituta rationibus, & est contra communem, ut visum est: ergo &c.
 Audistin quanto succensus igne fuerit vel ipse qui vocatur benignissimus
 novæ probabilitatis agnus adversus laxiorum Casuistarum auda-
 ciam? Quid, quod quatuor alias Resolutiones, nempe 117. 118. 119.

120. adornavit contra improbabilem, falsamque opinionem ?

XX. P. Leander a SS. Sacramento *tract.* 5. *disp.* 4. q. 41. hæc scribit. *Tanquam certum mihi respondeo, quod in collatione non liceat uti piscibus recentibus. Primo, quia consuetudo omnium tam Doctorum, quam vulgarium hominum usque ad hæc nostra tempora oppositum tenuit, ut constet: ergo illam excedere non erit licitum, sicut non est licitum legem excedere. Nam consuetudo vim legis habet. Secundo, quia collatio propter consuetudinem dumtaxat est licita. Sed sic est, quod nunquam sint introducti pro collatione pisces, præcipue recentes: ergo illos manducare illicitum erit. Tertiò, quia sic tenent communiter Doctores. Syllabum texit Doctorum plurium, quos brevitatis gratia prætereo. Argumentationes P. Pasqualigi in hac materia proscripti diluit Leander. Adco fuciles sunt, ut illas negligere opportunum duco. Quod enim ineptius his argutiolis, quibus contendit, ideo pisces, secus fructus adhibendos, quod hi stomachum debilitent, secus illi? quod pisces minus nutriant, quam nuces? Qui istorum confutationem avet, Leandrum legat. Piget enim in his quisquiliis tempus terere.*

XXI. Querit P. Leander q. 42. Utrum saltem liceat in collatione uti pisciculis fumo exsiccatis, saleque conditis? Ejus decisio hæc est. *Ut mihi certum respondeo non posse, quia nec ratio, nec usus virorum prudentum, & timoratae conscientiae ad contrarium tuendam urgent, ut constet, cum sit omnino contrarius. Sic communiter Doctores citati pro prima sententia.*

XXII. Quoniam in capitis titulo sponendi hanc sententiam me fore potissimum Theologorum Hispanorum auctoritate confirmaturum in medium profero Collegium Salmanticense Ord. Carmelitarum Discalceatorum. Hi perdocti, pique Theologi *tract.* 23. *cap.* 2. *punct.* 3. §. 3. n. 3. hæc scribunt. *Communis Doctorum sententia docet, non esse materiam collationis pisciculos parvos, sive recentes sint, sive fumo siccati; quia cum collatio serotina consuetudine sit introducta, etiam consuetudini standum est circa cibos, qui ejus materia esse possunt. Sed nullibi est consuetudo introducta sumendi in ea pisciculos parvos, ut testantur, Villalobos, Azor, Palaus, & alii infra citandi: ergo eos sumere non licet. Ulterius: nam pisces ex se ordinati sunt ad nutriendum, & sustentandam naturam; ergo eis non licet*
uti

ni in collatione ferotina. Sic Sanchez, Ledesma, Trullenchus, Villalobos, Palaur, Lezana, Fagundez, Diana & alii. At numquid, inquires, graviter delinquet qui comedet unam haleculam, aut alium pisciculum fumo exsiccatum, salitumve? Quid gravem obrudis culpam? Peccaret sane communi Probabilistarum consensu; sed graviter, aut leviter juxta materię gravitatem. Peccaret potissimum, quod viam corruptelę aperiret. A parvo pisciculo concessio ab Azorio progressum est ad pisces recentes, & magnos. Plura, si ibi gradum siterent unde initium capiant, permitti possent. At quia ulterior progressus communiter consequitur, ideo cavendum magnopere est, ne vel levia permittantur, dum abusus, & corruptelis invehendis causam præbent.

XXIII. Disputant tandem docti Recentiores, liceat ne in collatione vespertina casei, lacticiniorum, & ovorum usus, ubi hæc in prandio licita sunt? Licere usum casei defendunt aliqui, ut Laymanus, Ghetius, Pasqualigus, Sylvius eo quod caseus inter fercula non reputetur, soletque cum bellariis inter secundaria mensę dona apponi. Verum communis sententia oppositum docet. Ex benignissimus. P. Leander loc. cit. q. 44. inquit. *Tamquam certissimum mihi respondeo, non esse licitum in prædictis diebus jejunii casum, vel aliud quodecumque ex lacte confectum in collatione ferotina. Quia consuetudo huc usque esum casei, & aliorum lacticiniorum non introduxit in collatione.*

XXIV. Ad ova quod attinet, tam Antiqui omnes, quam Recentes communiter non negant modo licitum ovorum usum, sed contrariam opinionem vocant improbabilem, falsam, & scandalosam. Audiamus Leandrum loc. cit. q. 46. *Ut certissimum mihi respondeo, non posse ova licite in collatione adhiberi, quia hucusque non est introductus usus ovorum in refectiuncula* Hanc nostram sententiam tenent omnes Doctores antiqui tenent etiam ex Modernis Sanchez, Villalobos, Ledesma, Bossius, Angles, Antonius de Leon. Tandem ipse Leander citat P. Luyssium Turrianum Theologum Hispanum Incolytę Societ. Jesu, qui oppositam sententiam vocat *Scandalosam, temerariam, & contra bonos mores*. P. Diana similiter, ut falsam rejicit.

XXV. Ex quibus omnibus hanc colligo argumentationem. Licet Theologorum paucissimi permittant in collatione vespertina pisciculos

los parvulos, summove exsiccatos, aut sale maceratos; tamen omnes, non modo antiqui Theologi, verum etiam vel Benigniores, ne dicam laxiores Probabilistæ, qui nullum non moverunt lapidem ut jejunii severitatem delinirent, laxarentque, negant licitum esse comedere aut pisces recentes, aut ova in prandio permixta. Potiore itaque jure damnant esum carniū. Ergo Pontificium Responsum non modo antiquæ, verum etiam recenti Disciplinæ consentaneum est; eidemque non modo prisoi omnes, verum etiam Recentiores, & Theologi, & Casuistæ suffragantur. Negant illi licitum usum piscium, aut ovorum, quod hæc fercula constituent ex primaria intentione ad naturam nutriendam, sagingandamque instituta. Sed carnes omnium esculentorum fercula efficiunt lautiora, exquisitioreque epulas. Ergo urgentioribus rationum momentis a serotino jentaculo rejiciuntur. Quid, quod paucissimi illi Probabilistæ, nempe P. Pasqualigus, & P. Marcus Vidal, ambo proscripti, ideo defendunt cum nonnullis aliis Casuistis licitum esse edere aut pisces, aut ova ubi permittuntur, quia ova, aut reputantur inter bellaria, aut minus nutriunt, quam carnes. Ergo istorum quoque Probabilistarum conversione usus carniū permissus in prandio minime licitus in vespertino jentaculo est.

XXVI. Tandem admissio carniū esu in vespertina collatione, tota aufertur Ecclesiastici jejunii imago. Nam qui essent Theologi, qui licitas in collatione carnes assererent, oppido magis admitterent quantitatem octo aut decem unciarum, quam plurimi Probabilistæ propugnant, ut vidimus. Quid tum? Lautissimum pro sobrio stomacho cœnam efficeret? Duas habens panis uncias: medium pullum columbarum trium unciarum, ossibus detractis, pro primo ferculo. Turdum duarum unciarum, aut duas phasiani, vel perdicii: uncia superest bellariotum. Si latior venter sit adicere poteris, quin graviter pecces, austarium duarum unciarum, ut compleatur ad ultimos usque limites collatio Probabilistica. Næ istud egregium jejunium? En quo recidit nova probabilizandi seu arguendi ratio. Nonne hæc jejunii forma tum Catholicis, tum hæreticis scandalum pateret? Hoc eodem argumento Probabilistæ benigniores improbant in collatione ovorum usum. Audi Leandrum *loc. cit.* q. 46. *Si quis licite possit uti in refectiuncula ovis, licite certe, aut saltem*

saltem absque fractione gravi jejunii posset in ea sumere duo, imo tria ova, cum duabus, aut tribus uncis panis, cum vota hac quantitas non excedat octo, aut novem uncias: At hoc asserere est scandalosum, & temerarium, ut patet. Quis namque fidelis cujuscunque fuerit conditionis non scandalizaretur videns alium fidelem in die jejunii vespertina in refectiōe se pari ovorum cibare? Nec est quod reponas. Quid si in parva quantitate trium, aut quatuor unciarum carnes comederentur in refectiuncula serotina? Etiam hoc in casu te graviter peccaturum evidenter ex iis quæ dicta sunt colligitur. Qualitas enim ista communi Theologorum assensu exclusa est a serotino jentaculo.

XXVII. Ad argumenta, seu verius sophisticas argutationes §. 1. hoc est responsum. Primum etiam permissa probabilitate sententiæ concedentis licitum ovorum usum, non propterea sequeretur licere carnes manducare. Nam ideo laudati Authores licita ova defendunt, quia minus, quam carnes nutriunt. Ergo ex licito illorum usu, non sequitur licitus usus carniū. Cæterum pernegamus aliqua vel minima frui probabilitate oppositam sententiam, quam ut falsam, temerariam, scandalique plenam communi assensu rejiciunt vel ipsi begniores Probabilistæ Diana, Leander, Turrianus, cæterique. Ipsemet P. Thomas Tamburinus alter benignitatis princeps scribit *lib. 4. c. 5. §. 3. n. 5.* Ova adeo ex diametro opposita esse jejunio, *ut vix umquam invenias, qui videns fidelem vespere ova comedentem, judicet eum jejunare.* Ergo a fortiori collationi vespertinæ carnes repugnant. Accedit, quod oppositæ sententiæ Patroni nullius omnino sunt authoritatis. Duo præcipui nempe Pasqualigus, & Marcus Vidal ob extremam opinandi laxitatem proscripti sunt. P. Sporer est merusaliorum Authorum præcipue Tamburini, a quo methodum mutuatus magna ex parte est, collector, & quidem minus diligens. Nam hic laudat *Cajetanum expresse* docentem, licitum esse piscium, & ovorum usum, cum tempore Cajetani tantum de fructibus, aut pane, secus de piscibus, aut ovis disputaretur. Et ab hac impostura, quam eidem impingit P. Sporer, cum aliis vindicarunt vel ipsi PP. Layman *lib. 4. tract. 8. c. 1. n. 9.* Leander *q. 42.* Azorius, Bossius, & alii. Lege Cajetanum ipsum *2. 2. q. 147. art. 6. & in sum. verb. jejun.* Quid quod nec ipse Bona-

cina ova concedit? Numerus ergo Patronorum laxissimæ opinionis restringitur ad Marchantium, Sporerium, Lamas, Machadum, & Ghetium, qui & absolute minimæ sunt authoritatis, & si conferantur cum omnibus antiquis, & cum Probabilistarum multitudine oppositum docentium, nec consideratione digni sunt.

XXVIII. Tandem *Responsum Pontificium* sententiam nostram extra disputationis aleam, & in ultimo evidentis certitudinis gradu constituit. Hoc solum Responsum pro suprema decisione nobis est. Quæ in medium attuli eo spectant, ut quorundam ausus reprimant, qui minime verentur aut arbitrarii, aut nimii rigoris vel ipsas Pontificias Declarationes postulare. Idcirco, ut compertum fieret, quam sit Disciplinæ tum vetustæ, tum recenti dictum Responsum consentaneum, Recentiorum Probabilistarum placita expendere operæ prætium existimavi.

§. VI.

RESCRIPT, PONTIF.

„ Sed opus habere eo cibo, eaque uti portione, quibus
 „ utuntur homines jejunantes rectæ meticolosæ
 „ conscientiæ.

Qualitas, & quantitas cibi sumendi in collatione vespertina.

XXIX. **D**UO, ut diximus, documenta continet Pontificium Responsum. Primum carnes rejicit. Et de hoc hætenus. Alterum qualitatem, & quantitatem esculenti in collatione capiendi indicat his verbis. *Sed opus habere eo cibo, eaque uti portione; quibus utuntur homines jejunantes &c.* Hanc secundam Responsi partem brevissime expono. Et quod attinet ad qualitatem cibi, jam communi Probabilistarum auctoritate demonstravi excludendos esse a præfata collatione cujusque generis pisces, sive magnos, sive parvos, sive recentes, sive fumo

fumo exsiccatos , & potiori jure lactinia omnia , ubi permittuntur. De hoc amplius disputandum non est; fusius enim superiore paragra-
pho textus Dianæ , Leandri , aliorumque benigniorum Theologorum
rescripsimus.

XXX. Recentium Theologorum , maxime Probabilistarum acumen
nihil intentatum neglexit , ut jejunii austeritatem deliniret. Cum non
potuerint in serotino jentaculo permittere sive pisces , sive pisciculos,
sed solos fructus , bellaria , herbasve cum pane ; disputare cœperunt ,
liceret ne saltem hæc omnia simul permiscere , & aqua adjecta coque-
re , aut sine aqua ignis calore ex iisdem jusculum extrahere , & inie-
cto pane offam efficere ? Escobarius , Pellizarius , & Leander *loc. cit.*
q. 35. adfirmant de pane madefacto , vel jusculo cocto. Negant Filli-
cius , Layman ; & alii . De herbis elixis aqua sale , oleo , acetoque
conditis vulgo *insalata* negant antiqui omnes , & insuper Navarrus ,
Vega , Vivaldus. Adfirmant vero Leander , Bossius , Layman. Eadem-
que disputatio servet super jusculo ex herbis , pane , fructibusque ex-
presso , oleo , saleque condito. Acrius disputant super cremore amy-
gdalino , vulgo *mandorlata* . Adfirmantem opinionem defendit more suo
Pasqualigus in suo proscripto de jejunio opere , aliis citatis. Sed ne-
gant Layman , Sanchez , Trullenchus , Filliucius , Lezada , Bossius ,
Leander , & alii communiter , causa justa sublata .

XXXI. Hæc sunt Recentiorum Theologorum super qualitate jenta-
culi sumendi certamina . Quæ de unciarum quantitate disputant , su-
pra narraui . Omnia hæc subtilissima mihi videntur eludendæ legis
commenta , & gulæ demulcendæ artificia . Quid ? Permittam ne ego
præfata omnia , nempe mixtionem fructuum , herbarum , & ex eisdem
expressa ignis calore juscula , & quantitatem octo unciarum ? Damna-
bo ne illa lethalis culpæ ? Aqua hic hæret , & quasi ira inardesco ad-
versus Probabilistas , qui nos ad ejusmodi angustias redegere . Tanta
disputationum certamina , ut latebre jejunio quærantur ? Nihil æta-
te nostra bona fide , & simplici Christianæ pœnitentiæ spiritu deciden-
dum ? Nihil majorum nostrorum consuetudini deferendum ? Omnia
veluti supremi mundi Principes indisto ex utraque parte bello diri-
memus ? Continenter gladium lethale distringemus , ubique clamantes :

F

est,

est, & non est peccatum mortiferum. Ad Tartara descendes, si hoc egeris: portum attingens si abstinueris? Fateor me non leviter commoveri, dum similia lego in Recentioribus non paucis, qui Sanctorum Patrum, & antiquorum Theologorum doctrina, & ingenua illa, ut sic dicam, simplicitate, aut contempta, aut neglecta, omnia in disputationem, omnia in contentionem, omnia in discrimen adducunt; & versatili probabilitatis mucrone victoriam gulæ, & appetitionibus humanis fere semper asserunt. A specie mali nos abstinere S. Paulus jubet. Culpa est: ergo cavenda inquit Patres omnes. Non adeo illis frequens disputatio, sit ne mortalis, aut venialis culpa: sed omnes nervos eo intendunt, ut culpæ omnes vel leviores vitentur, scientes, quod hæc ad graviora pertrahant. Contrà Recentiores Probabilistæ continenter bilances in manibus habent, ut venialia a mortalibus segregent. Passim ex tripodē decidunt: hoc est mortale, hoc veniale. Quæ decisiones sæpe temeritate non vacant, cum frequentissime ejusmodi confinia nos lateant. Et quod pejus est. Venialia vix curant. Cum S. Paulo itaque, & Paribus dicendum. Culpa est. Ergo detestanda. In laudato nostro opere inscripto, *La Disciplina Antica, e Moderna della Romana Chiesa &c.* extrema rigoris, & laxitatis declinanda proposui. Octo, vel decem uncias, aut quartam partem cœnæ extremum est laxitatis omnino vitandæ. Quoniam hæc quantitas bene parata, ac in portiones tributa, sobriam cœnam porrigit. Solus panis, aut solæ herbæ, aut fructus unius tantum generis, ut tempore S. Antonini, Tostati, Cajetani, & S. Caroli Borromæi mos vigeat, alterum extremum nimis fortasse rigoris apparebit. Propterea his declinatis, tres circiter uncia panis, fructuum, herbarumque assignavi veluti medium inter utraque extrema. Quid? Evasi ne propterea Rigorismi censuram? Minime gentium. Quamvis & a natura ipsa ad benignitatem comparatus sim, & Evangelica imbutus doctrina, malim de nimia misericordia, quam de nimia severitate Deo rationem reddere. Quid in præsens novis adferam?

XXXII. Pauci me expeditam. Homines bene morati non pauci plus iusto timent. Christiani criminibus obnoxii plus æquo audent. Illi libra accepta, super secula minima vitiligant. Isti concupiscentiæ

lena

Iena conciliatricula dolos deglutiunt, fin ad fatietatem, faltem ad sobriam moderatamque cœnam. Sat illis est, si cum aliqua fame a mensa surgant. Illudque admirationis cuiusque limites transilit, quod isti, qui & graviorum culparum pondere gravati, & impotentiori libidine, cupiditate, aliisque pravis habitibus inquinati, pœnitentiæ fræno summo opere indigent tum ut peccata futura devitent, tum ut debita gravissima Divinæ Justitiæ solvant, omnia effugia captant, ut cuiusque veræ pœnitentiæ onus excutiant, ut ipsam jejunii legem deludant. Si istos reducere in pœnitentiæ semitam tentaveris, aquam cribro hauries. His itaque dimissis, Regulam prudentissimam, quam in suo Responso præbet BENEDICTUS XIV. feliciter regnans, exequendam inculco, illamque pauci explico. *Respondemus. . . opus habere eo cibo, eaque uti portione, quibus utuntur homines jejunantes & meticolose conscientia.* Quinam est cibus, quo vescuntur Christiani . . . conscientia? Fructus, herbæ, panis. Quænam quantitas? Tres aut ad summum quatuor uncia. Qui hoc asserunt? Ipsi benigniores Probabilistæ, & celebriores Medici. Audi Jacobum Grassium r. p. Decis. lib. 2. cap. 36. n. 25. *Dicta collatio fieri potest sumendo vel parum fructuum, vel fœcæ, vel panis solius, v. g. duarum, aut trium unciarum.* Audi Joannem Azorium lib. 7. cap. 8. q. 8. *An vespertina refectiuncula cœna & definita cibi quantitate, & qualitate constare debeat?* Respondeo debere, alioqui in cœnam transiret. Quare solum edî possunt quæ ante, vel post prandium, aut cœnam alias sumi solent, quale sunt fructus arborum, herbæ, & alii quidam fructus leviores sumi soliti; ea tamen ratione, ne stomacho potus noceat, & in quantitate, quæ modica censetur, qualis est panis quantitas, quæ trium unciarum, aut quatuor est. Quid, quod ipsi Probabilistæ molliores, qui quantitatem amplificant ad sex vel octo uncias, advertunt, Christianos bene moratos non excedere tres, aut quatuor uncias. Ita testatur vel ipse P. Leander q. 12. referens testimonium Mosefi in sum. tract. 10. cap. 3. n. 7. *Largior concessio a sex uncias infra eorundem ciborum, quibus vesci licet in Quadragesima. Viri tamen timorati non excedunt, vel quatuor uncias.* Quid quod celebriores Medici severius loquuntur. Paulus Zacchias lib. 5. tit. 1. q. 9. n. 16. *Quantitas cibi in jejunaculo assumendi, ne jejunium frangatur, tam respectu sitis, quam so-*

uni, & consuetudinis, restringenda est ad modicum quid, quod *UNCIAS DUAS*, aut *TRES* ad summum non pertranscat. Zacchias, Condronchius, Hecquet Clarissimi Medici sibilis excipiunt opiniones laxas sex aut octo unciarum, deridentque Casuistas, qui tantam quantitatem se permittere ajunt ob naturæ debilitatem, & ut prostratis viribus remedium conferant. Mos innumerabilium fidelium, & Religiosorum conscientiarum rectarum metulosa, qui definitam quantitatem non excedunt falsitatis evincunt prætextus allegatos. Hæc omnia in citato nostro opere *p. 1. cap. 3. §. 4.* explicui. Et tamen, ut dixi, non defuere qui nos nimis austeritatis incusaverint. Sed grates Deo habendæ, quod Supremus Ecclesiæ Hierarcha hanc regulam confirmaverit. Prudentissime limites unciarum ipse non definivit, quia materia hæc individuos limites non excipit. Medium quoddam præstituitur, seu meta, ad quam plus, minusve boni fideles suam conformare refectiunculam debent. Si bona fides vigeret, cujusque conscientiarum res hæc permetteretur. Verum quia homines impotenter ad laxa semper feruntur, idcirco limites aliqui figuntur, ultra quos prætergredi plus minusve non liceat. Quantitas a nobis præfinita trium, aut quatuor circiter unciarum recedit tum ab extremo laxitatis octo aut decem unciarum, tum ab opposito extremo unius, aut alterius uncie. Et tandem hæc est quantitas, quam testibus Probabilistis, *viri timorati non excedunt*. Porro Pontifex Summus præscribit, nos *opus habere eo cibo, eaque uti portione*; quibus utuntur homines jejunantes recte metulosa conscientie. Advertas velim quanta prudentia adiectæ sint hæc duæ voces *recte metulosa conscientie*, ut excludantur a regula imitanda conscientiarum non rectarum, sed ad superstitionem metulosa, seu scrupulis, umbris, spectrisve agitatae aut laxæ. Recti ergo consilii, & prudenter moratæ conscientiarum homines jejunantes imitari debemus. Ejusmodi autem sunt, quales nos descripsimus.

XXXIII. Cum hæc adeo perspicua sint, & Pontificia etiam auctoritate firmata; quid causæ est, quod hanc ipsam sententiam nostram tanta moderatione, cautioneque circumscriptam plures nimii rigoris postulent? Respondeo, libros recentissimos quorundam Casuistarum tantorum esse malorum causam. Docti piique Authores optimo fine alle-

allevandi Jugum Chriſti, & faciliorem reddendi Paradifi viam, legem laxarunt. Et quamvis ab integro, & amplius ſæculo declamarum ſit adverſus hanc laxitatem ſuco benignitatis delibutam; nihilofecius Theologi Recentiores, qui hac noſtra tempeſtate poſt damnata a Summis Pontificibus centenae & amplius propoſitiones, opera Moralia edunt, laxiorum Probabiliſtarum pronunciata tranſcribunt, & in compendium redacta imperitis lectoribus pia, ut dixi, intentione porrigunt. Unum Recentiffimum nomino P. Dominicum Viva. Nullus dubito, quin futuri ſint, qui me invidentiæ, odii, pravique animi detrahendi Clariffimi viri famæ accuſabunt. Verum qui me judicat Deus eſt. Ille ſcit, ſolo ſine retegendæ veritatis, & Chriſtianos æternæ ſalutis periculo ſubducendi, me hæc ſcribere. Non adverſus Doctum, piumque P. Viva, quem colo, ſuſcipioque; ſed adverſus illius laxam doctrinam ſæpe calamum acuo. Si fallor, & illius doctrina laxitatis experta ſit, oſtendatur, & in anteaſſum, quæ ſcribo, retracto. Interim Textum P. Viva tranſcribo, in quo quidquid laxitatis ſcripſerunt hætenus hoc de argumento antiquiores, benignioresque Probabiliſtæ, ille collegit. Hæc quippe ſcribit in ſuo *Cuſ. Theolog. tom. 1. p. 2. q. 10. a. 3.* „ Verum „ Bonacina de jejun. *q. ult. punct. 3.* Cajetanus, Sor. alique apud „ Dian. *part. 9. tract. 6. Reſol. 2.* cum Tamburino *Probabiliſter* putant, „ poſſe ſumi octo uncias ex pane, & piſcibus ſale coctis, nec non ex „ pulvis, ſeu mineſtris. Immo permittunt etiam aliquid caſei, cui „ permittunt ſactielnia. Excludunt autem ova, utpote magnæ ſubſtan- „ tiæ, & nutritionis, & ex diametro oppoſita jejunio. Contra vero, „ quia non eſt certum conſuetudinem ſumendi jentaculum introductam „ eſſe ſub hac ſtricta neceſſitate, ut non poſſit niſi panis cum fructi- „ bus, aut herbis comedi; ideo etiam piſces ſale cocti, & mineſtræ „ permitti poſſunt, dummodo cum pane debitam quantitatem non ex- „ cedant. *Certum enim eſt, jentaculum ſumi poſſe. Dubium vero, an hi* „ *sibi ſubſtantiales ſint excluſi? Igitur prævalet libertas illos ſumendi. Sic* „ *diſcurrit Tamburinus: cujus ſententiam non amplecterer, niſi putarem* „ *conſuetudinem jam introductam, ut etiam exigua parte piſcis majo-* „ *ris, ut loquitur Bonacina loc. cit.* non tamen ovis in reſectiuncula „ cum pane veſci poſſimus in debita quantitate *octo unciarum*, quam h

„ quis parum excederet addendo unam , vel alteram unciam ex Filliucio , Leandro , & aliis apud Dianam *loc. cit. refol. 15.* nonnisi venialiter peccaret , propter parvitatem materie superadditæ , dummodo alias eodem die parvitatem materie non sumpserit , “

XXXIV. Ambo & quantitatis & qualitatis laxa extrema in hoc suo textu perstringit P. Viva . Si quantitatem spectes , docet quidquid laxius hæctenus dictum est , nempe decem esse posse vespertini jentaculi uncias . Octo absque peccato veniali , & decem cum veniali noxa . P. Pasqualigus , cujus opus hoc de argumento damnatus propter nimiam laxitatem est , de octo unciis scribens *Dec. 91. n. 3.* inquit . *Absolute autem , qui nulla habita ratione complexionis sumeret octo uncias , non damnarem saltem peccati mortalis : quia ad summum parum excederet debitam mensuram , si illa esset tantum sex unicarum .* P. Viva , ut etiam in hoc puncto pater faceret , quantum sit in benignitate propensus , ultimos benignitatis terminos complexus est , quos fixerunt Leander , & Filliucius . Quia vero Leander , & Filliucius rejiciunt a vespertina collatione pisces , lacticia , ova , caseum &c. eos deserit veluti Rigoristas , & ad suum se recipit Tamburinum , qui opinionem docet juxta P. Dianam improbabilem , falsam , omerariam , & scandali plenam , videlicet licere in serotino jentaculo sumere pisces sale costos , & etiam partem piscis majoris ex Bonacina caseum , pulmenta , seu *minestras* . Hanc opinionem , ut improbabilem rejiciunt omnes , non modo antiqui , sed etiam Probabilistæ recentes , paucissimis exceptis . P. Viva autem , ut hanc laxam opinionem propagaret , fucis probabilitatis eam depingit . *Cum Tamburino Probabiliter putant ; unde habes hanc opinionem Probabilem esse ? Ab autoritate ? Non . Quoniam ex Diana , & Leandro transcripsimus textus benigniorum Probabilistarum ? Ab ipsa natura jejunii ? Pejus . Intuere jejunii tui instructionem mensam . Appono duas uncias sive panis , sive leguminis pro pulvere seu minestra . Duas alias panis uncias ad manducandum cum obsonio . Duas unius acipenseris elixati , & duas alias uncias trutæ assæ . Si latior venter fuerit , addam absque gravi jejunii læsione duas alias bellariorum , sive fructuum uncias . Merum autem ad satietatem , quia liquida non frangunt . Hæc est jejunium tuum . Næ isthæc nativa Quadragesimalis jejunii gulam cohibentis , carnem macerantis imago ? Unde*

de ergo habes, Tamburini opinionem esse Probabilem? Numquid heinc? Si liber sit aliquis Junioris, & Moderni, debet opinio censeri Probabilis, dum non constet rejectam a Sede Apostolica tamquam improbabilem. At hæc opinio ab Alexandro VII. damnata est. Numquid ex altera? Generatim dum probabilitate sive intrinseca, sive extrinseca, quantumvis tenui, modo a Probabilitatis finibus non exeat, consisti aliquid agimus, semper prudenter agimus. Verum & hæc damnata est ab Innocentio XI. quamque Tamburinus conceptis verbis docet lib. 3. in Decal. c. 3. §. 2. n. 3. Tenuissimæ ergo ad summum probabilitatis esset præfata opinio atque adeo proscripta. Unde tandem colligis probabilem esse Tamburini opinionem? Ex consuetudine? Scilicet. Cujus (inquit P. Viva) sententiam non amplecterer, nisi putarem consuetudinem jam introductam, ut etiam exigua parte piscis majoris . . . cum pane vesci possumus in debita quantitate OCTO unciarum, quam si quis parum excedat addendo unam, vel alteram unciam, nonnisi venialiter peccaret. Consuetudo hæc appellatur? Turpis est corruptela, non consuetudo. Quænam consuetudinis prerogativæ necessariæ? Ut non adversetur bono communi, seu fini proximo legis. Ut Superioris auctoritate approbetur. Ut populi, non prævaricantis, sed recte morati praxi firmetur. Hæc omnes conditiones defunt collationi, quam obtrudit P. Viva. Adversatur fini proximo, seu intimo, immo naturæ ipsius jejunii. Christiani omnes rectæ conscientiæ eidem repugnant. Eam omnes & antiqui, & moderni Probabilistæ, paucis exceptis, detestantur, ut allatis illorum verbis ostensum est. Ergo non consuetudo, sed immanis corruptela est. Ratiuncula, quam ex Tamburino transcribit totidem verbis P. Viva, ineptum sophisma est. Certe est tentaculum sumi posse. Verum habet. Dubium vero an hi cibi substantialis sint exclusi. Quid inde? Ergo libertas prævalet illos assumendi. Consequentia falsa, & erronea. Dubium est, an hi cibi substantiales jejunium violent? Jejunii lex certissima est: ergo lex certa adversus consuetudinem dubiam, non consuetudo dubia adversus legem prævaleret ebet, omnibus Probabilistis consentientibus. Consuetudo, quam opponit P. Viva, est corruptela plurium Christianorum, qui absque ulla vera necessitate dispensationem edendarum carniū inpetrant, qui quidquid aliud cogitant quam gulæ contradicere, quam

appetitiones cohibere , & corpus abſtinentiæ ſeveritate macerare . Aſtum de omnibus ſanctioribus & legibus eſſet , ſi plurimorum fidelium praxis conſuetudinis legem abrogantis vim haberet . Illud tandem , quod diſplicet in P. Viva , & quod Leſtoribus recorder , eſt , quod paſſim Authoribus Dominicanis errores impingit . Cajetanus pro laxa ſententia octo unciarum & piſcium citatur , cum exploratum ſit , Cajetanum diſputare ſolum de licito panis , vel fruſtuum uſu , ut Laymanus , Leander , & cæteri adverſerunt . Nec leſtio apud Dianam ſuffragatur , quia in re gravi , & quando de primo , & graviffimo authore alicujus ſententiæ diſputatur , ſons adiri debet . Sed paſſim P. Viva , ut ſibi caveat , authores allegat apud Dianam , apud Tamburinum , apud Sanchez . Sed hoc non eſt authoris , inquit Cardenas , Navarrus , & alii , ſed collectoris , meri ſummiffæ , & librarii . Hæc recogitent qui nobis imponunt per ſummam calumniam textuum alterationem , quia unquam id evincere potuerint . Tandem ultimo loco laxam opinionem refello auctoritate Pontificii Reſponſi . Eam Pontifex Summus qualitatem , & quantitatem cibi approbat , quo uti ſolent *ieiunantes rectæ meticuloſe conſcientiæ* . Ergo non approbat , ſed improbat qualitatem , & quantitatem , quam jejunantes laxioris conſcientiæ adhibent . Hi enim in veſpertino jentaculo ſumunt portionem piſcis etiam majoris , caſeum , pulſes , *mineſtras* , uſque ad octo , aut decem uncias , ut docet P. Viva . Hoc eſt autem ultimum laxitatis extremum a quo ſane diſtant jejunantes *rectæ meticuloſe conſcientiæ* . Ergo opinio P. Viva utriuſque generis & qualitatis , & quantitatis extremam laxitatem comprehendit : atque adeo undequaque improbabilis , & falſa eſt .

CAPUT V.

POSTULATUM III.

- „ An qui jejunii tempore vesci carnibus permittuntur , &
 „ unica comestione uti debent , horam jejunantibus
 „ præscriptam servare opus habeant?

§. I.

*Rationes , quæ præfata questioni viam aperire for-
 tasse potuerunt .*

I. **E**Xcitæ questionis causam revera ignoro . Admissæ quippe præcepto unicæ comesturæ servandæ , etiam ab iis , qui carnibus vescuntur , confectarium necessarium est hora jejunantibus præscripta solvendum jejunium esse . Si conjecturis indulgendum sit , id fortasse in causa fuit , quod Recentiorum Probabilistarum plures negant aliquid reperiri præceptum , aut consuetudinem , quæ sub gravi culpa horam sumendæ comestionis præstituat . Hanc opinionem intrepide propugnat P. Thomas Tamburinus lib. 4. in Decal. cap. 5. §. 4. n. 2. his verbis .
 „ Ajo primo , non esse de essentia jejuniæ Ecclesiasticæ , nec de præcepto horam comedendi meridianam . Non de essentia . . . quia jejuniæ essentia est solum unica comestio (*animadvertant Authores Diatribæ , Dissertationis , Defensionis*) cum abstinentia a certo genere ciborum . . .
 „ Nam de præcepto vel consuetudine obligante , quia quamvis non nemo illam querere satagat , nunquam invenit tamen . Ajo insuper , horam consequenter non esse mortale prædictam anticipare , etiam si comedatur summo mane . . . Laudat pro hac opinione Layman , Fillicium , Bonacinam , Toletum .

II. P. Dominicus Viva raro a beniguitate P. Tamburini recedit , quin passim illius placitis subscribit . Præfatam ejusdem opinionem & pau-

paucioribus verbis, & decretorio dividit in *Curs. Theol. tom. 1. p. 2. q. 10. a. 2.* his verbis. *Falsum etiam est dari aut præceptum, aut consuetudinem graviter obligantem ad non anticipandam confessionem ante meridiem.*

III. Fatendum tamen præter recentiores Probabilistas antiquorum aliquos hanc eandem propugnasse opinionem: ut Alexander Avenis, Gabriel, Angelus, aliique. Plurimos ex Recentioribus laudat Leander, qui sua versatili probabilitate in utramque partem rem probabiliter disputat.

§. II.

R E S C R I P T. P O N T I F.

» Edicimus observandam iis esse.

Mora solvendi jejunii Ecclesiastici est præter prætermeridiana.

IV. **P**ontificium ergo Rescriptum edicit observandam esse iis, qui carnibus vescuntur, horam jejunantibus præscriptam. Quare nec ambigendum amplius videtur horam hanc sub præcepto cadere. Quoniam hæc sit, indicandum. Paucis rem universam perstringam. Primis Ecclesiæ sæculis circiter vespertas jejunium solvebatur, quæ consuetudo a libi usque ad octavum, alibi usque ad decimum, & amplius sæculum obtinuit, etiam in Ecclesia occidentali. Intervallum vespertarum tum tribus constabat horis Solis occasui proximioribus. Tres aliæ, quæ meridiem consequuntur, Nonæ spatium constituebant. Tempore S. Thomæ, nempe sæculo XIII. hora nona jejunantes reficiebantur. Paulatim mos immigravit in meridiem, qui nunc viget.

V. Nullum urgere præceptum, nullamque consuetudinem, quæ sub gravi culpa differre ad hanc circiter horam prandium obliget, ideo ostendere conantur Recentiores, quod hora sumendæ refectionis ad essentiam, seu substantiam jejunii non pertineat: est enim illius conditio tantum. Ergo, hora neglecta, natura consistit jejunii. Nulla futi-

lior

tior argutatio in morum controversiis, quæ a libera legislatoris voluntate pendent ciborum. Nec illorum delectus juxta veram sententiam ingreditur jejunii essentiam, sed appendix est eidem libera voluntate addita. Horæ istius observantiam fateamur conditionem esse jejunio addictam. Quid inde? Propterea ne præscribi sub gravi culpa ab Ecclesia non potuit?

VI. Eo ergo quæstio recidit, ut evincamus consuetudinem obtinere, quæ horæ istius observantiam sub gravi culpa imponat. Porro quod semper, quod ubique, quod ab omnibus in Ecclesia observatum est, sub gravi onere præscriptum esse, juxta monitum Lirinensis, convenit penes omnes. Levis quippe obligatio his prærogativis nunquam insignita fuit. Cujusque autem sæculi, & cujuslibet Christianæ nationis Scriptores clamant, jejunantes protraxisse semper aut ad vespertinam, aut ad nonam, aut ad meridianam horam refectionem solitam. Quid, quod istius horæ designatio adeo est, fuitque semper jejunio intima, ut & in veteri lege, & penes ipsos Ethnicos, Turcasque semper viguerit, vigeatque in dies. Si plura cupis, lege doctissimum, unaque piissimum Cardinalem Bona de *Divin. Psalm.* c. 9. §. 3.

VII. Alterum rationis momentum, quod prius confirmat, habeto. Usque ad sæculum XIII. nec in disputationem vocata unquam fuit gravis istius consuetudinis obligatio. Post, Theologi & doctrina celebrioris, & numero superiores consuetudinem hanc graviter obligare semper propugnarunt. S. Thomas 2. 2. q. 147. a. 7. ad 2. *Ad jejunium requiritur hora determinata, non secundum subtilem examinationem. Durandus in 4. dist. 15. q. 10. n. 4. inquit: agros jejunii lege esse solutos, quia non possum horam servare jejunii, & quæst. 9. n. 7. scribit: tempus comedendi die jejunii esse circa horam sextam. Paludanus in 4. dist. 15. q. 4. a. 4. inquit: jejunium frangitur notabili hora anticipatione sine causa, & in Quadragesima oportet expectare non vespem dici, sed officii. Ricardus de Media Villa in 4. dist. 15. a. 3. q. 7. Unde sub determinationem præcepti Ecclesiastici de jejunio non cadit nisi semel comedere in die naturali, & hora determinata, & abstinencia ab esu carnum, & ab ovis & caseo in quadragesimali jejunio. Hic collige, quanta sit, diligentia, quam ostendat Leander in allegandis Authoribus, cum Ricardum hunc cum Scholiaste Angeli*

Angeli pro laxa contraria opinione citet. Cardinalis Turrocremata in caput solent de confect. dist. 1. dub. 2. luculenter scribit, horam jejunii præstitutam ab Ecclesia esse. S. Antoninus 2. p. tit. 6. cap. 2. §. 10. Tercio, inquit, *visitatur jejunium ex hora nimia anticipatione*. Hoc idem docet Carthusianus in 4. dist. 15. q. 6. Major pariter in 4. dist. 15. q. 3. hæc scribit. *Tamen hora duodecima, quando sol medium cælum conscendit, est consuetudo Christianorum comedere*. Cardinalis Cajetanus 2. 2. q. 147. a. 7. hæc scribit. *Ex hoc, quod omnes homines communiter judicant non jejunare illos, qui tam notabiliter ante consuetam horam, qua jejunantes solent prandere, comedunt, evidenter patet, quod hora consuetæ comedendi pro jejunio, quæcumque hora sit illa, est de necessitate jejuni . . . Tenetur ergo quilibet ad consuetam horam prandii in jejunio, sicut tenetur ad jejunium ipsum*. Idem docet Sylvester verb. *jejunium* n. 9. Astenſis in Summa lib. 6. tit. 28. a. 5. Joannes de Tabia verb. *jejun.* Rosella verb. *jejun.* Joannes Medina in Cod. de jejun. q. 1. & 6. & 11. Martinus Navarrus in sum. c. 21. Panormitanus in Rubr. de observat. jejun. n. 2. Ex Recentioribus vero Azorius, Grassius, Covarruvias, Angles, Vega, Fagundez, Sanchez, Lamas, Ghetius, Laviorius, Homobonus, Joannes a Cruce, Ledesma, Reginaldus, Barbosa, & ne tempus inutiliter teram, communiter omnes Antiprobabilistæ.

VIII. Tercium rationis momentum ejusmodi est. Ipsi Probabilistæ compertissimam facti veritatem fatentur, nempe semper, & ubique horæ solvendi jejunii consuetudinem viguisse in Ecclesia. Accedit, quod Patres omnes de hac hora loquentes, iis utuntur formulis, quæ perspicue gravem produnt obligationem. Ecce ergo pauci Probabilistæ oppositum asserunt? Quia hæc hora non attinet ad Formam substantialem jejunii, sed conditio est extima, & accidentalis. Hæc unica eorum ratio, quam supra obiter propulsavi, nec validiorem postulat confutationem.

IX. Postremum momentum sententiæ nostræ est universi Christiani populi sensus. Se jejunare minime fideles credunt, si nimio intervallo horam antevertant. Et si mihi libere dicendum, quod sentio, est, nulla vel minima probabilitate fruitur adversa opinio, cum advenſetur communi fidelium veluti insita persuasioni.

X. Quam-

X. Quamquam plurima sunt eorum , quæ a voluntate libera pendent , quorum ratio nec assignari , nec jure exigi possit ; tamen sententiæ nostræ hanc suscipe congruentiam , quam exhibet etiam Paulus Comitulus Theologus gravissimus *lib. 4. q. 50.* Jejunii intimus finis eo tendit , ut gulam cohibeat , corpusque maceret , & concupiscentiam frœnet . Ejusmodi fini non parum congruere sera hora videtur . Ergo expediens fuit eam graviter ab Ecclesia præscribi . Nec dicas , idem intervallum fluere ab hora tertia , vel quarta matutina ad alteram tertiam , aut quartam diei sequentis , ac a meridiana ad alteram meridianam . Ergo eadem est corporis afflictio , sive mane , sive circiter meridiem comedatur , cum tantumdem sit utriusque extremi intervallum fluens . Verum experientia universali compertum est , quod corpus mane a somno recreatum , non valde fame laboret : & quo tardius differatur refectio , eo acrius venter torquetur . Et communis omnium Nationum , nedum Christianorum mos differendi in seram horam jejunii refectionem , haud parvo esse momento debet .

XI. Accedit , quod admissa Probabilistarum sententia , maxima , & deformis confusio , atque perturbatio in Disciplinam jejunii invehetur . Nam quisque pro arbitrio horam figeret , sibi que deligeret , prout magis ventri congrueret . Quod sane haud leve esset jejunii legi detrimentum , & penes Christianos deformior esset jejunantium disciplina , quam apud alias gentes , quibus statuta est solvendi jejunii hora . Nec est quod opponas , plures esse Regiones , ubi aut una nox , aut unus dies totum emetitur annum ; alibi cælum nubibus obductum est , Ubi Kalendarium Romanum non obtinet , quod Sol apud eos , non perinde ac apud nos , quinque diebus & sexaginta supra trecentos parte quarta diei addita , conversionem conficit annuam , non aliud jejunium Ecclesia postulat , quam quod præstare valent gentes illæ , quæ a præjudiciis Probabilisticis omnino vacuæ , jejunium illud servabunt , quod comprimendæ carnis petulantia est peridoneum .

XII. Quæ hætenus dicta sunt , evidenter inferunt consuetudinem Ecclesiæ , quæ solvendo jejunio horam meridianam præfixit , graviter astringere . Quod confirmari etiam potest ex principiis probabilisticis . Consuetudo certa est , consilans , perpetua . Dubia autem ab eadem

exam-

exemptionis libertas . Ergo libertati consuetudo , non consuetudini libertas prævalet . Quid , quod vel ipsi adversarii fatentur , culpam perpetrare venialem eum , qui nulla causa mortuus , hanc præverteret horam .

XIII. Tandem , si qua suspicandi ratio superesset , tota aufertur Pontificio Rescripto . Quid , quod vel ipsum Quæsitum ab Archiepiscopo Compostellano Summo Pontifici propositum , supponit gravem esse obligationem observandæ horæ jejunantibus præstitutæ . Numquid Doctissimus Archipræsul super re levi Sedem consuluisse Apostolicam ? Quid , quod minime petat , utrum istius horæ observantia graviter astringat ? Sed hac gravi obligatione veluti ut certa supposita , postulat , an ab iis quoque observanda sit , qui ex dispensatione carnibus vescuntur ? Pro certo ergo habet observandam esse horam ab iis , qui esuriales cibos comedunt . Solumque petit , sint ne eidem obligationi obnoxii , qui ex dispensatione carnibus vescuntur . Respondet autem Pontifex . *Edicimus observandam iis esse* . Ergo sententia P. P. Tamburini , Viva , & aliorum oppositum docentium , improbabilis prorsus est , falsa , & communi Populi Christiani sensui adversa .

XIV. Quasi destinaveram subtilissimas quæstiones hic interficere , quas occasione horæ istius explicandæ Recentiores Probabilistæ incredibili acumine , & contentione agitant , ut compertior tibi esset Probabilissimi genius . Quæ de horologiis horas abstinentiæ metientibus disputant , omnem fidem superant . Famofus Caramuel hoc primum theorema ponit . *Horologia solaria fere omnia concepta sunt in originali peccato* . Theolog. fundam. 10. n. 341. & seq. Peccatum originale horologiorum consequi actualia subdit . Non ergo horologia apta sunt recte horas metiri . Suos Juniores hoc in negotio obæstæ naris habet , *captivantes* , inquit , *intellendum in obsequium fidei , non autem , pace Juniorum id. dixero . . . in obsequium hominum inexpertorum* . Si otio abundas , eum legito loc. cit. & plurima offendes , quæ Caramuelem referunt . Disputant , expectandus ne sit ultimus horologii ictus horam mediæ noctis designans ? Adfirmat Paqualigus cum aliis . Negant e contrario Sanchez , Castropalaus , Trullenchus . Addit Pasqualigus , ubi plura sunt horologia expectari posse illud , quod tardius aliis pulsât , quia , inquit , *quodlibet horologium positum est ad*

est ad indicandum tempus, unde sufficit quodlibet, ut possim formare probabile iudicium de media nocte. Decif. 162. Alii docti Juniores, ut nimium laxam improbant hanc opinionem, quia quatuor horologia e. g. prævalent uni. Quid inde reponit Pasqualigus? An nuncium remisistis Probabilismo? Ad summum plura faciunt iudicium probabilius, quod tamen non teneor sequi, sed sufficit si sequor Probabile. Unum horologium, sicut unus Author, facit sententiam Probabilem. Ergo &c. Cohærentia, dicere videtur Pasqualigus, quæso dicamus, ne nos dissidentes colligant Rigoristæ. Urgent adversarii Probabilistæ. In quolibet Tribunali plures testes præferuntur uni. Respondet acute Pasqualigus. Nec est eadem ratio de testibus, quia testes deponunt secundum scientiam; quam habent: & ideo plures testes faciunt maiorem fidem. Horologia autem tantum judicant mortuo modo. Decif. 162. Quis unquam viva somniavit horologia? Quæstiuacula, quam P. Diana proponit, omnium est lepidissima. Videlicet, queat ne idem homo eodem tempore jejunos esse secundum unum horologium, & ventre plenus secundum aliud? Illius verba significantius, clariusque suam mentem produunt. An licitum sit sequi unum horologium, quoad jejunium Ecclesiasticum, & aliud quoad jejunium naturale. v. g. si hodie sit dies jejunii, possit quis, audita hora duodecima unius horologii, cœnare, & comedere carnes, quas die sequenti licite comedere potest: & postea, audita hora duodecima alterius horologii, possit sequi secundum horologium, & juxta illud incipere extunc jejunium naturale, & die sequenti communicare? Negantem sententiam defendunt Leander, Lugo, quibus Diana accedit, sed e vestigio describit sententiam P. Joannis Dicastillo, qui definit: *Utraque sententia est in utroque tempore probabilis.* tom. 4. coord. tract. 6. Resol. 101. Lege integrum textum apud eundem Dianam, ut prodigiosam vim Probabilismi tam opposita extrema conciliantis valeas evidentius comprehendere.

XV. Pauca hæc commenta obiter indicavi, non alio fine, quam, ut compertum tibi fiat quot tritis, quot ineptissimis argutationibus sacras Morum Regulas implicarunt Recentiores non pauci. Quæ omnia tibi argumento esse debeantur, ne istorum Speculationibus atque Detisionibus fidem habeas, sed caveas omnino ab his omnibus, & interminatis quæstionibus, quas tantopere Apostolus detestatur.

CAPUT VI.

POSTULATUM IV.

„ Quænam sint epulæ licitæ, quæ vetantur cum interditi-
 „ dictis conjungi ?

§. I.

Proponenda quæstionum momenta.

Quæstionum proposita cæteris facilior est: idcirco paucis expedienda. Proponendi quæsitum ansam forte dedit sint ne læsticina epulæ interdictæ cum piscibus non permiscendæ? Disputant quippe Recentiores aliqui, utrum ova, & læsticina, sint a jure, aut consuetudine in Quadragesima vetita. Negantem opinionem damnavit Alexander VII. P. Dominicus Viva in Commentariis propos. 32. ejusdem Pontificis num. 1. hæc scribit. *Dubitarunt Doctores.* apud Fagundez præcep. 4. c. 2. *Num iure communi interdicitur esus ovorum, & læsticiorum in Quadragesima, & an interdicitur sub veniali tantum? Nec defuit qui etiam consuetudinem ad id obligantem ausus fuerit negare.* Hæc ex P. Viva rescripsi, ut occasione data (diverticulum est, sed necessarium & utile) quæ sit illius in designandis, & occultandis damnatarum propositionum Authoribus critice evidenter deprehendas. Ut alias indicavi, frequenter Thomistas in scenam laxitatis producit, & vel laxas, vel damnatas propositiones iisdem falso non raro affingit. Veros autem proscriptarum opinionum Authores, quos fraternæ charitatis officio colit, exquisita dexteritate abscondit cum non parvo lectorum detrimento. Hujusce rei argumentum habeto in laudato textu. *Dubitarunt DD.* apud Fagundez. Ut vides, non Fagundez, sed Doctores apud Fagundez de præfata opinione dubitarunt. Et tamen non DD. apud Fagundez, sed Fagundez ipse illam opinionem docet, & pro eadem allegat Doctores aut oppositum docentes, aut de eadem silen-

filentes. Arbitr istius facti federe nolo. P. Leander a Sanctissimo Sacramento iudex apud P. Viva omni exceptione major litem dirimat. Leander autem *tract. 5. disp. 2. q. 2.* hæc scribit *An ova & lacticia sint prohibita a iure sub mortali in ieiuniis Quadragesimæ?* Negat Fagundez lib. 1. *Ec. ubi docet, a iure nullo modo esse prohibita ova, & lacticia in ieiuniis Quadragesimæ sub peccato mortali, sed tantum sub veniali.* Plures DD. pro hac sua opinione allegat P. Fagundez. Sed P. Leander evincit falso ab eodem Doctores citari, & concludit: Solum ergo oppositam sententiam docet Fagundez, & post illum aliqui Recentiores. Subditque Leander q. 3. sibi videri Fagundez negare quoque consuetudinem lacticia sub mortali prohibentem. Hæc obiter, ut te admoneam, ne fidem adhibeas P. Viva in sententiis authoribus adscribendis. Nec heinc suspiceris, me nimio amore erga Thomistas ferri. Nam semper, data occasione istorum ut La Cruz, Zanardi, Manriquez, aliorumque similium laxiores opiniones refello, non secus ac si essent exterorum. Sed a diverticulo in semitam revertamur.

II. Disputandi anſam ex ipsis quoque secundis Litteris Apostolicis arripere quidam, ut constat ex Epistola cujusdam Anonymi ad suum Parochum data, editaque Venetiis apud Pavinum an. 1742. In eadem opponuntur hæc Diplomatis Apostolici verba. . . *Quibus carnum, ovorum, & lacticianorum esus est prohibitus, dispensari contigerit, ab omnibus omnino, nemine excepto unicam comestionem servandam, & licitas, atque interdittas epulas minime esse apponendas tenore præsentium declaramus, & edicimus.* Ex quibus verbis colligebant vetitum esse cum lacticiis pisces permisceri, non secus ac cum carnibus.

III. Postremo ex ipsis carnibus permissis controversantur. Recentiores, quænam dicendæ sint licitæ, quænam illicitæ? Nam carnum aliæ salubres appellantur, aliæ insalubres. Dum edendarum carnum facultas conceditur, disputandi occasio oritur: sint ne omnes carniæ epulæ licitæ, an secus?

§. II.

RES CRIPT. PONTIF.

„ Respondemus : Epulas licitas pro iis , quibus permixtum
 „ est carnes comedere , esse carnes ipsas . Epulas inter-
 „ dictas esse pisces , adeoque utrumque simul adhiberi
 „ non posse . Piscibus tamen edendis non interdiciuntur
 „ ii , quibus datur tantum facultas adhibendi ova & la-
 „ cticinia. “

*Quibus permixta sunt jejuniorum tempore lacticinia , non prohibentur pisces .
 Rationes dubitandi resolvuntur .*

IV. **D**UO in Pontificio Responso declaranda . Unum carni-
 um permixtarum genus : alterum piscium cum lacticiniis permixtio-
 nem spectat . De primo infra . De secundo in præsens . Quamquam
 hoc secundum vix declaratione eget . In sæpius laudato opere , *La
 Disciplina antica e moderna della Romana Chiesa intorno al Digiuno &c.* in
 Appendice ad tomi calcem addita palam feci . Apostolicas Litteras
 nullatenus piscium cum lacticiniis permixtionem vetare . Animadverti
 ibidem non verba tantum , sed spiritum legis cum primis spectandum
 esse , ut genuina ejusdem habeatur intelligentia . Palam feci , Diploma-
 ta Pontificia perspicua , & pervia omnibus iis esse , qui sincero animo
 eadem legunt ; & morosos dumtaxat criticos , qui nodum in scirpo
 querunt , quique omnia , quægulæ adversantur , eludere satagunt , cavil-
 landi , & vitiligandi ansam ex iisdem arripere . Lubet pauca verba re-
 ferre tempore innocenti scripta loco libro proximo laudato . „ Se il
 „ detto Breve è oscuro agli accennati uomini sofisticati , egli è chiaro ,
 „ preciso , e intelligibile a tutti gli altri buoni Cristiani , che con a-
 „ nimo sincero bramano praticare quella penitenza , che possono . Io
 „ ho in-

„ho intefi varj Criftiani privi affatto di ogni letteratura , i quali leg-
 „gendo il Breve recato in volgar favella , di quefta guifa interpreta-
 „vano la fuddetta claufola . Il Santo Padre , dicevano , proibifce d'
 „imbandire nella Quarefima convitti , e banchetti a carne , ed a pe-
 „fce , come fanno tanti voluttuofi , ed ingordi . Vieta le ricercate de-
 „licatezze , ed i raffinati condimenti . Nel rimanente non intende
 „ giammai di mettere in anguftia i buoni Criftiani , che fendo dispen-
 „fati da' latticinj , non hanno il comodo di cibarfì or di foli cibi
 „Quarefimali , or di foli latticinj . Intorno a quefta varietà egli con-
 „Paterna Clemenza lafcia , che ciafcheduno fi regoli con criftiana
 „prudenza , e fecondo il bifogno “ .

V. Verum: quod plena in luce rem collocat , videlicet Litteras Apo-
 ftolicas non vetare permixtionem pifcium cum lacticiiniis, eft Sapientif-
 fimus Cardinalis Quirinus Epifcopus Brixienfis, qui in fua Epiftola Pa-
 ftorali ad Vicarios Foraneos, Parochos, & Confeflarios fuæ Diœceſis,
 data Romæ die 15. Februar. an. MDCCXLII. hæc habet. *Quod itaque
 iis litteris cautum eſt de licitis & interdictis epulis minime apponendis, ne-
 mo veſtrum ignoret, referri quidem ad carniũ, non autem ad ovorum etiam,
 & lacticiiniorum cum pifcibus, aliisque licitis jejuniũ tempore epulis, uſum:*
*Namque omnibus patet, quemadmodum in noſtra, ita in aliis quoque regio-
 nibus, ovorum, & lacticiiniorum uſum licite ex vi ſolummodo conſuetudinis
 adhiberi in quatuor anni temporibus, & in vigiliis pariter; ac proinde illa
 non ita pro interdictis epulis habenda: eſſe diebus jejuniũ, ac carnes ha-
 bentur.*

VI. Ratio, quam aſſignat Doctiſſimus Cardinalis, cur carniũ, non
 lacticiiniorum cum pifcibus permixtio vetita intelligatur, evidens eſt.
 Quippe non tam ſevere lacticiiniorum uſum in jejuniis, quam carniũ
 eſum prohiberi omnibus patet. Nam in pluribus Regionibus vi ſolius
 conſuetudinis in aliis a Quadrageſima jejuniis lacticia, & ova come-
 duntur. In tranſalpinis Provinciis pluribus paſſim lacticia permittun-
 tur in ipſa Quadrageſima. Accedit, quod, ut in citata *appendice* di-
 ctum eſt, ratio, cur lacticia plurimis in Regionibus conceduntur,
 eſt caritas olei, cui in condiendis pulmentis, & ſerculis lac, & buty-
 rum ſubſtituuntur. Plebej, & pauperes pulmenta lacte, aut butyro

conduunt, & pro obsonio haleculam, aringam, idque genus quidquam conducant. Lacticiniorum privilegium, si salitorum piscium usum subtraheret, incommodo gravissimo, non solamini esset. Hæ sunt conjecturæ, quæ permixtionem lacticiniorum cum piscibus non vetari in Litteris Apostolicis suadebant. Et quod reapse iste sit genuinus Litterarum Apostolicarum sensus, patet nunc ex Rescripto Pontificio. *Piscibus tamen edendis non interdiciuntur ii, quibus datur tantum facultas adhibendi ova, & lacticina.* In sumum ergo occidit quidquid in oppositum adducebatur.

VII. Opportuna hic est altera laudati Cardinalis QUIRINI viri amplissimi doctrina, quæ & dicta, & dicenda magnopere confirmat. Docet ille in præfata sua Pastoralis Epistola, non plus extendendam dispensationem esse, quam necessitatis gradus postulet. Sunt qui pulmento esuriali vesci nequeunt. Verum, si pulmentum carniū jure coctum comedant, reliquum prandium lactiniis, & piscibus perficere valent, quin detrimentum subeat. Quis improbaverit hunc dimidiatum ciborum delectum a Christiana pietate, & abstinentiæ amore ortum? Nemo sane, nisi in discrimen revocetur luculentissimum principium illud. Qui nequit integrum reddere debitum, partem, quam potest, solvat. Cavendum tamen admonet præstantissimus Cardinalis, ne sub hoc dimidiatæ temperantiæ velamine, gulæ negotium obumbretur. *Non probamus, inquit, eorum sententiam, qui putant Dispensatis, quorum stomacho putis foret, de utriusque Medici consilio, pulmentum in jure coctum, aut quid simile degustare, non amplius licere post illam degustationem in reliquo prandio seu ovīs & lactiniis, seu piscibus uti, eaque ratione prohiberi, quin communem illam abstinentiam amplectantur, quam valetudinis suæ status minime refugiat. Contra censendum est, dimidiatam illam pro cuiusque viribus temperantiam, dum a Christiana pietate, & abstinentiæ ipsius amore ortum trahat, potius esse laudandam. At quoniam facile contingere potest vitium illud seu gulæ, seu lautioris vitæ Christianæ pietatis nomine velari, Dispensatos omnes monemus, ut hac in re conscientiæ suæ serio consulant: id præterea caventes, ne quod licite ab ipsis peragitur, aliis occasionem præbeant in variis illis, mixtisque epulis, deliciis, ac voluptatibus consecrandi, omni quidem tempore a sanctis Christianæ Religionis moribus absonas, sed eo,*
potif-

potiffimum, quo ad averrenda Divinæ iracundiæ flagella Ecclefia populum fuum ab efceis carnalibus abftinere præcipiens, aufferiorem carnis maceratio nem expiandis epulis, quibus in reliquo anno humana obnoxia fragilitas fuit, ex Apoftolico inftituto decrevit. Hæc funt virtutum abftinentiæ, & temperantiæ documenta, quæ, tricis ſcholasticis, & ſubtilibus interpreta- mentis neglectis, nobis præbent, inculcantque illi, quos poſuit Deus regere Eccleſiam ſuam. His auſcultandum, obſequendumque, miſſis quibusdam Caſuiſtis, qui vanis diſtinctiunculis gulæ irritamenta vel no- lentes promovent. Se ipsis itaque in nihilum occidunt quæ §. 1. recen- ſuimus diſputationis gratia.

§. III.

R E S C R I P T. P O N T I F.

„ Respondemus : epulas licitas pro iis, quibus permiſſum
 „ eſt carnes comedere, eſſe carnes ipſas “.

*Epule licitæ Diſpenſatis permiſſæ, ſunt carnes ſalubres.
 Peccant qui quocumque carniū etiam inſalubrium
 genere veſcuntur.*

VIII. **O**Lim graviter dumtaxat ægrotis carnes permittebantur. Ante unum, & alterum ſæculum conceſſio carniū ob ſolam piſcium naufeam inaudita prorsus fuit. Diſpenſationis uſus ſenſim ſine ſenſu dilatatus limites omnes prætergreſſus eſt. Præceptum de ciborum delectu vix extra pauperes, & cœnobita obtinet, adeo amplificata eſt extorquendarum diſpenſationum corruptela. Si ſcire aves quam nullæ ſint diſpenſationes ejuſmodi, menſas diſpenſatorum luſtra. Offendes ſacro abſtinentiæ tempore convivio opipare parata. Fumant ſercula car- nium ſerinarum tum ſilveſtrium, tum domeſticarum varietate diſpoſita. Condimentorum nidoſes ultimos univerſæ domus, nedum triclinii, ſeceſſus ſubeunt, ſcandalo publico. An tam illecebroſæ corruptelæ an-

sam dederint recentium Casuistarum disputationes, an disputationes ejusmodi ortum duxerint ex corrupto more, ut in plurimis morum controversiis usuvenit, non facile dixerim. Illud est certum, postquam Recentiores quidam propugnare aggressi sunt, dispensatis quodcumque carnum genus licere, abusum latius permanasse, ac veluti torrentem, aggeribus omnibus fractis, cujusque temperantiæ consinia transilivisse. Primi, qui indiscriminatim quodcumque carnum genus dispensatis permissum esse docuerunt, sunt Diana, Villalobos, Leander, Pasqualigus, Sanchez mitioris ethices assertores. Textus describendi sunt, ne invidiam illis creare videar. P. Diana tom. 4. coord. tract. 6. Res. 71. refert pro contraria opinione P. Joannem de La Cruz, quem vocat doctissimum Dominicanum; sed ego jam alias appellavi laxum Casuistam, cum Zanardo, & Manriquez, ut hinc omnes colligant, non pro partium studio, sed pro unica nos decerrare veritate. La Cruz tamen licet Casuista laxus sententiam improbat Dianæ scribentis loc. cit. *Contrariam opinionem sustinendam esse puto, quam Novissime (nota) Novissime docet Villalobos . . . Itaque habenti licentiam ad esum carnum licebit quodcumque genus comedere, scilicet lardum, leporem, hædum, bovem, & alia infirmis disconvenientia, etiamsi tota refectio ex illo carnis genere fiat: nam in tali casu edendo carnes salutis nocivas peccabit adversus præceptum naturale temperantiæ, non autem adversus præceptum positivum de abstinendo a carnibus in die juniorum.* P. Leander diligens in expiscandis authoribus, qui novæ benignitati favent, Patrem vetustiore Villalobos non invenit. Et tamen P. Leander cum hoc Villalobos, & Pasqualigo, atque Joanne Sanchez non modo probabiliter, sed probabilius defendit ejusmodi opinionem. *Probabilius omnino respondeo, non peccare mortaliter contra præceptum abstinendi a carnibus . . . Ratio est, quia Ecclesia per dispensationem omnino tollit prohibitionem carnum: at prohibitio carnum respicit, & includit carnes omnes (ut apud omnes est constans) ergo & dispensatio absoluta includere debet ablationem abstinendi ab omnibus carnibus tam proficuis, quam nocivis.* Disp. 2. q. 28.

IV. Næ egregia argumentatio isthæc! Prohibitio includit carnes omnes. Ergo & dispensatio? Ecceur? Quia oppositorum ratio eadem, Hoc argumentandi genus in his, quæ ab hominum voluntate, & circum-

cumſtantiarum diverſitate pendent, mirificum ſane eſt. Et lamentari eos non pudet, ſi ſimiles argumentandi formulas irrideamus? Lex jejunii, ut evidentius ſophiſticam explicem cavillationem, prohibet iteratos eſus, vetat horam prævertere, vetat carnes. Ergo diſpenſatio includit omnia? Prohibitio comprehendit quatuor aſſinitatis, aut conſanguinitatis gradus: ergo diſpenſatio includit omnes. Prohibitio violandi Feſtos dies includit Miſſæ auditionem, & abſtinentiam ab opere ſervili. Ergo diſpenſatio includit omnia? Retorſiones, inquis, diſparatæ ſunt, & de uno genere ad aliud. Itane vero? Pedem ergo intra ſemitam confeſſamus.

X. Adceſſum. Principiis ne iſſidentur prohibitio, & diſpenſatio? Minime inquis. Quoniam prohibitio abſolute ea omnia vetat, quæ bono communi legis adverſantur relative ad univerſam gentem. Diſpenſatio vero juris relaxatio eſt, comparate ad indigentiam hujus, aut illius hominis. Ergo argumentatio a prohibitione ad diſpenſationem nulla eſt. Verum cominus rem agamus: Diſpenſatio libera ne eſt, an neceſſaria? Libera inquis. Ergo carnes ſalubres, ſecus noxias, & inſalubres concedere poteſt. Negabis ne vitulinam, ſecus ſuillam carnem concedere Superiorem poſſe? Si liberum in concedendo aſſeris, & hoc poſterius fateare neceſſum eſt. Poteſt, reponis, ſed non aſtringitur. Ita ne vero? Dic fodes. Hic diſpenſator, quem liberum aſſeris in diſpenſando ab uno, ſecus ab altero carniū genere, eſt ne etiam fidelis, & prudens? Eſt ſane ejuſmodi, quem conſtituit Dominus regere vineam ſuam. Ergo ea tantum concedere debet, quæ & neceſſitas & commodum Chriſtiani diſpenſandi exigunt. Sed nec commodum, nec utilitas, nec neceſſitas fidelium, qui diſpenſationem petunt, carnes poſtulant inſalubres ac ſcivæque. Ergo alterutrum fatearis oportet. Aut imprudentem, infidelem, ſuique miniſteriis prævaricatorem præſumendunt eſſe diſpenſatorem: aut diſpenſationem limitatam eſſe ad ſolas carnes ſalubres juxta diſpenſati neceſſitatem, commodum, & utilitatem. Quid, quod communi circumfertur pœnes omnes, tum Canoniſtas, tum Theologos proverbio, Diſpenſationem non extendi ultra limites neceſſitatis poſtulantis. Quoniam, ſublata veræ neceſſitatis cauſa, diſpenſatio nulla eſt, nemine refragante. Nullum ergo prudens, & ra-

tionabile fundamentum occurrit præsumentis in dispensatione indefinita, carniū insalubrium concessio. Tandem. Fac Medicum ægroto facultatem impertiri carniū edendarum. Quis ratione præditus præsumet concessionem hanc carnes noxias complecti? Et hoc præsumes de Medico spiritali?

XI. Falleris, totoque cœlo, ædum ostio, aberras, clamat acutus P. Zacharias Pasqualigus, Cedo inquit. Quisnam jejunii Ecclesiastici finis, & meta? Corporis consistatio, & maceratio. Bene habet. Ergo carnes insalubres, & nocivas dispensator concedit. Salubres quippe magis delectant, minusque corpori nocent: insalubres vero & nocivæ corpus affligunt. Ergo ut consistat, quoad fieri potest, jejunii finis, carnes omnes tum salubres, tum nocivas in dispensatione concessas dicendum est. Nullus dubito, quin suspicaturus sis mea hæc esse commenta, ut Junioribus odium conslem. Propterea ad abigendam imposturæ suspicionem verba P. Pasqualigi transcribo ex Decis. 46. num. 5. *Deinde si Ecclesia dispenseret in solis carnibus saluiferis, non haberet amplius pro fine macerationem corporis, neque exercitium virtutis abstinentiæ, quia jam concederet eas carnes, quæ magis contrariantur macerationi, & plus delectant gustum; sed salutem illius cum quo dispenseret. Ergo cum varietur finis: & non permaneat idem, non potest in aliquo permanere lex respiciens illum finem, sed deberet succedere alia lex, quam tamen constat non succedere.*

XII. Lepidæ argutationi festiva adhibenda responsio esset. Sed non quæ illos, sed quæ nos decent, dicenda. Quin lacrymæ potius fundendæ, cum sanctissimas Christianæ temperantiæ, & abstinentiæ regulas ad tam absona, & vana interpretamenta redactas inaudimus. Maceratio corporis ab Ecclesia in jejunii lege intenta moderata est, quæ carnis petulantiam reprimat, non quæ sanitatem destruat. Salubres carnes, quæ ab infirmis, aut dispensatis, qui infirmorum personam gerunt, comeduntur, minus gulam irritant, minusque concupiscentiam sovent. Quapropter simplices sunt, non aromatum odore, non condimentorum artificio, non coquorum studio præparatæ. Sæpe minus gullæ, palatoque sapiunt quam pisces. Contra bubulæ, suillæ, serinæ, salitæ, aliæque id genus carnes, quæ insalubres dicuntur, corpus macerant, quatenus sanguinem accendunt, sanitati incommodant, atque ad celerio-

rem

rem interitum, aut inſanabilem morbum viam ſternunt. Cæterum, palatum vellicant, gullam irritant, carnis petulantiam provocant, ſaginantque. Hæc omnia improbantur ab utroque Medico animæ, corporiſque. Ergo argutatio Paſqualigi, & aliorum inane commentum eſt.

XIII. Momentis a ratione, ipſaque diſpenſationis natura arceſſitis, Authoritatum pondera adſiciam. Non modo ergo ratio cogit præſumere, Superiores ſolas ſalubres carnes concedere, excluſis noxiis, ſed reappe plura occurrunt documenta, quæ limitatam diſpenſationem evincunt. Ex plurimis pauca delibo. S. Carolus Borromæus ſtrenuus Eccleſiaſtiæ Diſciplinæ inſtaurator in ſuis aureis regulis pro exacta Quadrageſimæ obſervantia hæc inter alia præcipit: latine reddita. *Non vendantur cujuſque generis carnes, ſed vitulinæ tantum, alteriuſve animalis, quod Medicorum judicio uſui dumtaxat inſirmorum congruum ſit. Nec culibet vendantur, ſed iis ſolum, qui facultatem a deſtinatis Miniſtris habuerint. Quæ facultas ſi indefinita ſit, remota cauſa, ob quam data eſt; continuo ceſſabit. Si vero neceſſitatis cauſa ultra decem dies perſiſtet, ruruſ nova petatur licentia, alioqui extincta remanet. Et hæc methoduſ licentiæ petendæ de decem in decem dies obſervabitur uſque dum neceſſitas extiterit.* Similia præſcribit in alio Decreto lato anno 1581. in quo admonet omnes diſpenſatos, ut ſoli, & a publica menſa ſejuncti, carnes conceſſas comedant, & acerbo cordis dolore mixtas, quod tempore, quo alii abſtinent, ipſi tali cibo veſcantur. Idem præcipit in Concilio Provinciali ſecundo. Summus Pontifex Clemens XI. in Ediſto an. 1702. hæc præſcribit. *Animadvertant & Medici, & qui petunt licentiam, ut attendant qualitatem carniuſ, quod nempe ſint ſalubres, quia hæc ſolum permittuntur in Quadrageſima hiſ, qui ex juſtâ cauſa nequeunt veſci cibiſ Quadrageſimalibuſ: Poſtremum Maximuſ Pontifex BENEDICTUſ XIV. feliciter regnans in ſuo Ediſto an. 1741. declaravit ſalubres dumtaxat carnes in Quadrageſima edendas concedi hiſ verbis. Avvertendo di più i Medici, che danno le dette licenze, e reſpettivamente quelli, che le ricevono, che ſolamente ſono permeſſe le carni ſalubri a chi non può cibariſ per giuſte cagioni di cibi Quareſimali.*

XIV. Quis nunc non videt, nulla proruſ frui probabilitate oppoſitam opinionem. Epiſcoporum ergo, Synodorum, Summoruſque Pon-

tificum Edicta summo obsequio suscipienda, & exequenda sunt. Pater igitur evidenter, Summum Pontificem BENEDICTUM XIV. feliciter regnantem ea in suo Rescripto servanda præscripsisse, quæ & lex jejunii, & natura justæ dispensationis absolute exposcunt, requiruntque.

CAPUT VII.

POSTULATUM V.

„ An præceptum de utroque epularum genere non miscen-
 „ do dies quoque Dominicos Quadragesimales complecti-
 „ tur? *Affirmatur completi.*

§. I.

Dubitandi conjecturæ indicantur.

I. **D**iebus saltem Dominicis Quadragesimæ epularum permixtio licita videtur. Ejusmodi dies exemptos ab utroque præcepto tum abstinentiæ, tum unicæ comestionis, primis temporibus fuisse plures contendunt. Et quod carniû esum spectat, colligi videtur ex S. Gregorio, cujus tempore consuetudo comedendi carnes Dominicis Quadragesimæ diebus jam in corruptelam declinaverat. Differebant siquidem helluones cœnam Sabathi post mediam noctem, ut carnibus saturare ventrem possent, quemadmodum parafiti hodierni seu ventris idololatræ, qui vulgo *Sabatbinam* perficiunt, seu post medium noctis Sabathi sese implendos carnibus differunt. Quæ corruptela argumento est commissatores istos literam, non spiritum legis servare. Hunc abusum detestatur S. Gregorius cap. Denique Dist. 4. his verbis. *De ipsa vero Die Dominica hæsiamus, quidnam dicendum sit, cum omnes laici, & seculares illa die plus solito, cæteris diebus accuratius cibos carniû appetant, quod utique non rationi, sed voluptati, immo cuidam mentis cæcitati adscribendum est. Unde nec a tali consuetudine averti possunt: & ideo cum venia suo ingenio relinquendi sunt,*

funt, ne forte peiores exſtant, ſi a tali conſuetudine probibeantur. Clarius hoc idem docere S. Gregorius videtur homillia 16. in Evang. cujus textus refertur cap. Quadrag. diſt. 5. Sex hebdomadæ veniunt, quarum videlicet dies quadraginta duo ſunt. Ex quibus dum ſex dies Dominici abſtinentiæ ſubtrahuntur, non plus in abſtinentia, quam ſex & triginta dies remanent &c. Ergo abſtinentia, quæ feriis Quadrageſimæ præcipitur, dies Dominicos non complectitur. Licitum itaque erit his diebus epulas permifcere.

II. Quid, quod Recentiores Eſcobarius, Machadus, Lamas Dominicis diebus Quadrageſimæ licita ova & lactinia aſſerant? Hanc ſententiam propugnat præ cæteris P. Andreas Mendo. *Quia, inquit, in diebus non jejunii nullo eſt opus privilegio, hujusmodi autem ſunt Dominice Quadrageſimæ: igitur in eis abſque privilegio, aut Bulla, omnes indifcriminatim poſſunt, edere ova, & lactinia, cum in illis diebus non jejunii nulla ſit in jure prohibitio. In Bull. Cruc. diſt. 18. cap. 1. n. 29.*

III. Hanc opinionem ut probabiliorem propugnat P. Claudius La Croix commentator Medullæ P. Buſembau lib. 8. dub. 13. ar. 2. n. 13. *Probabilius eſſe, non eſſe dies Quadrageſimales Dominicas Quadrageſimæ, & ita in illis cunctis poſſe ovis veſci, & lactiniis. Advertit Mendo, ſe audiviſſe a viro docto, & gravi, quod declaraviſſet Pontifex in Bulla ſpeciali, ſuam mentem eſſe comprehendere Dominicas Quadrageſimæ nomine dierum Quadrageſimalium. Sed ipſe Mendo reſpondet bene, de tali declaratione authentice non conſtare, ac per conſequens non obligare.*

IV. Ex his videtur colligi epularum permixtionem diebus Dominicis permittendam eſſe. Nam hi dies ſunt privilegiati: exempti ſunt ab unicæ comeſturæ præcepto. Primis Eccleſiæ ſæculis carnes in iſdem comedebantur. Tandem ſi etiamnum juxta doctos Recentiores hi dies Probabilius non ſunt Quadrageſimales, conſectarium ſponte fluit, poſſe illos, qui ex diſpenſatione carnibus veſcuntur, epulas permifcere.

§. I I.

*Præceptum de non permiscendis epulis jure complectitur dies Dominicos,
æque ac ferias Quadragesimæ.*

V. **P**Rincipio refellenda sunt quæ superiore paragrafo recensui. Ecclesiæ Disciplina a more jejunandi diebus Dominicis semper abhorruit. Huncce morem severius prohibuit post exortas hæreses Eusthathianorum, Manichæorum, & Priscillianistarum, qui omnibus Dominicis diebus austera peragebant jejunia. De hac prohibitione fidem faciunt Epiphanius, Hieronymus, Augustinus; nemo tamen asserit carniæ usum licitum his diebus fuisse. Ut Catholici ab hæreticis distinguerentur sat erat iterare esus, salva abstinentia a carnibus. Quoniam ut alias diximus, & dicendum sæpius est, Canonica Dispensatio libera cum sit, prudensque, restringitur, aut dilatatur juxta varios necessitatis gradus. Et quamvis gratis admitteremus licuisse primis Ecclesiæ sæculis diebus Dominicis carniæ usum, ut undequaque Catholici sese, indicatis hæreticis opponerent; quid inde? An non constat posterioribus sæculis morem hunc penitus esse sublatum? Testimonium, quod sub nomine S. Gregorii opponitur, quodque reipsa a Gratiano sub ejusdem Pontificis nomine refertur, illius non est, ut doctissimi Benedictini P.P. Congregationis S. Mauri sub finem Epistol. S. Doctoris animadvertunt. Author porro istius Canonis non morem adprobat, sed corruptelam deestatur: eam tolerat, ut evitet majus scandalum, & pejora mala, ut conceptis verbis *Glossa ibidem* explicat, *vers. hæsi*: ubi inquit. *Hæsitamus non quid juris, sed quid statuendum sit, ne scandalum oriatur.* Quæ sane interpretatio genuina est, cum Pontifex ipse subdat, pravam consuetudinem *Non rationi, sed voluptati, immo cuidam mentis cæcitati adscribendam esse.* Quæ omnia confirmat *Glossa vers. venia*, ubi hæc leguntur. *Ideo intelligas de venia pænæ, non de venia culpæ. Tolerat enim Gregorius crimen tale propter periculum schismatis, vel scandali: unde non est dicendum, quod ignoscatur eis, licet non puniat eos propter multitudinem, vel scandalum: sustinenda enim sunt crimina ratione scandali, vel schismatis.*

Ad

Ad hanc doctrinam omnium Theologorum assensu firmatam animum intendere vellem eos, qui ut collapsæ disciplinæ abusus, legumque transgressiones seu licitas defendant, silentium, & tolerantiam Ecclesiæ per summam ignorantiam obtrudunt: ac si permissio mali, quod impediri absque prudenti majoris mali periculo nequit, esset ejusdem approbatio. Abusus paulatim decrevit, & tandem penitus obsolevit.

VI. Quæ opponunt Recentiores Probabilistæ Mendo, Lamas, Machadus, Escobarius, Pasqualigus, & La Croix absona sunt, & communi Theologorum autoritate improbata. Siquidem quod Pasqualigus *Decis.* 72. infert ex laudato S. Gregorii textu, commentitium omnino est. Utique Sanctus Pontifex dies Dominicos subtractos abstinentiæ asserit, & substitutos quatuor dies ante primam Dominicam subdit, ut quadragenarius abstinentiæ numerus compleatur. At quid inde? Propterea ne licitus lacticianorum usus? Eadem ergo ratione permissus erit carniū esus. Verbis ludit acutus Recentior. Abstinencia & comestione, & comestionis qualitatem spectat. Et si presse loqui velimus, prius comestione, post ejusdem qualitatem excludit. Et quia diebus Dominicis plures ad libitum comestiones permittuntur, ideo dies ejusmodi subtracti abstinentiæ dicuntur. At non propterea ab abstinencia a carnibus, & lacticianis exempti sunt. Quid, quod P. Diana ipse *Resol.* 54. n. 2. hæc scribit. *Alibi hanc sententiam (de licito usu lacticianorum in Dominicis Quadragesimæ) improbavi, & nunc iterum improbo: & caveant Auctores, ne imposterum illam vel absolute teneant, vel tanquam probabilem admittant. Nam Sacra Congregatio S. Officii, & Sacra Congregatio Indicis, mensibus elapsis, mandarunt, hanc sententiam a quodam libro deleri, ut factum fuit. Et recte quidem, nam est contra communem sententiam Doctorum.* Et tamen P. La Croix, Bullam Cruciatæ interpretando, non reformidat scribere, probabilius esse, Dies Dominicos Quadragesimæ non esse Quadragesimales. Si dicatur, Pontificem declarasse, ejusmodi quoque dies Quadragesimales esse, responderet, Patrem Mendo asserere non constare authentice de tali declaratione. Ecce authentice non constat? Quia P. Mendo hoc asserit. Verum oppositum docent Theologi, consuetudo, experientia.

VII. Labefactatis Recentiorum placitis, paucis exponitur Pontifi-

ci-

cium Responsum. Licet diebus Dominicis non urgeat primum præceptum unicæ comesturæ, urget tamen alterum abstinendi a carnibus, ovis, & lacticiis. Ergo præceptum de epulis utriusque generis non miscendis æque Dominicos ac cæteros Quadragesimæ dies complectitur. Sed cæteros dies illud complecti capite superiore ostensum est. Ergo probatum remanet æque veritam esse diebus Dominicis ac feriis Quadragesimæ escarum permixtionem. Nec Domini Quadragesimi dies lautioribus conviviis, & selectioribus ferculis, sed solemniori cultu, ferventioribus precibus, frequentiore ægrotorum visitatione, atque liberaliori pauperum subsidio celebrandi a populo Christiano sunt.

C A P U T V I I I.

P O S T U L A T U M V I.

- „ Utrum hæc lex ad eos quoque pertineat, qui ex Bulla Cruciatæ
 „ edere possunt ova & lactinia „.
- „ Rescribimus : Nihil in prænunciatis nostris Apostolicis
 „ Litteris statutum esse quod respiciat gratiosum Cru-
 „ ciatæ Diploma. Quare qui eo gaudent, illius teno-
 „ rem STRICTE, & considerate perpendant, ex ejus-
 „ que sententia se gerant. Caveant autem, ne inani
 „ quapiam excusatione sese solutos esse arbitrentur præ-
 „ scriptis ibi legibus. „.

§. U N I C U S.

Paucis Quæsitum, & Rescriptum perstringuntur..

- I. **Q**uamquam ingentia volumina in Diploma Cruciatæ edita sunt, tamen vix designare Autores valent, quid singulare in eodem
 con-

concedatur adverſus abſtinentiæ legem. Nam privilegium carniſ edendarum ſolitſ circumscripſum terminis eſt, ut ex ſequenti textu præſatæ Bullæ Gregorii XIII. patet. *Item, ut dicto anno durante in omnibus, & ſingulis Regnis, inſulis, locis, terris, oppidis, & dominis prædictis (& non extra illa) carniſ de conſilio utriuſque Medici, temporibus jejuniorum totius anni, etiam Quadrageſimalibus veſci, ac pro eorum libito ovis, & lacticiis. Ita quod, qui carnes comederint, ſervata in cæteris jejunii Eccleſiaſtici forma, dicto jejunio ſatiſfeciffe cenſeantur.* Non vacat nunc, quod ſit præter inſtitutum expendere quæ adverſus iſtius Textus ſinceritatem in utramque partem diſputantur. Communior, & mihi vera ſententia eſt, ut jacet, genuinum eſſe.

II. P. Thomas Tamburinus, Alphonſus Rodriquez, & aliis plures deprehendere vix poſſunt, quid emolumenti peculiaris afferat Bulla iſtæ. Sic enim ratiocinantur. Vel certus ſum, me ob infirmitatem gravem poſſe comedere carnes: & tum licite veſci eiſdem poſſum ſine ullius conſilio, vel certus ſum, me non indigere: & tum privilegium mihi non ſuffragatur. Denique dubius ſum: & tum de utriuſque Medici conſilio carniſ veſci poſſum abſque privilegio. Emolumentum, quod Tamburinus deprehendit, eſt, quod dum Medicus dubius eſt valet impertiri uſum carniſ. Item concedit Pontifex, inquit, ut ſervata jejunii forma, ſemel tantum comedendo, meritum jejunii obtineatur. Hæc ſunt duo emolumenta, quæ juxta Tamburinum Diploma concedit. Nemo non videt, vix aliquid concedi quod in aliis diſpenſationibus conſuetis, ad hoc quod attinet, non impertiatur.

III. Quantum igitur ad eos, qui vi Bullæ Cruciatæ carniſ veſcuntur, nulla eſt controverſia. Evidens quippe eſt, & iſtos ad unicam comesturam in Bulla ipſa præſcriptam, juxta probabiliorem ſententiam aſtringi. Nec minus manifeſtum eſt, hos permiscere haud poſſe epulas vetitas, & licitas. Si enim de utriuſque Medici conſilio edere carnes debent, ſi cauſa expoſita falſa ſit, nulla diſpenſatio eſt. Si cauſa vera eſt, piſces nocivi ſunt, & prohibiti. Quapropter in Quæſito non de his, qui carnes, ſed de illis, qui lacticia comedunt, dubitatur.

IV. Porro eos, qui ova, & lacticia comedunt ſive vi privilegii Cruciatæ, ſive vi communis diſpenſationis, poſſe ſimul eſuriales cibos manducare,

ducate, præceptoque unius comesturæ astringi, nemo est qui ambigat. Nullam ergo hic disputandi materiam præbet Bulla Cruciatæ. Quapropter jure ac merito Pontifex Summus rescribit. *Nihil in prænunciatis nostris Apostolicis Litteris statutum esse quod respiciat gratiosum Cruciatæ Diploma. Quare qui eo gaudent, illius tenorem STRICTE, & considerate perpendant, ex eiusque sententia se gerant.*

V. Monitum in hoc Rescripto continetur valde idoneum ad labefactandam opinionem æquo laxiorem in præfatam Cruciatæ Bullam inventam. Disputant Recentiores, sit ne, Diploma istud *stricte*, an *ample* interpretandum? Communis doctrina est, privilegia juri communi adversa *stricte* interpretanda. Quoniam quod te subtrahit communi legi, odiosum est, ipsumque commune bonum intentum a lege invadit. Ergo, ne hoc commune bonum grave damnum subeat, privilegium eidem contrarium restringi, quoad fieri potest, debet. Contra vero beneficium Principis mere gratiosum, quod nullum jus lædit, *ample* interpretandum convenit penes omnes. Bulla Cruciatæ juri communi adversatur in plurimis, & potissimum in materia jejunii de quo in præsens. Ergo juxta communem Theologorum, & Canonistarum sententiam *stricte* interpretanda est.

VI. P. Thomas Tamburinus *trac. in Bull. Cruc. cap. 1. §. 3.* fatetur hanc quam descripsi sententiam, communem esse. Verum subdit, P. Mendo Probabilistam placidum, suavemque propugnare, *ample* interpretandam Bullam esse, quantum ad omnia in eadem concessa, sive contra, sive præter jus commune sint. Huic autem sententiæ, utpote minus probabili utroque subscribit pollice Tamburinus, cujus hæc est argumentatio. Privilegia, & beneficia concessa a Summo Pontifice in favorem fidei, & Religionis, quamvis exorbitent a jure, *ample* sunt interpretanda. “ Quia, inquit, debemus, quantum possumus fidei favore, ac judicare Pontificem ibidem *amplissime* facere voluisse. Porro „ Bullæ privilegia omnia concessa sunt, ut fideles excitentur vel ad „ pugnandum, vel adorandum, vel ad porrigendam eleemosynam contra infideles. Ergo cum sint in favorem fidei concessa, *ample* sunt „ interpretanda. “

VII. P. Tamburinus, ut alias dixi, Probabilista est, quo benignior :

eo

eo acutior: eiusque tum scribendi nitorem, prout res fert, tum perspicuam disputandi rationem semper magni feci. Et hæc est ratio, cur frequenter illius opiniones æquo benigniores refellam, quod nempe sint ad fallendum aptiores. Speciosa argutatio, qua adversus communem sententiam contendit, *ample* omnia Bullæ privilegia interpretanda esse; facillime imperitis fucum facit. Verum si penitus spectetur, merum sophisma est. Utique quæ fidei favent, sunt amplianda. Ergo ne sacræ ineditæ tempore, quo Divina placatur vindicta, Misericordia imploratur, redimuntur scelera, immolantur Deo pro delictis victimæ contriti cordis, hoc inquam tempore amplificanda est concessio epularum, relaxanda est corporis maceratio? Quæ subtrahunt fideles a jejuniorum severitate, aliarumque legum observantia, fidei amplificandæ favent? Idcirco *amplissime* interpretanda? Arma ergo dilatandæ fidei peridonea, lautitiæ, fercula selecta, opipara convivia, commessationes? Contra clamant Patres, jejunia, corporis conflictatio, sunt virtutum semina, vitiolorum flagella, carnis repressio armaque fidei. An non semper Dei populus in jejunio, oratione, & eleemosyna, atque universæ Divinæ legis executione de suis hostibus triumphavit? Romani Pontifices imbecillitatis humanæ memores, pro temporum opportunitate Bullam Cruciatæ impertiunt, aliquantulum legis severitatem remittunt ob altiorē finem. Christianorum alii strenui, alii languidi, debilesque. Relaxatur paulisper pro infirmis lex, ut excitentur ad majus bonum præstandum. Verum ita illos dispensare sentire nos convenit, ut quo minus fieri potest lex communis lædatur.

VIII. Ex paucis, quæ obiter dicta sunt, evidenter constat, argumentationem Tamburini vanum esse sophisma. *Stricte* ergo interpretanda est Bulla *Cruciatæ*, ut probabilior, immo vera sententia docet. Cui sententiæ maximum auctoritatis pondus adjicit Pontifex Summus, dum & ipse *strictam* suadeat interpretationem, moneatque, ne inanibus commentis se se solutos fideles arbitrentur legibus, & formulis ibidem præscriptis. Quare qui eo Diplomate gaudent, illius tenorem *stricte* & *considerate* perpendant, ex ejusque sententia se gerant. Caveant autem ne inani quapiam excusatione se solutos esse arbitrentur præscriptis ibi legibus. Si hæc

H

pauca

paucis Sanctissimi Pontificis verba, quae decet, animi demissione, & christiana simplicitate, atque docilitate recogitentur, innumera praefatae Bullae commenta a P. Mendo, Diana, Tamburino, Machado, aliisque recentioribus excogitata in nihilum occidunt. Gratosum a Pontifice Summo vocatur Diploma, ut tacitae objectioni occurrat, non quod non adversetur legi communi, sed quod uni inclitae Hispanae Genti concessum sit.

C A P U T IX.

P O S T U L A T U M VII.

„ Utrum memorata duo praecepta urgeant extra
 „ Quadragesimam?

§. I.

Dubitandi rationes.

I. Jejunium Quadragesimale semper in Ecclesia solemniori ritu peractum est, majorique in pretio habitum, quam cetera anni jejunia. Ergo mitior in his, quam illo asseritas. Non urgent itaque in aliis jejniis a Quadragesimali distinctis praefata duo praecepta. Quod jejunium Quadragesimale excellentius in Ecclesia sit, probat S. Thomas 2. 2. q. 147. a. 8. ad 3. his verbis. *Inter alia jejunia solemnius est Quadragesimale jejunium, tum quia observatur ad imitationem Christi, tum etiam quia per ipsum disponimur ad redemptionis nostrae Mysteria devote celebranda: & ideo in quolibet jejunio interdicitur esus carniū.* In jejunio autem Quadragesimali interdiciuntur universaliter etiam ova, & lacticia. Circa quorum abstinentiam in aliis jejniis diversae consuetudines existunt apud diversas, quas quisque observare debet secundum morem eorum, inter quos conversatur.

II. Hoc idem confirmatur unanimi SS. Patrum assensione. Omnes quippe

quippe adfirmant, Quadragesimale jejunium ab ipso Evangelio, Apostolicisque originem ducere. Satis sit unum, & alterum allegare. S. Augustinus *ep. 55. ad Januar. c. 15. Quadragesima jejuniorum habet auctoritatem, & in veteribus libris ex jejunio Moysis, & Eliæ, & ex Evangelio, quia totidem diebus Dominus jejunavit, demonstrans Evangelium non dissentire a lege, & Prophetis.* S. Hieron. Montanistis improperans, quod tres illi observantes Quadragesimas, tres adorent Salvatores, docet apud Catholicos unicam toto anno obtinere Quadragesimam ex Apostolica traditione proficiscentem. *Nos unam Quadragesimam secundum Apostolicam traditionem Apostolorum toto anni tempore nobis congruo jejunamus: illi tres in anno faciunt Quadragesimas, quasi tres passi sint Salvatores.* Similia docent Patres omnes, quos prætereo. Plura alia anni jejunia sunt institutionis meræ Ecclesiasticæ. Ergo jejunia Quadragesimæ feveriora: mitiora alia.

III. Accedit, quod jejunium Quadragesimale decem & amplius sæculis non solvebatur ante Vesperas, cætera vero jejunia ad Nonam, ut colligitur ex Patribus. S. Benedictus in sua regula *cap. 14. hæc præscribit. Quarta, & sexta feria jejunent usque ad nonam: in Quadragesima vero usque ad Pascha, ad vesperam.* Hoc idem narrat S. Bernardus *ser. 3. in Quadrag. Hactenus usque ad Nonam jejunavimus soli, nunc ad Vesperam jejunabunt nobiscum universi.* Ergo hac quoque tempestate quidquam severitatis remittendum in aliis extra Quadragesimam jejniis. Quod autem indulgendum videtur, est exemptio a memoratis duobus præceptis unicæ comesturæ, & non permiscendarum epularum.

§. II.

R E S C R I P T. P O N T I F.

„ Respondetur : urgere extra Quadragesimam utrumque
 „ præceptum, illud scilicet unicæ comestionis cum reli-
 „ quis legibus in secundo, & tertio ad hæc postulata ref-
 „ pondo, expressis : & alterum non permiscendi epulas
 „ licitas cum interdictis, ut in quarto postulato defini-
 „ tum est .“

*In cæteris jejuniis ab Ecclesia extra Quadragesimam præscriptis observandis
 sunt duo præcepta, unica comestionis, & de non permiscendis utriusque
 generis epulis: quantitas & qualitas vespertinæ collationis. Quadragesima-
 lis, horaque meridiana.*

I. **H**ÆC omnia præscribuntur in Pontificio Responsò . Et quidem
 jure, meritoque. Id palam fiet singula dispiciendo . Unica co-
 mestio naturam cujusque jejunii Ecclesiastici ingreditur . Quoniam idem est
 omnium jejuniorum finis præcipuus, nempe concupiscentiæ repressio. Huic
 autem assequendo fini idonea judicata est unica comestio: idcirco eam Ec-
 clesia præcepit. Audiamus S. Thomam 2. 2. q. 147. a. 6. *Jejunium ab
 Ecclesia instituitur ad concupiscentiam refranandam: ita tamen, quod natura
 salvetur. Ad hoc autem sufficere videtur unica comestio, per quam homo po-
 test & naturæ satisfacere, & tamen concupiscentiæ aliquid detrahit diminuen-
 do comestionum vices: Ideo Ecclesia moderatione statutum est, ut semel in
 die a jejunantibus comedatur.* De primo ergo præcepto unius comestio-
 nis non est ambigendum. Nam jejunia extra Quadragesima vera jeju-
 nia sunt; ergo jejunii naturam, in unica comestura sitam, habere de-
 bent. Quod alterum præceptum spectat de epulis non permiscendis, non
 minus evidens est, urgere in cæteris jejuniis extra Quadragesimam ac in
 ipsa

ipfa Quadragesima. Idque ostenditur ex ipso textu S. Thomæ §. 1. al-
lato, in quo hæc habentur; *In quolibet jejunio interdicitur esus carni-
um.* Ergo in nullo jejunio edendarum carni-um facultas concedi jure valet,
nisi vel ob infirmitatem, vel ob grave nocumentum ciborum efuria-
lium. Porro recurrit argumentum factum supra, videlicet, aut nullam
esse dispensationem ob defectum justæ causæ: aut si justa est causa,
nempe quod esus piscium revera graviter noceat, jam peccatur tum
contra temperantiam, tum contra legem jejunii: nam dispensator eo
ipso, quod carnes concedit, pisces vetat, sic exigente resta dispensa-
tionis, ut ita dicam, œconomia. Recurrunt aliæ duæ rationes peti-
tæ ex cujusque jejunii institutione. Harum prima est frænare concupiscen-
tiam, carnisque petulantiam cohibere. Quid autem acrius concupiscen-
tiam vellicat, irritatque gulam, quam diversarum epularum lautitiæ?
Ergo in quolibet jejunio hæc permixtio vetita est. Altera quoque ratio
satisfaciendi Divinæ Justitiæ pro pœnis, quæ flagitiis nostris debentur,
non minus urget in cæteris jejuniis atque in Quadragesimali.

II. Alias duas leges, de quantitate, & qualitate cibi capiendi in ves-
pertina refectiuncula, & de hora non antevertenda, similiter in aliis
jejuniis obligare æque ac in Quadragesima planum est. Et, ut de quan-
titate, & qualitate pauca dicam, patet easdem ac in Quadragesima
servandas conditiones esse. Nam unica comestio ad naturam pertinet
cujusque jejunii Ecclesiastici. Ergo illa collatio capienda in aliis jeju-
niis est, quam consuetudo invexit in jejunium Quadragesimale. Porro
consuetudo hæc nunquam permisit usum illarum escarum, quæ in pran-
dio sumuntur, ut salva consistat comestura unica: sed usum invexit aut
fructuum, aut bellariorum, & panis, quantum sat est ad somnum ca-
piendum. Eiusmodi quippe fructus, herbæ, vel bellaria in communi
existimatione epulæ naturam non habent. Quare si quantitas sit mode-
rata, non impeditur quominus unica sit comestura. Consule quæ supra
dicta sunt tum de qualitate, tum de quantitate istius refectiunculæ,
cum in omnibus jejuniis eadem esse debet.

III. Quantum ad horam sumendi refectionem, quando jejunium Qua-
dragesimale sub vesperam solvebatur, in cæteris jejuniis prandium per-
agebatur hora nona. Verum postquam consuetudo obtinuit prandendi

etiam in Quadragesima circiter meridiem, continuo omnia jejunia hac eadem meridiana hora solvi cœptum est. Et hoc doceat omnes etiam benigniores Probabilistæ, ut testatur P. Leander a Sanctissimo Sacramento *disput. 6. q. 4.* ubi laudat Cajetanum, S. Antoninum, Majorem, Ricardum, Medinam, Azorium, Covarruviam, Reginaldum, Abulensem, Fagundæ, Laymanum, Sanchez, Filliucium, Trullenchum, Pasqualigum, Bossium. Plures recentiorum, quamvis fateantur omnia jejunia solvi nunc circiter meridiem, tamen propugnant; non peccare mortaliter eos, qui anteverterent vel in ipsa Quadragesima hanc horam, etiam notabili temporis intervallo. Quam opinionem supra reprobavimus. Jejunia ergo extra Quadragesimam ab Ecclesia præscripta in hoc solum a quadragesimali differunt, quod alicubi consuetudo obtinet comedendi in iisdem ova, & lacticia: quantum ad reliqua omnia eiusdem omnino sunt conditionis, non dissentientibus vel ipsis benignioribus Theologis.

CAPUT X.

RESCRIPT. PONTIF.

- » Habeas, Venerabilis Frater, penitus explicatum quidquid
 » apud vos ex nostris sapius nuncupatis Apostolicis Litteris
 » dubitationem attulisse scribis. Quam quidem in re laudavimus
 » consilium tuum interrogandæ Supremæ Romanæ Sedis, ut libero, &
 » non vacillanti gressu ad Oves sana doctrina imbuendas incedere
 » Pastores queant; in istoque tuo suscepto consilio agnovimus
 » Hispanam Religionem, nihil sibi tutum, nisi e Divi Petri Cathedra
 » acceptum, reputantem; qua splendidissima gloria tantum nomen,
 » & incorruptæ fidei fructum Hispania sibi peperit.

Obsequium Archiepiscopi in Apostolicam Sedem merito commendatur. Responsa Pontificia perspicua summæque auctoritatis. Docilitas tamen & Evangelica simplicitas necessaria. Adversæ Recentium Casuistarum opiniones nulla amplius fruuntur probabilitate. Quæ opponi solent, non esse videlicet eorum opiniones præscriptas, in antecessum reselluntur.

¶ **V**iam insticte præstantissimus Archiepiscopus Compostellanus in consulenda Apostolica Sede super controversis dirimendis, quam cal-

carunt cæteri insigniores Hispaniarum Præsules, qui in gravioribus quæstionibus ad Supremam Petri Cathedram, seu ad veritatis asyllum, confugerunt, ut oraculum audirent. Et ne antiquos commemorem, quorum meminit immortalis memoria dignus Cardinalis *Aguirre* in Præfatione ad collectionem Conciliorum Hispaniæ. Recentiores obiter nominabo Antistites illos similiter Hispanos, qui anno MDCCXVII. libellum supplicem dederunt ad Maximum Pontificem Clementem XI. cujus nomen æternum stabit. In hoc libello typis edito plurimas propositiones laxissimas, & a Probabilismo derivatas, Supremo Romani Sedis judicio damnandas subiecere Episcopi illi sanioris doctrinæ vindices. Horum vestigiis in hæsit præclarissimus Archiepiscopus noster, qui eam assequutus gloriam est, ut meruerit a Sapientissimo Pontifice BENEDICTO XIV. laudari cum universa sua inclita Natione de Religione Catholica optime meritissima, non tantum quod semel acceptam Fidem incorruptam servaverit, sed quod in novum mundum eam invexerit, atque ad portentum propagaverit.

II. Cum Sancto nunc Augustino dicere jure valet Illustrissimus Compstellæ Archiepiscopus: *Jam enim de hac causa duo consilia missa sunt ad Sedem Apostolicam, inde etiam Rescripta venerunt. Causa finita est &c. serm. 2. de verb. Apostoli sub finem.* Non duo, sed tria super jejunii causa ab Apostolica Sede Rescripta, seu Diplomata venerunt. Quæstiones omnes, dubitationes, dissidiaque post auditam Summi Pastoris vocem, alto sepe lienda silentio sperare nos convenit. Hæ quippe sunt veluti tessera ovium evangelici gregis: vocem audire Pastoris. *Oves meæ vocem meam audiunt. Joan. 10.* In veteri lege, si quis post Summi Sacerdotis rogatam sententiam licet dirimentem, contradicere ausus fuisset, morte plectebatur. *Si difficile, & ambiguum apud te judicium esse perspexeris... surge... veniesque ad Sacerdotes Levitici generis... & facies quodcumque dixerint... nec declinabis ad dexteram, neque ad sinistram. Qui autem superbierit nolens obedire Sacerdotis imperio... morietur homo ille. Deut. cap. 17.*

III. Nemo Catholicorum est, qui Religioni, atque piaculo sibi non vertat, Romani Pontificis, aliorumque Pastorum, quos Deus posuit regere domum suam, mandatis palam refragari, atque contradicere. Verum non raro accidit, ut plures sive factionis spiritu acti, sive ut

propriās, quas domo detulere, opiniones propugnent, leges vel apertissimas, & perspicua mandata distinctiunculis involvere, commentis implicare, & postremum penitus eludere studeant. Quæ sane agendi ratio, alex plenissima est. Quandoquidem illi ipsi, qui tandem ab ovili Christi descivere, sub initium non aperta fronte Petri oracula spreverunt, sed cuniculis & latebris, modo distinguentes, modo explanationem postulantes, modo aut ad Pontificem melius instructum, aut ad Tribunal futurum causam appellantes, larva tandem posita, Romanæ Ecclesiæ sanctionibus pugnacissime resistere. Summa itaque animi demissione suscipienda sunt Romani Pontificis Decreta, responsa, & sanctiones omnes. Cavendum summopere est, ne præstigiator ille propriæ voluntatis amor nos fallat, approbetque in nobis quod in aliis iusta severitate detestatur. Quid? invehimur in eos, qui Romanæ Ecclesiæ Decreta humili suscipere obsequio detrectant? Et nos in causa propria iisdem utimur artificiis, eisdem technis, in eisdem artibus per fugium locabimus, ut quæ nostris præjudicatis opinionibus obsunt eludamus? Absit a nobis vel ipsa tanti criminis scandalique suspicio. Quoniam nihil efficacius in Sanctam Petri Sedem inimicorum odium concitaret, quam tanta trutinæ diversitas. *Abominatio est apud Deum pondus, & pondus; statera dolosa non est bona. Prov. 20.*

IV. Perspicua sunt, & cuique pervia recensita Pontificis Summi Responsa. Nihil oneris in eisdem imponitur, nisi quod & legis natura, & iustæ dispensationis Regulæ requirunt, atque Patres omnes, & graves Theologi docent: summæ propterea sunt, & ineluctabilis auctoritatis. Verum enim vero nihil tam sanctum, nihil tam apertum, exploratumque, quod hominum cavillis, & sophisticis argutationibus obnoxium non sit, nisi timor Dei; humilitas, & singularis erga cœlestia affectio suppetias ferant. Quæ præire debent, ut fidei donum in hominum mentibus infundatur; eadem fere antecedant oportet, ut sana morum doctrina altius menti hæreat. Antequam habitualis fidei lumen animam illustret, piam præcedere affectionem debere, quæ in obsequium ejusdem mentem inlectat, docent communiter Theologi. Similis pius voluntatis impulsus atque propensio antecedit, ut ego quidem arbitror, necessum est, ut moralis Christianæ Doctrina in cordibus hominum at-

tio-

tiores agat radices. At inquis, pia voluntatis motio ideoque praeire fidei debet, quod Myſteria credenda, obſcura cum ſint, movere intellectum nequeunt. Quamobrem hunc defectum ſuppleat pia cordis affectio fas eſt. Quae autem morum ſcientia agenda praſcribit manifeſta ſunt, & menti conſentanea. Ergo ratio diſpar. Verum habet, quoniam ex diverſis principiis iſtius pii affectus neceſſitas oritur in fide, ac in morum ſcientia. Eoim vero ſi fide divina credenda Arcana tenebris involuta ſunt: quae exequenda jubet Scientia Moralis, hoſtiliter carni repugnant & ſanguini, bellumque implacabile atque continuum appetitionibus indicunt. Ad hanc porro pugnam tollendam, non ſecus ac ad diſpellendam credendorum obſcuritatem, neceſſaria ſane eſt pia voluntatis affectio, ingenua ſimplicitas, mens docilis, humilis, atque a cacophete rixandi & contendendi prorsus aliena. Si hae dotes ſimplicitatis, timoris, atque docilitatis deſint, vix, ac ne vix quidem fieri poteſt, ut Superiorum doctrinales ſententias abſque contentione, & murmure amplectamur, eorumque mandatis Religioſa obedientia pareamus.

V. Hanc doctrinam altius ubique inculcant Scriptores Divini. Paulus Apoſtolus Epif. 6. *Obedite... in ſimplicitate cordis veſtri, ſicut Chriſto, non ad oculum ſervientes, quaſi nominibus placentes, ſed ut ſervi Chriſti facientes voluntatem Dei ex animo cum bona voluntate.* Et valde prius Salomon dixerat, Deum ſimplices alloqui, & verborum venatores odio habere. *Abominatio Domini eſt omnis illuſio: & cum ſimplicibus ſermocinatio ejus.* Prov. 3. Sanctus Jobus appellatur *homo ſimplex*, & rectus, ac timens Deum c. 1. Et Evangeliſta Matthaeus. *Si oculus tuus fuerit ſimplex, totum corpus tuum lucidum erit.* c. 6. Hae animi ſimplicitas in obſequium imperantis, mentem, & judicium ſubjicit. Auto, cedroque digna ſunt monita tria, quae Sanctiſſimus Patriarcha Ignatius Lojola Incolytæ Societatis JESU Inſtitutor nobis hanc de re, ſuppeditat epifl. 1. de virtut. *Obedientiae n. 16. 17. & 18. edit. Antwerp. an. 1635. Praeterea tria vobis nominatim propono, quae ad obedientiam judicis comparandam multum juvant Primum illud eſt, ut... non intueamini in perſona Superioris hominum obnoxium erroribus, atque miſeriis, ſed Chriſtam... Altera ratio eſt, ut quod Superior mandat, vel ſentit, defendere ſemper apud ami-*

animos vestros studiose nitamini; improbare autem nequaquam. Atque ad eam ipsam rem proderit, bene animatos, affectuque esse ad id omne quod ipse iusserit Postrema subiiciendi iudicii ratio est ut ad ea faciendam, quaecumque Superior dixerit, cæco quodam impetu voluntatis parendi cupide sine ULLA prorsus DISQUISITIONE firamini. Huc recte omnia, quæ de sublimi obedientiæ virtute Patres scripsere. Christus Dominus in Superioris persona spectandus: Eiusdem iussa, & iudicia sine ulla prorsus disquisitione suscipienda: Et tandem hæc omnia accurato studio, & invicto conatu defendenda nobis sunt, atque adeo ab oppugnatoribus vindicanda. Quod si tam exacta obedientia parendum cuique vel inferiori Prælato est: quâ profundiori animi demissione subiiciendus intellectus erit omnium Prælatorum Supremo Hierarchæ, Christi scilicet Vicario? Providit & hoc illuminatissimus Patriarcha. Quamobrem? ne bene tantum affecti, animatique essemus ad ea, quæ nostratum sunt rationum, nostramque promovent gloriam, & splendorem, subdit, hæc omnia præstanda esse, cum parendum fuerit Romano Pontifici Christi Vicario. Atque hæc, quæ de obedientia diximus, æque præcantis erga proximis Superiores, atque Reſtoribus Præpositisque localibus erga Generalem; Generali denique erga illum, quem Deus ipse præfecit, nempe suum in terris VICARIUM, observanda sunt. Cujus obedientiæ tributum ut valerius, exactiusque præclarissimi filii Romano Pontifici pendant, singulari Sacramento se devinciunt.

VI. Qui vero præfatis obedientiæ dotibus destituti sunt, super omni verbo vitilicant, cavillantur, rixant, disputant, contendunt. Omnia in discrimen revocant, & pro ingenio quæque interpretantur. Hi non simplices, sed versuti; non dociles, sed pugnaces, non humiles, sed arrogantes, superbique. Qui autem (minatur Deus Deut. 17.) *superbierit, nolens obedire Sacerdotis imperio, morte moriatur.* Solum his Pontificia responsa summæ, & ineluctabilis authoritatis non sunt. Cæterum qui mente præjudiciorum vacua, animoque sincero, ac spiritu simplici Supremi Superioris iussa & leges expendunt; tamquam certissimas morum regulas præfata responsa amplectuntur. Sceleri sibi verterent vel latum unguem eisdem reluctari & contradicere, immo non eas, ut admonet Sanctissimus Patriarcha Ignatius, defendere, & propagare.

VII.

VII. Non defuturos tamen suspicor qui, quemadmodum adversus duo alia Apostolica Diplomata, ita & contra hoc rescriptum sint opposituri. *Rescriptum* istud, inquit, Responsa privata continet ad unum Archiepiscopum directā, non sanctiones pro universa Ecclesia latas. Sententiæ sunt Pontificis Summi, ut Doctoris privati, non, ut Pastoris & cathedra loquentis. Non damnat contrarias Theologorum opiniones, sed tantum præstet sententias, quæ sibi probabiliores videntur. At propterea ne sua. destituentur probabilitate opiniones, quibus tot docti Juniorēs patrocinantur? Nonne alius Pontifex decernere oppositum poterit? Licetum ergo erit nostras propugnare sententias, ut probabiles; donec solemnī censura configantur. Ad summum illarum praxis suspendenda, donec faustior ardeat fortuna. Objecta narro, quæ lippis, & tonsoribus comperta sunt. Hujusmodi quippe, & alia paululum acriora adversus primum Diploma opposuere: adeo, ut opus fuerit alterum edere: Quid, quod, neque secundo lato destiterunt ab inceptis; sed ne scholæ splendor tantillum innumbretur, atque sistema consistat probabilisticum in hodiernum diem narrata commenta aurito gregi infusurant; atque in vulgus disseminant. Tantum valent præjudicare opiniones.

VIII. Rescripta Romanorum Pontificum ad consulentes Episcopos, de more data, semper fuerunt penes Catholicos omnes summæ auctoritatis, maximoque in pretio habita. Simul atque D. Augustinus Apostolicæ Sedis Rescripta accepit, definitam, terminatamque causam pronunciavit. *Pam enim de hac causa duo consilia missa sunt ad Sedem Apostolicam; inde etiam Rescripta venerunt. Causa finita est: utinam aliquando finiat error. Sermon. 2. de Verb. Apost.* Finitam habebat causam Augustinus post accepta Romana responsa, sed verebatur, ut omnes socii sibi assensuri forent, ideo subjunxit: *Utinam aliquando finiat error.* Perspectum illi erat, plurimos Academico Probabilismo imbutos, eo facilius legem Ecclesiæ suis appetitionibus detorquere, quo ipsam Dei legem vanis commentis eludere non reformidabant. *Verum si Dei legem, non sicut se habet, sed sicut vobis placet, intelligitis, quid mirum, si & de lege Imperatoris hoc facitis. Lib. 3. contr. Julian. c. 3.* Animos autem adjicit Sanctus Pater, horatur, urgetque, ut ejusmodi hominum plac-

1a refellamus. *Fratres mei compatimini mecum. Ubi tales inveneritis occultare nolite. Redarguite contradicentes, & resistentes ad nos perducite. Serm. 2. de verb. Apost.*

IX. Parendum ergo Augustino, & objectum commentum toties convulsum, iterum labefaciendum. Et quoniam sophisticam hanc argumentationem: *Opinio non est damnata, nittiturque gravium Juniorum auctoritate, ergo probabilis, atque adeo secuta*, ad ravim usque oberudunt, placeet paulo fusius eam expendere, potissimum, quod non ita pridem rogatus fui, ut, occasione data, ineptum sophisma penitus contenerem. Quoniam ejusmodi cavillationem imperitis non levem lucum facere experientia didicimus, porro, ut efficacius hoc præstem, instauranda argumentatio est sub validiore suo aspectu. Clamant ergo. Opiniones, quas defendimus, ad Pontificium Tribunal delatz fuerunt. Quis dixerit, aut opinionem benignam seu minus probabilem, & opiniones conerarias prænuntiatis Apostolicis Litteris non fuisse sub examen inductas, aut denunciatas, aut de eisdem sermonem non incidisse? Profecto, si contrarias sententias sequendas proponit Apostolica Sedes, fieri haud potuit quominus istarum quoque facta mentio fuerit. Ergo eo ipso, quod hanc, vel has opiniones Pontifices Summi expresse non damnaverunt, tacite, ut minus, significare voluerunt, easdem sanam continere doctrinam. Non modo itaque ex Pontificiis Decretis opiniones nostræ lætæ non fuerunt, quin ex iisdem novum recipiunt robur, & a cujusque suspensionis nota liberæ evadunt. Poterat ne efficacius exaggerari commentum?

X. Nolo meis verbis illud refellere, sed P. Ignatii de Camargo sapientissimi Hispani Inclytæ Soc. JESU Theologi responsum transcribam, ut discant minus periti, rancidulum valde esse parallogisimum hunc. Sic autem P. Camargo respondet *lib. 2. contrav. 2. c. 4. §. 2.*
 „Vulgarem hunc discursum millies audiui, sed ab hominibus *levioris*
 „*notæ*: & qui vulgaria quæque sine examine ullo & suscipiunt, & pro-
 „ferunt pro sustinendo suo, quem amant, sed non cognoscunt, Pro-
 „babilissimo Porro argumentum hoc nimis absurdum videtur, cum
 „iisdem ipsi Pontifices per sua memorata Decreta illud clare, &
 „signanter reprobaverint, & consequenter omnem occasionem, omne-
 „que ipsis excusationem præciderint.

„ No-

„ Notorium est, Alexandrum VII. in suo priori Decreto damnavisse
 „ hunc articulum ordine 27. *Si liber sit alicujus junioris, & moderni, de-*
 „ *bet opinio censeri probabilis, dum non constat rejectam esse a Sede Aposto-*
 „ *lica tanquam improbabilem.* Insupet Innocentius XI. in ipsa præfatione
 „ Decreti sui signanter, & expresse declarat, intentionis sue non esse
 „ *alias propositiones in ipso non expressas, & Sanctitati sue quomodolibet,*
 „ *& ex quacumque parte exhibitas, vel exhibendas, ullatenus approbare.*
 „ Quam igitur post hæc excusationem habere poterit, qui benignam
 „ sententiam (& alias qualque) ex eo arguerit non esse damnabilem,
 „ immo a Sede Apostolica tacite saltem esse approbatam, quod per
 „ memoratam Decreta expresse rejecta non sit, aut cum aliis damna-
 „ tis opinionibus aliqua censura notata?

„ Cæterum præcindendo ab his expressis Summorum Pontificum
 „ protestationibus, aut declarationibus, quis Theologus cordatus se-
 „ rio arguere potest, aliquam opinionem moralem esse vere probabi-
 „ lem, tutam, ac sanam, ex eo solum, quod a Sede Apostolica pa-
 „ tienter toleretur (etiam per multum temporis) aut expresse non
 „ rejiciatur? Nemo profecto ignorat, plurimas opiniones in materia
 „ fidei, & morum, post diuturnam illarum tolerantiam damnatas tan-
 „ dem esse; & a fidelium praxi proscripitas tanquam doctrinas pravas,
 „ & noxas. Nemo item audebit affirmare, aliquas opiniones, etiam
 „ antiquas, quæ modo permittuntur, & tolerantur, non posse tandem
 „ aliquando damnari, & a tota Ecclesia proscribi. Quid ergo? & illæ
 „ ante damnationem, & istæ interim, dum non damnantur, hoc ipso
 „ vere sanæ, probabiles; & tutæ sunt? Hoc ipso tacite approbati cen-
 „ sentur ab ipsa Apostolica Sede? Quis dicat? Alioqui Summi Ponti-
 „ fices non nisi falso poterunt affirmare, illas se ab Ecclesia proscribe-
 „ re, & a fidelium praxi prohibere, eo quod prævæ, ac noxiæ mori-
 „ bus Christianis sint, & animarum salutis perniciose “.

XI. Allegata satis essent, pauca ramen adicere lubet. Opiniones de
 non conjungendo jejunio cum esu carniæ ex dispensatione, de epulis
 utriusque generis non permiscendis probabiles olim habebantur. Quis
 asseruerit probabiles nunc esse? Nemo sane, nisi illi, qui manus victas
 dare reculant, nisi cum districto anathematis mucrone illorum jugulum

petitur. Sed nulla nobis cum istis docilitate, & simplicitate destituitur disputatio est, qui non rationi, sed vi tantum, gladioque facies submitunt. Ut imperitos, sed dociles, ingenuosque instruamus, iisdem recordamur, Romanos Pontifices Christi Domini, cujus vices gerant, vestigia persequi, exemplaue imitari. Porro Servator noster Divinus. permittit zizania simul cum tritico crescere usque dum opportunum occurrerit tempus eradicandi illa, salvo tritico. *Ne forte colligentes zizania eradicetis simul cum eis, & triticum. Sinite utraque crescere usque ad messem* &c. Matth. 13. Porro zizania & triticum non tantum malos, probosque, homines, verum etiam malam quoque, & bonam doctrinam significare, per quam homines boni, malive fiunt, certum (inquit Camargo loc. cit.) & obvium est ex sacris Interpretibus: opiniones minus probabiles & falsæ tam similes sunt probabilioribus & veris, ut discerni vix queant. Verum & inter triticum (inquit Hieronymus in Matth. cap. 13. (& zizania, quod appellatur lolium, quamdiu herba est . . . grandis similitudo est, & in discernendo nulla aut difficilis distantia. Verum quamvis opiniones falsæ simillimæ veris sint non propterea Deo, non Ecclesiæ probantur; sed cum pravis hominibus in tempore projiciuntur. Neque sibi indociles homines blandiantur, illudantque: ignorantia excusandos esse usque dum opiniones non damnentur? Quandoquidem, ubi bona fides, ubi sinceritas, cum audias supremum Pastorem contraria jubentem? Quid de filiis diceret, qui Patrum consiliis, quin nec mandatis parere velint, nisi cum evaginato gladio terra marique exterminare illos minantur? Plurima sileo in tempore dicturus. Audiant interim Augustinum lib. de fide, & oper. cap. 17. Retibus enim bonis capi possunt pisces & boni, & mali. Retibus autem malis capi non possunt pisces boni. Quoniam in doctrina bona & bonus potest esse, qui audit & facit, & malus, qui audit & non facit. In doctrina vero mala, & qui eam veram putat, quamvis ei non obtemperet malus est, & qui obtemperat peior est. Hanc Augustini Doctrinam amplectuntur Patres omnes, quoniam in Scripturis millies inculcata. Audi nunc quæ scribit P. Antonius Cashedi tom. 2. in dedicatione operis ad Christum JESUM. Cum Magister veritatis sis, adeo humane condescendis infirmitatibus, ut in tuo veritatis Tribunali error inculpatus ipsam coequat veritatem: cum enim

enim non accusas, ſed excuſas; non pleſis, ſed præmiaris: ipſam Tuam Legem habendo pro Non lege: & Tuam Non Legem habendo pro Lege, ſi Lex, ut NON-LEX, & NON-LEX, ut Lex invincibiliter proponatur, Audiſtin? Invincibiliter fornicaris, furaris, pejeras. Præmium a Deo recipies, non ſecus ac ſi caſtus, ſi juſtus, ſi verax fuiſſes: Quia error inculpatur ipſam coequat veritatem. To coequat uberrimam vim prodit. Hæc obiter. Expedi enim, etiam per tranſennam errata, quæ nobis videntur imperitis nocere Lectoribus, improbare, & eoſdem admonere, ut ſibi caveant.

CAPUT XI.

RESCRIPT. PONTIF.

- „ Cavendum tamen eſt, ne in expendendis Apoſtolicæ Se-
 „ dis Conſtitutionibus pro nimia exhauriendi argumenti
 „ ſolicitudine nullus fiat diſſerendi, ambigendique Modus.
 „ Sedula deinde opera conferenda, ut iſtiusmodi dubia,
 „ quæ facile pro ingeniorum varietate diſputando emer-
 „ gunt, penitus inter vos dirimantur, ne diuturna un-
 „ quam diſcepratione fluctuent animi, præſertim cum
 „ Conſtitutiones ipſæ Apoſtolicæ ſcopum, quo tendunt,
 „ aperte demonſtrent, & illuc prompte dirigi poteſt quic-
 „ quid dubitando interturbare videatur. Id ſi animadver-
 „ tiſſent qui de præſenti negotio plura dubitarunt, no-
 „ dum ſibi exolviffent. Patebat enim nihil aliud Nobis
 „ in animo fuiſſe, quam cohibere vivida nonnullorum
 „ Theologorum ingenia, qui nimiam ſacri jejunii fines
 „ prætergreſſi, & non parum obliti, illud ad retinen-
 „ dum in officio corpus divinitus inſtitutum hoſti huic
 „ ſpiritus inſenſiſſimo blandiebantur. Statim ſiquidem
 „ comperiffent quid in proſcriptis quæſtionibus conſtituen-
 „ dum eſſet, nec tibi moleſtiâ exhibuiſſent, nec No-
 „ bis, quos graviſſimæ undique circumſtant curæ, non
 „ parum temporis occupaffent &c.

§. I.

Documenta saluberrima in ultimo Rescripti Pontificii membro contenta explicantur. Consecraria ex-nimia de jejunio disputandi sollicitudine.

I. **B**ene se res habet, ut hoc ultimum caput aureis verbis Cardinalis Bona, sanctitate & doctrina non minus quam purpura Emmentissimi, atque in scribendo cœlestis unctionis mirabili quadam suavitate perfusi, exordiar, ut sin meo arido, sterilique sermone, Divina saltem tanti Viri eloquentia lectorum corda valeam emollire. Porro hæc ille scribit *Tract. de Divin. Psalm. cap. 9. §. 3.* *Hic liceat tandem subsistere, & deplorare. Hæc quantum a prisco jejuniorum ritu recessimus! Tunc vera jejunia erant, dura, & austera: nunc levia sunt, & vix jejunii nomini digna, ludus, & umbra jejunii. Etiam in ipsis solemnioribus pervigiliis vix meridiem expectamus, fastas Nonæ, & Vesperarum horas in solenni dumtaxat precum recitatione servantes. Utinam quod deest abstinentiæ, aliarum virtutum exercitatione sarciamus.* Hic non vetustæ ætatis scriptor quispiam est. sed Doctor, qui proximum elapsum sæculum illustravit.

II. Itaque, ut hanc collapsam jejuniorum disciplinam instauraret Sanctissimus Pontifex BENEDICTUS XIV. feliciter regnans duo edidit Diplomata. In præsentī vero Rescripto, postquam quæstiunculis super eisdem excitatis, sibi que propositis, responsa præbuit, admonet, ut caveamus interpretamenta nimium subtilia, quæ recidunt in quæstiones inutiles, in contentiones, nullusque sit disceptandi modus. Sed eo diligentius in morum scientiâ abstinendum a controversandi studio, quod nimis istius generis quæstiones illuc communiter tendunt, ut a legis obligatione homines eximant. Consuluntur Theologi plures, dubitationes, postulara proponuntur, ut experiamur, si via aliqua a legis onere liberi tandem evadere possimus. Perspicuæ sunt communiter leges, manifesta Decreta, & præcepta omnibus, qui bene erga legum observantiam animati sunt, quique sincero propriæ salutis desiderio flagrant: semper vero occasione sunt ambigendi, disputandi, vitiligitandi iis, qui mori-

moribus vivere ſuis vellent, ſuaſque explere appetitiones. Quæ omnia non aliis, quam iis, quæ in manibus ſunt, confirmare exemplis volo. Quid quæſo primo Pontificio Diplomate *Non ambigimus* maniſteſtus? Et tamen ſecundum edere ad maiorem explicationem neceſſum fuit? Quid quod ſecundo evulgato non propterea ceſſarunt Diſputationes, controverſiæ, dubitationes? Quis dixerit, a ſpiritu poenitentia, ab amore jejuniorum ejuſmodi diſidia proficiſci? *Præſertim cum Conſtitutiones ipſa Apoſtolica ſcopum, quo tendunt, aperte demonſtrent, & illuc prompte dirigi poſſet quidquid dubitando inturbare videatur. Id ſi animadvertiſſent qui de præſenti negotio plura dubitarunt, nodum ſibi exoliſſent.* Verum, ut clarius pateant immania conſectaria, quæ ex Novo opinandi modo jam ab Alexandro VII. improbato, neceſſario conſequuntur, e re mea eſt diſtinctis §§. oculis illa ſubjicere Paraſellum inſtituam, in quorundam Theologorum de jejunio opiniones cum SS. Patrum doctrina conferam.

§. II.

Paraſellus, in quo nonnullorum Recentium Theologorum opiniones de jejunio cum Patrum doctrina conferuntur.

III. **V**ulgari ſermone in alio opusculo contuli opinaciones de jejunio quorundam Recentiorum cum Patrum Doctrina. Quia tamen argumentum iſtud hic propriam ſedem habet, operæ pretium exiſtimavi illud ad incudem revocare. Nec propterea actum agam. Quandoquidem quæ adducam evidenter demonſtrabunt quæ Pontifex Summus bis aſſerit in ſuo Reſcripto. *Patebat enim nihil aliud Nobis in animo fuiſſe, quam cohibere vivida nonnullorum Theologorum ingenia, qui nimium ſacri jejunii fines prætergreſſi, & non parum obliſi, illud ad retinendum in officio corpus Divinitus inſtitutum, hoſti huic ſpiritus inſenſiſſimo blandiebantur.* Et prius in Reſcripti exordio. *Dum prænuſſarias Conſtitutiones edidimus, non aliud propoſitum Nobis fuit, ac refrænare paucorum nimis ingenio ſudentium Theologorum licentiam, qui opinionum novitate gau-*

dent &c. Efficacius sane evincere nequeo vera esse, quæ de quibusdam Theologis hic adfirmantur, quam eorundem Theologorum novas, inauditasque opiniones in medium asferre. Quoniam vero opponunt eruditi Juniores Patres Sanctos haud discussisse hodiernas quæstiones: *Querunt, inquit, casus temporum Doctores temporum. Bellus erit ille Criticus, si ex S. Augustini doctrina dissolvere velit emergentes podos*; idcirco Patrum testimonia Recentiorum opinionibus contraria promam. Concedendum tamen Recentioribus est; verum partim esse quod opponunt effatum, nempe casus temporum resolvere Doctores temporum. Et sane casuum, quos his temporibus Doctores excogitarunt, nunquam meminere Patres Sancti. Quin nec illis, nec Christianis illorum temporum in mentem venit disputare, essent ne femina quinquagenaria a jejuniis libera, vel illi qui habent duo *cauteria* seu duos *fontes*, apti illi, qui data opera fornicantur, ut debiles effecti, sint a jejuniis exempti? Hæ, & centum id genus quæstiones quas eruditi Juniores veluti creaverunt, incognitæ prorsus fuere Patribus. Quapropter verum habet, nos non posse hoc in sensu ex Patribus ejusmodi resolvere casus. Sed opponimus, decisiones istorum casuum a Recentibus investas pugnare cum omnium Patrum principiis. Idque evincam sequentibus paragraphis in jejunii materia, ut hinc colligere quisque possit quæ in aliis controversiis dicere valeamus.

§. III.

Recentiores non pauci absolunt fere omnes mulieres a jejunii lege.

IV. **A**Ntequam rem ingredior, prævertere interest quæ nonnulli studiosissimi Casuistarum defensores obtrudere solent. Quid, inquit, crambem eandem toties reeoquis? Nonne sæpius plautinis salibus perfricata sunt festiva Casuistarum de jejuniis paradoxa? Sola ergo invidentia vulneribus asferre manus impellit. Ita ne vero? Quid, si Recentissimi Authores in dies pergerent laxiores suorum Antiquorum renovare opinationes, easque lectoribus sequendas proponere? Quid tum?

tum? An repetito veneno, repetenda non effiet medicina? Adefdum. Laxior ne in hoc genere opinio eft præ illa, quæ omnes mulieres quinquagenarias vetulas efficit, ut a jejuniis illas eximat? Et tamen hæc opinio diebus noſtris renovata eft. Credere recufas? Audi quid ex una parte Recentiffimi Theologi, quid e regione Patres ſcribant.

P. Dominicus Viva Theologus noſtriſſimus hæc ſcribit *Tom. 1. curſ. Theol. p. 1. q. 10. c. 6. n. 8. Infaminiſ autem Probabiliter ex Vallerio, Narbona, Machado, Pellizario Diana, contra quam plures putantes id non eſſe tutum, deſinit obligatio jejunandi inchoato anno quinquageſimo. Leander, Paſqualigus, & alii benigniores non loquuntur de anno inchoato. Diana ſaltem advertit tom. 4. tract. 6. Ref. 9. n. 2. Doctrinam a Narbona, & Pellizario ſuperius adductam de anno quinquageſimo quoad mulieres incepto tantum, & non completo, minime approbari a multis. Ipſe tamen probat. Et hanc laxiorem opinionem etiam de anno inchoato propagat P. Viva, qui ibidem ſimul excuſat Viros ſexagenarios, etiam robuſtos. Quia robur ſenum eſt illuſtrum. Et mulieres, inquit, Leander, poſt annorum quinquageſimum non ſunt donec generationi.*

V. An excuſetur a jejuniis ſæmina nubere volens, ſi ex jejuniis deperdat formam, & colorem. Affirmant abſolute Sanchez, Lopez, quos citat & ſequitur Fagundez, Trullench, & Molpbeſius. Leander diſt. 8. q. 53. Quid cauſæ produnt? Quia deperditio formæ in ordine ad nubendum cenſetur notabile damnum, quo imminente, non obligat præceptum jejunii. ibi. Haſtenus Leander.

S. Ambroſius *Ser. 34.*

„ Pudet dicere Senes, & aniculae Quadageſimam faciunt: juvenes, & juvenulae non faciunt.

S. Baſilius *Orat. 2.*

„ Senibus levem reddit laborem
„ jam olim contracta cum jejuniis familiaritas. Siquidem labores, quibus diutino uſu aſſueveris, minus offendunt. (item *Orat. 2.*) Jejunium ſervat parvulos, ſorbium reddit juvenem, venerabilem facit ſenem. Venerabilior eſt enim canities jejuniis decorata

S. Vincentius Ferrerius *Ser. v. Ciner.*

„ Senes octoginta annorum, vel amplius, qui ſemel bene poſſunt comedere, tales non excuſantur in aliquo prædictorum; quin ipſi peccant mortaliter. Et ideo cum diligentia omnes jejunemus.

S. Baſilius *Or. 2.*

„ Porro mulieribus, quam eſt naturale reſpirare, tam eſt conveniens jejunaſe jejunium ſæminis ornatus eſt congruentiſſimus. Etate ac robore vigentibus pro fræno eſt. Jejunium Matrimonii cuſtodia, Virginitatis nutritius.

S. Basilii Or. 1. de jejuniis
Conjugatorum.

„ Jejunium . . . tutus convictor con-
 „ jugatis. Non suspicatur quemquam
 „ invidias struere coniugio maritus
 „ conspiciens uxori familiare jeju-
 „ nium. Non contabescet uxor ze-
 „ lotypia cernens maritum ample-
 „ xi jejunium Jejunium ve-
 „ ro in usu conjugii modum, tem-
 „ perantiamque docet, ac volu-
 „ ptatum lege concessarum immo-
 „ dicum usum castigans parit con-
 „ cor otium, ut perseverent in ora-
 „ tione “ .

S. Paulus 1. Cor. 7.

*Nolite fraudare invicem, nisi forte
 ex consensu ad tempus, ut vacetis
 orationi, & jejuniis.*

S. Ambrosius Serm. 37.

„ Formam dedit nobis Deus in
 „ hoc facto, ut juniorum tem-
 „ pore, tanquam desertum habi-
 „ tantes abstineamus epulis & volu-
 „ ptatibus mulieris. Ne coniungatur
 „ nobis Eva, ut nos a casta ob-
 „ servatione illecebrosa persuasione
 „ subvertat.

S. Augustinus Ser. 78. de temp.

„ Castitatem ante omnia per to-
 „ tam Quadragesimam usque ad fi-
 „ nem Pasche cum propriis uxori-
 „ bus custodite.

S. Pontifex Nicolaus 1. in Instrum.
Bulgar. c. 9.

„ Si enim ex consensu coniuga-
 „ torum, etiam alio forte tempo-
 „ re, mundo corpore vacatur ora-
 „ tioni; quanto potius isto, quo
 „ Deo

VI. Si nuptæ sint, jejunio non
 subiacent, ut reddere debitum
 queant. *An coniuges teneantur jejuna-
 re, quando jejunium impedit, ne invi-
 cem sibi reddant debitum? Ut quid
 certum Respondeo non teneri. Lean-
 der. q. 48. Quid si mulier reddere
 debitum posset, at minus venusta
 fieret? Excusatur mulier, si jejunan-
 do sit macilenta, & invisæ viro.*
*Joannes La Cruz præcep. 3. a. 4.
 dub. 9. Clarius P. Filliucius tract.
 27. p. 2. c. 6. Uxor non valens se
 gratam servare viro ob maciem, vel
 pallorem, Doctores excusant.*

VII. A jejuniis laudati Recentio-
 res absolvunt omnes prægnantes
 feminas, omnes nutrices, omnes,
 quæ hauriunt aquam per magnam
 diei partem, quæ lixivium efficiunt
 quæ lineam suppellectilem lavant.
 Tandem, concludit P. Pasqualigus
 Decis 304. *Quando autem linea sup-
 pellex jam mundata complicatur, ad-
 huc labor est notabilis, quia in ea
 tendenda, & extendenda, atque pre-
 menda, prout opus est requiritur ma-
 gnus conatus, unde hoc quoque exer-
 citium tollis obligationem jejunandi.*
 Invenies nunc mihi velim, quæ sint
 Mulieres in Mundo legibus jejunii
 astri-

Aſtrictæ. Ante vigefimum primum annum jejunii lege ſolutæ ſunt mulieres omnes. Poſt, aut nuptæ ſunt, aut ſecus. Si ſecundum, pulchritudinem ſervare, & fovere debent ut facilius ſponſos reperire queant. Si primum, venuſtas, & thoroſulas ſe mariti exhibere debent, ut eoſdem alliciant, valeantque onera ſuſtinere matrimonii. Jure itaque ac merito, immo neceſſitate cogente, Pontifex Summus eo direxit ſuas Apoſtolicas Conſtitutiones, ut refrænaret quorundam nimis ingenio ſidentium Theologorum licentiam qui opinionum novitate gaudent. Conferantur Patrum Sanctorum effata cum his Recentiorum opinionibus.

„ Deo etiam carnis noſtræ deci-
„ mas damus, quo ipſum in ab-
„ ſtinentia Dominum imitamur.

Concilium Toletanum an. 1473.

„ Tempore, quo Sacrorum Ca-
„ nonum Decretis nuptiarum ce-
„ lebratio interdicitur, & carnalis
„ copula prohibetur.

S. Thomas Aquinas in 4. diſt. 32.
q. 1. a. 3. q. 4.

„ Quia quando novæ ſponſæ tra-
„ duntur, animus coniugum magis
„ ex ipſa novitate ad curam car-
„ naliū occupatur, & ideo in
„ nuptiis conſueverunt ſigna multa
„ lætitiæ diſſolutæ oſtendi; & pro-
„ pter hoc illis temporibus, in qui-
„ bus homines præcipue ſe debent
„ ad ſpiritualia elevare, prohibi-
„ tum eſt nuptias celebrare. Si
„ plura cupis conſule Fagnanum lib.
2. Decret. cap. Capellan.

§. IV.

Nonnulli Theologi Recentiores a jejuniis abſolvunt circiter 50. hominum ſtatus, id eſt fere omnes.

VIII. **N**E ſuſpicio ulla ſuboriri poſſit me quidpiam per exaggerationem aſſerere, nolo recentiorum opiniones, quibus Chriſtianos cujuſque fere ſtatus, ætatis, gradus, & dignitatis a jejunii lege abſolvunt, referre. Sed id præſtabo verbis P. Thomæ Hurtado, qui recenſet hominum ordines, quos P. Paſqualigus ſolutos a jejunii præcepto declarat. Hæc enim ſcribit P. Hurtado tom. 2. traſſ. 10. cap. 9.

„ IX. Et in primis miror Zacha-
„ riam, qui, cum in tomo præ-
„ grandi jam citato vix ſit ſtatus
„ hominum in Eccleſia, quem ab
„ obligatione jejunii non excludat,
„ dicat, quod potius iſte jejunium
„ frangat, nixus frivolis argumen-
„ tis,

S. Baſilius Hom. 2.

„ Ne quis igitur ſemet exclu-
„ dat a numero jejunantium, in
„ quo omne hominum genus, o-
„ mnis ætas, omnes dignitatum
„ formæ conſentur. Angeli ſunt,
1 2 „ qui

„tis, cum alias ea, quæ sunt pro
 „nostra sententia, valde urgentia
 „sint, decet. 275. Excusat pauperes.
 „276. Servos, quibus parum cibi
 „ministratur. 277. Iter agentes
 „qui non inveniunt sufficiens via-
 „ticum. 278. illos, qui ordinarie
 „pane, & aliis sustentantur. 279.
 „Uxoratos, qui si jejunant non
 „possunt reddere debitum. 280.
 „Fœminam, quæ si jejumat colo-
 „res perdit, quibus grata redditur
 „marito. 281. & 285. Virginem
 „sponsam, vel sponsalitia tractan-
 „tem, si jejunans pulchritudinem
 „amittat. 287. Omnes illos, qui
 „exercent artes, vel officia laborio-
 „sa, etiam si dies festivi sint, in qui-
 „bus laborant. 293. Portantes
 „onera. 295. Sutores. 296. Co-
 „cos, qui condiunt cibos. 297.
 „Fornarios. 298. Textores. 299.
 „Molendinarios assistentes per diem
 „molis. 300. Eos, qui circa pel-
 „les curandas laborant. 301. Ar-
 „gentarios, & Aurifices. 302. Qui
 „vendunt per vicos, & plateas
 „merces per diem integrum.
 „304. Mulieres lavatrices, et-
 „iam postquam extendunt, & du-
 „plicant pannos. Sartores, & Bar-
 „bitonfores non excusat, sed il-
 „los eximunt Diana, & Fagun-
 „dez. 305. Pictores, & Sculpro-
 „res. 306. Servos, & servas ni-
 „mium laborantes. 307. & 308. Ty-
 „pographos, qui typis adstant.
 „309. Marinarios. 310. Milites
 „præstantes. 311. Qui templa
 „adornant. 312. Iter facientes pe-
 „dites. 313. Etiam si iter volun-
 „tarium sit. 314. Iter facientes
 „Caballis currendo. 315. Qui iter
 „faciunt *mulabus de Alquiler*. 316.
 „Ludentes pila, vel alio ludo ni-
 „mis laborioso. 318. Qui debiles
 „facti sunt ex nimio inhonesto
 „coitu.
 „319. Prædicatores, etiam si tri-

„qui in singulis Ecclesiis descri-
 „bunt, ac recensent jejunantium
 „capita.

„Excusationes rejicit hom. 1.
 „Ne cunctis corporis infirmam
 „valetudinem; ne dixeris, te je-
 „junium terre non posse. Neque
 „enim mihi istam excusationem
 „profers, sed juxta proverbium,
 „Scienti loqueris, nimirum Deo,
 „quem nihil fugit.

Percurrit hominum status eosque
 jejunio subjicit hom. 2.

„Dives es, ne jejunium affe-
 „ris contumelia, ne ex conde-
 „mnatione ad longe majorem ine-
 „diam adigaris.

„Qui pauper est, ne simulatio-
 „ne utatur erga jejunium, quum
 „illud jam olim habeat & domus
 „& vitæ socium.

„Pueri, veluti plantæ teneræ,
 „aqua jejunii, irrigantur.

„Jejunium similitudo est hominum
 „cum Angelis, justorum contu-
 „bernalis vitæ febrietas. . . Ex-
 „cipite hoc pauperes contuberna-
 „le vobis & mensæ socium. Ex-
 „cipite servi, ut respirationem a
 „perpetuis servitii laboribus. Ex-
 „cipite divites, quod noxæ & lu-
 „xu contractæ medeatur. . . Ex-
 „cipite male valentes sanitates ma-
 „trem. Qui bona estis habitudine
 „excipite bonæ habitudinis custo-
 „dem.

S. Leo Serm. 2. de Quadrag.

„Appropinquante festivitate Pa-
 „schali adest maximum sacratissi-
 „mumque jejunium, quod obser-
 „vantiam sui *universis fidelibus si-
 „ne exceptione denunciat, quia nemo
 „tam sanctus est, ut non sanctior,
 „nemo tam devotus, ut non
 „debeat esse devotior. Quis enim
 „hujus*

„ tribus tantum diebus feptimanæ
 „ sermonem habeant, cæteris die-
 „ bus eximuntur. 326. Lectores,
 „ & Cathedralici cujuscumque fa-
 „ cultatis ex vi muneris eximun-
 „ tur. Illi qui ostentationis gratia
 „ legunt ad opinionem acquirendam.
 „ 328. Studentes, qui conclusiones
 „ defendunt, aut lectionem oppositionis
 „ faciunt. 330. Confessores nimium
 „ confessionibus assistentes etiam si id
 „ faciant voluntarie. 331. Etiam si
 „ lucri gratia. 332. Studentes con-
 „ continue. 333. Advocatos, Procura-
 „ tores, Judices nimium laborantes.
 „ 334. Scribas si majore parte diei
 „ laborant, & secretarios Principum
 „ diebus, qui nimium laborant. 335.
 „ Episcopos in diebus Ordinum, aut
 „ quibus exercitia laboriosa exercent.
 „ 337. Infirmarios, qui multis infirmis
 „ assistunt. 339. Illos, qui in se-
 „ ptimana sancta flagellantur, etiam
 „ si flagellatio voluntaria sit. 340.
 „ Peregrinos ad Loca sancta: 341.
 „ Eos, qui nimium voracem habent
 „ calorem stomachi. 343. n. 5. Catho-
 „ licos, qui infidelibus inserviunt. 349.
 „ Eum, cui advenit Princeps hospes,
 „ ut illi in mensa assistat, potest
 „ frangere jejunium.

„ Et Decis. 325. dicit, quod labor
 „ ingenii, & nimis attentionis excusat
 „ ab obligatione jejunii. Unde num. 4.
 „ concludit: Ex quibus colligitur, quod si quis
 „ per totum ferme diem in negotiis
 „ difficillimis occupatur, ut contingere
 „ potest in Oratoribus Principum,
 „ Præfectis Urbium, Ducibus exerci-
 „ tui, qui semper negotia difficilia
 „ animo revolvunt, non teneri ad je-
 „ junium, siquidem talis occupatio
 „ plurimum consumit spiritus, & in-
 „ ducit notabilem debilitatem. Et
 „ idem censendum est de cæteris Mi-
 „ ni-

„ hujus vite constitutus in incre-
 „ to, aut immunis a tentatione,
 „ aut liber inveniat a culpa?

S. Bernardus. Serm. 2. de
 Quadrag.

„ Hastenus usque ad nonam je-
 „ junavimus soli, nunc usque ad ves-
 „ peram jejunabunt nobiscum uni-
 „ versi Reges, & Principes, Cle-
 „ rus, & Populus, nobiles, &
 „ ignobiles, & simul in unum di-
 „ ves, & pauper.

„ *nistris, qui plurimum occupantur*
 „ *in negotiis publicis.*

„ *Hæc doctrina valde notanda est*
 „ *cum sit nimis conformis rationi,*
 „ *& sic Præsides consiliorum, &*
 „ *Consiliarii viri, & similes, secu-*
 „ *re sunt excusati ab obligatione*
 „ *jejunii. Si enim Lectores, Præ-*
 „ *dicatores deobligantur a jejunio*
 „ *propter unam lectionem, aut*
 „ *sermonem unius horæ spatio du-*
 „ *rantem; cum isti Ministri spa-*
 „ *tio quinque, vel trium hora-*
 „ *rum assistunt, tractantes nego-*
 „ *tia difficilia, & diversa, obliga-*
 „ *ti ad studendum, ut recte deci-*
 „ *dant causas, multo magis excu-*
 „ *santur, non solum diebus con-*
 „ *silii, sed etiam diebus festivis,*
 „ *& feriatis. Ita respondi interro-*
 „ *gatus antequam viderem aucto-*
 „ *rem istum.*

„ *Qui cum rationes probabiles*
 „ *inveniret ad omnes relatos excu-*
 „ *sandos, miratus sum, non sibi*
 „ *occurrisse ad dicendum, quod*
 „ *chocolate non frangit; nisi for-*
 „ *san hoc dicat pro Italia, & aliis*
 „ *regionibus, in quibus consuetu-*
 „ *do ipsum bibendi non invaluit,*
 „ *sicut invaluit in Indiis, & Hi-*
 „ *spania „.*

X. Testimonia, quæ ex Patribus adduxi, non eo omnia pertinent, ut onus præcepti imponat; sed partim vim legis produnt, partim Christianos excitant, hortantur, urgentque ad cohibendam concupiscentiam jejunii severitate: ostendunt quam alieni esse fideles debeant a conviviiis, & comessationibus, potissimum Quadragesimæ tempore. Quod iccirco animadverti, ne cavillari quispiam possit, Patrum testimonia nimis probare, nimiumque rigorem invehere. Hac quippe tempestate adeo invaluit relaxandæ legis ausus, & indulgendi appetitionibus carnis, & concupiscentiæ libertas, quo vix, ac ne vix quidem, Patrum, & Conciliorum documenta promere liceat, quin plures inclament: Pa-

trum

trum effata nimiam redolere austeritatem, nisi Casuistica benignitate deliniatur.

XI. Innumera alia Casuistarum testimonia adferre in medium possem. Sed pauca, quæ recensui, satis superque evincunt necessitatem cohibendi, ut inquit Sapientissimus Pontifex, nonnullorum Theologorum licentiam, qui de medio penitus legem jejunii sustulere. Convenit penes omnes Theologos, tum cessare legem, cum majori subditorum parti superflua est. Communitatem enim hominum primum lex respicit. Recentiores Theologi non pauci, circiter 50. Christianorum ordines a jejunio absolvunt: Nobiles & delicatos a carniū abſtinentia eximunt ob stomachi incommodum: Fœminas fere omnes exemptas a lege aſſerunt. Ne multa. Rationes ſupputa, & ſummam conficito. Heinc colliges, Chriſtianos, paucis exceptis, Caſuiſtarum quorundam ſententiis communiter a lege jejunii exemptos eſſe: ergo alterutrum fatendum: aut legem jejunii ſublataſſe, quia, ceſſante ſine legis in communi, ceſſat lex: aut improbanda eſt plurium Caſuiſtarum doctrina. Quid quod neceſſitatem coercendi non paucorum Theologorum in opinando licentiam, quo Apoſtolicæ Conſtitutiones BENEDICTI XIV. pertinent, agnoverunt & antecellores Romani Pontifices, & Theologi gravioreſ. In Alexandri VII. Decreto an. 1665. hæc leguntur: *Sanctiſſimus D. N. audivit non ſine magno animi ſui mœrore . . . ſummam illam luxuriantium ingeniorum licentiam in dies magis excreſcere, per quam in rebus ad conſcientiam pertinentibus Modus opinandi irrepreſſi alienus omnino ab evangelica ſimplicitate, Sanctorum Patrum doctrina, & quem ſi pro recta regula fideles in praxi ſequerentur, ingens eruptura eſſet Chriſtianæ vitæ corruptela.* Similia pronuntiavit Innocentius XI. Theologorum duos reſectam, unum Hiſpanum, Gallum alterum, ambos inſignis Benediſtini Ordinis alumnos. Primus eſt Doctiſſimus Cardinalis de Aguirre: *Sane inſigni Dei beneficio tribuendum, quod non multis annis poſt inchoatam, aut jam graſſantem licentiam opinandi in rebus Moralibus prætextu ſpecioſo illius probabilitatis, cœperunt non pauci viri pietate, ac doctrina inſignes ſcribere contravillam ad hæc uſque tempora. tom. 1. Theol. 5. Anſel. diſ. 2. ſec. 6.* Alter celeberrimus Benediſtinus eſt P. D. Joannes Mabillon, qui hæc ſcribit *tract. de ſud. Monaſt. 1. c. 16.* Poſtquam Neotericorum pluriſimi ſibi campum vendica-

runt

vult de humanis adibus, & peccatis differendi, inconsulti sacris Ecclesiæ Canonibus, eo devenit Moraliū opinionum relaxatio, ut nullum pene ex criminibus censeatur, quin aliquo indulgenti colore calamisretur. Tantum abest, ut istorum Summistarum studium ad Christianæ Philosophiæ consecutionem quadatenus dirigat, quod potius ex libera ipsos legendi facultate non modicum sequatur detrimentum. Adeo tamen altæ radices egerunt in quorundam imperitorum animis adversus Christianam Theologiam præjudicia, & in Ethicæ Casuisticæ propensio, ut quidam Sacramenti Pœnitentiæ Minister nudius tertius. lecto sequenti titulo solo: *Moralis Christiana ex Scriptura Sacra, Traditione, Conciliis, Patribus, & insignioribus Theologis excerpta*, Auctore R. P. Jacobo Besembes, edita Venetiis apud Simonem. Occhi hoc currenti mense: Lecto, inquam, titulo in volanti pagella impresso exclamavit. *Heu misera temporum conditio! Vi, & terrore ad tartara detrudere. Christianos student Rigidiores isti Theologi.* Eccur? Quia Morali Christiana ex Sacra Scriptura, Traditione, Conciliis, Patribus, & insignioribus Theologis excerpta animas dirigunt. Fortasse non verisimile factum apparebit, sed certe verum est, cujus testis est laudatus Bibliopola. In istos hæc scribit S. Bonaventura in prolog. Confessional. *Horrendum profecto est videre quosdam Sacerdotes nostri temporis, qui Sacram Scripturam, in qua præfati Regiminis ars sufficientissime traditur, & jura Canonica, & scripta Doctorum, in quibus plenissime declaratur, vel per torporem legere negligunt, vel per ignorantiam nesciunt, & tamen cordis medicos in audiendis confessionibus se profiteri impudenter non metuunt.*

§. V.

Abortio ad Jejunium. Funesta Christianorum illuso, quod non distinguunt: Literam. Legis jejunii ab ejusdem spiritu. Ab illa, non hoc, Ecclesia dispensare valet.

XII. **I**nnumeri sunt Casuistarum de jejunio libri; sed qui disputare, non qui jejunare doceant. Hactenus & nos de jejunio disputavimus, nunc jejunium suadendum. Quasi alieno contendendi vitio in vitium prolapsi sumus contentionis. Sed Deo parere studui, qui per
[Iere-

Jeremiam populum suum instruens iussit *cap. i. Ecce dedi verba mea in ore tuo, . . . ut evellas, & destruas, & disperdas, & dissipes: & ædifices, & plantes.* Prius convellenda præjudicia, dissipandæ laxæ opiniones, disperdendæ distinctiunculæ vanæ, occludenda effugia fuerunt: nunc irriganda sacræ inediæ planta, excitandum pœnitentiæ ædificium. Non me later, præstiturum hæc in plurium censuras incursum. Adeo homines non pauci *Questionariis*, ut vocant, libris, seu aridis quibusdam decisionibus sunt innutriti, ut veram de moribus scribendi methodum fastidiant. Si enim non mentem modo, verum etiam cor emollire, & voluntatem inflectere, opportunitate data, studemus, clamitant, nos Concionatores, & Theologos agere. Nec advertunt se ignorantes prodere. Quoniam quæ mores spectant, non sistant in mentis illustratione; sed eo potissimum spectant, ut reluctantem concupiscentiam, effrænes appetitiones voluntati, & voluntatem rationi subijciant. Hæc autem obtineri haud possunt, nisi ea adferantur in medium, quæ ad ciendos affectus necessaria sunt. Quid ergo vitio vertunt usum adhibere artis, ubi vel maxime necessarius est? Arguendi ne Patres omnes, quod tropis, figuris, cæterisque artis dicendi præsidiiis usi sunt? Concionatores ne, Rethoresque tantum Patres Sancti fuerunt? Revera qui concionatorii styli in morum Regulis versandis censuram impingunt, velluntque ea, quæ Geometrica, & Mathematica Theoremata tractantur, methodo, morum quoque præcepta exponi, mirum in modum hallucinantur. Verum, innotis censoribus neglectis, viam insistamus.

XIII. *Filii hominum usquequo gravi corde? Ut quid diligitis vanitatem, & queritis mendacium? Psal. 4.* An ignoratis, gulam unum esse ex septem capitalibus vitiis? Quin gulæ præstigio usus serpens est, ut priores Parentes nostros perimeret. Eius interdicti pomi universum infecit humanum genus. Voluptariæ epulæ, exquisitæque dapes pabulum vitiis omnibus subministrant, potissimum vero libidini. *Semper enim (inquit Augustinus serm. 2. in prim. Dom. Quadr.) juncta est saturitati lascivia. Vicini sibi sunt venter, & genitalia, & pro membrorum ordine ordo vitiorum intelligitur. Ejecit ergo nos de Paradiso cibus? Reducat esurientes, reducat jejuniū. Ex gula immanis illa soboles proficiscitur, quam S. Thomas describit 2. 2. q. 148. videlicet mentis hebetudo, scurrilicas, loquacitas, stupor,*

stupor, immunditiæ, multiloquium, ineptiæ. Heinc rei familiaris profusio, morborum series, & tandem accelerata mors tum corporis, tum animæ. *Plures occidit gula, quam gladius.*

XIV. En Sacræ inediæ necessitatem. Indomita hæc bellua nonnisi pabuli subtractione frænatur. *Si equo uteris, qui te gestiendo posset præcipitare* (inquit Augustinus tract. de utilit. jejun. c. 3.) *non ne, ut securum iter ageres, cibaria ferocienti subtraheres, & fame domares, quem fræno non posses? Caro mea jumentum meum est. Iter ago Hierusalem. Plerumque me rapit, & de via conatur excludere. Via autem mea Christus est. Ita exultantem non cohibebo jejunio? An hic non vides, ipsius naturæ legem jejunium præscribentem? An ignoras Divina, & Ecclesiastica præcepta, quæ hocce naturæ jus moderantur, definiuntque? Jejunium est exterioris pœnitentiæ officium præcipuum. Tu errores detestaris Lutheranorum, Calvinistarumque effutientium, optimam pœnitentiam novam esse vitam, ita ut omnem satisfactionis vim & usum tollant, inquit Tridentina Synodus. Sed novatores sibilis hanc excipiant doctrinam, dum te pleno ventre audiunt de jejunio, de laboriosis pœnitentiæ operibus disputantem. Quæso te, ut ad punctum temporis saltem æqui hominis rationem induas, ut ex animi sententia reciproca ineamus colloquia. Si vel ipso Quadragesimæ tempore, quo sacrosancta augustæ Religionis nostræ Mysteria te ad pœnitentiam, ad humiliationem, ad persolvenda Divinæ Justitiæ gravissima pro admisis flagitiis debita, ad imploranda Divina subsidia, ad vindicem placandam Justitiam, ad conciliandam Clementiam undique versum alliciunt, invitant, impellunt, nihilo magis non commoveris, quam si hæc ad te nihil pertinerent: Si tot pressus pœnitentiæ corporalis, seu jejunii aculeis abdomini indulgere sub variis prætextibus pergis, tu Christi Discipulis, & non Epicuri assellis accensendus eris?*

XV. Dispensationis privilegium, inquis, obtinui ab Ecclesia. Esto. At nunquid ab Ecclesia nactus es privilegium, ne teneris a concupiscentia tua, ne bellua corporis tui sævlat in animam tuam, ne pœnas peccatis tuis debitas Divinæ persolvas Justitiæ? Tam alta est hallucinatio tua, ut non modo temetipsum, sed & Deum ipsum decipere audeas? Distingue paulisper literam, seu corticem, a spiritu præcepti Jeju-

Jejunii litera delectum ciborum, horam refectiois, & similia præscribit. Spiritus finis, & anima jejunii est carnis cohibere petulantiam, appetitionibus frænum imponere. Jejuniorum austeritatem exteriorem delinivit Ecclesia jentaculi serotini, & vini permissu, & horæ refectiois capiendæ acceleratione. Verum nec tantillum temperavit jejunii spiritum. Hic nec dispensationi Ecclesiæ, nec consuetudinis privilegio, nec Theologorum disputationibus subjacet. Communi hominum imbecillitati indulget Ecclesia, quidquam exterioris severitatis temperando. At non propterea, aut eximit, aut eximere a spiritu pœnitentiæ exterioris potest. Quin, quo major est diminutio macerationis exterioris, eo ferventior sit oportet spiritus pœnitentiæ, & aliarum virtutum officia frequentiora, ut iusta fiat compensatio. Mitior est hodierni jejunii austeritas? At mitior ne concupiscentia, blandiorve carnis rebellio? Minor ne hodie necessitas pugnandi adversus gulam, & tenebrarum potestates? Revolve præfca, & recentiora sæcula. Reperturus ne eris Christianorum quempiam Cælum ascendisse, qui carnem suam jejuniis, vigiliis, aliisque austeritatibus non afflixerit? Severior ne Divina Justitia primis Ecclesiæ sæculis, quam nostris? Abundantior ne nunc, quam tum Misericordia? Latior ne evasit Paradisi via, amplior janua? Pauciora ne sunt tua scelera, quam Sanctorum illorum, qui assiduis jejuniis corpus suum perdomabant? Clementior ne Deus erga te, quam erga Sanctos, & innocentes suos? Illufos ne hos pronunciaveris, quod tanta austeritate carnem suam conficiaverint? Ergo te deceptum, te obcæcatum fateare necesse est. Concionatoria ne hæccine sunt? Resipisce miser, & arma lucis indue. Jejuna, quia peccasti: jejuna, ut non pecces: jejuna, ut accipias: jejuna ut permanent quæ accepisti, inquit alicubi Chrysostomus. Oculos, animumque intende in Scripturas, in Sanctorum tum doctrinam, tum exempla, illorumque infisse vestigiis, si quo pervenerunt illi, petere sincere velis. Recentiores Theologos, qui te condocesciunt vias, rimas, latebrasque, quibus declinare jejunii legem queas, quin modum vincendi concupiscentiam doceant, prorsus devita. Et ne suspiceris, me quoslibet indiscriminatim Theologos recentes parvifacere: legendos tibi summo opere suadeo Ludovicum Granatensem, Franciscum Salesium, Thomam de Villa Nova, & ut innameros

meros præteream, Cardinalem Bellarminum, qui hæc *Dom. 4. Adv. ser. 9.* scribit. *At vero hodie ita delicati, ita teneri effecti sumus, ut vix paucorum dierum jejunia pro multis sceleribus, atque delictis sustineri possint. Cilicia vero & cineres, vigilia & humiliaiones, flagella & alie carnis afflictiones, non solum in moribus nostris, sed vix jam in LIBRIS reperiuntur.* Hos libros relinque, qui tibi solida pœnitentiæ arma, quibus devincere hostes valeas, non suppeditant; sed contra, te armis spoliant, ut facilius in hostium tyrannidem incidas. Gulæ insidiæ quotidianæ sunt, & familiares. Alimenta omnia corpori subtrahere nemo absolute potest. Urget quotidie necessitas edendi & bibendi. Verum hæc ipsa suavis est nobis: & sæpe ipsi ignoramus, utrum alimentum petat inevitabilis corporis cura, an voluptatis fallacia nos decipiat. Ad mensam accedimus cum duobus hostibus pugnaturi: cum fame, ut corpus interitui subducamus: cum voluptate, ne anima concupiscentiæ præstigiis capiatur. Si hoc certamine victor egredi ares, S. Augustinum imitare, qui *lib. 10. confess. c. 3.* hæc scribit. *Hoc me docuisti, ut quemadmodum medicamenta, sic alimenta sumeremus. Sed dum ad quietem satietatis ex indigentia mollitia transeo, in ipso transitu mihi insidiatur laqueus concupiscentiæ. Ipse enim transitus voluptas est. . . Et cum salus sit causa edendi, & bibendi, adjungit se tanquam pedissequa periculosa jucunditas, & plerumque præire conatur, ut ejus causa fiat, quod salutis causa me facere vel dico, vel volo. . . His tentationibus quotidie conor resistere, & invoco dexteram tuam ad salutem meam.* Rides fortasse, quod hæc minuta crimina devitanda suadeam. Verum si ista parvipendas, vix graviora vitabis. Cave ne nimia te fiducia decipiat. Si enim non times, jam lapsus es. Convivia appetere, lautioribus vesci epulis, domos concurrere, ut amicorum mensis opipare instructis accumbas, in ipsa Quadragesima privilegia dispensationis captare; non Christianorum est, sed comissatorum, quorum Deus venter est, quorum finis interitus, & fletus æternus. Nec dicas. Hui tu! Num reformator es Mundi? Tu disciplinæ reparator? Tu ne solus sapias? Tibi ne soli fasces cæteri submittent? Absit. Non mihi, sed Christo, ejusque Vicario, legi, & præceptis subiicienda voluntas est. Pervetustas has nœnias, omnibus legum transgressoribusquam familiarissimas, sæpius labefactavimus. Sciant interim prudentissimi homines

mines paucos esse electos, paucos qui arctam viam ambulent. Quid quod rari sunt & veri amici, rari & sapientes, rari & prudentes, rara virtus. Audiant Hieronymum *lib. 2. advers. Jovin.* Nec turbare nos debet, si rari sint hujus propositi sectatores; quia rari sunt & amici boni, & fideles, & pudici, & continentes, semperque virtus rara est. *Lege Fabricii continentiam, Curii paupertatem, & in tanta Urbe vix paucos invenies, quos sequaris.*

F I N I S.

M O N I T U M T Y P O G R A P H I.

CUM clarissimi hujus Auctoris opera omnia & anxie perquirantur, & avidissime legantur, maximam apud studiosos me gratiam initurum putavi, si Epistolam hanc, quæ sine auctoris nomine primum impressa fuit, iterum imprimendam curarem; non eo dumtaxat consilio, ut ejusdem auctorem patefacerem, quod quidem ipsemet Tom. X. Theologiæ Moralis jam fecerat, sed ne, quod propter exiguam operis molem facile evenire potest, deperiret fortasse hæc commentatio, qua & historiæ veritas asseritur, vindicaturque, & nobilissimæ inter Patritias Venetas familiæ propago illustratur.

EPISTOLA

A D

POLYCARMUM

VIRUM CLARISSIMUM

IN QUA

B. NICOLAI JUSTINIANI

VENETI MONACHATUS

A fabulis, vanisque commentis afferitur.

præ
fix

THE LIST OF

OF

POLYCHROMATIC

MATERIALS

AND

THEIR USES

IN THE ARTS

AND IN THE MANUFACTURE OF

1

EPISTOLA

A D

POLYCARMUM.

L

Postulas a me Cl. Polycarme, quid causæ sit, cur hac tempestate fervens recruderit de B. Nicolai Justiniani Monachatu disputatio? Nisi religioni mihi verterem, tuis refragari petitionibus; nihil ad te super hoc litterario certamine referberem. Quoniam vero votis satisfacere tuis decrevi, ab ovo, quod res est, arcessam. A Theologis in discrimen vocari ceptum, fruuntur ne Pontifices Summi facultate solemnia Claustralium vota relaxandi, ut hi, sacra professione soluta, celebrare conubia valeant. Adfirmantem Canonistæ, accedente magna Theologorum parte; negantem Theologi plures sententiam defendunt. Illi, ut suam evincant causam, nonnullos Monachos, quos inter eminet B. Nicolaus Justinianus, in medium promunt, qui reapse vi Pontificiæ indulgentiæ, Monachatu dimisso, matrimonium iniere. Hi, ut ab hoc se expediant nodo, tria exhibere responsa solent, quorum familiaris est, ad fabulas amandare ejusmodi Monachos Pontificia autoritate uxoratos. Quod responsum præ ceteris adhibent P. Joannes Baptista Gonet in suo *Clypeo Theologico, Tom. v. disp. 9. art. 2. §. 4. PP. Salmanticenses Scholastici Tom. 8. tract. 20. disput. 1. dub. 7.* Theologi isti reverè doctissimi, ita controversiam hanc exhauserunt, si Theologica principia spectes, ut. posteris disceptandi viam clausierint.

I I.

Nihilo tamen scius P. Gundisalus Carrattinus, ut eruditionis, & acuminis sui periculum faceret, proluxa Differtatione hanc illustrare spartam nuper aggressus est in sua *VITA CLAUSTRALI*, quam inscripsit *OPUS CRITICO-HISTORICO-THEOLOGICUM*. Quamquam enim nihil afferri lucis disputationi, ad Theologiam quod attinet, & ipse vidit: tamen aliam superesse viam deprehendit, qua meliori in lumine præfatam collocaret quæstionem. Animadvertit homo eruditus, elapsi sæculi Scholasticos Theologos criticos, & historici subsidii destitutos omnino. Quare non eandem recoquere crambem arbitratus est, si controversiam Theologicam, quæ ab historiciæ documentis plurimum pender, ad severioris critices leges revocaret. Nec immerito, si consilio eventus respondeat. Quod ut succederet, nihil ipse inentratum reliquit. Levi utique manu in sua *vita claustrali Dissert. vii. pag. 136.* rem hanc attigit. Contentus tum suis cum P. Gonet & Salmanticensibus putidis accendere tabellis B. Nicolai Justiniani Monachatum.

K 2

tum.

tum. Ultra enim progredi non licuit, ut cuticulæ caveret suæ. Adeo siquidem festiva, ac lepida hujusce Monachatus fabula vîta illi est, ut primo cogitatu cacininis disrumpi viscera senserit sua: ideo ne impotenti risus impetu animam efflaret, ab ulteriori disceptatione abstînit.

I. I. I.

Secus emunctæ naris eruditus Monachatus ejusmodi apparuit, iis possimum, quorum hæc causa interest. Quare P. D. Nicolaus Antonius Justinianus perdoctus sacrorumve Canonum Lector, duos, B. Nicolaum nempe, & Bernardum Nobilissimæ suæ, inter Venetas Patrias, Familiæ præstantissimos viros a P. Carrattini interpretamentis vindicandos opere pretium existimavit. Controversiam, quæ utramque disputatur in partem, ex instituto versare noluit, sed brevi, elegantique Epistola ad Amicum data, examussum humanitatis, & modestiæ legibus, ut Religiosum, Nobilemque virum decet, servatis, fabulam Bernardo Justiniano Oratori, atque probatissimo historico impactam contulit ipsius Bernardi verbis.

I. V.

P. Carrattinus, ut primum hanc vidit epistolam, e re sua esse existimavit, eandem refellere, & quantum in re historica, in arte critica, omnique facultate valeat, patefacere Republicæ litterariæ voluit. A Grammatica initium duxit, Verborum *lego*, & *video* amplam potestatem acute exponens, Calepino, & Gl. Facciolato ducibus. Chronologiæ abstrusiora arcana invadens, novas rei critices leges eruditus omnibus impervias excogitavit. Id dumtaxat bonis omnibus displicuit, quod Nobilem, & pluribus Nominibus clarissimum adversarium P. D. Nicolaum Justinianum diſſerit, & scommatis carpere, mordere, & fuggillare ausus fuerit.

V.

Hæstenu, carissime Polycarme, paucis perſtrinxi litterarii diſſidii nuper accenſi ſpecimen ſuper Monachatu B. Nicolai. Ad rem ipſam nunc accedendum eſt. Verum, ut quæ ſermone excuſſurus ſum, facilius teneas, ordinem, quem ſervo, prius tibi patefaciam, neceſſum eſt. Erit autem ejusmodi. Primum ſententiam P. Carrattini in ſua vita Clauſtrali de hoc Monachatu propugnata ob oculos tuos ponam. E regione Textum Bernardi Juſtiniani. Tum commenta valde, ut ego quidem arbitror, peregrina, quibus hunc Bernardi Textum P. Carrattinus pertentat eludere criticis animadverſionibus expendam. Poſt concludam P. Carrattinum ab ſcopo declinaſſe in ſua vita Clauſtrali, in ſcholiis vero ad epistolam P. D. Nicolai Juſtiniani adjectis ſemetipſum ſuperſaſſe. Poſtremum, vindicata Bernardi Juſtiniani narratione, nonnulla documenta promam, quæ luculentius Monachatum B. Nicolai aſſertum a Bernardo confirmant. Cauſam ergo ingrediamur.

P. Gun-

P. Gondisvalvus Carrattinus in sua
vita Clauſtrali Diſſert. vi. pag. 136.

Bernardus Juſtinianus in vita S.
Laurentii Juſtiniani. cap. i. pag. 1.

*Quod de Nicolao Juſtiniano narrat
Bernardus Juſtinianus in vita Patruſi
ſui D. Laurentii Juſtiniani tidiculum
eſt. Nam ait ab Alexandro Papa III.
Nicolau Monachatu, & ſolemnibus
votiſ exemptum, abſolutumque fuiſſe,
qui poſtmodum uxorem ducens Lau-
rentium genuit primum Venetiarum
Patriarcham. Cachinnis pene rum-
por, dum hæc in Bernardo Juſti-
niano LEGO: & dico. D. Laurenti-
us Juſtinianus ab Eugenio Papa. xv.
ad Venetum Patriarchatum evectus eſt,
& NICOLAUS ejus Pater ab Alexan-
dro III. monaſticis votiſ abſolutus eſt,
quum hoc inter Pontifices pluſquam
ducenti interfuſerint Anni? Ponamus
Nicolau exuiſſe cucullum ſub ſine Alex-
andri III. anno videlicet MCLXXXI.
eodem, vel ſequenti anno queſta ſibi
puella, cum ea matrimonium iniſſe.
Laurentium vero ejus filium ſub ini-
tium Pontificatus Eugenii Venetiſ in-
fuliſ decoratum fuiſſe anno ſcilicet
MCCCCXXXII. aut ducentum poſt
annos a duſſa uxore Laurentium ge-
nuit Nicolaus, aut Laurentiuſ ipſe du-
centum quinquaginta annos natus Epi-
ſcopuſ ſciſuſ eſt, quod nec Bernarduſ
ipſe Juſtinianuſ dixerit.*

*Natuſ eſt igitur Laurentiuſ Venetiſ
Bernardo Juſtiniano Patre, Matre ve-
ro Quirina. De utriuſque familie No-
bilitate, neque multa dicere, neque
omnino ſilere licet ſine illiuſ injuria...
Huiuſ familie virtuſ cum multiſ in
belliſ, tum in eo maxime claruiſ, quod
a Vitali Michaele Duce Veneto aduer-
ſuſ Emanuelẽ Imperatoreẽ Conſtan-
tinopolitanuſ feliciori initio, quam
eventu geſuſ eſt... Nam ad unum
omneſ, ſic volente Deo, præter aliquoſ
ſeneſ ſufficiendã ſoboliſ frigidiorẽ, for-
te, evenit, ut unuſ tantum ſuperſiſſet
adoleſcentuſ Nicolauſ nomine apud Mo-
nachos S. Nicolai. Vitaliſ Dux lace-
ram, & tam milite, quam Remige
vacuam claſſem trahenſ in Patriam
revertuſ, & cum præter alia publica
incommoda, tum etiam quaſi excidiuſ
illiuſ familie cauſa fuiſſet, que toti
Civitati fuerat cariſſima, incidit in
populi odiuſ. Et ut quoquo modo poſ-
ſet, reconciliaret, ſtatuiſ non ſolum
reſtituere illam in lucem, ſed copula-
re etiam ſibi ſanguine. Impetrat ab
Alexandro III. Pontifice Maximo, ut
liceat adoleſcenti Monacho ſolvere vin-
culum Religioniſ ad reparandam ſobe-
lem ſue gentiſ, eique unicam filiam re-
ſpondet ANNAM nominiſ. Fuſſa
fuere nuptiæ. Donavit illoſ Dominuſ
maribuſ ſex, & tribuſ femelliſ. La-
tuſ tam proſpera prole Nicolauſ, &
Deo gratiaſ agenſ, votiſ oterit, Reli-
gioniſque non immemor ad Monaſte-
riuſ revertuſ eſt... Ex hac igitur
ſanctitatiſ propugine Laurentiuſ ortuſ.
BERNARDUſ Pater juvenili ætate in
medio magnorum bonorum curſu ſur-
ripit. QUIRINA Mater & ipſa cla-
riſſimo genere &c.*

V I.

Quo se recepit P. Carrattinus, lecto hoc sibi ab Adversario objecto textu? Ad honestam Palinodiam canendam? Falleris mi Polycarme. Quæ gessit paucis accipe, recusat sui adversarii epistolam ad amicum pluribus scholiis auctam, hacque Epigramæ inscriptam. *Epistola Anonymi Scriptoris adversus Authorem operis de VITA CLAUSTRALI ad Amicum in tempestive scripta opportunis scholiis tempestive illustrata*. His scholiis refellit, quæ sibi objecta fuerant, suamque sententiam propugnat. Et principio lamentatur sibi opponi iactantiunculam illam: *Cachinnis pene rumpor, dum hæc in Bernardo Justiniano lego*. Ecqua, inquit ille, honestate mihi hoc improperatur? Non ne duobus mensibus a publicatione VITÆ CLAUSTRALIS, ut audiavi rumusculum hac super re fieri, & mendi admonitus, e vestigio edidi pagellam operi meo assuendam, in qua falsus sum, non in Bernardo, sed in alio Authore id me legisset? En verba retractationis. *Dixit author, se legisse apud Bernardum Justinianum, quæ de Parente D. Laurentii Venetiarum Proto-Patriarchæ ejus Patri referruntur: meminit non in laudato Bernardo, sed in alio Scriptore Bernardi dicta referente ea legisse*. Quid hinc? Retractatio isthæc, non imposturam Bernardo Justiniano aspersam, sed falsam iactantiam spectat, quæ dixerat, se in Bernardo legisse, quæ exscripsit ex Gonet. Quænam Cl. Adversario scribendi causa? Ut circulatoriam hanc ostentationem exprobarer? Minime gentium. Sed studium vindicandi gentilitium suum Historicum gravissimum ab immani impostura, unice illum ad scribendum impulit. Idque sub epistolæ initium, se cumulate, diligentissimeque præstaturum Amico spondet. Accedit P. Justinianum omnino latuisse Carrattini Palinodiam, quam tum primum agnovit, cum vidit suam epistolam vanis deturpatam commentis.

V I I.

Scire ne cupis, mi Polycarme, qua humanitate, atque honestate P. Carrattinus hanc modestam sponsonem excipiat? Lege quæ hic subijciam. Sic quippe scribit. pag. v.

Quid tanto dignum ferat hic promissor biatu?

„ Ex hoc videlicet Tumido adeo, splendidoque verborum apparatu,
 „ & thraſonica confidentia quilibet expectat adminus genuini Bernardi
 „ Justiniani autographum, nec non synchronorum, aut oculatorum te-
 „ stium juratam fidem . . . sed vereor ne fidei stet ARDELIO.

Parturient montes nascetur ridiculus mus.

Hætenus Carrattinus. Satin' modestiæ, honestati, caritatiq. consul-
 tum? Immo plusquam satis, si hominis indolem spectes. Veretur, ne
 fidei stet Ardelio? Quid si staret exactissime? Quid si autographum,
 quod posceat, oculis obiceret visendum, manibusque contrectandum?
 Verum antequam id ego præsto, scholia P. Carrattini exscribere, brevi-
 busque animadversionibus illustrare juvat.

VIII.

VIII.

Landatæ retractationis *P. Carrattinum* doctiorem in re critica factum pœnituit. Cum illam evulgavit, nondum plene amplam verbi **LEGO** potestatem atsequutus erat. Re penitus inspecta; novisque eruditio- nis subsidiis instructus, manum cum hoste conferuit. Quo autem conatus suos collineat? Ut propugnet veram esse hanc periocham. *Cabin- nis pene rumpor dum hæc in Bernardo Justiniano LEGO*, quamvis reapse non in Bernardo, sed in Gonet, Sarnellio aliisque Auctoribus legerit. Ec- qui fieri potest, ut tantum Paradoxum evincat? En illius argumenta- tionem, Verbum **LEGO** inquit homo criticus, *Colligo* significat. Cale- pino interprete. Nec nullites, subjectam materiam verborum definire significatus. Quoniam, ut advertit Facciolatus *Lego* primario *colligere* significat. Ita res se habeat. Quid inde? Adhuc sine intellectu es? Hæc periodus, *Lego in Bernardo Justiniano*, hunc effert sensum. *Colli- go ex P. Gonet, ex Baronio, ex Sarnellio*. Papæ! Valeant nunc Cara- muel, Diana, Tamburinus, Escobarius primaque casuisticæ eruditio- nis lumina. Simile profecto restrictionis mentalis genus excogitare illi haud valere. Ne vero invidiam constare litterato homini videamur, hæc scibit pag. vii.

„ Carrattinum testari, se se legisse ipsum *Bernardum*, mendax est,
 „ qui asserit: aliud quippe est dicere: *dum hæc in Bernardo Lego*, aliud
 „ vero *testor me me legisse Bernardum ipsum*. Prius scripsit *Carrat-*
 „ *tinus*: alterum vero *Carrattino* adtingit, atque adsuit intempestivus
 „ Scriptor. Fieri enim potest, ut quis in *Bernardo legat*, quin vi-
 „ deat *Bernardi* opus, dum in quopiam alio Scriptore illum of-
 „ fendat, ut revera in *Baronio*, & *Sarnellio* offendit *Carrattinus*.
 „ At vero, cum quis testatur se se legisse *Bernardum ipsum*, perquam
 „ clarissime innuit, se se in ipsum *Bernardi* opus incidisse, illudque
 „ conjectis oculis reapse legisse. Id & popellus intelligit, antequam
 „ manum serulæ supponat. Figurata locutio, & tropus est *Tò Lego*
 „ accipere, quemadmodum accipit intempestivus homo. Obvius quippe
 „ hujus vocis *lego* significatus est *colligere*. Ita Grammatici. Lege, le-
 „ ge Jacobum Facciolatum in *Calepino* ad litteram *L. lego, is, ectum*
 „ a. 3. *Raccogliere, proprie est colligere hinc atque illinc decerpere, eli-*
 „ *gere*. *Metaleptice* accipitur pro scripta oculis percurrere, quia *litteræ, &*
 „ *voces colliguntur, ut oratio fiat, leggere*. Ita Facciolatus. Ea propter
 „ verba hæc, *dum hæc in Bernardo Justiniano lego*, idem prorsus sonant,
 „ ac si diceretur, *Dum hæc colligo in Bernardo vel ex Bernardo*: intel-
 „ lige mi intempestive, id, quod facile subintelligitur: *apud Baro-*
 „ *nium, Sarnellium, aut quempiam alium*. Semper igitur verum est, me
 „ cum *Bernardo* loquutum fuisse, nempe aut domi, aut extra, eumque
 „ vidisse oculis, aut mentis, aut corporis, quod perinde est.

IX.

Vin' secretiora critices arcana? Tibi ultro mox dabit. Illud nunc
 memoriæ compenda videlicet, illius periodi, *dum hæc lego in Bernar-*

do Justiniano, significatum litteralem, figuris, tropisque sublati, hunc esse: dum hæc colligo in Bernardo, vel ex Bernardo apud Baronium, Sarnellium, aut quempiam alium. Videlicet apud Pretejanum, apud Berlink &c. Hunc vero esse germanum, obviumque sensum sequenti argumentatione, e vestigio confirmat.

P. Carrattinus ibidem pag. VIIII.

„ Sed quia Logomachiam mihi paravit metalepticus Grammaticus,
 „ non pigeat hanc prosequi paulisper super verbo *video* verbi *lego* ami-
 „ co & sodali. Insulsa videbitur, sed est tamen Grammatici nostri in-
 „ genio debita. Dic sodes, mi metaleptice, non ne centies, tunc vi-
 „ dere sana mente, & ante meridiem asseris, quod revera non vi-
 „ des? Et tamen nemo unus est, qui tibi succenseat, arguatque de
 „ mendacio. Nec paradoxum narro. Fac siquidem, aut finge tibi
 „ quempiam istheic Venetiis, te admonere, quod Fr. Carrattinus,
 „ contra quem ad amicum scripsisti, nunc Veronæ Epistolam tuam di-
 „ gnis scholiis illustret: tunc hæc aperto ore audies, narranti homi-
 „ ni respondes statim: *video: vido:* & tamen ipse non vides, etiamsi
 „ de excelsa, nobilique D: Marci Turri prospicias. Viden', quomodo
 „ hoc tuum *video* te non videntem, tantumque intelligentem facit?
 „ Nec reponas velim, te videre Carratinum, quamvis, non præsentem
 „ in verbis hominis narrantis; hoc enim lepidius esset, quandoquidem
 „ verba non in pupillæ retina pinguntur, sed auris tympanum pul-
 „ sant. Confer verbum *video* cum verbo *lego*; deinde si potis es, me
 „ argue, atque castiga.

X.

Hæc impervia cririces Arcana referavit P. Carrattinus. Illa ego, ta-
 metsi longiuscula referibere volui, ut qualis sit illius VITA CLAU-
 STRALIS simili prorsus doctrina, & eruditione plenissima omnibus pa-
 tescerem. Audio te, mi Polycarme, sic me redarguentem atque in-
 crepantem. Næ tu prudens disputator & Huccine te, malum, res ad-
 duxit, ut cum hoc hominum genere pedem conseras? Inveniant isti
 sui similes, qui in his figmentis vix anicella dignis, tempus & ope-
 ram ludant. Quid enim ratiociniis pugnare cum homine pergis, qui
 aliis omnino armis depræliatur? Nullius ex tali certamine lucri spes
 affulget, periculi plurimum: saltem imprudentiæ nota non declinatur.
 Bona verba quæso mi Polycarme: Nec enim, ut tu existimas, res se-
 habet. Quandoquidem simillima iis, quæ retuli, & longe pejora quæ
 narraturus sum, Carrattinus scripsit in *Vita illa Claustri*, in qua
 argumentum, si quod est in universa Theologia gravissimum, trium Mo-
 nasticæ Professionis votorum versat. Et huic ergo disputationi sua
 inest utilitas, proventusque. Quinam? Ut quales sint homines isti, qui
 ei sacræ disputandæ penetralia ingredi ausint, palam fiat. Interest
 enim Republicæ litterariæ quam plurimum, similes nosse eruditos. Et
 ut statim emolumentum, quod disputatio hujusmodi parit, tu ipse per-
 cipias, sub oculos revoca bellam illam mentis restrictionem. Dum hæc
 lego in Bernardo Justiniano: idest colligo in Bernardo Justiniano apud Ba-
 ronium, Sarnellium, & quempiam alium. Bene habet. Quid ergo Pal-
 nodiam

nodiam cecinisti? Si verbum *lego*, eundem ac *colligo* sensum prodit, nulla opus erat retractatione. Lamentaris, quod vicio tibi Justinianus verterit, iactantiam illam, qua dixisti, te apud Bernardum, non apud Gonet legisse fabellam hastenus descriptam; sed injuria. Quod tibi potissimum exprobat Cl. Justinianus, est, quod Nicolaum pro Bernardo, & Annam pro Quirina legeris. En verba Justiniani. *Quam hallucinatus est Frater ille, dum Nicolaum pro Bernardo, & Annam pro Quirina legit.*

VI.

Porro in Scholio proxime sequenti pag. ix. ut laudatz suæ *Vitæ Clausurali* existimationem conciliet: ut imperitis imponat, doctrinam in eadem contineri ex Patribus, Conciliis, & Pontificibus haustam, sequentia scribit. „ Si quid mihi ex lectione Auctorum; quos, revera „ legi, & nocturna diurnaque in ea elaboranda VITA CLAU- „ STRALI, versavi manu, arrogatum voluissim, aperte dixissem, „ me legisse Eusebium, Chrysostomum, Originem, Palladium, Cassianum, „ Basilium, Rufinum, Moscum, Hieronymum, Salvianum, utrumque Dio- „ nyssum Areopagitam, & Cartusianum, Bernardum, Hostenium, Me- „ nardum, Ruinartium, Mabillonium, Martene, Montfauconium, Pultium, „ Basnagium, Pbilonem, Lupum, Regulas fere omnium Recentiorum „ ordinum, Theologos quamplures, Concilia usque omnia, & Bulla- „ ria; Ecquid legendum non erat, aut quid a me lectum non est pro elab- „ oranda mea VITA CLAUSTRALI?

XII.

Audistin? mi Polycarme? Qui talia legit, VITÆ CLAUSTRALIS doctrinam suscipit, ut SS. Patrum elaboratum, exquisitumque Epitomen, ut doctrinam Ecclesiæ. Verum enim vero cum ad critices Carattinianæ Regulas intendit animum, e vestigio insert, iactatam lectionem univertæ antiquitatis, hunc prodere sensum. *Legi Eusebium, Chrysostomum &c. idest Collegi ex Eusebio, Chrysostomo apud Franciscum Bordonium, apud Joannem Caramuclem, apud Antoninum Dianam, apud Tamburinum, Escobarium, aut quempiam alium laxioris Ethices Casuistam.*

Quid opponis? Quo te recipis? Habes tu mi Polycarme, quid illius nomine reponas? Qua siquidem ratione ille asserit *lego in Bernardo*, intelligendum esse *colligo ex Bernardo apud Baronium Sarnellium, aut quempiam alium*: eadem omnino concedat oportet, ejusmodi Periochan legi Eusebium, Chrysostomum &c. intelligendam esse hoc sensu, *collegi ex Eusebio Chrysostomo apud Bordonium, Caramuclem, Dianam, Leandrum, Tamburinum &c.* Quin potiori jure hæc iactata Patrum, Conciliorumque lectio hunc præfert sensum. Quoniam reapse doctrina vitæ Clausuralis, non secus Patribus, Conciliis, atque Ecclesiæ doctrinæ repugnat, ac luci tenebræ. Contra satis affinis est laxis opinionibus Bordonii, Dianæ, Caramucelis, aliorumque similium. Suo ergo proventu non caret disputatio nostra, quæ eo spectat, ut palam faciat non scli-

XIII.

Sed alia illius commenta in medium veniant, non minus lepida & festiva, quam cetera, quæ indicavi, P. D. Nicolaus Justinianus in sua ad Amicum Epistola modeste indicavit, noluisse Carrattinum ingenue fateri quod res erat, nimirum se scholasticis *Salmanticensibus* & *Gonet* transcripsisse imposturam adscriptam Bernardo Justiniano, ne proletarium, loco eruditi critici, se proderet, atque adeo scripsisse iactabundum. *Cachinnis penè rumpor, dum in Bernardo lego.* Hæc inaudienti eachinnos vertit in iram, atque excandescens, juratis Diis, exclamat. *Quid enim* (inquit pag. ix.) *MEDIUS FIDIUS* ex *PAUCIS* unius *Biographi* pagellis mihi ad arrogantiam vindicasset? & paulo ante. *Quasi vero majorem eruditionem ex Bernardo, quam ex Gonet, aut ex Baronio mihi comparare potuissem?* *Præterii fontem, quem limosum, & cænosum credidi. Malui ex rivulis aquam haurire, quam puriorem & limpidiorem existimari. Nec tardi ingenii est rivulus hoc modo confectari, fontes non videre, sed prudentis, ac perspicacis, quod & Tullius ipse concessit.*

XIV.

Peregregie. Perspicacis scilicet, & prudentis ingenii est, Probatissimo Historico, qui propriæ familiæ gesta ex instituto narrat, contempto, adire P. Gonet Cænobitæ Gallum, & Theologum scholasticum, ut exactior habeatur Venetæ Justinianæ familiæ notitia. Bernardi Historia de S. Laurentio Justiniano *limosus & cænosus fons.*

Ex Theologia scholastica P. Gonet rivulos limpidissimos derivat ad illustranda Familiæ Venetæ gesta. Dic fodes. Si cænosus fons est, qui fieri potest, ut limpidi sint rivuli? Non ne hi a fonte prostutur? Limosus fons est Bernardi Historia. Theologia vero scholastica P. Gonet rivulus limpidissimus? Inficias ne iveris? Heus tu in arte critica es innocens. Ignoras ne P. Gonet Quinque Thomos in Folio Theologiæ Thomisticæ edidisse, Baronium duodecim, Salmanticenses tredecim, & amplius volumina magna publici juris fecisse? *Bernardus tuus Justinianus Pausanias Pagellæ* typis prodidit; dicas. nunc mi metaleptice? Numquid ego ex pauci pagellis Bernardi tui tantum eruditionis mihi comparassem, quantum assequutus sum ex lectione Gonet, Salmanticensium, Sarnelli, & Baronii? *Medius Fidus* succenderet adversus istos novissimos *criticulos*, qui pluri faciunt quempiam parvulum venosum codicem, aut membranæ corrosam, quam ingentia notarum Theologorum volumina. Numquid abstinendum mihi erat a revolvendis his magnis voluminibus, ut in paucis pagellis spectandis, otio, & litteris abuterer? *Quasi vero majorem eruditionem ex paucis unius Biographi PAGELLIS, quam ex GONET mihi comparare potuissem?* Noli ergo amplius aures obtundere meas, istius tui Bernardi Historia. *Pausanias* ego ejusdem *Pagellæ* nec legi, nec æternum legero. Audio. Similia

lis revera mihi videtur novus iste Criticus illi Franciscano, qui opposenti sibi auctoritatem Abrahami Bzovii in causa stigmatum S. Catharinae Senensis reposuit. Adducit præterea *Abraam Bzovium*, quem pudet habere in nostra Bibliotheca, quem nolumus consulo, nec in manus sumere, nec inspicere quidem, nec ipsum consulere quid de Catharina sentiat. Apud Joannem Martinez de Prado tom. 1. Moral. in Append. pag. 653.

XV.

Lepidæ critices Claustralis nostri haftenus velitationes, ut quædam lectoris diverticula præcesserunt. Res ipsa nunc via & ratione dispicienda: In hoc unice controversiæ cardo vertitur, scripserit ne Bernardus Justinianus, Patrem S. Laurentii, qui natus est anno MCCCCLXXXI., mortuusque MCCCCLV. fuisse B. Nicolaum, quinquatus est circiter annum MCLIV. Hic est causæ status: sit ne tam putidi Anachronismi reus *Bernardus*, ut patruo suo S. Laurentio Patrem dederit a duobus jam sæculis e vivis sublatum? Adfirmat *P. Carrattinus*, cum Gonet, Salmanticensibus, Antonio Terillo, Baronio, Sarnellio, & aliis. Nos contra asserimus, Anachronismum hunc apertam esse imposturam per summam injuriam Bernardo impactam. Idque duplici via evincam. Primum conjecturis. Post documentis loculentissimis, quæ rem in meridiana luce locant.

XVI.

Et ut a conjecturis onsa capiam, non nulla de Bernardo Justiniano delibem oportet, quæ causam meam magnopere juvant. Istius acta latine scripsit Antonius Stella Venetus, & Plebanus Ecclesiæ S. Moyfis, eaque edidit Venetiis an. 1553. in 8. Ejusdem præcipua gesta perstrinxit Cl. Vir Apostolus Zeno Caroli VI. Imperatoris Historicus & Poeta in diurno litteratorum Italiz tom. 19. a pag. 367. & seqq. Natus Bernardus est anno MCCCXVIII. Patavii litteris a pueritia operam dedit. Togam Patritiam induit anno ætatis suæ XIX. Non obid intermisi, sed redintegavit litteratum studia, domique Magistrum conduxit eruditissimum Georgium Trapezuntium, quem seum detinuit, donec Calixto III. placuit illum Romam ad se vocari, illumque in curia habere. Bernardus magnæ sibi eloquentiæ, eruditionis, & prudentiæ fama parta, omnes suæ Reipublicæ splendidiore gradus domi, forisque insinuit, decore summo: Anno MCCCCLI. Legatus ad Federicum III. Imperatorem destinatus fuit. Anno MCCCCLIX. ad Ferdinandum Regem Neapolitanum. An. MCCCCLXI. ad Ludovicum XI. Regem Galliarum. Paulo post ad Pium II. Et tandem ad Sixtum IV. Romanos Pontifices. Coram præfatis Principibus omnibus orationes latinas elegantes, eloquentesque oravit, quæ omnes aliis opusculis junctæ editæ reperiuntur sub hoc titulo. *Bernardi Justiniani Oratoris Clarissimi orationes: ejusdem nonnullæ epistolæ. Ejusdem traductio in Hecratis libellum ad Nicolem Regem. Leonardi Justiniani epistolæ*, Præter recensitas legationes, aliisque in sua Patria obientes honoris gradus, tandem anno MCCCCLXXIV., Ædium S. Mar-

S. Marci procurator, quæ est post Ducatum, suprema dignitas, institutus fuit. Diem clausit extremum die 10. Martii an. MCCCCLXXXIX. ætatis suæ LXXXII. Scripsit, ultra laudatas orationes, Asta S. Laurentii Patruī sui, & de origine Urbis Venetiarum, rebusque ejus ad quadringentesimum usque annum Historiam in XV. libros tributam, quæ anno MCCCCXCII. tertio post illius mortem, Venetiis edita est in folio.

XVII.

Heinc colligo. Aliqua ne ratione, aut levi conjectura præsumi potest, Bernardum tanta eruditione ornatum, patruī sui S. Laurentii parentem ignorasse? Mortuus S. Laurentius an. MCCCCLV. quocum conversatus circiter quadraginta annorum spatio Bernardus est. Et illius Parentem, suumque proprium paternum Avum nescivit Bernardus Orator elegantissimus, & historicus probatissimus? Originem Venetiarum orbis, ejusque gesta omnium plausu exacte litteris consignavit, & propriæ suæ familiæ, vel paternum avum ignoravit? Quis sana præditus mente id vel in suspicionem vocabit?

XVIII.

Paradoxum equidem, fateor, (inquit P. Carrattinus pag. 10.) videtur non novisse Bernardum quis Laurentii Pater fuerit, siquæ Parentis genitor. At paradoxum quoque est, Baronium id *Surio*, & *Bernardo* Justiniano temere asingere voluisse, nec in eo a Pagio viro eruditissimo, & censore accuratissimo castigatum, emendatumque fuisse, a quo in eodem loco ob leviora menda per quam multum levissima vapulat *Probabilius semper mihi visum est; errasse Bernardum, quam commentum fuisse Baronium.*

XIX.

Ita ne vero? Baronius duo quasi sæcula post mortem S. Laurentii scripsit. Tomum quippe duodecimum evulgavit an. MDC. Baronius rem hanc nec obiter dispexit, sed apud *Surium*, quod narrat, se legisse obiter, & in margine indicat; & tamen *Probabilius* est, Baronium post duo quasi sæcula scribentem, scivisse S. Laurentii Parentem? Minus autem probabile a Bernardo Nepote S. Laurentii Patrem & proprium Avum agnitum fuisse? Eo sane pacto probabilior est argumentatio isthæc, quo probabilior est omnis doctrina *VITÆ CLAUSTRALIS*. Pagius vir eruditissimus, ac censor severus hoc mendum non castigavit in Baronio, cujus leviora carpit. Quid inde? Ergo post criticen Pagii, nullum, vel levissimum mendum in Annalibus Emin. Baronii? Quapropter existimare potius cogimur, Bernardum Justinianum Oratorem, gravissimumque Historicum ignorasse proprium Avum, quam hunc Avum impervium Baronio extitisse? Ejusmodi est Carrattini Antiprobabilissimus, ut quod suis savet erratis, semper Probabilius sit.

XX. Cor.

XX.

Conjecturas, quas indicavi luculenter confirmant Acta S. Laurentii a Bernardo conscripta. Acta hæc edita sunt separatim. Deinceps inserta fuerunt operibus ejusdem S. Laurentii editis primum Brixiae, post Basileæ in officina Frobeniana anno MDLX. Eadem Acta inferuerunt & Surius suæ collectioni ad diem vii. Januarii, & Bollandistæ tom. i. pag. 551. & Daniel Rosa suo operi inscripto *Summæ Sanctorumque Pontificum* &c. editio Venetiis 1614. in omnibus his editionibus legitur Patrem S. Laurentii fuisse *Bernardum*, matremque *Quirinam*, secus *Nicolaum & Annam*. Legatur textus Bernardi, quem supra num. v. dedimus. Textus ille in omnibus editionibus idem omnino est. Ibi conceptis verbis narratur, B. Nicolaum ex dispensatione Pontificia duxisse uxorem Annam Michaelæm, & ex his originem traxisse Bernardum Patrem S. Laurentii.

XXI.

Itaque conjecturæ omnes evincunt, Bernardum Justinianum non ignorasse proprium Paternum Avum, Patremque S. Laurentii Patruum sui. Acta, quæ scripsit Bernardus id evidenter confirmant, cum in omnibus eorumdem Actorum editionibus legitur Parentes S. Laurentii fuisse *Bernardum & Quirinam*, secus *Nicolaum & Annam*. Ergo ineptum commentum, & putidula fabella est Anachronismus, qui Biographo Bernardo impingitur.

XXII.

Quo se recipit Carrattinus? In Asylum inexsuperabile. Fatetur, quia negare nequit, Acta S. Laurentii a Bernardo conscripta, quæ nunc edita exstant, prodere germanos S. Laurentii Parentes, *Bernardum & Quirinam*. Verum reponit, Acta ejusmodi ab *Amici manu* castigata fuisse, & emendata. In Autographo quippe genuino, & sincero Bernardi legebatur Parentes S. Laurentii fuisse *B. Nicolaum & Annam*. Verum, ut a tanti Anachronismi labe *Bernardum* purgaret *Surius*, forte in manibus habuit rude Bernardi Autographum: illud emendavit, typisque castigatum evulgavit.

XXIII.

Hæc sunt P. Carrattini verba pag. x. „Haud levis quippe suspicio mihi est, Bernardi MSS. ab amici manu expurgatum fuisse. Hieronymus Caballus Congregationis Canonicorum S. Georgii in Alga Rector, qui primus operum S. Laurentii una cum ejus vita editionem anno 1506. adornavit, aperte fatetur in calce tom. 3., se non modo effecisse, ut essent pulchris litterarum characteribus impressa, verum etiam diligentissime castigata. Castigo castigas, inquit cum F. Ambrosio Facciolatus, riprendere, interdum est corrigere, emendare. Neque satis est.

„ est, si dicatur castigata fuisse, ne typographica adessent menda. Re-
 „ sponsio hæc arbitraria est temere prolata.

XXIV.

Si temere prolata responsio foret, cur sponte eam in medium attulit? Prudentis, acutique hominis est, ea prævenire responsa, quæ obvia sunt, atque rationabilia, secus estugia temere conficta. Ubinam indicavit Caballus, se MSS. emendasse? Quid, quod de operibus, secus de vita S. Laurentii Caballus loquitur?

XXV.

Quid ad hæc P. Carrattinus. Quid? Uno talitro, se in fumum amandare reponit argumentationem ejusmodi. Quoniam, inquit, si Hieronymus non correxisset MSS. Bernardi, illa castigavit Laurentius Surius, idque evincit utrumque pag. x. his verbis „ Porro Surius in Præfat. ad Pium V. testatur, quam plures e vicis Sanctorum a se collectas elimasse. Quis neget fuisse inter eas vitam S. Laurentii Justiniani a Bernardo Nepote conscriptam. “ Quæro te nunc mi Polycarme, ut animo ad sis si bellissima somnia audire aues. Ecqua via Bernardi Autographum Surius habuit? Unde id conjectaris? Illud ne Coloniam, ubi debebat Surius, Familia Justiniana transmisit corrigendum? Ad Surium quoque misisse dicendum erit vera Nomina Parentum D. Laurentii: tum neminem Venetiis repertum fuisse, qui tantum mendum corrigeret. Vera tamen sint hæc omnia monstra. Surius rude Autographum Bernardi castigavit, Anachronismum emendavit, veris restituit S. Laurentio Parentibus? At Monachatum a B. Nicolao Pontificia dispensatione dimissum, ut scribit Bernardus, non emendavit. Ergo Surius confirmat historiam Monachatus B. Nicolai. Hæc omnia simul accepta, quam sit commentitia correctio Autographi Bernardi facta a Surio, plenissime demonstrant. Accedit, quod Eminentissimus Annalium Ecclesiasticorum parens laudat vitam a Surio editam. Et P. Carrattinus cit. pag. x. respondet. *Baronium fortasse inter Surii MSS. rude Bernardi Autographum vidisse.* At unde colligis, aut Baronium Coloniam concessisse, aut MSS. Surii Romam transmissa fuisse, & inter hæc Autographum rude Bernardi Justiniani? Quid hominis adeo acuti, & perspicacis est, qui tam felici penetratione inauditas hæcenus criticæ Regulas excogitaverit? Derides ne, mi Polycarme, laudata P. Carrattini arguta interpretamenta?

XXVI.

Tu (clamat ille pag. x.) qui argumentum istud & Gordium nodum sardice derides, profer vitam D. Laurentii a Bernardo conscriptam, sed a nemine correctam, atque emendatam. Vitam damus S. Laurentii a Bernardo scriptam juxta editiones Caballi, Surii, Bollandistarum, Danielis, Rosæ, omnesque alias, quæ paucæ non sunt, absque ulla variante lectione. Satis hæc? Minime. Plus ergo poscit? Quidnam? Autographum

phum ipsum Bernardi, & quidem rude, & non ab amica manu castigatum.

XXVII.

Verba Carrattini singulari diligentia sunt exscribenda ex pag. x. Ut igitur a suspitione Anachronismi absolvatur Bernardus, ejus autographum adhuc rude, nec castigatum, nec elimatum proferat intempestivus Scriptor. Conditiones observatu difficillimas præfinit, ut præana, & triumphos sibi canat securius. Hic pedem figit, & veluti inexpugnabili constitutus in arce, Adversarium sibilis, & cachinnis deridet, irritat, contemnit. Atque onus conditionum aggravat, ut impossibilem reddat executionem. Autographum suis visendum oculis, suisque contrectandum manibus postulat. Et nisi hæc omnia adamussim præstentur, minatur, se nunquam imposterum cachinnis, & sibilis absistenturum fore. Recitemus illius verba: *Irrascatur quantum velis, cachinnis non abstinebo, nisi primævum, & genuinum Bernardi Autographum RUDE & non ab amica manu castigatum hisce meis oculis intuear, hisce meis manibus contrectem* pag. xii.

XXVIII.

Post hæc triumphans, & ovans, quoniam ratus præscriptas has conditiones, haud esse implendas, hoc epiphonemate suum vellicat adversarium cit. pag. x.

Hoc mihi si præstas, Zoile, magnus es.

Audisti unquam, mi Polycarme, hominem tam sapienter philosophantem, tam argute in arte critica conjectantem, dicerem quasi tam dulciter insanientem? Quæstiones criticæ, alia nunc via dirimi nequeunt, nisi autographa, & quidem rudia a pluribus elapsis sæculis scripta ostendantur? Immo nisi manibus contrectanda exhibita fuerint? Quid si autographum exstaret, sed aliquo in archivo severe custoditum? Quid si domini ejusdem illud alienis fidere manibus nollent? Causa cecidisti. An non sunt in hac arte periti Judices? Sunt dubio procul. Sed abis ut ad hos appelles. Theologorum, & Canonistarum judicium imploravit eruditus P. D. Nicolaus Justinianus in sua ad *amicum epistola*, super indissolubilitate votorum. Prudens istud consilium hoc sibi perficit Carrattinus ultimo scholio ultimæque pagina. *Quod doctissimos Theologos appellet judices prudentis hominis est. AEsopi vulpes unam ex altiore vite pendentem suspiciens prudenter dixit: acerba est! Percepisti ne hominis suavitatem? Tam illiberaliter mordet celeberrimi S. Benedicti ordinis alumnus, eruditum sacrorum Canonum lectorem? Verum a similibus morderi, laudari est; ideo, missis dictis, argumentationem instauramus.*

XXIX.

Tempus jam est, mi Polycarme, ut animum tuum hæcenus suspensione defixum liberem. Et quæ sit P. Carrattini in re critica, & dialectica peritia, patefaciam. Paucis poteram omnia hominis istius commen-

menta ad aniles fabulas amandare. Sed placuit singula singillatim expendere, ne quid indictum remaneret. In præsens luculentissimi & decretoriiis documentis rem totam dirimam. Conditiones omnes ab adversariis præscriptas, adamussim implebo, ejusque fallam expectationem sole meridiano clarius. Sed antequam id præsto, lubet nonnulla præmittere, quæ adversarium impostero efficiant inscribendo cautiorem, si tamen . . .

XXX.

Errores, qui in factorum narratione, calamo decidunt, sæpe venia digni sunt. Fallit enim nos sæpe vel memoria, vel oscitantia, nullusque Homerus est, qui aliquando non dormitet; qui nunquam in hoc potissimum genere errare sibi blandiuntur, isti dormiunt vigilantes. Scholia quibus P. Carrattinus Epistolam P. D. Nicolai Justiniani intempestive sugillavit, ea continent menda, quæ nullo furo, nulla tergiversatione excusari valent. Veniam illi damus, quod in sua Vita Claustrali scripserit *cachinnis rumpor dum hæc in Bernardo Justiniano lego*; quamvis non in Bernardo, sed in Gonet, Salmanticensibus, Terillo, Sarnellio, aliisque legerit. Sunt hæc non adeo raræ ostentationis indulgentia dignæ in homine, qui critices peritus audire gessit, prurique. At pingua scholiorum menda severiorem evadere ferulam nequeunt. Cum enim Carrattinus ab erudito P. Justiniano in sua ad Amicum epistola, se fabulæ exscriptorem traductum sensit, non ne tum saltem prima critices principia consulere debuisset? Quænam hæc? Primum omnium investigandum illi erat, exisset ne Bernardi autographum rude, & non ab amica manu castigatum. Tum annus, quo primum typis edita vita fuit S. Laurentii a Bernardo Nepote conscripta. Post quo tempore Surius Acta Sanctorum, & Baronius tomum 12. ediderunt. Quid enim si edita hæc vita typis fuisset, antequam Surius, Baronius, Sarnellius, Gonet nascerentur in Mundum? Quid si edita esset Bernardo ipso vivente, qualis nunc est in Surio, & in omnibus editionibus? Quid si hæc omnia præstabimus? Clamabit ne Carrattinus?

Quid tanto dignum ferat hic promissor biatu.

Hoc mihi si præstas, Zoile, magnus es.

XXXI.

Attentas ergo aures arrigat, animumque intendat. Natus Laurentius Surius est an. MDXXII. Acta Sanctorum edere cepit an. MDLXIX. extremum obiit diem an. MDLXXVIII. Eminentissimus Cardinalis Baronius natus est an. MDXXXVIII. tom. 12. edidit an. MDCVII. octo post mentibus obiit. Gonet, Salmanticenses, Sarnellius posteriores sunt.

XXXII.

Bernardus Justinianus Leonardi Filius, Nepos S. Laurentii Justiniani natus est an. MCCCXVIII. obiit an. MCCCCLXXXIX. Vitam S. Laurentii Patris sui typis edidit MCCCCLXXV. quatuordecim, antequam

tequam e vivis decederet, annos. Antequam vero nasceretur Surius septem supra quadraginta, & antequam ederet acta Sanctorum quatuor supra nonaginta. Luculentissima hæc sunt, dummodo documentis confirmentur. Quod annos vitæ & mortis spectat, nullum dissidium. De editione vitæ S. Laurentii a Bernardo conscriptæ, negotium est. Porro anno MCCCCLXXV. editam esse vitam S. Laurentii, testantur Bollandistæ tom. 1. ad diem VII. Januarii in commentariis ad vitam S. Laurentii & IV. n. 9. his verbis. *Vita hæc Laurentii, cum Sixtus IV. anno MCDLXXIV. jussisset fieri processum ejus Canonizationis excusa est Venetiis VI. idus Martii an. MCDLXXV. & paulo post . . . Autore Nicolao . . . Camaldulensi, quas editiones non vidimus.* Hoc ipsum confirmat Cl. Apostolus Zeno de Republica litteraria optime meritus, & rei potissimum Philologicæ & antiquitatis, tum sacræ, tum prophane callentissimus, & quod plus est, morum suavitate, atque modestia nemini secundus, in suo litteratorum Italici Diurno tom. XIX. pag. 373. hæc scribit. *La prima edizione di questa vita fu nel 1475. in 4.*

XXXIII.

Quid hæc obtruduntur, clamat Carrattinus? Ut vana reiicio commenta. Rideo testimonia Bollandistarum, Apostoli Zeno, aliorumque omnium. Autographum, autographum ipsum visendum oculis, & manibus tractandum volo, alioquin cachinnis non abstinebo. Autographum dabimus, non calamo, sed typis, Authore ipso vivente, impressum, citato anno MCDLXXV. & ad annum MCDLXXXIX. recognitum, approbatumque. Venetias ergo pergat. Adeat celebrem Bibliothecam laudati Cl. viri Apostoli Zeno. Is consueta sua humanitate exemplar membranaceum elegantissimis typis editum visendum oculis, & tractandum manibus ad satietatem porriget. Tomus in 4. parvo est, constat chartis 40. vita in capita XII. digesta est. Collata cum cæteris editionibus ad unguem respondet. Sub finem voluminis hæc legit.

Finis.

Clarissimi Oratoris Bernardi Justiniani opusculum de vita B. Laurentii Patriarchæ Venetiarum impressum Venetiis, labore, & industria Jacobi de Rubis Gallici, Duce inclito Petro Mocenigo Sexto idus Majas MCCCCLXXV.

XXXIV.

Actum cum P. Carrattino certamen est, labefactata scholia, caussa finita. Ad postremum itaque, quod promisit tractandum, punctum, accedo, ne disputatio nostra tota recidat in contentionis arista. Eo quippe unice pertinent similes disputationes, ut ab isto, non ab illo stare victoriam evincant, ut hunc depriment, illum extollant, & frequentissime in verborum aucupio, & rixosa interpretatione sistant. Ut hunc devitem scopulum, vindicato Bernardo Justiniano, a putidissimo Anachronismo, quem eidem plures Scriptores nullo prorsus fulti momento adjudicarunt, Monachatum B. Nicolai itidem Justiniani a præfato Bernardo assertum, authenticis confirmare documentis opportunum duxi. Sic enim epistola hæc nostra id habebit emolumenti, quod

hæc-

historiæ punctum, a quo non leviter pendet gravis Theologica controversia, hastenus fabularum loco habitum, pleno in lumine collocabit.

XXXV.

Natus Nicolaus Justinianus fertur anno MCLIV. Patrem habuit Victorem Angeli Justiniani Filium. Monachum fuisse B. Nicolaum testantur Scriptores omnes tum Synchroni, tum sequiorum temporum, qui illius meminerunt. Extat liber MSS. in fol. in Bibliotheca Viri Clarissimi Petri Gradonici apud S. Justinæ Patricii Veneri, Patriæ suæ rerum callentissimi, qui plusquam centum Antiquitatum Venetarum volumina improbo studio, & diligentia incredibili collegit. In præfatio Libro MSS. hæc reperiuntur. *An. 1170. S. r. Barbon Morefin, e Sr. Tomà Falier Ambasciadori ad Alessandro III. Papa per ottenere licenza d' uscir dalla Religione, e di potersi maritar nella figlia del Doge Michiel D. Nicolo Justinian Frate in S. Nicolò del Lido, essendo egli solo superstite della Famiglia Justiniana. Quæ sic latine verto. „Barbo Maurocenus & Thomas Fallerius Legati ad Alexandrum III., ut facultatem impetrarent, qua D. Nicolaus Monachus apud S. Nicolaum de littore egredi & Religionem, & matrimonium contrahere valeat cum filia Ducis Michaelis, cum sit. unicus Familiæ Justinianæ superstes. „*

XXXVI.

In Chronica Bartholomæi Veronenfis Ordinis S. Benedicti, & Abbatibus S. Nicolai de littore, quæ nunc exstat in Tomo XXI. rerum italicarum &c. hæc habentur. „An. 1197. Tum deinde Dux, omnisque Venetorum Senatus intuentes neminem ex tam illustri Justinianorum stirpe supersistere gravissime doluerunt, tam inclytum, & imperiale genus, funditus deperisse, ob varios, qui perinde casus possent emergere, feceruntque per totam Venetiarum Urbem, necnon adjacentia loca perquiri, si quis ejusdem generis residuus forte superseslet, & volente Deo, repertus est quidam e Justiniana Domo progenitus primæ væ ætatis Adolescens annorum sexdecim, nomine Nicolaus, qui *illis ferme diebus* in Monasterio Sancti Nicolai in Venetiarum portu constituto, *Monasticam professus Regulam Divino se cultui manciparat.* „Qua de re immediate Dominum suis litteris Summum Pontificem eminus exoravit, quatenus Apostolica auctoritate cum præfato Adolescente dispensare dignaretur, ne tam imperialis Propago penitus extinguatur, *ut non obstante professionis vinculo*, quo se præfatus de vinxerat Adolescens, ad propagandam sui generis sobolem, digno se posset matrimonio copulare. Quod benignissimus Papa Apostolica benedictione concessit, injunxitque in virtute sanctæ obedientiæ juveni prælibato, ut Apostolica benedictione munitus, connubii se copulæ dedicaret. Pontifici igitur obsequutus imperio, filiæ prænominati Principis Domini Vitalis Michaelis Ducis Venetiarum, cum ingenti lætitia totius Senatus stabili conjugio junctus est, ex cujus matrimonii copula tres Regiones, seu contractas Urbis Venetiarum, hæreditario jure possedit. . . . In quo quidem Matrimonio fauste, 22.

„ diu perduravit; ex quo sex Filios, & tres Natas habere promeruit.
 „ Ubi vero vidit tanta se prole donatum, gratias Omnipotenti Deo,
 „ una cum conjuge sua Anna nomine in commune retulerunt ... Col-
 „ locataque omni prole sua, omnibusque ordinate dispositis parivoto,
 „ ac consona voluntate præfati Nicolaus, & Uxor residuum vite suæ
 „ decreverunt in Omnipotentis Dei servitio consummare. Sicque factum
 „ est, ut Monasterio S. Nicolai, ubi olim se Nicolaus Adolescentulus
 „ dedicarat, se denuo collocaret. . . . Quem redeuntem, humillime-
 „ que proclamantem, se non fore dignum Servorum Dei consortio co-
 „ pulari, *castitate violata, quam solemnī professione deinceps*, Abbas,
 „ concorsque Congregatio universa obviantes illi revertenti, pari voto
 „ clementissime susceperunt in pacis osculo sancto, sermone blando de-
 „ mulcentes, & cum spiritu lenitatis instituentes eum„. Bartholomæus
 „ Veronensis suum confecit Chronicon ex antiquioribus sui Monasterii
 „ Chronicis, in quibus sub an. 1197. vivente adhuc B. Nicolao factum
 „ omnibus circumstantiis indutum perspicue narratur.

XXXVII.

Chronicon Andreæ Danduli insertum tom. xii. rerum italicarum ad
 marginem Codicis Ambrosiani cap. 15. part. 22. hæc habet. „ Prodi-
 „ tum est memoriæ cunctam gentem Nobilem apud Venetos Justinia-
 „ nam in hac expeditione interiisse, uno tantum Monacho ex ea gen-
 „ te superstitē. Itaque Principem Michaelē dolore cladis tantæ gen-
 „ tis, & interitu penitotum suppliciter a Pontifice petiisse, ut liceret
 „ illi Monacho, cōnobio relicto, uxorem ducere, indeque tam nobi-
 „ lem Gentem propagare: cumque a Pontifice impetrasset, illi Filiam
 „ suam Uxorem tradidisse, indeque omnes, qui nunc sunt Justiniani,
 „ fuisse progenitos „.

XXXVIII.

Sabellicus rerum Venetarum Historicus non ignobilis Monachatum
 B. Nicolai conceptis verbis narrat. Falleris, opponit Carrattinus p. vi.
 Duo sunt, inquit, in hac historia, quæ Sabellico non probantur, odium ni-
 „ mium Civium in ducem ob desideratos Justinianos, & superstitis ex hac no-
 „ bilissima familia Nicolai Monachatus. Odium flet, & Nicolaum sacris solum-
 „ modo initiatum fuisse scribit. Utri magis credendum sit, an Sabellico inter
 „ probatos Scriptores diligenti, puro & docto historico, aut Justiniani Biogra-
 „ pho limatissimo, viris nasutis atque eruditissimis definendum relinquo. Quod
 „ comparationem spectat Sabellici cum Justiniano, non modo nasutus &
 „ eruditus, sed vel & ipsis Tyrunculis Justinianum in hac causa præsta-
 „ re Sabellico, notum est. E re mea haud est in præsens patet facere,
 „ quam sit, in historia, exigua Sabellici autoritas. Norunt hoc omnes
 „ rerum Venetarum non ignari. Cæterum, quia Adversarius noster ad
 „ Sabellicum causam appellat, Sabellicum adcamus.

XXXIX.

Sabellicus Decad. 1. lib. 7. ad anno 1171. hæc de Nicolai Justiniani
 Monachatu scribit „ Recordati itaque, ex ea gente adhuc unum fu-
 „ „ perstitem (Nicolao ei nomen fuisse accepimus) qui sacris initiatus ad
 „ „ Geor-

„Georgii Fannum, quod est contra Forum (ut alii vero tradunt in Littore ad Nicolai ædem) sacris operabatur: publico nomine ad Pontificem mittunt, ut ad eam sobolem reparandam liceret juveni Religionione soluto ex cœlibatu ad conjugium transire „ Quid ad hæc Carrartine? Silet ne Sabellicus Monachatum B. Nicolai? Clarius ne exprimere Monachatum poterat ille ipse historicus, quem pro te laudas? Sed ita ratiocinari homo Criticus debebat, ut ubique sibi constaret.

XL.

Joannes Baptista Egnatius lib. 4. cap. 3. hæc de Monachatu B. Nicolai habet. „Dux ipse tandem id occurrit supereffe unum Nicolaum „qui *Benedicti Religionem jam aliquot annos Professus esset*. Sed & sibi „unicam supereffe Domi filiam, quam despondere illi cuperet, si per „Alexandri Pontif. Max. gratiam illi daretur; cui petitioni Pontifex „assensus est, restituendæ tantæ prolis honestissima causa; quare cum „ex eo felici conjugio mares liberi & foeminae aliquot editæ essent „(dictu mirum) & Nicolaus ipse & uxor ejus Felicia de ineunda Religionione iterum cogitare cœperunt. Sic igitur ad D. Nicolai in Littore maritus rediit &c.

XLI.

Possẽ in hujus facti confirmationem laudare Sanfovinum lib. XIII. Bucellinum in Menologio Benedictino. Olmum in historia de Alexandri III. adventu. Danielelem Rosa in vita S. Laurentii; Casimirum Frescot in Venetæ Nobilitatis Elogiis; Novarinum tom. 2. Admirand. Orb. Chrisi, aliosque omnes, qui hocce de argumento scripsere.

XLII.

Paucis nunc omnia comprehendo. Omnes ad unum historici, qui B. Nicolai Justiniani meminerunt, Monachum eum fuisse testantur. Nec est, quod opponas, Monachum quidem illum fuisse, at non Professum, ut colligitur ex quodam Chronico Monasterii S. Georgii Venetiarum. Quoniam Præfati historici, quos recensui, summæ autoritatis, professum fuisse illum conceptis verbis affirmant. Ut quid ad Pontificem Legatos misissent, si Professionem Monasticæ S. Benedicti Regulæ non edidisset? Adeo ne celebris penes historicos ejusmodi Monachatus esset, Professione sublata? Cujus ponderis est auctoritas Chronici, quod opponitur, quodque lustrare mihi haud licuit, si cum unanimi consensu historicorum, qui, & tempore, & sapientia Authorem chronici præcedunt, conferatur? Itaque, si ad critices Regulæ dirimenda controversia sit, non video, qui negari hoc factum tot luculentissimis munitum documentis queat. Falsa ne propterea dicenda est S. Thomæ sententia? Minime gentium. Probabiliorẽ Canonistarum opinionem reputavit Alexander III. Quod si hæc non ardeant, Monumenta promenda sunt, quibus evincatur, historicos omnes, qui Monachum Professum B. Nicolaum Justinianum testantur, fabulam nobis venditasse.

F I N I S.